



Dr. J. J. Hall
Gera 1871



V
L
Y



285

IOACHIMI PERIONII BENE- DICTINI CORMOERIAE

ni de Sanctorum virorum, qui Patriar-
chæ ab Ecclesia appellantur,
rebus gestis ac vi-
tis, Liber.



COLONIAE
Apud hæredes Arnoldi Birckmanni.

Anno 1555.

Leibniz 7
Bibliothecæ Domus Romanæ Pauperum
Matris Dei Scholarum Piarum.

36 13A12 01

D. ROBER TO LENONCVRIO

CARDINALI, MEDIOMATRI

cum Pōtifici, cœnobiq; B. Pauli apud Cor-

mœriacum præfecto, Ioachimus

Perionius Benedictinus

Cormœriacenus.

S P D.



I plerique religionis nostræ homines, Roberte Cardinalis amplissime, tantum studij & operæ, quantum necesse est, aut eorum officij ratio postulat, in diuinarum literarum lectione cum animi oblectatione & uoluptate ponerent: non esset, quòd ab historicis, alijsq; à religione nostra abhorrentibus scriptoribus, prudentiæ, fortitudinis, iustitiæ, temperantiæ, cæterarumq; uirtutum exempla petenda arbitrentur. Nam cum uitæ ex uirtutē degendæ instituta ac ratio in duobus posita sit, in præceptis, quibus parendum est, & exemplis eorum qui illis paruerunt, quibus quasi ducibus facilius ad præcepta dirigimur: nec bene beateq; uiuendi præcepta melius ab illis dan-

tur, nec uirtutes hominum præcepta facientiũ tam illustres produntur, nec tam admirabiles. De præceptis quidem si agamus, nullam prorsus controuersiam esse aut fore uideo: nisi fortè ea à natura, quasi fonte orta & ducta, in illorum scriptis tradi ac elucere dicant. Itaq; studij factiq; sui patrocinium in exemplorum, quæ ad omnes uirtutes transferri accommodariq; possint, multitudine constitutum esse clamabunt: Lucretiamq; ac Scipionem puditiæ: Codrum, & Decios, charitatis patriæ: fortitudinis bellicæ, Scipiones, Maximos, Paulos, aliosq; innumera- biles: cæterarumq; uirtutum omnium permultos homines in omnibus nationibus clarissima exempla proferent. Sed si illis omnibus ij soli, qui in uno imperio, id est, in Iudæa, illustria posteris uirtutum omnium exempla reliquerunt, opponantur: nec genere, nec magnitudine, nec multitudine, nec studio, nec denique re ulla cum eis comparandi uidebuntur. Nam ut primùm de bellica fortitudine, quoniam in hac uirtute arcem suam constituere uidentur, dicam: qui tandè Scipiones, qui Pauli, qui Maximi, tam magnum hostium numerum armis, uimilitariq; arte uicerunt, quàm multos Aegyptios Moses uirga cum maris aquas in duas partes ad Hebræorum transitũ diuisas iterũ collegisset, submersit: aut

sit? aut tam facile acerrimos hostes maximis copijs
 superarunt, quàm idem Amalecitanos uicit sola ma-
 nuum in cœlū porrectione? aut tot, tamq; immanes
 & barbaros populos subegerunt unquam, quot ille
 ipse quadraginta annis, quibus Hebræis præfuit?
 Quod si de obsidione expugnationeq; urbium dicen-
 dum est, quis illorum tam facile oppidum munitissi-
 mum cepit, quàm Iosue Hierichonem? aut urbē ali-
 quam tanta militaris disciplinæ arte expugnauit,
 quanta idem Haiam cepit? At ex ter geminis eos
 opponent, qui tres aduersarios singulari certamine
 uicerunt. An clariorē illi de alijs tribus triumphum
 egerunt, quàm Dauid de Goliath, qui non armis, nō
 gladio, nō robore corporis, sed funda, inusitata mag-
 nitudine hominē uicit, gladioq; cum suo interemit?
 Mitto Gedeonis uictoriā, Samsonis fortitudinē præ-
 termitto, Ezechiae uim precantis, nō dico: Iudæ Ma-
 chabæi de Antiochi Asiæ regis potentissimi exerci-
 tu triumphos prætereo. Nec uiri tantum bellica uir-
 tute apud Iudæos excelluerunt, sed etiam foeminae.
 Iactent licet illi Cœliam suam. sed quid ad Iudith,
 quæ factō suo audaciæ pleno, suos metu liberauit?
 An Scauolam suum cum foemina audebunt compa-
 rare? At ille Porſenam non interfecit, hæc Oloferni
 caput præcidit. Lucretiam suam fortasse nostris an-

teponent, quæ cum ui cōstuprata esset, mortem sibi ipsa consciuit. At quanto fortior & castior Susanna fuit, quæ eodem proposito dedecore mori maluit, quàm scelere admissio hominum uitare sermonem? An Scipionem in eodem genere uirtutis opponent? At Ioseph qui pauper erat inter Aegyptios, nec unquam uxore duxerat, & à domina locuplete ad stuprum sæpe impulsus, nunquam adduci potuit, maluitq; in carcerem cōijci, quàm Dei uoluntatē offendere, magis laudandus est. Quid uerò dicam de Moysi in populum suum charitate, qui deleri de libro uitæ maluit, quàm illum à Deo interfici, cum interrim se ad multo maiores honores post eius interitū efferendum esse sciret? aut de Dauide, qui cū populum suum ab angelo deleri cerneret, se peccasse dixit, non populum? Si eis Codrum illi, aut Decios anteponant, quis ferat? Hæc atq; alia eiusdem generis ferè innumerabilia cum ipse cōsyderarem, illosq; in magno errore uersari putarem: horum clarissimorum sanctissimorumq; hominum dicta atq; facta, quæ in Veteris Testamenti libris sparsa sunt, scribendis eorum uitis in libellum unum colligenda censi, quò facilius eos omnes imitari possent: siue ij qui in Reipublicæ luce uersantur, siue ij qui alijs præsunt, siue ij qui priuatum uitæ genus sequuntur.

Nam

DEDICATORIA.

Nam & in Mose, Iosue, Dauide, Iosaphat, Ezechia,
ij qui alijs imperant: & in Abraham, Isaac, Iacob,
Tobia, ij qui priuati rem familiarem curant: & in
Ioseph, Anania, Azaria, Misaële, ij qui Rempub. ge-
runt, quos se prestare debeant, quasi in speculo in-
tueri ac perspicere possunt. Eū autem in tuo potissi-
mum nomine edidi, non solum quòd eo mihi uisus es
dignissimus propter eam personam, quam in Chri-
sti Ecclesia grauissimam geris, sed etiam quòd Cor-
mæriaceno cœnobio, cuius sum, præses, ut tibi hac et-
iam ex parte, meam in te fidem, perpetuamq; ob-
seruantiam ostenderem. Qui si scrius, quàm aut
sperabas, aut officij mei ratio postulare uidetur, di-
uulgatur, à te peto, ut non obliuione officij, sed li-
brariorum culpa id euenisse existimes. Vale,

amplissime Cardinalis. Lutetiæ Paris-
siorum. VI. Calend. Martias,

MDLIII. ra

tionem Gal-

lica.

A

4

Catalos

Catalogus Patriarcharum, quorum
Vitæ hoc in libro continentur.

Adam	pagina 1.
Abel	pagina 10.
Noë	pagina 12.
Abraham	pagina 17.
Loth	pagina 34.
Melchisedec	pagina 39.
Isaac	pagina 41.
Iacob	pagina 46.
Iuda	pagina 73.
Ioseph	pagina 78.
Moses	pagina 105.
Aaron	pag. 142.
Iofue	pagina 155.
Iuda Iudex	pagina 170.
Othoniel Iudex	pagina 171.
Aod Iudex	pagina 172.
Barac Iudex	pagina 173.
Gedeon	pagina 175.
Iephthe	pagina 183.
Samson	pagina 186.
Booz	pagina 196.
Dauid Rex	pagina 203.
Iofaphat rex	pagina 242.
Ezechias rex	pagina 255.

Manaf-

Manasses rex pagina 266.

Iosias rex pagina 272.

Tobias pagina 274.

Zorobabel iudex pag. 292.

Ananias, Azarias & Misael pagina 298

Mathathias sacerdos pagina 303.

Iudas Machabæus pagina 306.

Onias pontifex pagina 317.

Eteazarus scriba pagina 321.

Septem fratres Machabæi pag. 324.

A 5

ADAE

ADAE PRIMI HOMINVM PARENTIS VITA,

Ioachimo Perionio Benedicti

no Cormœriaceno

auctore.



Eus qui ab omni æternitate beatus, ac seipso contentus fuerat, cum bonitatem suam immensam ad alia peruenire ac cum alijs communicare iam inde instituisset: tandem aliquando cœlum atq; terram, eaque omnia quæ illa complexu suo continent, condidit. Atq; vt rerum cæterarum quas propagari videmus, principia & quasi primordia effecit, ita virum vnũ ex quo cæteri nascerentur, cæteris iam rebus procreatis omnibus, eo die, quem sextum ex septem numeramus, molitus est. Adam cum sermone Hebraico, id est hominem appellauit, quod ex eo reliqui habituri essent originem. Eum autem alia ratione finxit, atque res cæteras. Nam & ex puluere corpus eius finxit, quod ei est cum terrenis rebus omnibus commune, & (id quod cum cœlestibus mentibus, quos Angelos vocamus, commune habet) mente eum ac ratione

tionē ornauit. Itaq; cū eum ex animo & corpore constare vellet: corpore ad bestiarum naturam, animo ad diuinam voluit accedere, ita vt ex ea parte, illum ad imaginē simulacrumq; suum finxerit. Naturæ ei adiumentum, scientiæq; vim tribuit tantam, quanta in eo inesse debuit, qui bestiis omnibus, cū eas Deus ad illum adduxisset, ea nomina imposuerit ex sua cuiq; natura, quæ in eis valere cernimus. Sed cū solū eum esse nollet, paremq; ei adiungendum censeret, cū ad cætera obeunda munia, tum ad solatium procreationemq; liberorum, somno oppresso costam detraxit, adiecta carne pro illa, ex eaq; mulierem finxit: quam expergefactus, vt ita dicam, viraginem appellauit, quod ab ipso, qui vir esset, originem duxisset. Eodē die, quo Adam ipse effectus est, ficta fuit mulier, præsertim cū Deus postridie quieuerit atq; opus agere destiterit. Cū ita vterq; procreatus fictusq; esset, eis Deus benedixit, terramq;, ac pisces, & aues, bestiasq; omnes eorum imperio subiecit: ita dū taxat, vt ab illis se abstinerent. Itaq; herbis eos tantum & lignis, quæ in se generis sui semē cōtinerent, voluit viuere. Nec vero

his tot

his tot tantisq; suis in eos beneficijs contentus fuit Deus : sed eos etiam in loco & horto amœnitatis plenissimo, quẽ ab initio quasi conseruat, collocauit. In eo cum omnia arborum lignorumq; genera, quæ & pulchritudine sua oculos, & suauitate gustatum mouerent, & præterea in eo medio arborem vitalem, arboremq; scientiæ boni ac mali protulisset, custodesque illos & cultores tam amœni loci constituisset: eis præcepit, vt ex omni arbore quæ ad victum pertineret, decerperent, tantum ne lignum scientiæ boni ac mali attingerent: quòd futurum esset, vt quocũq; die ex eo vescerentur, moreretur ipsi. Erant autem planè nudi, nec pudore vllò afficiebatur, Non fuit illa perpetua, aut diuturna eorum felicitas, siue beata vita. Malus enim genius, quem Diabolum ex eo facto appellamus, inuidiæ facibus inflammatus, serpentem ad eos fallēdos adhibuit. Ea cum ad Euam, (id enim mulieri nomen erat) accessisset, rogare cœpit, cur Deus vetuisset, ne ipsa atque eius vir omnem arborem attingerent. Cùm illa respondisset, sibi atq; viro licitum esse ijs arboribus omnibus quæ in paradiso esset, victitare, præter lignum

num quod in eo medio esset, quod pœna
mortis & capitis Deus excepisset: tū addi-
dit serpens, nullum in eo esse mortis peri-
culum, quinetiam probè Deum scire, qua-
cunq; hora fructum eius ederent, fore,
vt eorum oculi aperirentur; Dijsq; essent
miles. Mulier quæ pomū & gratū suaueq;
gustatui cerneret, & aspectui iucundū esse
intelligeret, ex arbore decerpfit, editq; ip-
sa, & viro edendū quasi propinauit. Quod
cū fecisset, vtriusq; apertis oculis, cū
nudos se esse cognouissent, contextis fici
folijs, subligacula ad tegendam naturam
accommodauerunt. Cūq; hora pomeri-
diana in horto ambulantis dei vocem ex-
audissent, cōspectum eius fugientes se oc-
cultauerunt. Cūq; Adam nomine appel-
lans, vbi esset rogaret, ille vocem quidem
eius se exaudisse respondit, sed timore ac
pudore perterritum, quod nudus esset, se
abdidisse. Cūq; rursus rogaret, quis nā ipsi
indicasset suam nuditatē, nisi quod fructū
quē vetuisset, edisset: mulieris impulsu se
edisse responderat. Cū de muliere que-
rere cœpit, cur hoc fecisset: mulier cū ser-
pentis dolo & fraude inductam se edisse di-
xisset, supplicij causa in serpentem primū
hanc

hanc tulit pronunciauitq; sententiam, Mi-
ferrimū eū animātium omniū, qui hoc fe-
cisset, fore dixit, pectore ingressurū, terrā-
que ei pro pabulo atq; pastu per omne vi-
tæ tēpus futurā: se inimicitiarū & odiorum
causas inter illum atq; mulierē, & vtriusq;
semē, saturū eiusmodi, vt & illa caput eius
cōminueret, & ipse illius calcaneū insidijs
appeteret. Deinde mulieri dixit, se mole-
stias ærūnasq;, & cōceptus aucturū esse, fo-
re; vt cū dolore & difficultate pareret, &
viro subesset, qui eā dominatu suo coërce-
ret. Postremo Adam hac sententia cōdem-
nauit. Quia, inquit, vxori tuę paruisti, fru-
ctumq; edisti, à quo vt abstineres, præcepe-
ram: terrā opere tuo miserā malumq; con-
sequetur. Labore confectus, ea quæ ex se
proferet, toto vitæ tuæ tēpore edes: spinas
& dumos tibi edet, herbisq; terræ viues:
Sudore corporis tui, panē vescere, dum in
terrā ex qua fictus es recidas, quod puluis
es, & in puluerē occides. His Deus senten-
tijs cū vtrūq; merito cōdemnasset: tū-
cis pelliceis amictos irrisit primū, quòd
ita se Deo fore similes, boniq; & mali sciē-
tiam adepturos serpenti confirmanti cre-
didissent, si fructū vitalis arboris edissent:
deinde

deinde è loco illo amœnissimo expulit, vt
terram ex qua facti essent, colerent. Ac ne
in eum redirent viæ eò ferentis custodem
cum flammeo gladio ac versatili angelum
collocavit. Adam posteaquam expulsus
est, Eua liberos duos vicissim primùm sus-
cepit, Cain & Abel, de quorum posteriore
mox dicemus. Deinde annos nato cētum
& triginta, alium ei Eua peperit, quē Seth
appellavit, aliosq; multos tā mares quàm
fœminas. Cū verò nongentos & trigin-
ta annos complevisset, migravit è vita. At-
que hæc quidem de Adam generis homi-
num parente eiusq; vita, ex eo libro, qui
est de mūdi origine, genesis autē Græcè in-
scriptus est, deprompsim⁹. Alia autē præte-
rea multa de genere peccati ac sceleris,
quod admissum ab eo & ab eua esse docui,
necessariò dicenda sunt, ne leue nonnulli
fuisse existiment, quòd paucis ac strictim
in eo quem dixi libro, cōmemoratum esse
videatur. Paulus quidē in Epistola ad Ro-
manos, illud ipsum tam graue, indignum,
& atrox fuisse commemorat, vt nō solum
peccatorum omniū quæ in mundo conse-
cuta sunt, verū etiam mortis, quam omnes
perpetimur, causam & quasi semē fuisse cō-
firmet.

firmet. Ex quibus eius grauitas & atrocitas tribus modis intelligi potest: vno, quod latissimè patet: & mala quò latius patèt, eò maiora habenda sunt. Latissimè autè pate re docet, cùm ad omnes posteros ait peruenire. Altero, quòd scelera, quò maiora mala afferunt, eò grauiora habentur. Hoc autem Adæ non solum mortem, quæ est discessus animi à corpore, peperit, sed etiam quæ animũ & corpus à Deo in perpetuũ separat, & æternis supplicijs post mortem addicit: quibus malis nec maiora nec grauiora excogitari vllò modo possunt. Tertio, quòd quibus sceleribus maxima bona siue amittuntur, siue eripiũtur, ea habenda sunt & grauissima, & maxima. Hoc autè vno peccato, & immortalitatis quæ in hac vita ostendebatur, & quæ in cœlo gloria, nobis & adempta & erepta est: vt taceã perpetuam sine vllò morborũ metu valetudinem, perpetuamq; animi corporis inter ipsa sine vllò inimicitarum metu de rebus optimis consensionem. Quæ quidè bona & cõmoda cæteris præstāt omnibus. Hac quidè ex parte, Adæ peccatũ, Eue graui⁹ pleriq; nõ cõtēnendi auctores asserũt, volũtq; in illi⁹ scelere nõ futurã fuisse vim
fatis

satis magnam ad inuehenda hæc mala omnia, si Adam in sententia permanisset, nec uxori suadenti paruisset. At verò alia ex parte ijdem euam peccato præstare volût, quòd illa in fraudem induc[t]a fuerit: Adâ, vt Paulus etiâ scribit, non fuerit. & quòd à Deo acrioribus supplicijs Euę peccatum vindicatum sit, & ipsa Adæ potestati atq; imperio subiecta sit, ita vt ille eius dominus ab eo sit constitutus. Hinc idem Paulus, docendi ei munus ademit, dedit viro: quòd ex docendi munere ac iure, principatus, ex discendi officio; inferior conditio intelligatur. Hoc cùm prisci illi, vt Plato, vt Aristoteles, alijq; permulti non intelligerent, viro à natura datum esse principatum tradiderunt, ita vt ille præsit; mulier pareat. Illorum enim primorum hominũ scelere hæ omnes dissimiles conditiones natæ consecutæq; sunt, non in eis solùm, sed etiam in posteris. Ac in eis quidem id verè dici, Dei quam paulò antè protuli, declarat sententia, quæ planè & apèrtè dicit, ob eam causam præpositum mulieri Adâ, quòd illa serpentis impulsu fructum, quò à Deo interdictum ei erat, edisset. Ad posteros autem eadem pertinere beatus Pau-

lus in priore ad Thimotheū; & ad Corinthios epistola interpretatur. Quod etiam de cæteris conditionibus dissimilibus iudicandū eodē modo. Supplicij enim causa inuectæ sunt omnes, non à natura, ut illi putant, excogitatę. Si enim sublato illo scelere atq; peccato, nec peccato locus fuisset, propter perpetuam illam, quam dixi, animi & corporis inter se de rebus bonis consensionē & approbationem, nec morti, dū taxat quę omnibus deberetur: (de priuato enim proprioq; cæterorū peccato ac morte alia quæstio est) profectò omnes liberi fuissent, vnumq; Deū principē habuissent: quē admodum tandē aliquando sublato omni principatu à Christo, qui quasi alter Adā ruinas omnes generis hominum refarciet, quæ prisci illius & superioris culpa euenerunt, cū in cælo Deus vnus omnibus prærit. Atq; de Adæ quidem peccato hætenus. Quanquam autem ille tam graui scelere & se & posteros omnes cōtaminauit, tamen in eo mortuus nō est, eum quē si minus cita, at sera quidem certē subiit pœnitentia: crediturq; iram Diuinam sibi placasse ijs sacrificijs omnib⁹, quæ Deo grata esse intelligebat: eiusq; exemplo & disci-

disciplina eius liberi illi duo, Cain & Abel,
Deo quę obtulerunt, obtulisse.

ABEL ADAE FILII VITA.



Abel Adam & Eua primis generis hominum parentibus natus est. Is vitam pecuariam sanctissimę tractauit, vixitq; in eo instituto ita, vt & Deo charus esset, & bonis, qui tum erant omnibus. Nam Cain fratri, cū eius opera factaq; bona esset, & illius mala, placere non potuit: sed ob eam causam, quemadmodū Ioannes in prima Epistola ait, ei odio esse tanto cępit, vt eū trucidauerit. Quod quemadmodum factum sit, libet exponere. Abel pecuariam, iam vt dixi, vitam sequebatur: Cain autem maior natus frater, agriculturę se dediderat. vterq; de suo munera aliquando offerre voluit. Cain fruges, Abel opimos arietes ac boues q; primi nati erāt, obtulit. Placuitq; Deo Abel, eiq; grata & accepta illius munera fuerūt. cain autē minimē placuit, nec læto animo idē illius accepit munera. Quod cū intelligeret, grauiter ferre cępit. Hoc deus dissimulare nō potuit, accersitūq; eū

rogat, quamobrem tristis esset ac succens-
feret, (primos enim homines conuenire
solebat) causaq; per se cognita, eum quasi
amicè monet, si praeclaras res virtutiq; cõ-
sentaneas gereret, fore vt ferret pro digni-
tate: sin malas & improbas, peccatum eius
statim illustre futurum, cui tamen posset
obstistere: quã quidem Deus leni obiurgã-
tione planè ei significauit, cur ipsi illud
eius officium ingratum fuisset, quã si eo
animo quo debuit, à Deo præsertim profi-
ciscentem, accepisset, & se collegisset ipse,
& in viam redisset. Nũc longè aliter fecit.
Nã quod corrigendi eius causa Deus illi cõ-
filiũ dedit, eo & ad maiore obstinatione,
& ad maiora flagitia abusus est. Abel enim
fratrẽ, nec ita multo post, monet vt domo
vnã egrediantur: quod cum ille eius tam
nefarij consilij, atq; adedõ suscepti parrici-
dij ignarus fecisset, ab eo impetu facto in-
terfectus est. Nec ille diu tam immane fa-
cinus impune tulit. Deus enim nec ita mul-
tò post parricidium, & diris eum deuouit
toto vitæ tempore ubicunque esset, & fu-
gitium eum fore prædixit, quod fratris
quem occidisset cruor è terra clamans, vt
illum vlcisceretur, rogaret. Rogatu tamen
eius,

eius, siue querimonia & desperatione, siue metu adductus, signum in eo & quasi notam inuissit, ne quis eū interficeret: quod illi ne fieret pertimescenti, confirmauit fore, vt si quis illum trucidauisset, pœna septupli condemnaretur. Hinc nonnulli, in his Iosephus, Cain trucidatum esse negāt, alij à Lamech occisum esse volunt, idq; declarari asserunt ea, qua ad Adam & Sellam vxores vsus est oratione.

NOE VITA.



Oë, quem alij Noham, nochum autē Iosephus vocat, à Lamech eo qui Mathusalem parentem habuit, procreatus est, cum centum octoginta & duos annos natus esset. Ei hoc nomen pater imposuit, quòd eum numine diuino, vt mihi videtur, afflatus, generi hominum consolationem allaturū esse intelligeret. Verbum enim illud requietem siue cessationem Hebræorum sermone significat. Neque enim iniuria hoc tale nomen habuit. Nam cum Deus peccatis, sceleribusq; hominum impulsus & cōcitatus, omne hominum genus delere in-

B 3. flituisset,

stituiſſet, is vnus inuentus eſt qui propter vitam, quam integerrimam ſanctiſſimam-
que ageret, Deum iratum tacite placauerit. Sed melius eſt rem totam, quemadmodum geſta eſt, exponere. Noe ergo cum quingē-
tos annos compleuiſſet, Sem, Cham, & Iaphet genuit, nondum Lamech parente mortuo (quinque enim & nonaginta annos vixit etiam poſtea) eiſque virgines optimas, cum, vt tum inſtituta ferebant, apti eſſent & idonei, vxores delegit. Iam nuptiarum ſolennia fœdera & iura inita peractaque; erāt: quā-
dudum, incertum eſt, cum Deus Noë iam tum ſexcētos annos nato præcepit, vt quoniam generis hominum interitus propter libidinum flagitiorumque; quæ admitteret, multitudinem & atrocitatem veniſſet, ipſe cuius virtutem cognitam ſpectatamque; haberet, arcam longam trecentos cubitos, latam quinquaginta, altam triginta ex politis lignis extrueret, in eaque; contignationes cubaculaque; faceret, & fenestram cuius faſtigium intra cubiculum conſiſteret, oſtiūque; ad latus inferne: in eamque; idem, vxor eiſ, liberi atque; nurus, inſtructam iſs omnibus quæ ad victum pertinerent, intrarent, ſecumque; eò inferret mare & ſceminā animantium

tium omnium; quæ immunda haberetur,
ex ijs quæ munda essent, & auium mares
septem, & totidem fœminas. Cum hæc om-
nia Noë ad exemplar & quasi simulachrū,
quod Deus ei ostenderat, effecisset, quan-
diu autem in opere fuerit, incertum est, eo
die quem præscripserat, id est quarto Idus
Aprilis in arcam siue nauem conscendit;
ipse vnà cum vxore, liberis eorumque vx-
oribus. Octauo pōst die, qui in vndecima
Calend. Maias incidit, pluuia tanta copia
è cœlo defluxit quadraginta diebus ac
noctibus continuis, quemadmodum deus
fore prædixerat, vt naue in sublimē ela-
ta, sine vllo periculo, altissimos montes
quindecim cubitis superaret. Submersi
sunt omnes homines, atq; animantes, præ-
ter septem eos, qui nauem Dei iussu con-
scenderant. Sex enim illi solū qui cum
Noë conscenderunt, ei aquarum inun-
dationem omniumque & hominum in-
teritum prædicenti crediderunt: cæteri
quemadmodum ait beatus Petrus, non
crediderunt. Inundatio autem illa aqua-
rum centū & quinquaginta diebus domi-
nata est nec antè illud tēpus cœpit decre-
scere, q̄ tamē ita sensim factū est, vt calend.

B 4 demum

demum Decembribus montium cacumina extarent, & emerent. Quadragesimo autem die post, fenestra aperta Noe coruū emisit, qui cum minime rediret, colubam quoq; misit, vt intelligeret, num terra ex aqua emeret. Columba quæ locū in quo insideret, nō inueniret, reuersa est: ex quo illius reditu aquarum etiam inundatione terram conglobari & operiri. Eandem etiā bis post misit, semel septimo die quā reuersa erat, tumq; etiam redijt cum ramo virente, ex quo, terram iam ex aqua extare intellexit: iterum septimo die post hunc illius reditum, sed postea minimè reuersa est. Calendis autem Martijs, ipse aperto nauis tecto, terram quodā modo exaruisse, V. Cal. Maij planè exaruisse cognouit. Hæc dum geruntur, Noe Deus imperat, vt ex arca seu nauī cum suis omnibus exiret. Cū egressus esset, aram Deo extruxit, in eaq; illi sacrificium ex cunctis animantibus & auibus, quæ munda erant, obtulit, quod Deo ita gratum fuit, vt se in posterum terrę propter maleficia hominū imprecaturum negaret, quod eorum animus à prima ætate ad malū procliuis esset. Quod si grauia essent eorum scelera, ea se

non

nō aquarum inundatione, vt tum fecisset:
sed, vt Philo ait, fame, igni, & gladio vindi-
caturum esse promisit. Cumq; Noe eiusq;
liberis bene precatus esset, id est, vt nostri
dicunt benedixisset, crescere eos, atq; au-
geri in terra velle se dixit, eosque terrori
esse cūctis animantibus, quibus deinceps
in victu vterentur, pro herbis virentibus,
nisi quod à carne quæ cum sanguine mix-
ta esset, eos vellet abhorrere. Atque vt hæc
maiorē auctoritatem haberent, eiusmo-
di fœderis atq; pacti sui signum arcū, quē
in cœlo cū illud nubibus obduxisset,
collocaret, fore prædixit, sibiq; cum eum
intueretur, in mentem venturum esse fœ-
deris sui. His ita constitutis, Noe qui agri-
cola erat, terram colere & vites ferere cœ-
pit. Vuis autem expressis, cū vino cuius
vim ignoraret, onustus esset, atq; in taber-
naculo aperta nudataq; eius natura esset,
Cham qui hoc perspexerat, statim rē duo-
bus fratribus nuntiavit. Illi autem pallio
partem illam patris ita operuerunt, vt inte-
rim à tergo & retro aspicerēt, ne patris na-
turam cernerent. Noe cū vinum edor-
misset, expergefactusq; rem totam compe-
risset, & Cham male, & Sem ac Iaphet bene

precatus est, dominosq; hos ipsius Cham,
& cham illorum seruum constitueret. Vi-
xit autem Noe post inundationem trecen-
tos quinquaginta annos, quibus si sexcen-
ti superiores addantur; nongentos quin-
quaginta vixisse reperietur.

ABRAHAE VITA.



Braham Thare patrē, cū ille septua-
gesimum annum ageret; natus est;
habuitque fratres ex eodem patrē;
Nachor & Aran. Is cū adoleuisset, viuo
patre vxorem duxit Saram nōmine: quā
cū sterilis esset, eam Thare vnā cū Abra-
ham filio Vr vrbe chaldæorum relicta, se-
cum in fines Chananæorū ducere voluit;
sed cū in urbem Haram venissent, ibi do-
micilium rerum suarum collocauerunt.
Mortuo autem Thare, cū ducētesimum
quintum annum compleuisset, Deus Abra-
hæ iam quinque & septuaginta annos na-
to præcepit, vt patria sua, domoq; paternā
relicta, in eam regionem; quam ei demon-
straturus esset, vnā cum vxore, liberis, to-
taq; familia & re familiari, adiuncto etiam
Lot patruele proficisceretur. Sic enim futu-
rum

rum prædicebat, vt ei benediceret, eiusq;
nomen clarum illustreq; redderet, ac per
eum nationes omnes benedicerentur.
Paruit Deo ipse, profectusque domo est,
vt in regionem Chananæorum, quam Iu-
dæam vocamus, veniret, Sichemque per-
uenit. Ibi visus est ei Deus, eiusq; poste-
ris Chananæorum regionem daturum se
esse pollicitus est: ob eamque causam eo
in loco aram Deo posuit. Alteram etiam
extruxit paulò post, cù ad montem Bethel
peruenisset, deiq; nomen & fidem ibi im-
plorare cœpit. Cum vltra progressus meri-
diem versus, fame oppressos loci incolas
cõperisset, in Aegyptum venire constitue-
rat, cum appropinquantì venit in men-
tem, monere ac rogare Saram vxorem, vt
quoniam eam forma eleganti esse sciret,
ob eamque causam vereretur ne se in-
terfecto illam seruarent, cum vxorem
eius esse intellexissent, ipsa sororem se
ipsius esse diceret. In quo non dedit men-
tiendi consilium, quòd Hebrei cognatos
fratres soliti sint nominare. Quod illa nõ
dubitauit profiteri, simul atq; eo ventum
est. Nam cum principes Pharaoni regi præ-
stati forma mulierem venisse nuntiaissent,
captus

captus amore Pharaonem ad se adduci iubet, à qua cum Abraham eius fratrem esse didicisset, eius causa illum perhumanè habuerunt Aegyptij. Sed antequam eam Pharaonem uxorem duceret, eum deus illius causa & nomine afflixit, malisq; affecit tot atq; tantis, vt tandem aliquando ea sibi euenisse ob eam quasi culpam intelligens, Abraham accersitū grauitè obiurgauerit, quòd Saram uxorem suam esse nō indicauisset. Hinc illa ei reddita quàm primum suis imperauit, vt illum, atq; uxorem cum familia facultatibusq; omnibus, quę ibi vehementer auctæ erant deducerent. Reuersus est Abraham eodem itinere quo venerat ad eum locum, in quo tabernaculum fixerat appellandi nominis dei gratia. Erat autem admodū locuples ipse, & Lot eius patruelis; erantq; eorum tam magnæ opes & facultates, vt vnà iam habitare non possent. Itaq; cum gregum vtriusq; pastores inter se altercati essent, se ipse comē, benignum quę præbuit. Lot enim rogauit, vt quoniā non æquum esset inter ipsos qui cognati essent, & vtriusq; opuliones, iurgium intercedere, ille à se disiungeretur. Eiq; optionem dedit, vtram viam, dextram an sinistram,

ltram, tenere mallet. Lot cū in omnes partes oculos conuertisset, omniaq; diligenter quoad eius fieri potuit, lustrasset, regionem eam quæ ad Iordanem fluuium pertinet, quæ tūc irrigua erat, elegit. Se iuncto Lot ab Abraham, ei Deus visus est, qui illum iuberet sublatis oculis ex eo loco in quo esset, ea loca omnia quæ ad orientem, occidentem, meridiem & septentriones spectarent, lustrare, quod illas omnes regiones ei eiusq; posteris in perpetuū daturus & assignaturus esset, aucturusq; eos esset instar pulueris, quæ si quis numerare posset, posteros etiam illius posset. Itaq; surgeret ipse, atq; terram lōge lateq; peragraret, quod eā ipsi daturus esset: paruit Deo Abraham, mouensq; tabernaculum suum, profectus est, sedemq; fortunarū suarum in loco, qui valli cuiusdam cui nomen Mābræ erat, adhærebat, collocauit: ibiq; Deo arā posuit. Illis tēporib⁹ reges quatuor, quī vniuersę Syrię præerāt, Amraphel, Arioch, Chodorlahomor, & Thadab coniūctis cōtractisq; copijs bellum gesserunt, cū quinq; regibus qui Palęstinam tenebant. Causa belli hæc fuit. Quinq; illi reges duodecim annis chodorlahomor regi, cū stipendiarij

pendiarij fuissent, decimo tertio rebellarunt. Itaque accitis quatuor regibus quos nominavi, eo anno quo illi defecerant, regna eorum, cum eos vicisset, diripuit: atque ex Gomorra & Sodoma, cum reges eorum regnorum fuga salutem quaesivissent, praedas egit. In his etiam Lot captus est, opesque eius omnes abductae sunt. Quod cum Abraham rescivisset, domo sua vernaculos domesticosque trecentos decem & octo educens, hostes persecutus est, magnisque itineribus noctu cum cubitum irent, consecutus, primum in eos impetum fecit, deinde fauciatos diuisis socijs Chobam usque Damasco finitimam urbem, persecutus est. Ea hostium fuga Lot patruelem suum cum facultatibus omnibus, mulieribus, atque populo, qui captus fuerat, reduxit. Ea tam clara insignique victoria potitus cum rediret Abraham, victori Melchisedec Rex Hierosolymorum obuiam factus est, ei que panem & vinum offerens (erat enim Dei altissimi sacerdos) laudem tribuit his verbis, Benedictus es Abraham à Deo excelsò, qui caelum atque terram condidit, benedictusque est deus excelsus, quo duce hostes vicisti. Abraham autem diuino numine afflatus, cum ille quis esset

esset intelligeret, ei decimas eorum omnium quæ haberet, dedit: quo facto suo eum maiorem se clarioremque declarauit. Quinetiam Sodomorum Rex, gratiæ referendæ causa hominibus tantum receptis, qui abducti fuerant, cætera Abraham, ut sibi haberet concesserat, cum ille se quicquam retenturum pernegauit, ne ipse illum à se opibus auctum diceret. His ita gestis, per quietem eum Deus visus est monere, ne timeret: se enim ei auxilium atque opem esse laturum, magnamque ei proposita esse præmia. Cumque ille à Deo quæreretur, quidnam sibi daturus esset, cui semet minimè dedisset, ex quo ad seruum suum hereditatem venturam esse intelligeret: tum Deus illum negauit, quæ diceret heredem futurum, sed eum quem esset procreaturus. Eductumque foras cœlum intueri iussit ac stellas numerare si posset, quarum numerum æquaturi essent eius posterii. Credidit Abraham Deo, idque illi iustitiæ datum est: sed tamē eum rogare cepit, unde intelligere posset, se eam omnem regionem possessurum esse, quam ipsi daturum se esse diceret. Deus tū cum, vaccam trimam, capram trimam, & arietem trimum turturem atque columbam iussit sumere.

Hæc

Hec ille cum accepisset omnia præter aues, in partes duas æquas diuisit: quas cum separatim haud procul collocauisset, aues in cadauera irruerunt, easq; abigebat. Sole autem occidente somno opprimi cœpit, magnusq; eum horror inuasit. Tum ei prædictum est, peregrinos fore in aliena regione ipsius posteros, in qua hominum loci serui essent quadringentis annis: sed tamē dominos illorum se esse iudicaturos, tum quæ eius posteros redituros esse cum magnis opibus & copijs rerum omnium. Hanc autem populi captiuitatem non illius temporibus euenturam, esse posterosq; eius quarto demū seculo esse reuersuros. Sara eius vxor, sterilis tum etiam erat, nec genuerat liberos. Quod grauitè ferens, virum rogauit, vt quoniam sterilis erat, ipse cum ancilla Aegyptia, quam haberet, Agar nomine, concumberet, si fortè vel ex ea liberos susciperet. cum illius cōcessu eam vxorem duxisset, illa quæ ex Abraham se concepisse cognosceret, Saram cœpit contemnere. Hoc viro Sara indicat. Ille Agar, quæ eius ancilla esset, vt vellet vti posse dixerat, cum illa in eam malè consulere cœpit, ita vt fugere dominæ conspectum ancilla

coge-

coogeretur. Eam angelus Dei cū fugientem inuenisset, ex illa quæsiuit, vnde ipsa quæ Saræ ancilla esset, veniret, aut quonam abiret. Cum respondisset Agar, se dominę conspectum fugere, ei ille præcepit, vt rediret ad dominam, seq; erga eam summis suis gereret. Illud etiam addidit præterea, illam quæ concepisset, parituram esse filiū cui Ismahelis nomen imponeret, propterea quod Deus eam in rebus afflictis audiuisset: posterorum eius tantum fore numerum, vt nemo consequi posset. Reuersa Agar, Abrahæ sex iam & octoginta annos nato, Ismahelem peperit. Anno post, Deus Abrahæ pollicitus est, si præceptis suis pareret, virtutemq; coleret, fore vt fœdus cū eo iniret, paterq; multarū nationum esset. Itaque cum non Abram iam (id em̃ ad illud tempus nomen ei fuit) sed Abraham, id est, multarum nationum patrem appellatum iri. Fœdus autem, quod ipse atq; eius posteri seruaturi essent, his verbis expressit: Mari omni præputiū amputator. Puero infanti octauo ortus die præputium præciditor: siue vernaculus fuerit, siue emptitius. Hinc marem, cui præputium circumcisum non fuisset, in

C populo

populo suo habiturum se negauit. Sara etiam nomen mutari voluit. Nam cum ad illum diem Sarai Hebræorum lingua appellata esset, id est, domina vel princeps mea: Saram, id est, dominam vel principem, appellari iussit: atque ex illa ei filium daturum se esse pollicitus est, cui ita benedicturus esset, ut nationes regesque ex eo nasceretur. Cum in faciem pronus cecidisset, risit, atque hoc secum in animo voluebat, num ipse qui centum annos natus esset, filium gigneret, & Sara quæ nonaginta, pareret. Itaque hoc unum à Deo petebat, ut Ismahelem saluum esse vellet. Deus autem eum verè ex Sara filium suscepturum esse confirmavit, quæ Isaac nominaret, qui cum fœdus iceret sempiternum. Quin etiam precibus illius adductum se benedicturum Ismaheli, aucturumque cum ita, ut duodecim duces gigneret. Sed tamen fœdus suum cum Isaac se esse percussurum, quæ anno post ex Sara suscepturus esset. Cum Deus finem dicendi fecisset, Ismaheli filio, qui iam tredecim annos compleuerat, omnibusque maribus familiæ suæ tam vernaculis quam emptitijs, tam generis sui quam alieni, præputium Abraham, quemadmodum Deus imperauerat, præcidit,

cidit. nec vero in eo tantum laudandus est Abraham, quòd præceptis diuinis, quæ ad huc exposui, semper & libenter paruerit: sed in eo etiam, quòd peregrinos ac viatores nò solum in domum suam recipere venientes, & rogantibus ea quæ ad victum pertinent, præbere solitus sit, verum etiam prætereuntes, dum eis obuiam prodit, rogare, victumq; præbere ex ijs quæ optima haberet. Hoc ex eo quod iam exponā, vel facillimè perspicì licebit. Sedebat pro foribus tabernaculi meridie, quo solet maior vis æstus existere, vt si quos viatores animaduertisset, hospitalitatis in eijs iura & officia excoleret. conspicanti & obseruati diligentissimè, visi sunt viri tres (tres autè personæ diuinitatis fuisse intelliguntur, nec primùm ille intellexit) propter ipsum cõsistere. Ille qui rem quam studiosè quæreret, se inuenisse non solum cerneret, verum etiam lætaretur, quāprimum ex ostio maxima celeritate eis obuiam currit, eosque veneratus, rogat, vt ibi paulū quiescerent, dum aquam abluendis eorum pedibus, panemq; proferret, quibus animi eorum viresq; reficerentur. Cum illi assensu essent, non Sarę vxori, non trecentorū ser-

uorum alicui aliquibusque negotium dedit, sed ipse domum properans, cum Saræ conficiendorum panum ex simila negotium dedisset, ad armentum cucurrit, opimumque vitulum arripiens seruo coquendum dedit. Coctum cum pane, lacte & butyro eis apposuit. Cum illi edissent, quantum & quandiu visum fuisset, rogarunt ubi Sara esset: cum in tabernaculo esse respondisset, rediturum se Deus dixit, (nam Deum iam esse cognouerat) tumque fore ut Sara pareret filium. Sara quæ sterilem se esse & prouectæ ætatis videret, exaudita voce post ostium riserat: cum Deus ex illo quaerit, cur illa risisset, quasi aliquid Deo difficile esset: illa timore perterrita risisse se negat. cuius oratione Deus pluribus refellit. Quod sequitur, quantum apud Deum Abraham gratia valuerit, indicat. Cum tres illi viri, id est, Deus iam ut dixi, hominum specie ac figura surgentes oculos in Sodomorum & Gomorranorum vrbes intendissent, Abraham qui eos deduceret, rem quam gesturi essent, se celare posse negauerunt, præsertim cum ex eo natio maxima & potentissima originem ductura esset, nationesque per eum benedicendæ essent, ipsum
verò

vero scirent posteris suis præcepturum, vt
ijs quæ iuberent, obtemperarent. Expo-
nunt Sodomorum Gomorranorum scele-
ra esse & plurima & grauissima, quibus cõ-
citati eos delere eorumq; vrbes funditus
euertere statuisſent. Iamq; illi rectà Sodo-
mam abibant, cum Abraham accedens ex
Deo cœpit quærere, num bonos cum im-
probis perditurus esset: Si in eis vrbibus
quingenta viri boni inuenti essent, an
simul perirent: nec propter quingenta
viros bonos, si in eis essent locis, illis ig-
nosceret? Non esse illius, bonum cum im-
probo delere, vt vir bonus eadem condi-
tione numeroq; , quo scelestus, habeatur;
non esse hoc illius, qui omnem terram iu-
dicaret. Cùm Sodomis Deus quingenta
virorum bonorum, si inuenirẽtur, virtu-
te & pietate adductum, veniam daturum
se respondiſſet: rursus quæsiuit, quid si
quinq; & quadraginta inuenti essent, quid
si quadraginta aut triginta, aut viginti, aut
etiam decem. Ad hæc omnia sigillatim
Deus ita respondit, vt ad extremum dice-
ret, si decem ibi reperti essent viri boni, fo-
re, vt propter eos ciuitati ignosceret. Ex
quibus & Dei in peccatores misericordia

& virtutis bonorum apud eundem commendatio, eorumq; gratia & Dei in Abraham amor, & charitas intelligi potest. Euerfæ autem sunt vrbes illæ, deletiq; omnes ciues præter Lot, vxorẽ eius & duas filias: quod quemadmodũ factum sit, mox cùm de Lot dicendum erit, aperiemus. Lot tamen ex tãtis malis, Abrahæ virtute & fide ductus Deus eripuit. Migravit inde Abraham meridiem versus, habitauitq; vt peregrinus in Gerara. Cùm Saram sororẽ suã esse dixisset, Abimelech Rex Geraræ eam rapuit. Noctu autem per quietem Abimelech Deus grauitèr obiurgauit, moriturũque dixit, quòd Abrahæ mulierẽ ademisset. Abimelech perterritus, qui Saram nõdum cõtigisset, se & eius rei ignarum esse, qui sororem suam illum cùm diceret, audiuiisset, & innocentem cui nihil rei cum ea fuisset, responderat, cum Deus vtrunq; scire se dixit, ob eamq; causam hoc fecisse, vt ne sibi peccaret. Itaq; viro vxorem suam redderet, qui cùm propheta esset pro illo oraret, vt viueret. Quam nisi redderet, sciret sibi quamprimũ esse moriendum. Non in posterũ diem, aut ad illud tempus cum illuxisset, rem reiecit Abimelech: sed quam-

quamprimùm surgit & Abraham accersendum curat, grauitè cū eo expostulat, quærit, quid sceleris admisisset, aut iniuriæ ei fecisset, qui tanti mali penè causa fuisset: quamobrem sororè suam esse dixisset, quā magno suo penè malo vxorè eius esse didicisset. Cū Abraham eadem excusatione vsus esset, cur id fecisset, qua vsum eum apud Pharaonem paulò antè dixi: cum ouibus, bobus, seruis, ancillis, & præterea mille argenteis ei vxorem reddidit, concessit quæ ut vbicunq; vellet, locū domicilio deligeret, Orauit autem ille Deum, ut Abimelech ignosceret, eiusq; precibus adductus Deus, illum, eiusq; vxorem & ancillas curauit, mulieresq; deinceps pepererūt, cū antea ob Saræ raptum parere desisissent.

Sara autem constituto à Deo tempore puerum Abrahæ peperit, eiq; nomen Isaac imposuit Abraham, atq; octauo die præputiū amputauit. Ablactationis verò pueri die magnificum conuiuium idem præbuit. Viderat Sara Isaac filium cum Ismahele ancillæ suæ filio ludentem: quod grauitè ferens cum viro egit, ut ancillam eiusq; filiū amandarat. neque enim ancillæ filium cum filio suo, id est, ut Paulus interpreta-

tur, liberæ hæreditatem aditurum. Cum acerbè verbū illud Abraham ferret, Deus eum monuit, ne aspera ei duraq; illa videretur vxoris oratio, propterea quòd ex Isaac posteri ei nascerentur, quāquam Ismahelem quoq; magnæ claræq; nationis principem, quod illius semen esset, instituendum à se intelligeret. Quibus verbis Deus, vt Paulus ait, duo testamēta instituit. Hinc æquior factus Abraham, manè ancillam dato pane & aqua, impositoq; illius humeris Ismahele, dimisit. Eodem tempore Abimelech Geraræ Rex, qui Deum Abrahæ in ijs omnibus quæ gereret, adesse videret, fœdus cum eo fecit, ne qua in re ipsi, eiusq; posteris obesset, idq; vt iureiurando Dei sui seruaturum se promitteret, & rogauit & impetrauit. His ita gestis Abrahæ, vt ita dicā, obedientiam in re perdifficili magnaq; tentauit. Ei enim præcepit, ut Isaac vnigenitum filium, quem charum haberet in monte quodam immolaret. Paruit ille statim, quantum in ipso fuit, offerebatq; in monte vnigenitum, in quo promissionem posteritatis, iam, vt dixi, acceperat, quòd, vt ait Paulus, Deum à mortuis eum excitare posse arbitraretur. Huius ergo fidei

go fidei plenus, noctu surgens a fino in strato, filium cum duobus adolescentibus duxit, caesisq; lignis ad excitandū ignē, ad locū quē Deus designasset, profectus est. Bi-
dui itinere confecto, tertio die cū emi-
nūs locū ipsum cerneret, pueris praecepit,
vt ibi expectarent cum a fino, dum ipse at-
que filius adorato Deo, reuerterent. Lig-
nisq; in Isaac humeris impositis, ipse ma-
nibus ignē, & gladium portabat. Isaac qui
omnia quæ necessaria erant, præstò esse
præter hostiam videret, in itinere ex patre
quærebat, vbi illa esset, cū ille deum sibi
hostiam paraturum, ac prouisurum respō-
dit. Perueniunt ad locum, quem Deus pa-
tri ostēderat. Ibi aram Deo ponit Abrahā,
& in ea ligna componit, ad ligna vinctum
filium accommodat & applicat: distri-
ctoq; gladio iam manum ad immolādum
mactandūq; filium paratus erat demitte-
re, cū Angelus Dei ē cœlo bis eum no-
mine appellans, vetuit, ne manū in puerū
porrigeret. Se em̄ iam Deum ab eo timeri
scire, propterea quòd vnigenito filio sua
causa non pepercisset. Sublatis oculis vi-
det à tergo arietem inter vepres cornibus
hærentem, eum sumit ac pro filio immo-

lat. Quæ Abrahæ tam propensa in re præsertim tam difficili ad obediendum voluntas, ita Deo grata fuit, ut iterum eo ipso in loco eum nomine appellans, confirmauerit, quod filio suo vnigenito minimè perpercisset, præceptoq; suo paruisset, fore, ut eius posterii stellas, cœli marisq; arenâ æquarent, portasq; inimicorū suorū possiderent omnesq; gentes semine ipsius, id est Christo, ut ait Paulus, benedicerentur. Hinc pleriq; , Abraham diē Christi in immolando filio & vidisse & gauisum esse cōfirmant. Vt enim Isaac ligna, sic Christus crucem portauit: & quemadmodum Isaac saluus & integer mansit & aries immolatus est, sic diuinitas nihil perpessa est, sed Deus mortem humana specie & carne pertulit: Sarræ autē vxori posteaquam centū septē & viginti annos vixisset, mortuæ iuxta funeri fecisset, agrumq; sepulture emit ab Heth filijs. Ipse quoq; in eodē agro, id est, in spelūca duplici, ab Isaac & Ismahele filijs suis, anno ætatis suę cētesimo quinto & septuagesimo moriēs sepultus est. Sed ante mortem cū alios filios ex Cetura, quam Sara mortua duxerat, suscepisset, filijs concubinarum muneribus datis, Isaac possessio-

possessionum agrorumq; omnium hæredem instituit, eiq; vxorem generis sui Rebeccam prouidit, quemadmodum in Isaac vita mox docebimus.

LOT ABRAHÆ PATRVE-
lis, id est fratris eius fi-
lij, vita.



Ot Aran eo, qui Abrahæ frater fuit, patre natus est. Eum Thare auus, Abrahæ pater, cū Aran pater eius in vrbe chaldeorum

Vr nomine, in qua natus fuerat, mortuus esset, vnà cum Abraham filio & Sarra nuru sua in regionē Chananæorū, quæ hodie, vt ait Iosephus, Iudæa dicitur, cum vellet dūcere, Haran peruenit, ibiq; omnes domicilio sedem delegerunt. Mortuo autem Thare auo, Abraham propinquum, cui Deus præcepisset, vt patria domoq; patris relicta in fines regionis, id est, Chananæorū, quā ei monstraturus esset, proficisceretur, secutus est. Per Aegyptum cū transeundū esset, aliquot annos ibi vnà omnes habitauerunt, cū interea eorum res familiaris ita aucta est, & creuit dei benignitate, vt locupletissimo

pletissimo cuiq; iam tum vel anteponi, vel certè comparari possent. Raptus quidem Sarræ causâ fuit, cur ibi commorati sint, ob quem cùm pharaonem Deus malis maximis affecisset, ipse qui hoc intelligeret, Abraham reddita vxore per suos cū omni familia & re familiari deducendum curauit. Ex Aegypto meridiem versus Abraham cum suis eodem itinere quo venerat, reuersus est, eiq; se Lot, quemadmodum ad illud tempus fecerat, & itineris comitē & laborum periculorumq; participē præbuit. Eò cum venissent, vbi antea tabernacula fixerāt, vtriusq; pastores, nec ita multò pòst altercari inter se cœperunt: quæ res occasionem dedit locorum domiciliorum quæ mutationis. Cùm enim Abraham pastores inter se iurgatos esse cognouisset, Lot demonstrat, ad vitandum iurgium animorumq; alienationem, ei necessariò aliò migrandum esse, & quò id æquiore animo faceret, vtram partem mallet tenere, optio nē dedit. Lot lustrata oculis omni circū regione, eam quæ Iordanem tangit, elegit, atq; in vrbe Sodomorum sedem domiciliumq; collocauit. Sodomi tum grauissimis turpissimisq; flagitijs se contaminauerant,

uerant, nec viri tātum & mulieres omnes;
sed etiam pueri. Lot qui inter tam flagitio-
sos obscēnosq; se viuere cerneret, nec vi-
dere, nec audire eorum obscēnitates susti-
nebat: nec eas modò detestabatur, verum
etiam flagitiosis eorū operibus, vt ait bea-
tus Petrus, ex cruciabatur. Itaq; cum vrbe
illam atque finitimas, Deus supplicij causa
euertere ac delere cōstitūisset, Lot virum
bonum nō solū à sceleratorum illorū
iniuria, obscēnaq; cōsuetudine liberāuit,
verū etiam ex ijs periculis malisq; omni-
bus eripuit, quæ illi acciderunt. Nam cum
Deus, apertō Abrahæ consilio suo de exci-
dendis illis vrbibus, eius precibus addu-
ctum se, bonorumq; ad extremum decem,
si ibi reperirentur, virtute impulsū, ciui-
tatibus veniā daturū esse dixisset: id quod
in Abrahæ vita pluribus exposui, angelos
duos in vrbem Sodomorū misit, qui euer-
sione vrbis imminente nuntiata, Lot eri-
perent. Sed rem omnem ordine vt gesta
est, exponi melius est. Sedebat vesp̄ri Lot
studio recipiendorum hospitum, pro por-
tis vrbis, cum angeli duo in vrbem vene-
runt. Eos cum eò contendere velle intel-
ligeret, non expectauit, dum ad se venirēt,
sed eis

sed eis obuiam iuit, eosq; cum supplex salutasset, vehementer rogare cœpit, cū homines esse existimaret, vt domum suam diuerterent, ibiq; manerent, pedes abluerent, & prima luce eò quò constituisent, proficiscerentur. Cū hoc se facturos negarent, seq; in via mansuros dicerent, coëgit, eos ad se diuertere. Ibi cœnam eis quo potuit apparatu dedit. Oppidani, qui duos illos adolescentes domū Lot ingressos esse cognouissent, antequàm cubitum irēt, ad vnum, omnes viri, mulieres ac pueri, domo eis vallata, quærere ex Lot cœperūt, vbi essēt viri, qui noctu ad eū introiuisent, imperareq; , vt eos educeret ad explēdam cum illis libidinem. Egressus ad eos Lot, occluso ostio, monebat illos ne tam immane scelus admitterent, seq; dicebat filias duas habere, quę nondū cū viro concubuissent, easq; se educiturū esse, quibus eis sua arbitrato abuti liceret, dūmodo à viris illis se abstinerēt. Illi Lot minantur, nisi abiret, qui peregrinus iudex eorū esse vellet, se grauius in eum, quàm in illos esse cōsulturos. Iamq; vim maximam Lot afferebant, parumq; aberat, quin fores effringerētur, cū duo angeli manibus apprehensum

sum Lot introducūt, clausoq; ostio, omnes occæcant, ita vt iam ostium inuenire non possent. tū monēt Lot, vt si quos generos, filios filiasue haberet, suos omnes educat, quod missi essent à Deo delēdæ vrbis gratia propter vitiorū obscœnitatē. Cum generos suos qui eius filias accepturi erant, cōuenisset, eosq; de omni re docuisset, eū ludere ac iocari existimauerunt. Mane angeli monent eum, vt vxorem ac duas filias educat, ne ipse in ciuitatis scelere periret. Cū etiam tū dissimularet, eum, vxorem ac filias manibus ex vrbe educunt, monētq; vt vitā suam seruet, ne retro à tergo respiciat, neq; in regione illa cōsisteret, seq; in monte seruaret. Rogare eos cū ille cœpit, vt quoniam in monte seruari non posset, sibi quem è mortis periculo eripuissent, paruum oppidum, quod Segor postea vocatum est, in quod posset fugere, & seruari, concederet, quod libēter fecerunt. Lot vix in illud oppidulum peruenerat, cū Deus iacto è cœlo igne, & sulphure, Sodomam & Gomorram, omnesq; incolas vrbium omnemq; illam regionem deleuit. Lot autem vxor contra angelorum præceptum retrò à tergo curiosius respiciens, in
salis

salis statuam versa & mutata est. Lot qui
 Segor manere satis tutū minimè putaret,
 eo relicto oppido, se in montem vnà cum
 filiabus recepit, atq; in speluncam abdidit.
 Ibi filia, quæ mulierem nullam aut virum
 ex illo excidio superesse putarent, & patrē
 senem viderent, vicissim noctibus duabus
 cum eo, quem vino obruerant, concubue-
 runt: quo duplici concubitu, quem ille mi-
 nimè sensit, ex patre cōceperunt, & postea
 peperunt: maior quidem natu filium quē
 Moab, minor alterum quem Ammon no-
 minauit.

MELCHISEDEC VITA.



Elchisedec Rex vrbs Salé, quæ
 postea Hierosolyma dicta est,
 & Dei sacerdos, quibus paren-
 tibus natus sit, literarum diui-
 narū monumentis non est proditum. Atq;
 hoc ipsum est, qd Paulus in epistola ad He-
 bræos tradit, eū sine patre esse, sine matre,
 sine genealogia, eūdēq; nec initiū dierū,
 nec finem vitæ habere. Ob eamq; causam
 Christo Deo filio cum cōparat, cuius nec
 dierum initium sit, nec finis regni & sacer-
 dotij.

dotij. Hic Melchisedec nomine etiam suo & regno Christum significauit. Melchisedec enim Hebraico sermone Rex iustitię & Salem, pax dicitur: vt etiam Paulo interprete, idem & iustitię rex sit & pacis: quę christo dei filio maximè cōueniunt. Hinc Christus sacerdos non Leuitici, sed Melchisedeciani ordinis oraculo diuino fuisse dicitur. Quoniā igitur Paulus genus eius, non solum non tradit, sed etiam inueniri negat, de illo nihil est quod possim dicere. Hoc tantū de eo scriptum est apud Moysen, in libro qui Genesis inscriptus est, & apud Paulum in Epistola, quam modò nominaui, eum Abrahę, qui à cæde quinque Regum victor rediret, cum Lot eiusq; facultatibus omnibus quas diripuerant, obuiam venisse, ac benedixisse, eiq; Abrahā, qui quantus ille vir esset diuino numine afflatus, intelligeret, omnium rerum quas tum haberet, decumas obtulisse. Quibus rebus duabus eū Abrahę anteposit, cū & minori maior benedicere (hoc enim verbum teramus pro Latino) & minor maiori decumas offerre solitus sit, aut potius debeat.

ISAAC ABRAHAE FI-
lij Vita.



Saac Abraham & Sarra optimis clarissimisque parentibus natus est, cum ille centesimum, hæc nonagesimum annum ægeret. Oraculo diuino, iussuque Dei hoc ei nomen parentes imposuerunt, quod ab euentu accepit, propterea quod ipsi cum filium se procreaturos tam prouecta ætate audirét, riserint. Isaac enim Hebraicè, risus vocatur. Is quantus vir futurus esset, Abraham sæpe ut in eius vita diximus, Deus prædixit. Ab eo enim semen profecturum, quo Deus nationibus omnibus benedicturus, id est, beatam vitam daturus esset. Hic enim Christum significauit in sacrificio & immolatione, cum ligna portauit, quemadmodum etiam Christus crucem. Octauo die ei à parentibus, quemadmodum à deo præscriptum erat, præcisum est præputium. Quam charus eis esset hinc intelligi potest, quod cum tum genuerunt, cum spes illis omnis adempta esset gignendorum liberorum: quodque in eo à Deo promissiones hæreditatis beatæque vitæ acceperant.

rant. Nec tamen eæ tam magnæ grauesque
causæ diligendi filij, Abrahæ in Deū chari-
tatē obscurare potuerunt, aut vincere. Eū
enim talem filium iussu Dei, quantum in
ipso fuit, immolauit, quod Deum, qui illū
in senectutē dedisset, eum à mortuis exci-
tare posse crederet. In quo si pater sic lau-
datus est à Deo, vt hæreditatem beatitudi-
nemq; gentium ei promiserit, quòd ei pa-
rēs vnigenito filio nō pepercerit: filij etiā
magna laus est, qui se passus sit à parente
vinciri, & ad ligna applicari. Neq; enim re-
pugnasse, aut obstitisse dicitur, & iā adole-
scentiam ingressus erat, quippe qui tridui
iter pedibus confecerit, & ligna humeris
suis procul portauerit. Nec in eo aliter
Christi personā sustinuisse videretur, ni-
si summa voluntate, quā paterne cōsonare
vellet, mortē quantum in eo fuit, pertulif-
set. Quæ si principio minimè præstò fuit,
tum cū de hostia deliberare visus est: at
tandē certè adfuit. Quantū parenti tribue-
rit semper quādiu ille vixit, & ex immola-
tiōe, de qua modò dixi, existimari potest,
& quòd eo anno vitæ suæ, quem Abraham
pater præscripsit, id est quadragesimo, vxo-
rem duxerit, nec eam quam sibi ipse, sed

quam ei pater delegerit, id est Rebeccā Bathuel Nachor eius, qui frater Abrahę erat, filij filiam: præsertim cū eam tam charā habuerit simulatq̃ue eam vxorem accepit, vt luctū doloremq̃ue, quem maximum ex Sarrę matris morte percēperat, magna ex parte leniret. Eum mater ita vnicū dilexit in vita, vt virum monuerit, vt Ismahelem eius ex ancilla filium, domo eijceret, quōd eum hæredem cum Isaac filio esse pāsura non esset. Id quod diuino instinctu afflata fecisse videtur. Nā cū hoc eius verbum grauiter Abraham accepisset, à Deo monitus est, ne ei graue videretur, moremq̃; in eo Sarrę gereret. Itaq̃; illa iam mortua, cū sibi appropinquantē mortem sentiret, hūc vnum agrorum possessionumq̃; omnium hæredem instituit, cæteris munera largitus est. In cōiugio annos vndeuginti sine liberis consumpsit, vigesimo autem demum anno, cum deum vehementer, vt sibi liberos daret, rogasset, geminos Esau & Iacob ex Rebecca vxore suscepit. Illa, quę cū ex viro concepisset, infantes collidentes confligentesq̃ue in vtero sentiret, satiusq̃ue fuisse non concipere, si ita futurum erat, diceret, consulē

fulendum sibi Deum censuit: Deus respondit, gentes duas in illius vtero esse, futurumq; vt duo populi ex ventre diuiderentur, minori q; maior seruiret. Cùm dies pariendi venisset, gemini prodierunt: prior rufus erat, & totus hispidus, isq; Esau vocatus est: alter statim subsecutus est, quodq; manu plátam pedis fratris tenebat, Iacob nomen inuenit. Orta autem fame cum ad Abimelech Palæstinorum Regē venisset, Deus visus est eum monere, aut ei imperare potius, vt ne in Aegyptum proficisceretur, sed in eo loco quem demonstraturus esset, sedem sibi quæreretur: sic enim fore, vt ipsi adesset, ac benediceret, idq; iusiurandum, quo se Abrahæ illius patri obstrinxisset, seruaret. Ex eo die in Gerara iussu Dei habitauit, eiusq; opes adeò paulatim creuerunt, vt tandem aliquando cum Palæstinorum mala gratia locupletissimus euaserit. Itaque obstructis obturatisq; terra puteis, quos Abraham foderat, Abimelech Rex edixit, vt discederet, nec aliam ob causam, nisi quòd Palæstinis potentior euassisset. Mirum est, si per se consideretur, quòd cum seuisset, centuplũ meteret. Sed cum id ad Deum, qui præpotens est, refer-

tur, mirum videri non solet. Nec verò in ea re Palæstinorum in Isaac odium aut inuidia constitit, sed longius etiam progressa est, quoad à veritate coacti, Dei optimi maximi, quem coleret, beneficijs, eius res & opes augeri professi sunt. Hanc de eo opinionem habentes, cum ad illum quem iam bis expulissent venissent, fœdus cum ipso inierunt, ne quo ipsos malo afficeret. Quandiu autem postea vixerit, incertum est. Ante mortē cum ita senex esset, vt captus esset oculis, nec videre posset, Esau maiori natu filio bene precari voluit, itaq; eum monuit, vt ferā coctam afferret, qua se delectari sciret, quodd ita demum ei bene precaturus esset. Iacob autē minor natu à Rebecca matre, quæ hæc dicentem virum audiuiisset, suppositus benedictionē patris prior occupauit, cum allata fera manuum hispiditatē maioris fratris expressisset, tanta matris arte, vt pater cum tangens, Iacob quidem vocem, manus autem Esau esse fatcretur. Longum esset narrare quæ pater dixerit, quæ Esau cum postea reuersus rogaret patrem, vt sibi bene precaretur: quæ omnia mox commodius in Iacob vita dicentur.

IACOB

IACOB ISAAC FILII

Vita.

Iacob Isaac & Sarræ filius, ita natus est, ut Esau qui prior ex utero prodijt, plantam pedis manu teneret: ex quo nomen illud inuenit. Iacob enim Hebraicè, supplantator dicitur. Is quantus vir futurus esset, deus cum etiam tum in aluo matris contineretur, prædixit. Nam cum gemini in aluo contra naturam inter se confligerent, Rebecca mater Deum consuluit, quid hoc sibi vellet: à quo responsum accepit, duos populos esse, quorum minoris maior seruus esset futurus. Itaque iam tum idem respondit, charum se habere Iacob, Esau odisse. Magnitudo eius & claritas, qua in re enituerit, ex ijs quæ sequuntur, intelligemus. Cum adoleuisset, atque ex ephebis excessisset, simplici candidoque animo præditus, in tabernaculis habitare cœpit, cum Esau maior natu frater venationi, & agriculturæ se dedidisset. Ut res ea, quæ de eius principatu Deus prædixerat, exitum haberet, coxerat ille pulmentum, cuius cum partem Esau ex agro fessus veniens, ut sibi daret, rogaret: negauit se illi alia lege daturum, nisi ius primogenituræ

quam vocant, venderet, venditionemq; iu reiurando sanciret. Accepit ille conditionem, paneq; & lente ius suum iureiurando adaetus vendidit, idq; neglexit. Hinc prophanus à beato Paulo Esau vocatur. Eadē res hinc quoque ac multò etiam facilius intelligi potest. Nam cū Esau Isaac patri, Iacob Rebeccæ matri charus esset, velletq; pro more Isaac Esau vt maiori natu bene precari, mater diuino numine vt grauissimis auctoribus placet, afflata, Iacob supposit, eiq; pater senectute cæcutiens pro Esau bene precatus est. In bene precandi formula, quæ testamenti vim habuit, cū alia multa, tum hæc continebantur: Populi serui tui sunt: te tribus adoranto: fratrum tuorum dominus esto: teq; matris tuæ filij supplices venerant. Atque hæc quidem Isaac consilij tum diuini ignarus, non solum Iacob bene precatus est, sed etiam lege testamētaria sanciu. Itaq; cū paulò post Esau promissam & penè debitam, vt ita dicam, benedictionem à patre peteret, multisq; verbis vrgeret, ad extremum Iacob minorem natu filium, fratrem ipsius, se eius dominum constituisse dixit, fratresq; illius seruituti eiusdē subdidisse: eundem-

eundēq; victurū ex cæde & gladio, fratriq;
ipsius feruiturum : sed tempus venturū,
cum iugum eius solueret. Hæc autem be-
nedictionis occupatio, aded Esau Iacob in
festum reddidit, vt post mortem patris eū
interficere constituerit. Quod cū Rebec-
cæ nuntiatum esset, accersitum Iacob, de
odio fratris in ipsum, quod sola mors exa-
tiare posset, docet, monetq; vt ad Laban,
quem illa fratrē habebat, cōfugeret, apud
quem habitaret, dum fratris furor & odiū
illud placaretur, quod intra paucos dies
futurum pollicetur. Eademq; ad Isaac vi-
rum adiens, negat sibi vitalem ac suauem
hanc vitam fore, si Iacob vxorem in illa re-
gione acciperet. His vxoris verbis impul-
sus Isaac, Iacob cum ei bene precatus esset,
optassetq;, vt ei omnia euenirēt, quæ Abra-
hæ deus pollicitus esset, vetuit, ne vxorem
ex Chananæorum genere sibi deligeret,
imperauitq; vt se in Mesopotamiam Sy-
riæ ad Laban Bathuel filium, matris ipsius
fratrem proficisceretur, vxoremq; ex eius
liberis acciperet. Paruit Iacob parentum
præceptis, profectusq; domo paterna, cū
post solis occasum ad locum quendam ve-
nisset, ac sub dio quiescere vellet, lapide

pro puluino vsus, somnum cepit. Ibi per quietē scalam ingētis magnitudinis vidit, cuius cacumen cælum tangeret, ascendentesq; & descendētes per eam Dei angelos, & scalę innixum eum, qui ipsi Deū se Abrahæ & Isaac esse diceret, terrāq; in qua dormiret, ei eiusq; posteris daturum pollicetur, posteros eius pulueris numerū æquaturos, ipsum ad meridiē, orientē solem, & occidentem, septemq; triones peruagaturum, in ipso eiusq; semine gentes beatitudinem adepturas: se ipsius custodē futurū quocunq; proficisceretur, eumq; in illam terrā in qua tum esset, reduciturū, nec antē conquieturum, quā omnia quę dixisset, præstitisset. Iacob postea experrectus, memoria ea omnia quæ vidisset, repetere cœpit, eisq; ductus dicere, vere Deū in eo loco esse, & tamen se eius rei ignarum adhuc fuisse: Perterritusq; terribilem locum illum esse, nec aliud in eo, nisi domū Dei portasq; cæli esse dixit. Mane cū surrexisset, lapidem erectum & excitatum, quo vsus eum esse dixi pro puluino, oleo perfudit, & Bethel urbem quæ prius Luza dicebatur, nominauit. Votum etiam nūcupauit, si Deus ipsi adesset, custodemq; se ipsius

ipſius in via quam conficeret, præberet, panemq; & veſtitũ ſuppeditaret, uſusq; eſſet proſpera fortuna in reditu, fore, vt Dominus pro Deo ipſi eſſet, & lapis quem erexiſſet domus Dei vocaretur. Profectus inde venit in regionem, quę ad orientẽ pertinebat. In via puteum offendit, tresq; ouium greges ad eum accubantes. Os putei in genti ſaxo tum obturatũ erat, obturariq; ſolebat ſemper, cũ greges bibiſſent, nec antẽ detrudi, quàm oues omnes cõueniſſent. Paſtores autem rogare cœpit, vnde eſſent: cũ reſpondiſſent, Haran, quæſiuiſſetq; num Laban noſſent Nachor filiũ: ſe noſſe eumq; valere reſponderunt, atq; Rachel eius filiã cũ grege ſuo venire. Non dum finem colloquendi fecerant, cũ Rachel cum ouibus patris ſui quas paſcebat, interuenit. Iacob qui eam conſobrinã ſuã eſſe ſciret, lapidẽ primũ uoluit, vt gregi potum daret, dẽinde eam oſculatus eſt cũ lachrymis, tum ſe patris illius fratrem eſſe, Rebeccaq; filium indicauit. Illa domum properauit patri nunciatum, veniſſe Iacob Rebecca filium: quod cũ Laban audiuiſſet, non expectauit, dum domum ſororis ſuę filius veniſſet, ſed ei obuiam prodiit,

dijt, eumq; complexus & osculatus, domū suam duxit. Ac primū quī parentes valent, quidq; gererent rogauit, deinde quæ cum res eò ad se abduxisset. Cognitis causis itineris, os suum illum esse, atq; carnem respondit. Tricesimo die cum eū sibi gratuitò seruire passurum se esse negasset, etiā si sororis esset filius, quam mercedem accipere vellet, rogat. Erant ei filię duæ, maior natu Lia lippis erat oculis: minor Rachel nomine, honesta elegantiq; facie prædita. Eam cum Iacob diligeret, se Laban pro Rachel septē annos in famulatu fore promisit. Accepta conditione cum septem annos serui munus officium executus esset Iacob, tanta animi alacritate, vt pauci illi septem anni præ amoris magnitudine viderentur, tamen promissis minimè stetit. Nam cū Iacob petente vt Rachel sibi ex pacto vxorem daret, simulataq; voluntate ille conuiuio multos amicos adhibuisset: omnibus ritè perfectis quæ nuptiarum iura & fœdera postulant, noctu pro Rachel Liam supposuit in lecto, quam cum manē Iacob vidisset, focerū grauiter obiurgat, quòd sibi verba, supposita Lia, dedisset. Laban non est alia excusationē vsus, cur hoc fecisset.

fecisset, nisi quòd patri⁹ mos ferret, vt maiores natu priore loco nuptui traderent. Itaq; si vellet, ei octauo die pòst Rachel quòq; vxorem licitum esse ducere, dum modò alijs septem annis in suo famulatu esset. Placuit Iacob conditio, octauoq; die pòst Rachel accepit vxorem, cui pater Balam seruam tradidit. Ipse Rachel potitus optatis nuptijs, Liæ antetulit: quod cùm Deus vidisset, Liam contemptam, Rachel anteposita, fœcunditatem ei illa sterili permanente dedit. Ea autem cùm cõceptum partum edidisset, Ruben appellauit: alterũ etiam postea cum genuisset, Simeonem vocauit, tertium pręterea & quartum, Leui atq; Iudam nuncupauit. Tum Rachel quæ sterilem se animaduerneret, inuidit forori suæ, viroq; denuntiauit, nisi sibi liberos daret, se breui esse morituram. Cùm Iacob se Deum esse, qui eam liberis priuauisset, negaret, habere se illa Balam famulam dixit, cū ea cõgrederetur, vt pareret ex eaq; liberos fusciperet. Illa cū permisso dominæ ducta esset uxor, ex Iacob concepit, peperitq; filium, quẽ Rachel nan uocauit. Alterum etiam cùm Bala peperisset, Nephtalim domina illius nomen imposuit. Hinc

Lia

Lia quæ se concipere ac parere posse diffideret, ancillâ Zelpham nomine viro vxorem dedit: ex quo cū cōcepisset, filio Gad nomen dedit: Alterū cū peperisset, Aser nuncupauit. Quintum quoq; Lia cū postea peperisset, Issachar nomē ei imposuit. Sextū cum peperisset, Zabulon vocauit, postremò etiā filiam Dinam nomine. Rachel etiā ipsa tandē aliquando Dei benignitate concepit filiū, quem Ioseph nuncupauit. Cum vndecim liberos filiamq; vnā Iacob ex vxoribus quatuor suscepisset, egit cum socero vt sibi per eum vnā cū vxoribus ac liberis redire in patriam liceret. Laban autē, qui sciret quā auctæ opes suæ omnes essent, ex quo Iacob venisset, eū rogare cœpit, vt ab illo iniret gratiam, mercedemq; præscriberet, quam ab ipso acciperet, atq; id cū ei exposuisset, se expertū esse, sibi omnia dei benignitate propter eum prospere atq; ex animi sententia euenisse. Neq; hoc Iacob dissimulauit, imo verò præ se tulit, atq; exposuit, eū probè scire quantulæ suæ res atq; opes fuerint, in primo ipsius aduentu: tum autē ita easdem creuisse, vt qui pauca prius haberet, iā locuples esset. Itaq; æquum esse, se deinceps familiæ suæ confulere.

fulere. Cū ille quæreret, quid sibi dari
vellet, nihil se Iacob velle dixit, foreq; cō-
firmavit, vt iterum greges suos pasceret,
dūmodo faceret quod ipse postularet: po-
stulare autē se, vt cū lustrasset ipse omnes
greges suos, cunctasq; oues vario colore
parsoq; vellere præditas, sibi quicquid va-
rium esset, in mercedis loco cōcederet. De
qua re quo diligētius deliberaret, eum in
posterū diem sententię dicendę potestatē
differre voluit. Homo aut, qui è re sua fore
conditionē illā existimaret, id sibi placere
dixit in præsentia q̄ peteret. Secreuit ergo
eo ipse die capras, oues, hircos & arietes va-
rios, à reliquis, qui vno colore infecti erāt,
ridui itinere. At Iacob frōdibus populeis
viridibus, & amygdalinis, & platanorum
ex parte corticē detraxit: ex quo factū est,
vt parte altera cādide, altera virides essent.
Cumq; greges aquatū venissent, eas in ca-
nalibus collocavit, vt cum potarent oculis
subiectas haberēt, easq; intuentes cōcipe-
rent varios fœtus: quę eū minimè fefellit
opinio. Varios em̄ omnes conceperūt, qui
primo diei tempore admittebātur. Extre-
mo autem conceptu frondes non demitte-
bat. Itaq; vnius coloris omnia Laban erāt,
quæ

quæ eadem perpauca extiterunt. Sic præter modum se collocupletavit Iacob, adeo ut multos greges, ancillas, servos, camelos & asinos haberet. Hinc in odium incurrit & Laban, & eius liberorum. Quod simul atque sensit, misit qui Rachel & Liam uxores in agrum ad se accerferent. Eis cum venissent, exponit, se Laban in se animum à triduo immutatum animadvertere: Deum patris sui sibi non defuisse: eas probe scire, omnem à se diligentiam adhibitam esse ijs in rebus procurandis, quæ ipsius fidei creditæ fuissent: & tamen se à patre ipsarum circunuatum esse, quippe qui mercedem decies mutauisset: cum interea Deus illum ipsi iniuriam facere minimè passus esset. Si quando ille dixisset, varios foetus ipsius esse, tum varias oves omnes parere solitas fuisse: sin contra, albos foetus ipsius esse voluit, peperisse candidos: hoc ita fore, sibi per quietem à Dei angelo prædictum esse, atque imperatum, ut iam in patriam se reciperet. Uxores non modo non improbarunt viri orationem, verum etiam valde probarunt, atque id verum esse quod ipse de Laban patre narraret, per se expertas esse dixerunt. Itaque licere per se ipsi, quæ Deus præcepisset, facere. Iacob qui

vxorum

v̄xorum animos, à consilio suo alienos nō videret, statim v̄xoribus & liberis in camelos impositis, cū omnibus quæ in Mesopotamia quæsierat, abeundū sibi censet: idq; se tum percommode facere posse sperat. Laban em̄ se tum ad tondēdas oues contulerat. Iam amne traiecto Galad mōti appropinquabat, cū tertio diē quā discessisset, Labā nūtiatur Iacob fugere. Ille adhibitis fratribus eū persequi cœpit, ac septimo demum diē eū in monte assequitur. Eius autem animos repressit Deus, qui cum in somno monuit, ne quid asperius in Iacob diceret. Iacob iā in mōte tabernaculū fixerat, cū Laban eū assecutus est. Ibi Iacob obiurgat, quòd se inscio, pene gladio filias suas quasi captiuas, abegisset, cur ipse illo suo consilio officium eū & illas cū lætitiis, cum cantionibus, tympanis & citharis prosequendi impediuiisset? cūr sibi tempus in oscula filiarū ruendi non dedisset? Stultū & imperitū omnis humanitatis illū se præstitisse, quam quidē iniuriam facile vlcisci posset, nisi Deus quem pater eius coleret, monuisset, ne quid durius in ipsam diceret. Vt faceret, desiderio suorum illum teneri, tamen ne Deos suos illū furari oportuisse

E tuisse

tuisse? Rachel autē Deos patris sui clam viro abstulerat, nō Iacob. Itaq; ad hęc ille respondet, se inscio illo, abijisse, q̄ vereretur ne vi filias suas retineret. Quod autē furti ipsum argueret, nō recusare se, quò minùs is apud quē inuenirentur, in cōspectu fratrum necetur. Scrutaretur sanè, & si quid suū inuenire posset, auferret. Scrutari primum cœpit ille tum Iacob, Liæ & vtriusq; ancillæ tabernacula: deinde Rachel tabernaculum, quò simul atq; ingressus est, Rachel Deos, id est simulacra Deorum patris sui, celeriter sub cameli stramentis occultauit, atq; in eis sedēs, scrutantē patrem totum tabernaculum & nihil inuenientē rogauit, ne succenseret sibi, quòd ei assurgere per morbū, qui mulieribus incidere soleret, minimè posset. Sic elusa cura & diligentia quærētis est. At Iacob qui furti, vt dixi, & totius rei ignarus esset, datā sibi cōquerendi facultatē ratus, quērere à Laban cœpit, quod ob meritū suū sic in ipsum exarsisset, vt omnē suā suppellectilē scrutaretur? si quid suum inuenisset, in cōspectū fratrum proferret, vt inter vtrunq; iudicaret. Itane verò viginti annos apud eū serui locum obtinuisset, si quid à bestia captum fuisset,

fuiſſet de grege, damnum ipſe reſarſiſſet,
 ac ſibi deputaſſet, quicquid furto ablatum
 fuiſſet, à ſe exegiſſet, & interdium noctuq;
 æſtu oppreſſus fuiſſet, frigoreq; obriguiſ-
 ſet ſine ſomno, cū interea mercedē ipſius
 decies immutaſſet, vt poſt tot damna quæ
 accepiſſet, tot labores, pericula & mala
 quæ pertuliſſet, furti ipſum argueret atq;
 nudū penè dimitteret, niſi deus, qui illum
 pridie coarguiſſet, ipſi miſero & calamito-
 ſo ſubueniſſet? Labā hoc loco omnia quæ
 Iacob cerneret, filias, earumq; filios, & gre-
 ges eiſdem, ſua eſſe cum diceret, ex eoq;
 negaret filijs ac nepotibus quicquā ſe poſ-
 ſe facere, eū rogauit, vt fœd' inter ſe inirēt.
 Inierūt fœd' in mōte, qui ex eo poſtea Ga-
 lad, id eſt tumulus, ſiue aceruus teſtis, ſiue
 teſtimonij, nominatus eſt. Fœderis autē,
 quod iureiurando vtriuſq; ſancitū eſt, hæc
 fuit ſententia: Iacob filijs Laban nūquam
 mala daturū eſſe, eiſq; repudiatis, aut retē-
 tis, alias præterea vxores nō eſſe ducturū:
 neutrum eorum vnquam mali cauſa mon-
 tem illū, quem teſtem eſſe vellent, præte-
 riturum. Ac Iacob quidem fœdere in hæc
 verba expreſſo & ſancito, immolatis ho-
 ſtjis in mōte omnib' cœnā dedit: Labā au-

tem noctu surgens cum liberis suis oscula tulisset, ac bene precatus esset, domum redijt. Tum Iacob iter quod susceperat cōficere cœpit. In via angeli duo ei facti sunt obuiam, quos cum vidisset, castra Dei illa esse dixit, ex eoq; locū illum mahanaïm, id est castra, lingua patria nominauit: præmisit aut de via legatos in Seir, quæ pars est Edom, ad Esau fratrem, cum his verbis & mādatis: Se apud Laban peregrinī mōre ac ritu ad illū diem vixisse: sibi esse boues, asinos, oves, seruos & ancillas: hoc rogare, vt ab eo ineat gratiam. Legati cum obijssent munus legationis, redeuntes Iacob Esau fratrem cum quadringentis viris venire obuiam nuntiauerunt. Ille hoc nūtio perterritus, suos, oves, boues, camelos & asinos in duo agmina diuisit. Hoc enim cogitauit, si in vnū agmen Esau impetū faceret, saluum & incolume fore alterū. Quæ cum perfecisset, Deum rogare cœpit, vt qui pollicitus esset, si in patriā reuerteretur, fore, vt bonis ipsum afficeret, se ex manu & potestate Esau, quem vehementer metuēret, eriperet, ne aduentu suo matrem cum liberis interficeret. Sibi quidē satis cōpertum esse, indignū se esse omnibus illius in ipsum be-

sum beneficijs, sed tamen ipse, qui tot tantisq; bonis eum affecturum se esse promississet, vt ipsius posteros arenæ maris instar augeret, sibi misero rebus dubijs subueniret, præsertim cum duabus turmis auctus rediret. Cum his verbis nocte illa somnũ cœpit: prima luce seiũxit ea omnia, quæ Esau muneri placãdi eius animi causa mittenda cœsuit, capras ducẽtas, hircos viginti, oves ducentas, arietes viginti, camelos cum pullis suis triginta, vaccas quadraginta, tauros viginti, asinas viginti & pullos earũ decẽ. Hęc omnia per seruos ita misit, vt singulos seorsum greges certis interuallis distictos duci iuberet: eisq; imperauit qui greges sequebãtur, vt si Esau, cuius ipsi essent, aut quonam irent, vel cuius essent, quæ sequerẽtur, rogaret, Iacob serui ipsi se esse qui ei domino suo illa oĩa muneri mitteret, quiq; sequeretur, respõderent: hoc em̃ illum cogitasse, animum ipsius muneribus quæ mitteret, se placaturum esse, tumq; illum visurum: sic enim illum fortasse ipsi propitium fore. Præmissis seruis cum muneribus, ipse nocte illa in castris remansit. Mane vadũ Iacob cū vxoribus duabus totidẽq; ancillis & vndecim liberis traiecit.

Transportatis suis omnibus, ipse solus mā
ferat, cū vir cū eo ad primā lucē vsq; lu
ctatus est. Is cum Iacob vincere se non pos
se animaduertēteret, femoris eius neruum
tetigit, quo ictu statim emarcuit, ita vt
claudicaret. Itaque statim cum eo egit, vt
omitteret, quod iam luceſceret. Cū
omissurum eū se negaret, nisi ante sibi be
nediceret, ei benedixit, imperauitq; ne de
inceps Iacob, sed Israel, diceretur. Si enim
in Deū virū fortemq; se preſtitisset, quāto
magis hominibus superior eſset futurus?
Cū ex ea lucta se collegisset Iacob, &
Deū à se viſum dixit, & ex eo animū suū
ſeruātū eſſe dixit. Cum ex eo loco aciē o
culorū intendisset, Esau venientē animad
uertit cū quadringētis viris. Hinc sibi ſuos
in tria agmina diuidendos ita cēſuit, vt v
tranq; ancillam cum earum liberis in prin
cipijs, Lian eiusq; liberos ſecūdo loco, Ra
chel ac Ioseph extremos collocaret. Ipse
pregreſſus, ſepties ſe humi deiecit, & vene
rat⁹ eſt, quoad Esau appropinquaret. Quod
ab illo fieri Esau animaduertisset, fratri
cūcurrit obuiam, eum complexus eſt pri
mū, deinde collum eius astringens, &
in oscula ruens, fleuit. Idem erectis oculis
cum

cum agmina mulierum earumq; liberos vidisset, rogauit quid sibi illi vellent, & num illius essent, ac cuius esset turmæ, quæ ipsi factæ fuissent obuiam. Paruulos esse respondit, quos ipsi illius seruo Deus dedisset: turmas autem illas ei se muneri misisset, vt cū ipso in gratiā rediret. Se Esau pluribus abundare dixerat, & ipsum sibi sua retinere iusserat, cū eum Iacob vehementer, etiam atq; etiā rogare & obtestari cepit, vt si quid apud eum gratia valeret, munusculum à se acciperet. Se enim nō aliter os eius, atq; os Dei intueri. Itaq; orare se, vt sibi propiti⁹ esset, & munera, quæ à deo accepta attulisset, acciperet. Esau cū vix tandē aliquādo à fratre coactus dona accepisset, rogabat, vt vnà iter facerēt, sed Iacob id sibi non licere dixit per pueros & greges, à quibus abesse sine summo periculo nō posset. Proinde ab eo petiuit, vt antecederet, seq; eū pedetētim secuturū cū pueris pollicitus est, dū ad illū in Seir perueniret: nec orantē, vt nonnullis ex suis se cū esse pateretur, audiuit, cū id minimè opus esse dixisset, idq; vnū rogasset, vt ab ipso gratiā iniret. cū antecessisset Esau, ipse in locū qui postea Sochet, id est taber-

nacula, ab eo dictus est, ex eo quòd ibi tabernacula fixisset: venit, atque non procul ab oppido Sichimorum quod tum Salem, pòst Hierosolyma appellatum est, habitauit. Ibi cum emisset centum agnis partem agri, in quo eum fixisse tabernacula, paulò antè docui, ab Emor Siché patris filijs, ædificata ara, Deum Israelis coluit. Deus Iacob nec ita multò pòst præcepit, ut Bethel proficisceretur, ibiq; habitaret, aramq; poneret Deo, qui ei cùm fratris conspectu fuget, apparuisset. Ipse conuocata omni familia sua, omnibus imperauit, vt abiectis repudiatisq; Dijs alienis, expiati vestibus mutatis Bethel venirent: aramq; Deo edificarèt, qui ipsum ex periculis malisq; omnibus eripuisset. Cùm illi Deos suos, atq; in aures quæ in ipsorum auribus essent, dedissent, ipse eas sub terebintho, quæ haud procul ab vrbe aberat, defodit. Cum profecti essent, omnes locorù incolæ terrore diuino perculsi, eos abeuntes non sunt ausi persequi. Luzam cū venissent, Iacob imperata sibi à Deo fecit. Vere cū Ephrathan, quæ vrbs pòst Bethleem dicta est, venisset, Rachel alterum filium maximo cū dolore peperit, quem ex eo Benoni, Iacob Benjamin, id

min, id est filium dextræ, nūcupauit. Ibi in
via quæ in eam urbem fert, Rachel cū mor-
tua esset, sepulta est, eiq; vir sepulchrū ex-
citandum curauit. Venit etiā Iacob Mam-
bram Arbeæ ciuitatem ad Isaac patrem, cu-
ius aduentus & aspectus, eiusq; vxorum &
liberorum, non est dubium, quin maxima
illū lætitia affecerit. Res pòst accidit eiuf-
modi, quæ primò maximum ei dolorē, de-
inde tandem aliquando maximā volupta-
tem attulit. Ioseph, quem vnum ex omni-
bus liberis charissimum habebat, propte-
rea quòd illum senex genuisset, in fratrum
odium incurrit, somniorum, quæ visa à se
eis narrauit, causa & nomine. Itaq; cum se-
decim annos natus, à patre, vt qd in agris
fratres agerent (greges autem pascebant)
videret, missus esset, illi tempus explendæ
inuidiæ venisse rati, interficiendū esse cen-
sent, præter vnū Ruben, qui eum liberan-
di causa in cisternam quandam demitten-
dum esse dixit. Ac Ruben quidē valuit sen-
tentia. Eum autem Ismahelis posteris, qui
paulò pòst illac iter fecerūt, viginti argen-
teis vendiderunt, in scio Ruben. Ismaheli-
tani eum in Aegyptū ducentes, Phutiphar
Pharaonis Regis Spadoni, exercitusq; eius

præfecto ac duci vendiderunt. Fratres autem communi cōsensu vestem eius in hædi, quem ad eam rem mactauerant, sanguine eo consilio tinxerunt, vt vestem cruore fœdatam ad patrem mittentes, se illā inuenisse nūntiarēt, quæ vtrū Ioseph necne esset, videret. Eam Iacob cum vidisset, statim agnouit, dixitq; Ioseph filium à fera pessima esse deuoratum: scissisq; & laceratis vestibus, cilicio amictus eū diu luxit. Tanta autē ea vis doloris mœrorisq; fuit, vt cū reliqui fratres patris consolandi causā conuenissent, eū nulla ex parte lenire atq; abstergere potuerint. Quid autem eundem etiam auxerit, sequitur vt dicam: tū id exponam, quod cum doloris amotione maximam ei attulit voluptatem. Phutiphar is quem paulō antè dixi, emptū Ioseph, cū eius ingeniū, mores virtutesq; perspexisset, familiæ suæ præposuit: eamq; ille tanta prudentia Dei benignitate gubernauit, vt præter modum opes domini omnes ac facultates auctę sint, ex quo plurimū apud illum gratia valere cœpit. Cū autem castimoniam cum forma coniunctam haberet, Phutiphar vxor, cuius libidini fœdoque amorī ille parere ac seruire nolūisset, viro redeun-

redeunti pallium Ioseph, quod ipse, ne vi obscœnò amorì daret operam, tenentì illi reliquisset, ostēdit, quasi stupri, quod ille offerre voluisset, documētum. Phutiphar credulus, eum statim indicta cāusa in carcerem coniecit. Ibi cum pincerna & pistor Pharaonis, qui eò coniecti postea fuerunt, somnia vidissent, quę eorum animos angere, Ioseph re cognita, eorū ita interpret fuit, vt rem euentus comprobaret. Eorum autem alterum rogauit, vt cum ad munus pristinū accitu Pharaonis rediisset, domino suggereret, quā iniquē in custodiā traditus fuisset. Quod ille pollicitus, nō antē pręstitit, quā Pharaō somnijs suis vehementer perterritus, cū ad cōiectores ea retulisset, qui interpretari nō possent, admonuit, vt Ioseph ei in mentē veniret. Eiūs enī monitu tū demū impulsus Pharaō, illū ex carcere eductū adhibuit interpretē, à quo cū didicisset somnia sua, quę vbertas septē annis, quę item sterilitas & annonę caritas alijs septem annis insequentibus futura esset, portendere, eius sapienti consilio parens, septem prioribus annis tantam vim tritici collegit, vt annis alijs septē, in quib⁹ fame pene vniuersus orbis terrę oppressus fuit,

fuit, omnes in Aegyptū emendi tritici causa, vel ire vel mittere sint coacti. Itaq; cum Iacob annonā deesse sibi ac suis cerneret, in Aegyptum decem liberos emendi causa misit, vno Benjamin domi retēto, ne quid ei mali in via accideret. Ioseph autē secundum Regem illius iussu poterat plurimū in Aegypto, eiusq; auctoritate res frumentaria administrabatur. Ne longum faciam, fratres eius decē veniunt; eos statim agnoscit, nec ab eis agnoscitur: speculatores eos esse dicit, quod illi ita purgarunt, vt duodecim fuisse fratres se dicerēt, quorū vnus non superesset, minimus natu cum patre sene remansisset. Ille eos speculatores se nō esse probaturos negat, nisi frater minimus natu venisset. Itaq; eos primū in custodiam tradit, deinde tertio die eis præcepit, vt frumenta quæ emerant, ad patrē ferrent omnes præter vnum, quem vinctum retineret, dum minimū illum natu adducerent, vt an vera esset eorum oratio probaret. Ibi patrio sermone quem à Ioseph minimē intelligi arbitrarētur, inter se alij alijs dicere, iure ac meritò hæc sibi tanta mala euenire, quòd fratris rogantis minimē miserti essent: quinetiā Ruben, is qui illum

illum eripere,quemadmodum paulò antè dictum est, voluerat, illius sanguinem requiri dixit,quòd in eum contra voluntatē cōsiliūmq; suum peccassent.Ioseph,quem quòd per interpretem eos alloqueretur, verba sua intelligere nō putabant,paulum inde se subducēs, flere cœpit:reuersus saccos tritico compleri cum argento eorū iubet.Abeunt,rem omniē patri narrant,aper tis saccis pecunia vnà cum frumētō effunditur. Iacob,quod Simeon remansisset,Ioseph mortuus esset, Benjamin peteretur; se liberis omnibus ab illis orbari queritur: primoq; Benjamin se daturum negat, eosq; augēdæ miseriæ suæ causa Benjamin filium indicasse dicit:deinde cum Iudas se ac fratres reuertit sine eo non audere docuisset; seq; præstaturum si quid fraudis inesset,spōndisset,duci eū passus est: præcepitq; liberis vt munera viro deferrent, & duplicem pecuniā, cum Deum suum præcatus esset, vt virum placatum ac propitium eis redderet, ita vt vnà cū eis & eum quem in vinculis haberet,& Benjamin ipsum remitteret:se interea vt liberis omnibus orbem futurum. Ioseph cum eos vidisset vnà cum Benjamin,procuratori imperat,

perat, vt eos domū introducat, cōuiuium-
que instruat, quod meridie illos secum vel
let accumbere, adhiberiq; cōuiuiō. Domū
cum intromissi fuissent, perterriti vltro ci-
troq; alij alijs dicere cœperunt, se ob pecu-
niam, quam superiore profectiōe sua re-
portassent, in saccis suis, introductos esse,
vt calumnia fraudeq; patefacta, sibi seruos
subijceret. Itaq; re procuratori ita patefa-
cta, vt salua sua fide & conscientia totum fa-
ctum esse dicerent, procurator ipse id Dei
benignitate factū esse ait, atq; vt bono ani-
mo essent, metūq; ponerent, monet, quod
pecuniā vniuersam haberet. Meridie cūm
Ioseph venisset, educto iā Simeon, omnes
ei supplices munera deferunt. Eos cūm vi-
cissim salutasset, interrogat, valeretne pa-
ter eorum senex: cūm eum valere ac viue-
re respondissent, Benjamin cognito, rōgat
num is esset puer, quem dixissent, cūm es-
se respondissent, ac precatus esset, vt eius
deus misereretur, iam lachrymas cōhibere
præ animi permotione non poterat. Itaq;
in cubiculum celeriter introit, ibiq; obor-
tis lachrymis flere cœpit. Inde quampri-
mū, cū se collegisset, ad fratres redit: cūna
vnā pransi essent, Ioseph procuratori præ-
cepit,

cepit, vt impleret saccos omnium frumento, atq; in ore pecuniâ singulorum, in ore verò sacci minimi natu cyphum suum argenteum prætereà poneret. Prima luce ingressi iter fratres vndecim, iam paulum progressi erant, cùm Ioseph procuratorem mittit, qui cyphum argenteum surreptū diceret, cum illi non recusare se diceret, quominus is qui furtū fecisse deprehenderetur, interficeretur: reliqui autē serui domini sui esset, procurator eorū probata sentētia & cōditione, ita duntaxat vt seruus ipsius esset, qui furtū fecisse coargueretur, nec fraudi esset cæteris, in sacco Benjamin cyphū reperit. Omnes tum mirari, lamētari, deplorare fortunam suam: Iudas vadē se pro Benjamin præstat, cū longo sermone Ioseph exposuisset, quid seni patri pollicitus esset. Ioseph tū deniq; eū se esse quē vēdidisset, profitetur: perterritos confirmat, cū salutis eorū causā se illuc à deo missum esse dixisset. Quinquenniū docet reliquū esse sterilitatis ac famis, quæ orbem terræ oppressisset. Itaque maxima cū celeritate ad Iacob patrē reuertentes, ei nuntiarent, Ioseph filium qui in vniuersa Aegypto secundū Pharaonem Regem pluri-

plurimum posset, illum monere, hortari,
& rogare, vt sine mora ad se proficiscere-
tur, vt in Gessen habitaret ipse, liberi, ac
nepotes vnà cū armentis, gregibus & om-
nibus quæ possideret. Ibi enim ipsum ea
omnia quæ ad victū pertinerent, ijs quin-
que annis qui superessent, suppeditaturū.
Pharao etiam cum Ioseph fratres venisse
accepisset, vehemēter lætatus est, omnisq;
eius comitatus: deditq; Ioseph negotium,
vt fratribus suis imperaret, vt patrem om-
nemq; eius cognationē aducherēt. Quod
quò cōmodius fieret, plaustrā eis dari ius-
sit, singulisq; binas tunicas cū viatico præ-
beri, præterquàm Beniamin, cui trecentos
argenteos cum quinq; stolis erogari, & tan-
tundem mitti Iacob voluit. Cū hæc om-
nia liberi Iacob patri de Ioseph vita & prin-
cipatu exposuissent, quanquam primò nō
credidit, tamē tandem aliquando cū plau-
stra vidisset, quæq; misisset omnia, spiritus
eius reuixit, dixitq; sibi satis esse quod vi-
xisset, si Ioseph filius viueret. Se enim eum
visurum esse ante mortem, vt in eo acqui-
esceret. Profectus est paulò post Iacob cū
suis omnibus, ac primū ad puteum qui
iurisiurandi puteus à iureiurando dictus
est,

est, venit. Ibi immolatis deo hostijs, noctū
ab illo per quietē bis nomine appellatus,
monetur, vt in Aegyptum ire minimē du-
bitet, quod ipse illi nullo loco esset de fu-
turus. Hoc oraculo diuino cōfirmatus, sus-
ceptū iter meliore animo maioreq; studio
ingreditur. Quinq; autē & septuaginta cū
siue secuti sunt, siue deduxerunt. Cū haud
procul à Gessen abesset, præmisit Iudam,
qui Ioseph nuntiaret, se ac suos omnes ve-
nire. Ioseph cōscenso curru, eò magnis iti-
neribus cōtendit, vt patri fieret obuiā. Eū
cū videret, in collū illius ruit, cōplexusq;
eum fleuit. At pater lætum se iam moritu-
rum esse dixit, quod eum vidisset, supersti-
temq; relicturus esset. Hinc Ioseph quin-
que frātres extremos, primū ad Regem,
cum docuisset quibus verbis vteretur ad-
duxit, deinde Iacob patrem. Is cūm roga-
tus esset à Rege, quot annos esset natus, cē-
tum & triginta annōs dies peregrinatio-
nis vitæ suæ esse respondit, exiguos ac ma-
los, qui tamē ad dies patrū ipsius minimē
peruenissent. Attributus est autē iussu Re-
gis ei atq; familię ager Rameffinus in Ges-
sen, ibiq; cum suis decem & septem annos
vixit, cum interea res eius familiaris adeo

F creuit,

creuit, vt locupletissimus & esset & haberetur. Annos verò natus centum quadraginta septem, cum mortē appropinquare intelligeret, ad se Ioseph vocans, eum iure iurando adegit, se curaturum, vt in sepulchro maiorum cōderetur. Cum ægrotare eundem Ioseph audisset, ad eum venit vnà cum duobus liberis Manasse & Ephraim. Eos senex primùm cōplexus & osculatus est, deinde adoptauit, cum Ioseph dixisset, si quos postea genuisset, eos illius fore liberos: postremò eis bene precatus est. Sed cum Ioseph ita vtrunq; exhibuisset, vt Manasse, qui maior erat natu, ad illius dextrā, ephraim ad sinistram collocaret, vt dextrā Manasse, Ephraim capiti sinistram imponeret, manuum commutatione filium fefellit. Quòd cùm acerbè ferret, ob eamq; causam patrem moneret, secus esse faciendum, quòd esset maior natu Manasse, se id probè scire respondit, sed illud se facere, quòd minor natu futurus esset maior ac potētior. Idem nec ita multò pòst, liberos omnes qui erant duodecim numero, cōuocauit: idq; eò se facere dixit, vt eis res futuras multò antè exponeret. Cùm conuenissent, singillatim quid cuiq; & eius posteris euentu-

cuenturum esset, ducto à Ruben maximo natu exordio, explicauit. Mortuum paulò pòst Pharaonis concessu Ioseph cum fratribus sepulturæ causa in Chananæorum regionem magno nobilium Aegyptiorū comitatu deduxit. Ibi cū odoribus perfusum in ea spelūca, in qua Isaac & Abraham sepulti erant, condiderunt.

IUDAE PATRIARCHAE

Vita.



Vdas à quo Iudæi dicti sunt, Iacob patre & Lia matre natus est. Eum hoc nomine Lia mater appellauit, quòd cū illum quartum peperisset, Deo se iam confessuram, id est laudem tributuram esse dixit. Iudas enim Hebraico sermone confessio, id est laus dicitur. Hic cū Ioseph frater, de quo mox dicemus, somniorū causa & nomine, fratrum vndecim inuidiam sibi conflasset tantam, vt in agro cum ab eis arreptus & cōprehensus fuisset, de eius morte cogitarent, pręter Ruben, qui eius seruādi causa cōsiliū dedit fratribus, vt illum in cisternam veterem deijcerent: hic inquam Iudas auctor paulò pòst eisdē fuit, vt illū

F 2 inde

inde extractum, Ismahelitanis uenderent, cū dixisset, nihil se ac fratres vtilitatis percepturos esse, si Ioseph, qui frater & caro esset omniū, celata morte interemissent. Itaq; eius consilium cæteri secuti, illum viginti argenteis vendiderūt. Eidem Iacob pater moriens, cum duodecim filios bene precandi causa & prædicendi, quæ eis eorumq; posteris euentura erant, conuocasset, diuino numine afflatus, prædixit fore, vt ex illo potissimum, non ex alijs liberis Christus nasceretur. Eodem ferè tempore cū Ioseph venditus est à fratribus, relictis cæteris, Iudas ad virum Odollamitanū Hiram nomine diuertit, quo in loco cū Chananæi cuiusdam filiam, cui Suæ nomē erat, vidisset, eam vxorē accepit. Ex ea liberos tres suscepit, quorum maximū natu Her, alterum Onan, tertium Selam vocauit. Maximo natu filio Thamar dedit vxorē, cum adoleuisset. Is cū sceleratè viueret, nec ita multò post sine liberis supplicij causa excessit è vita. Itaq; Iudas Onan filium monuit, vt cum Thamar fratris sui vxore congrederetur, fratriq; semen excitaret, id est liberos procrearet. Ille, qui sibi liberos nō nasci intelligeret, cum liberis operam dedisset,

disset, semē effundebat, ne fratris nomine liberi nasceretur: quod ita Deo ingratum & inuisum facinus fuit, vt eius nomine nō ita multò pōst supplicij causa interiret. Iudas qui hoc intelligeret, Onan filio mortuo Thamar nurum monere cœpit, vt vidua domi paternę maneret, quoad Sela minimus natus filius adoleuisset, eiusq; monitis illa paruit. Interea Sua Iudæ vxor mortua est, quam cū ille luxisset, mœrore tandem aliquando liberatus animi laxandi causa ad oues tondendas profectus est. Hoc cum Thamar resciuisset, positis vestibus quibus viduas amiciri mos erat, vestē æstiuam sumpsit, itaque mutata veste in biuio quod Thamnā ferebat (id enim loco nomen erat) sedit, propterea quòd Sela creuisset, nec eum maritum ex pacto acciperet. Iudas qui scortum esse existimaret, (os enim operuerat, ne agnosceretur,) se ei hœdum missurum esse promisit pro concubitu, quā illa conditionem oppigneratis pro hœdo annulo, armilla & scipione accepit: eoq; vno concubitu ex illo grauidata est. Domū simulatq; Iudas peruenit, misit hœdum per pastorem, qui pignus reciperet. Is non inuenta muliere, cum diligenter ac

studioſe ab hominibus loci illius, quæſiſſet vbi mulier eſſet, quæ paulò antè in biuio illo ſtetiſſet, redijt ad dominũ nuntiatum quid ex loci hominibus comperiſſet. Tũ Iudas, Habeat, inquit, ſibi pignus, certè mendacij arguere me non poterit. Ecce autem exactis menſibus tribus nuntiatum Iudæ conſtupratam eſſe Thamar nurum, eiusq; vterum intumeſcere. Erat iam tum in more poſitum, vt quę ſtuprum admiſiſſet, ſupplicio afficeretur. Itaq; præcipit, vt producat, & exuratur. Cũ ad pœnam duceretur, miſit qui ſocero diceret, videret ipſe cuius annul⁹, armilla & ſcipio quæ mitteret, eſſent, ex eo enim ſe eſſe grauidã. Ille agnitis muneribus, eam ſe meliorẽ & æquiorẽ eſſe profeſſus eſt, quòd illam Seleũ filio ſuo, ſicuti promiſerat, nuptui nõ tradidiſſet. Se tamen ab ea poſtea ſemper quãdiu in vita manſit, abſtinuit. Inſtante autẽ partu, gemini in vtero apparuerunt, cumq; in ipſa effuſione vnus manũ protuliſſet, obſetrix coccinum in ea ligauit, cũ eum priorẽ proditurũ ſuſpicaretur. At illo manũ retrahente, alter prodijt, cui mulier obiecit, propter eum diuiſam eſſe macerem, ob eamq; cauſam Phares eum vocauit.

Secutus

Secutus est postea alter, in cuius manu coc-
cinum erat, eumq; Zaram appellauit.

IOSEPH PATRIARCHAE

Vita.



Ioseph Iacob patre, Rachel matre
natus est. Eum pater cæteris libe-
ris chariorem habuit, quòd illum
senex generauisset, ob eamque causam in
fratrum odium incurrit tantum, vt nul-
lum sermonem cum eo nisi irato animo
habere possent. Et quanquam tanti illo-
rum odij causa, non solum amoris pater-
ni præstantia fuit, sed etiam crimen maxi-
mum, quo eos apud patrem sedecim an-
nos natus accusauit: tamen somnia quæ vi-
dit, tanti odij seminarium fuerunt, vt de
eius etiã morte cogitauerint. Quæ omnia
quomodo gesta sint, exponendum censui.
Duo quidem vidit somnia, quorum prius
fratribus narrauit his ferè verbis: Videbar,
inquit, videre nos ligâtes in agro manipu-
los, meumq; manipulum quasi attollentem
se & erigentem ac stantem, vestros autè cir-
cunstantes, & adorâtes meum. Quod cum
exposuisset, fratres concitati, quærere

cœperunt, num ipse rex ipforum futurus
esset, aut ditioni eius subijcerentur? Alte-
rum vidit, narrauitq; & patri & fratribus:
Visum se esse dicebat à Sole, Luna, & stel-
lis vndecim adorari: cùm narraisset, eū pa-
ter obiurgauit, quasi somnio suo significa-
ri vellet, fore vt illum hic ipse, mater, fra-
tresq; venerarentur, & adorarent. Sed ta-
men rem tacitus pater consyderabat, fra-
tres autem inuidiæ facibus inflammati in
eum ferebantur, id quod res ipsa declara-
uit. Nam cùm non ita multò post in agro
greges pascerent, eiq; pater præcepisset, vt
viseret, num præclarè cū eis ageretur, om-
niaq; ex sententia euenirèt: vt primū eum
venientē animaduertere & agnoscere po-
tuerunt, inter se hæc dicere & iactare cœ-
perunt, eum qui somniare solitus esset, ve-
nire, eum interficiendum esse, & in cister-
nam veterem proijciendum, quem à fera
deuoratum dicerent, ac tum deniq; exper-
turum eum esse, quid illum somnia sua ad-
iuuēt. Ruben natus maximus nihil de mor-
te cogitandum censuit, auctorq; fuit, vt eū
vium in cisternam veterē deijcerent, idq;
eius consilium eò pertinebat, vt eum sal-
uum & incolumem patri redderet. Illius
consilium

consilium secuti, cùm primum ad eos peruenit, detracta veste talari & polymita, eũ in cisternam, quæ aquam non habebat, demittunt. Iudas autem paulò post cum viatores Ismahelitanos animaduertisset, egit cum cæteris, vt ne fratrem ibi miserè perire vellent, extractumq; potius negotiatoribus venderent. Valuit eius sententia: vigintiq; argenteis cum Madianitanis venderunt, Ruben consilij huius ignaro. Itaq; cùm reuersus ad cisternam eum minimè inuenisset, maximo dolore affectus est, currensq; ad fratres scissis vestibus, Puer, inquit, non adest: ego quò me vertā, quò me cõferam? Tunicam autem sanguine hædi quem occiderant, tinctam, perferendam ad patrem quibusdam dederunt, quam cū ille vidisset, Ioseph tunicam dixit esse, quæ fera deuorasset. Eumq; sumpto cilicio diu luxit, nec redeuntes postea liberi eius dolorem lenire vlla ratione potuerunt. Madianitani autem Ioseph in Aegypto venderunt Phutiphar Pharaonis regis Spadoni, qui idem magister erat militũ. Sic venditus est Ioseph fratrum inuidia & scelere, nulla sua culpa. Itaq; cum Deus conseruandum tuendumq; accepit, ei que ita omnia

prosperè voluit euenire, vt apud dominū suum qui hoc intelligeret, tanta gratia valuerit, quāta valere debuit is, quem rebus suis domesticis ac familiaribus præponendum cēfuerit. Quo in munere cum se præstitit, vt eius causa deus illius domini opes atq; facultates tā in agris, quā in ædibus nō mediocriter auxerit. Nec verò in tanta domini gratia se, id quod ferè fit, aut insolentius gessit, aut petulantius, sed moderatione animi vsus est, tamq̃ue continenter temperateq; vixit, quā eum sequens miræ continentix exemplum vixisse declarat. Erat eleganti honestaq; forma, qua domina, absente aliquando viro, capta & illecta, eum ad stuprū sollicitare & incitare cœpit. Ille qui id nefarium, & Deo ingratum intelligeret, honesta oratione libidinem dominæ castigare & vincere, dominū suū omnia quæ domi essent, quorū tamen numerum ignoraret, arbitrio potestatiq; suæ tradidisse, præter illam vnā, quæ eius vxor esset. Itaq; sibi hoc non licitum esse facere, quo etiam Dei offensurus esset volūtatem. His quidem verbis ille quotidie mulierem à stupri consuetudine deterre-re conabatur: mulieris autem libido non
solum

solum non coërcebatur, verùm etiam magis ac magis exardescibat. Itaque cùm Ioseph aliquando sine arbitris quippiã operis domi ageret, illa eius amore capta, apprehensa pallij eius lacinia de concubitu agere cum illo cœperat, cum ipse abiecto relictoq; in manu dominæ pallio, quoniam alius euadendi locus non patebat, aufugit. Illa autem quæ hoc ipso contemptam spretamq; se videret, domesticos ad se accersit, eisq; exponit vim, quam vir Hebræus à viro introductus, ob stuprî consuetudinem ipsi inferre voluisset: quod quò facilius persuaderet, monstrat palliũ, quo relicto, cùm ipsa exclamasset, ne deprehenderetur, elapsus esset. Neq; hoc solum, sed in reditum viri pallium seruat: cùm rediisset, fictis lachrymis cum eiulatu, vt mos est mulierum, eadem viro exponit. Vir nimium credulus verbis mulieris, acerbè grauiterq; iniuriam à seruo dominæ illatam se ferre ostēdit, mittitq; quàm primùm qui comprehensum adolescentem in carcerem, in quo vincti Regis erāt, coniiciant. Videant nunc omnes, etiam atque etiam consyderent, quanta pudicitia castimoniamque laude Ioseph valuerit, qui

qui eam nec crebris dominæ blāditijs, nec
minis expugnari passus sit, maluerit quæ ad
certum supplicium rapi, quàm eius iactu-
ram facere. Digna profectò est, quam om-
nes sibi proponant ad imitandum. In car-
cere Deus ei, quem culpæ illi affinem non
esse sciret, affuit. Nam tantam gratiam sta-
tim à præfecto carceris eius benignitate
inijt, vt traditis ei omnibus, qui in uincu-
lis erāt, ipse nihil gereret, omniaq; Ioseph
auctoritate fierent. Interea accidit vt Spa-
dones duo Regis Aegypti, quorum alter
eis qui erant à poculis Regis, alter pistori-
bus præerat, aliquid sceleris admitterent,
quo grauitè infensus Rex, illos statim in
eum carcerem in quo Ioseph erat, conijci
iussit. Ii cùm Ioseph traditi essent à præfe-
cto carceris, & aliquot iam dies interces-
sissent, somnia tristia viderunt. Ioseph au-
tem cum eos solito tristiores animadu-
ertisset, quæ nam causâ esset, rogare cœpit.
Respondent se vidisse somnia, quæ nemo
posset interpretari. Ille Dei interpretatio-
nem esse cū dixisset, narrare eos iubet. Præ-
fectus pincernarum, prior suum exposuit
hoc modo: Visam sibi esse vitem narrabat,
in qua essent tres pampini, crescere paula-
tim

tim in gemmas, & post flores vuas visas maturefcere, visumq; tū in manu sua esse Pharaonis poculū, quod postea decerptis, expressisque in illud vuis, regi ministrasset. Hoc somniū Ioseph ita interpretatus est, vt diceret, tres propāgines tres dies esse, quibus exactis in mentem Regi vëtürum esset illius officium & munus, cui ab illo præficiendus esset eodē dignitatis gradu, quem antea tenuisset. Hortariq; eum coepit, vt cū res illos quos prædiceret, exitus habuisset, gratiam referre minimè graueretur, suggereretq; Pharaoni se ex regione Hebræorum clam sublatum, innocentē coniectum esse in carcerem, quò libentius & facilius ab illo ex eo emitteretur. Præfectus pistorum, qui scitè ab illo somniū explicatum esse videret, se etiam somniū vidisse dixit: Visum se tria canistra farinæ capite sustinere narrabat, in eoq; quod excelsissimū esset, portare omnes cibos qui arte pistoria fierent, ex quibus aues ederent. Ipse tristem illi euentum somnium hoc significare confirmauit. Tria enim canistra tres dies significare, quibus exactis Pharaon caput ei præcideret, cumq; in crucem āgeret, in qua aues cadauer illius discerperent:

rent. Tertius dies venit, qui quoniam natalitius Regis erat, magnum conuiuium suis dedit, in quo cum, ut fit, de multis rebus sermonem haberet, aliud ex alio incidens memoriam ei magistri pincernarum, pistorumque; renouauit: eaque, quemadmodum Ioseph praedixerat, vni salutaris, alteri funesta fuit. Nam & pincernarum praefecto pristinum honoris restituit locum, & pistorum magistrum in crucem sustulit. Nec ille beneficio accepto memoriam coniectoris tenuisset, nisi cum similis somniorum causa monuisset. Pharaon enim biennio post vidit duo somnia, quae cum vehementer, cum experrectus esset, terruerunt. Itaque omnes Aegypti coniectores atque sapientes quam primum conuocat, ad eos rem defert, somniaque exponit. Cum illi interpretari ea non possent, tum denique pincernarum magister Ioseph memor, ne longum faciam, regi ea narrat omnia, quae de somnijs eorumque interpretatione paulo ante exposui. Accersitur Ioseph, tonsusque capillo, & mutata veste, regi exhibetur. Ei Rex somnia sua narrat his verbis, Visum se esse dicebat stare in amnis ripa, & videre septem boues opimas ex amne extantes & emergentes, quae in copas-

cuo

cuo agro herbas virentes depasceret: septē alias subito extitisse, quæ priores sequerentur, adeò deformes & macilentas, vt nunquam tales in Aegypto vidisset: quæ cū superiores deuorassent & cōfecissent, nullum tamē satietatis vestigium reliquisset. Eundē se exporgesfactum, cū rursus somno opressus esset, vidisse per quietē spicas septem in culmo vno pullulascere plenas atq; pulcherrimas: alias quoq; septem tenues & exiles percussasq; ærugine, è culmo erumpere, quæ priorum pulchritudinem confecissent. Hęc somnia cū ad interpretes retulisset, qui ea interpretaretur, fuisse neminē. Ea autē Ioseph, cū Regi Deū ostēdisse dixisset, quæ facturus esset, hoc modo interpretatus est. Septem boues nitidas & opimas, septemq; spicas plenas, quæ eandē vim somnij haberent, septem annos fertilitatis portendere: septem autem boues tenues & macie enectas spicasque septem inanēs, significare alios septem annos, in quibus tanta sterilitas agros infestaret, famēsque homines opprimeret, vt superiorū septē fertilitatē oliuione obrueret: posterius verò quod vidisset, eodē pertinēs, rei quā prius prædiceret, esse confirmationē.

Itaq;

Itaq; regi auctor fuit, vt virum prudētem atq; industrium deligeret, Aegyptoq; præficeret, qui annonæ rei; frumētariæ alios in omnibus regni regiōibus præponeret, eisq; negotium daret, vt quintam partem frugum septem fertilitatis annis, qui instarent, in horrea cōgererent, ea; vis omnis frumenti Regis nutu & potestate seruaretur in vrbibus, ne fame septem sterilitatis annis homines opprimi possent. Placuit hoc Ioseph consilium & Regi, & ijs omnibus qui aderant, tantumq; apud regem sapientia valuit, vt eum nō solum ei rei præposuerit, verum etiam secundum se maximam auctoritatem & potestatem in regno voluerit obtinere. Itaq; & annulum digito suo detractum in eius digitum induxit, & stola byssina eum vestiuit, & collo torquē auream circumdedit, & in currum suum secundum eum imposuit, & per præconem suis imperauit, vt ei genu flecterēt, eumq; cunctæ Aegypto præpositum esse scirent. Mutauit etiam eius nomen, ac pro Ioseph eum seruatorem mundi lingua Aegyptiaca appellauit, deditq; ei vxorē Asenetham Phutiphari sacerdotis Heliopoleos filiam, ex qua antè quàm fames orta esset, liberos duos

duos suscepit, Manassē, & Ephraim. Ille autem ut primū fertilitatem appetere sensisset, quanta potuit diligentia cūctam Aegyptum obiuit, eaq; perfecit omnia, quantum studio, diligentia, vigilijs, & assiduitate assequi potuit, quæ regi facienda censuisset. Exactis autem vbertatis annis, fames vniuersum orbē oppressit tanta, ut Aegyptijs etiam panis tandē deesset. Coacti igitur famis malo, Regē adeunt, petuntq; ut sibi alimēta venderet. Rex eos ad Ioseph mittit, qui quicquid diceret facerent. Ita horreis omnibus apertis cœpit Ioseph frumentum primū Aegyptijs vendere, deinde finitimis populis, ad quos id vel sermone Aegyptiorum vel rumore perlatum est. Itaq; Iacob Ioseph pater cum id auditione accepisset, reliquos liberos præter Benjamin in Aegyptum misit, qui frumentum emerent. Eò cum venissent, statim eos Ioseph agnouit, nec ab eis est agnitus. Quo quidē tempore clarissimum moderationis animi in fratres, in eosdem atq; patrem pietatis exemplum prodidit. Nam cū vlciſci iniuriam quam ab eis, ut demonstraui, maximam accepisset, facilè posset: non modò non fecit, oblitus iniurias victo animo, &

positū reuertamur. Ioseph fratres quāquā pro illi⁹ clemētia & humanitate tātas opes honoresq; adepti sunt, tamen maximis animi curis, angorib⁹, doloribusq; confectos eò voluit peruenire, ne tantū proditionis crimen inultum omnino ferrent. Nam & durius cum eis locutus est, primo eorum aduētū, cum illos speculatores esse dixit: & in carcerē ob eam causam coniecit: & cōpletis frumento eorum saccis, scyphoque argenteo in ore sacci Benjamin illius iussu clām posito & deprehenso in secundo aduētū, tanta molestia affecit, eisq; tantum terroris iniecit, vt nō recusarent quominus serui eius essent. Verum ea omnia paucis ordine narrari melius est. Cū igitur missi à patre emendi frumenti causa in Aegyptū peruenissent, eos simulatq; Ioseph animaduertit, memoriā repetens somnia quæ viderat, illos speculatores esse, venisseq; vt regni loca infirma & minimè munita considerarent, dixit. Cū negarent illi seq; & venisse emendi frumenti causa, & vnus viri filios esse dicerēt, qui tātū de pace, nihil de fraude aut bello cogitaret, & ille instaret: illi præterea cum eum ignorarent, vt dixi, duodecim fratres fuisse

vnus Chananai viri liberos, quorum decem ipsi essent, minimus natu cum patre mansisset, duodecimus excessisset è vita: tum acius instare cœpit, speculatores eos esse, se exploraturū qui esset, nō egres-
suros eos inde, quoad eorū frater minim⁹ natu venisset, mitteret vnū qui eū adduceret, reliquos in vinculis futuros, dum oratio eorū verane an falsa esset, probaretur. Triduo cū in vinculis fuissent, produci iussit, eisq; præcepit, vt imperata facerent, fratrem eorum vnum in vinculis fore dixit, dum cæteri conuectis frumentis quæ emerant, minimū natu fratrem adduxissent, quò facilius orationis eorum veritatē exploraret, neq; morerentur. Tum illo præ-
sente inter se hæc lingua sua iactabāt, iure ac meritò hæc sibi mala euenire, quòd iniuriam fratri suo fecissent, qui cum ipsos precaretur, ne se proderent, eum minimè audissent. Ruben præterea addidit, se alios monuisse, ne malè de eo cōsulerent, cuius sententiam quoniam non secuti essent, id circo illius peccati pœnas omnes luere. Hæc Ioseph intelligere minime rebantur, quòd per interpretem ipsos conueniret. Ioseph qui ea omnia intelligeret, permoto
animo

animo paulum inde se subducens, obortis
lachrymis fleuit: cum se collegisset, ad eos
reuersus est, deditq; clam negotium suis,
vt implerent frumento saccos singulo-
rum, in eisq; pecunias eorum reponer-
ent eis inscijs, commcatumq; praebe-
rent. Ita retento Simeone in vinculis, eos
ad patrem remisit. Apertis saccis domi cu
simul & frumentum & pecuniae effunde-
rentur, terrore ac timore perculsi sunt. Re
omnem patri ordine vt gesta esset, narrare
coeperunt: qua ex commemoratione & ex
positione cum maximum animo dolorem
Iacob pater cepisset, cum se eorum culpa
ad liberorum orbitatem redactum iri dice-
ret, Ioseph enim deuoratum esse, Simeone
teneri in vinculis, & Benjamin peti, Ruben
ei potestatem ac ius necis duorum libero-
rum concessit, nisi Benjamin saluum & in-
columem reduceret. Pernegauerat Iacob
se id facturum, quod si quid ei aduersi in
Aegypto accidisset, mori ipse eorum culpa
cogeretur: cum vrgente fame, consumpto
que frumento quod ex Aegypto aduexe-
rant, ipse liberis praecepit vt in Aegyptum
coemptum frumentum redirent. Iudas se ac
fratres id facturos negauit, quod Ioseph

ipſos ſine Benjamin redire nollet. Itaq; ſi eū daret, ſe atq; fratres eò profecturos eſſe: ſin minus, non eſſe ituros ad tam certū periculum. Cumq̃ue pater illos miſeriam ſuam procuraviſſe in eo diceret, quòd Benjamin nominaſſent, atq; illi hoc ipſum ita purgaſſent, vt à Ioseph ſe rogatos ordine de genere ſuo dicerent, patremne haberent, & alium ne fratrem, ad quæ ordine reſpondiſſent cū minimè ſcire potuiſſent, præcepturum eum fuiſſe, vt ipſi fratrem ſuū ſecum ducerent: & Iudas præterea patrem rogaviſſet, vt Benjamin mitteret, ſe enim ſi quid ei mali accideret, eam culpam præſtaturum, & niſi mora interceſſiſſet, iam fuiſſe redituros: tum deniq; Iacob, ſi ſic neceſſe eſſet, facere eos vt placeret, permiſit. Itaq; ſumerent ipſi de optimis regionis illius fructibus in vasis ſuis, deferrentq̃ue viro munera, paulum reſinæ, mellis, ſtoracis, ſtaçtes, therebinthi & amygdalarum, duplicemq; pecuniam ferrent ſecum, & illam quam in ſacculis inueniſſent reportarent, ne fortè id errore & imprudentia accidiffet: ducerent etiam Benjamin: ſe præcari Deum ſuum rerum omnium præpotentē, vt virū illum ita eis placidum redderet, vt

ret, vt & Simeonē quem in vinculis haberet, & Benjamin cum eis remitteret: se tamen in ea esse opinione & sententia, vt orbitatem liberorū sibi futuram presentisceret. Cum finē dicendi pater fecisset, instructis paratisq; omnibus, in Aegyptū fratres decem proficiscuntur. Eos Ioseph vt vidit, procuratori negotium dat, vt eos domum introducat, conuiuiumq; instruat, quod vnā cum eis mensæ accumbere statuisset. Domum cū intrassent, timore perculsi, inter se hæc dicebant, se ab illo domum propter pecuniam, quā antea in saccis suis portassent, intromissos esse, vt fraude ipsos egisse cū docuisset, vi vnā cū asinis seruitute opprimeret. Itaq; in ipso vestibulo procuratorem conueniunt, eiq; exponunt ea omnia, quæ de pecunia paulò antè commemorata sunt: quam & retulisset integram, & aliam ijs emendis, quæ ad victū pertinerent. Procurator, qui omnia intelligeret, eos vt bono animo esset, hortatur: Dei enim quem eorum pater coleret, benignitate factum esse, vt pecuniam in saccis suis inuenissent, præsertim cū pecuniā quam dedissent, ipse probatam haberet. Educto Simeone, munera comparabant, quæ ve-

nienti Ioseph meridie offerret. Venientē supplices venerantur, quos cū clemēter resalutasset, primū omnes rogat, nū pater eorū valeret, deinde valere eū ac viuere cū respōdisset, erectisq; ipse oculis Benjamin utroq; parēte, vt dixi, fratrem suū vidisset, querit, esset ne is minim⁹ natu frater quē dixissent: cū esse respōdissent, ei tantum bene precatus est, nec quicquam præterea præ animi permotione, quæ etiam lachrymas ciebat, potuit dicere. Itaq; in cubiculum se recipiens flet sine arbitris: abluta facie cum rediisset, instrui mensam iubet, fratresq; accumbere è regione vt quisq; etate antecedeat. A prandio procuratori sine arbitris negotium dat, vt singulorū faggos frumento compleat quantum capere possent, & in ore singulorum pecunias, in ore autem sacci Benjamin præterea cyphum suum argenteum. Mandatum domini procurator curauit diligenter, eosq; mane cū asinis dimisit. Iam ex vrbe illi egressi erāt, & aliquantum itineris confecerant, cū Ioseph procuratorem accersiuisset, eiq; imperauit, vt illos persequeretur: quos cū assecutus esset, obiurgaret, quòd malè de benefico meriti essent, surrepto poculo argenteo,

genteo, in quo bibere & augurari solitus esset. Cùm eos cōsecutus esset, negare omnes, ac dicere id factum à se credibile non esse, qui inuentam in saccis pecuniam retulissent: quòd si verbis fidem habere nollet, non recusare, quin & is qui se tam nefario scelere cōtaminasse inuentus esset, interficeretur, & cæteri perpetua domini illius seruitute opprimerentur. Non accipit hanc conditionem procurator, sed aliã proposuit multò leuiorem, eum qui fecisse furtum cōuictus esset, seruum ipsius fore, sine noxa ceteros. Ita saccis in terram abiectis, & apertis, diligenter omnes à maximo natu ducto exordio, deinceps ad minimum vsq; scrutatus, poculum in Benjamin sacco inuenit. Tum illi scissis tunicis, oneratisq; rursum asinis in oppidũ reuertuntur: primus Iudas sequentibus alijs ad Ioseph, qui nondum è loco pedem mouerat, ingreditur, proniq; omnes se ad pedes illius proijciunt, vt somniorum quæ ipse viderat, euentus probaretur. Acerbè eos obiurgat, & accusat, idq; ab eis factum esse dicit, quasi ignorarent, ipsum auguribus omnibus gloria artis excellere. Iudas nihil se ac fratres afferre posse dicit, quin

quoniam scelus cōperisset, ipsis pro seruis
vteretur. Cumq; Ioseph eo se iure cū illis
acturū negaret, eumq; modò qui scyphum
furatus esset, seruū suum fore diceret, pas-
surumq; se liberè ad patrem redire cæte-
ros: tum idē Iudas audacius ac liberius altè
repetiuit, quæ inter eos, Ioseph, & patrem
dicta factaq; essent: illiusq; orationis hæc
fuit sententia, se patri qui Benjamin dare
nollet, cū multis alijs de causis, tū quòd
si quid ei mali accidisset, moriendum sibi
intelligeret, tandē persuasisse, cū presta-
tūrum se culpam pollicitus esset. Itaq; ipse
potius maneret seruus, Benjamin cū cæte-
ris fratribus ad patrē reuerteretur, quòd
absente puero redire ipse nō posset, ne ca-
lamitatis quæ patrē esset oppressura, testis
esset. Hæc talis Iudæ oratio tantū apud Io-
seph valuit, vt ipse qui iā sibi animoq; im-
perare nō posset, cū imperasset, vt cæteri
abirēt, clara voce, vt omnes Aegyptij comi-
tatusq; omnis Pharaonis exaudirent, Io-
seph se esse clamauerit, quæsieritq; etiāne
pater suus viueret. Fratres summo timōre,
vt sit, perterriti, ne verbū quidem respon-
dere potuerūt. Ipse eos leniter propius ac-
cedere iubet: cū accessissent, Ioseph se esse
dicit

dicat quem Aegyptijs vendidissent : ne timeat, neue durum aut graue existimet, quod ipsum vendidissent, hortatur. Salutis enim ipsorum causa se à Deo in Aegyptum premisum esse, ut res ad viuendum necessariae eis suppetere possent. Bienniū iam vniuersum orbē fame oppressum esse, restare etiam quinquennium. Itaque ad patrem properarent, eique nuntiarent, quanta auctoritate ipse in Aegypto valeret, quod facilius eò habitandi causa in agrō Gessennino una cum suis omnibus veniret, ne famis quinquennij, quod superesset, incōmoda & iniurias ægrè toleraret. Tū in colla ruens singulorum, omnes cum lachrymis complexus & osculatus est, sed primū Benjamin id officij tribuit. Cū apud Pharaonem fama aduentus fratrum Ioseph increbuisse, maximam ex eo percepit voluptatē, deditque ei negotium, ut fratres moneret, onustis frumētō iumētis datisque, plaustris ad vehēdos paruulos & supellectilē, ut maxima celeritate in patriā reuerſi, patrem in Aegyptū habitandi causa adducerēt, eique nuntiaret, opes omnes ad thesauros Aegypti illi ac familiæ patere. Voluntate Pharaonis in patrem & fratres patefacta, datisque plaustris

stris & com meatu ex Regis imperio, cum præterea singulis alijs binas togas, Benjamin quinq; cum trecentis argenteis largitus esset, eos dimisit. Illi cum domum peruenissent, rem omnem ordine ut imperatum erat, patri narrat. Iacob eo nuntio letus, conspectis plaustris ijsq; omnibus que Ioseph misisset, quasi reuixit, dixitq; sibi satis esse, seq; satis diuturnam egisse vitam, si Ioseph filius viueret. Se enim iturum eumq; visurum esse, antè quàm è vita excederet. Instructis omnibus, impositisque in plaustra pueris vniuersaq; suppellectili, in Aegyptum Iacob cum liberis profectus est. Ex itinere Iudam ad Ioseph præmisit, qui ei suum suorumq; aduentum nuntiaret. Ioseph iuncto curru suo sine mora in Gesenninum agrum patri obuiam prodijt, quo viso, in eius collum ruens, inter amplexus magnam vim lachrymarum effudit. Ei pater se iam latum æquoq; animo à vita migraturum esse dixit, quod eum vidisset, & superstitem relicturus esset. Ipse & fratres præterea admonuit, familiamque eorum vniuersam, se ad Pharaonem ire nuntiatum aduentum illorum omnium, & præscripsit, quid Regi, quod vitæ genus sequerentur quæren-

quærenti responderent, id est pastores se
esse dicerent, vt in agro Gesennino habi-
tare possent, propterea quod omnes pasto-
res ouium Aegyptij detestarentur. Quod
facile impetrarunt fratres quinque, cū ab
illo ad Regē intrōmissi ita respondiissent,
vt illi præscriperat. Introduxit etiam ad
Regem patrem suum: quem cum Rex vi-
disset, eumq; quot annos natus esset, rogaf-
set, ille cū ei gratias egisset, primum res-
pondit, centum & triginta annos se com-
plessē, qui tamen maiorum ipsius ætatem
minimē æquarent. Tum salutato Rege,
actisque gratijs egressus est. Ioseph autem
patrem, fratres, vniuersamq; familiam in
agro Gesennino incolas collocauit, ibiq;
eis omnia quæ ad victum pertinebant, sup-
peditauit & præbuit. In toto enim orbe
panis frumentumq; deerat, famesq; terrā
maximēq; Aegyptum & Chananæam op-
presserat. Quo quidem tempore Ioseph,
& in dominum maxima fide fuit, & in Ae-
gyptios benignū se præstitit. Nam & Regis
res atq; opes auxit, & illis, dubijs aut despe-
ratis potius rebus subuenit. futurū enim
fuit, vt omnes fame cōficerētur, nisi quam
frumenti vim antea congessisset, ipse pōst
omni

omnibus patere voluisset. Res verò opesq;
auxit, non solum quòd frumentum pretio
& pecunia vendidit, verum etià quòd pecu-
nia exhausta, primū pro pecorib', vt equis,
ouibus, bobus & asinīs sexto sterilitatis an-
no frumentū acceperunt Aegyptij: deinde
postremò, id est septimò, cū illa iam nulla
eis suppeteret, semetipsos possessionesq;
suas vendiderunt, sed ne agri inculti mane-
rent, benignitate ac liberalitate ea cum eis
vſus est, vt seminibus acceptis cū agros cō-
seuissent, quintam partem fructuū ac fru-
gū, quas terra ex se funderet, præter sacer-
dotū terrā, quæ libera fuit, quotānis Regi
persoluerent, ipsi quatuor reliquas sibi ac
familiæ haberent, ac reseruarēt. Hoc ius cū
multi alij licitū fuisse tradunt sanctissimi
& clarissimi homines, tum B. Ambrosius
optimus ille Mediolanēsum pontifex, In
Aegypto Iacob cū decē & septem annis
vixisset, sentiens diē mortis appropinqua-
re, Ioseph accersuit, eumq; iurisiurandi sa-
cramento obstrinxit, ne se in Aegypto hu-
mari sepeliriq; pateretur, sed in sepulchro
maiorū suorum: q̃ ille se facturū esse pro-
misit. Cū eundē ægrotare audiuisset, libe-
ros suos Manasse & Ephraim ad eū secum
duxit.

duxit. Eos antè quā videret, senex adopta-
uit, cū dixisset ipsius Ioseph futuros esse,
quos deinceps ac postea procreasset. Cū
eos vidisset, nec quòd præ senectute cæcu-
taret, internoscere posset, qui nam essent,
quæsiuit: cū didicisset, ad se eos adduci ius-
sit, vt eis bene precaretur: adductos cõple-
xus & osculatus est, patriq; dixit, Deū sibi
dedisse, nō solum vt illius, sed etiam eius
liberorum aspectu frueretur. Cumq; remo-
tos eosdem Ioseph ita bene precaturo ad-
mouisset, vt Manasse, qui maior natu erat,
ad dextrā illius, Ephraim ad sinistrā loca-
ret, porrectam in alterā partē dextrā senex
capiti minoris natu, sinistrā alterius impo-
suit, rogauitq; Deum, vt pueris illis omnia
benè & prosperè euenire vellet, in eisq; no-
men suū, patrisq; Isaac, & Abraham aui no-
mina, vt ita dicam, inuocarentur, atq; eorū
posterius augerentur. Quod quidem patris
factum Ioseph acerbè tulit. Itaque apprehen-
sam eius dextrā in caput maioris natu
transferre conabatur, atq; ita faciendū esse
dicebat, quòd Manasse maior natu esset,
cū senex Manasse maiorem natu filium
scire se dixit, clarumq; eum quidem futu-
rum, sed Ephraim eiusq; posteros fore &
maiores

maiores & clariores. Patri nō solum in vita omni officiorum genere, quæ liberi parenti debent, satisfecit, sed etiam mortuo. Nam simulatq; excessit è vita, ad Pharaonem adiens, ei patris mortui voluntatem, suamq; iureiurādo corroboratam promissionē significauit, quæ ille omniā cum approbasset, in maximo clarissimorum Aegyptiorū suorumq; comitatu additis etiā equitibus cadauer in Chananaeam profecutus est. Ibi cum septem diebus maximo luctu funus celebrasset, in Aegyptum eodem comitatu est reuersus. In fratres mortuo patre eundem se, quem viuo præbuerat, id est pium, præbuit: pietatemque colere, quàm animo recordatione iniuriarū parere maluit: idq; mortuo statim patre declarauit. Nam cum fratres in Aegyptum à patris sepultura reuersi, vererentur, ne ille veteres iniurias memoria repetens, fumen dum sibi de ipsis per occasionem mortuo iam patre supplicium statueret, re inter se communicata & deliberata, de communi sententia miserunt, qui ei hæc exponeret: patrem antè quàm migraret à vita, eis præcepisse, vt illi verbis suis diceret, petere ab illo se maiorem in modum, vt fratrum in se
scelus

scelus obliuisceretur, eosq; etiam illū per se vehementer rogare, vt Dei patris sui seruis ignosceret. Ille audita legatione, quæ erat misericordia in omnes affectus, fleuissè dicitur. Fratres cū venissent, consolatus est, atq; vt omnem metū ex animo deponerent, monuit: neq; hoc tantū, sed ea omnia, quæ ad viuēdum necessaria essent, eis familiæq; eorum suppeditaturū se esse promisit. Cū centesimum & decimum annū tātis honoribus vsus¹, tamq; magnis virtutibus præditus compleuisset, in Aegypto maximo omnium gemitu & luctu excessit è vita. Ante mortem fratribus suisq; omnibus iureiurando obstrictis, prædixit, fore vt Deus eos respiceret, eisq; in terram, quam Abraham, Isaac, & Iacob patri promisisset, reditum concederet. Itaq; tum eis veniret in mentem, vt eò secum ipsius ossa transferrēt. Non est id quidem dubiū quin id se libèter facturos esse promiserint, atq; ijdem liberis, liberi eorū posteris suis faciendū prodiderint. Itaque moyses cū hoc ipsum à maiorib⁹ acceptū memoria repeteret, tum cum Iudæi seruitutē Aegyptiorum dei benignitate liberati sunt, eius ossa secū portauit. Condita

H sunt

sunt autem in eo agro, quem Iacob pater ab Hemor Sichem patre emerat.

MOSIS SIVE MOYSI

Vita.



Ofes Amram patre, Iochabed matre, tribus Leuinę siue Leuiticę, tum natus est in Aegypto, cum Pharaoni regi Aegypti deleta Ioseph memoria siue temporis diuturnitate, siue aliquo alio casu, Iudęi qui tum Hebręi appellabātur, tanto odio fuerunt, vt eos graui primū seruitute premeret: deinde cum eorum numerum indies augeri cerneret, veritus ne rebellionē facerent, obstetricibus imperauerit duabus, Sefhorę & Phuę, vt cū Hebręis mulieribus in partu officij causa adessent, matres interficerent, fœminas reseruarēt. Cui imperio & præcepto tam iniquo cū illę obtemperare & parere nollent, accersitęq; à rege, rogarentur, cur non paruissent, honesto pioq; mendacio regem fefellerunt: Hebręas enim mulieres, quę eadem obstetrices essent, antè quàm ad eas venirēt, parere solitas responderunt. Hinc Rex qui rem contrā ac vellet, procedere intel-
ligeret,

ligeret, maiore iracundia incitatus, crudele edictum promulgat. Præcipit enim non iam duobus aut tribus, sed vniuerso populo, vt mares in flumen deijcerent, reseruantur fœminas. Igitur cùm Moses tam in iquo edicto extâte, natus esset, mater quæ cum elegantem animaduerneret, illum tribus mensibus occultauit: sed cùm iam celare sine periculo non posset, in fiscella scirpea, quam bitumine ac pice liniuit, infantem inclusum, in ripa fluminis exposuit, spectante procul, euentumque rei expectante eius sorore. Eo ipso tẽpore Pharaonis filia ad flumen vnà cum puellis lauandi causâ veniebat. Ea cùm fiscellam fluctuantem in aqua animaduertisset, misit vnã ex suis, quæ fiscellam afferret: allatam cùm aperuisset, cernens infantem vagientem, illius miserta est, cum Hebrææ puerũ esse dixisset. Soror pueri ibidem constiterat. Ea accedens propius, ex Pharaonis filia querit, velletne iret accersitũ Hebræam mulierẽ, quæ infantulũ alere posset. Cùm velle ostenderet, currit: matrem accersit: illi Pharaonis filia infantem educandũ locat, illa accipit, educat non pro suo, sed suum: adultum reddit: receptũ hæc adoptat,

H 2 ciq;

eiꝛue nomen Moſis ab euentu imponit.
Corroborata ætate, negauit ſe eſſe filiaꝛ
Pharaonis filium, vt ait B. Paulus in epiſto
la ad Hebræos, maluitq; cum Dei populo
malis affici, quàm ex peccato ad tempus
percipere voluptatem: quo quidem factò
ſuo pluris ſe facere mala, quæ Chriſti nò-
mine perferebat, quã Aegyptiorũ theſau-
ros, docuit. Relicta enim filia Pharaonis,
atq; adeo ipſius Pharaonis regia, fratres
ſuos, id eſt Iudæos, inuiſit: cumq; ibi virũ
Aegyptium quendam ex Hebræis iniuria
cædentem & verberantẽ animaduertiffet,
nec quenquam, in omnem partem circun-
ſpiciens, aſſe videret, accepta diuini-
tus, vt grauibus ſanctisq; noſtræ religio-
nis auctõribus placet, poteſtate, Aegyptiũ
interfecit: interfectũ in arena occultauit.
Poſtridie cùm Hebræos duos rixãtes atq;
pugnantes vidiffet, atq; ei qui iniuriam fa-
ciebat, cur proximũ ſuũ percuteret, quæſi-
uiſſet: ille ex eo viciffim quæſiuit, quiſnã
eum vtriuſq; iudicem dediffet, & num ſe
interficere vellet, quemadmodũ pridie Aẽ-
gyptium morte mulcãſſet: quòd illi ita
nouum viſum eſt, vt miraretur quiſnam
hoc enuntiaſſet, tantumq; timorẽ incuſſit,
cũ

cùm Pharaonis id rescivisset, ob eâq; causam eum interficere cogitaret, ut illius cõspectum fugiẽs in agrum Madianum se receperit. Ex fuga laxandi reficiẽdiq; animi causa ad puteum quẽdam federat, cùm Iethronis Madianorum sacerdotis septẽ filias, quæ haustum aquam venerant, impletisq; canali-
bus greges patris sui adaquare cupiebant, pastores interueniẽtes eiiciunt. Hoc moleste ferẽs Moses, deturbatis pastorib°, carum oues adaquauit. Quo factum est, ut cum filie celerius solito domum greges reduxisset, admiratusq; pater rei euentum, ex eis didicisset Aegyptium quendam opem tulisse, eum domum accersendum curauit. Ibi cùm aliquandiu eum se prestitisset, ut nihil in vita eius hospes reprehendere & culpare posset, dignum duxit, cui recte Sephoram filiam in matrimonium daret. Ex ea liberos duos suscepit, Gersam & Eliezer. Expone me hoc loco commodè posse arbitror breuiter, quæ cùm alij multi, tum magnus ille Basiliius de Mosis doctrina, quosq; audierit, & quandiu in naturæ cognitione versatus sit, principio primæ cõcionis earum, quas in Hexaëmeron scripsit, prodidit. Eum quidẽ & à Pharaonis

filia Aegyptiorū sapientibus in disciplinā datum esse scribit: & cum eorū inuidia, id est Hebræorū, in quos quemadmodū paulò antè exposui, beneficia cōtulisset, expulsus, relictis Aegyptiacis tumultibus, in Aethiopiā se recepisset, ibi neglectis cæteris rebus omnibus, quadraginta annos cōtinuos in naturæ veriq; cognitione cōsumpsisse. Stephanus autē qui primus Christi nomine mortē perpeffus, vt est apud Lucā in Actis Apostolorū scriptum, eundē eruditum omni Aegyptiorum sapientia commemorat. Nunc ad ordinē, quem mihi in vita eius scribenda proposui, reuertēdum est. Cum Iethronis soceri oues, octoginta iam annos natus, vt idem basilus ait, pasceret, ductoq; grege in vmbilicū, intimasq; solitudinis partes, ipse in Horeb montem ascendisset, ei Deus in flāma ignis è medio rubo eminēte apparuit: cumq; rei miraculo adductus & excitatus, quòd dumus arderet, nec cōbureretur, eò sibi considerandæ rei causa eundum censeret, eum ex itinere nomine Deus è rubo medio appellauit: respōdentiq; se pręsto esse, & vetuit ne propius accederet, & pręcepit vt calceos detraheret, cū eū locū in quo ille staret, sanctam

sanctam esse terrá, seque patris eius Abrahá, Isaac, & Iacob Deū esse dixisset. Cumq; os & faciem suam operuisset, quòd Deum intueri minime auderet, se deus populum suum respexisse dixit, quem præfecti curatoresq; operis iniuria opprimerent, exaudisseq; eius clamorē, quo nimio labore cōfecti ipsum rogassent, vt sui misereretur. Itaq; se, qui illius dolorē sciret, descēdisse, vt eum ab Aegyptiorū potestate liberū & solutum, in regionem fertilissimam, omniumq; bonorum copia affluentem, quam Chananæi, Hethæi, Amorrhæi, Pheresæi, Heuæi, & Iebusæi incolerent, deduceret, qua in re vti eius opera, eumq; mittere ea de causa ad Pharaonem statuisset. Moses qui ignorationis conditionisq; suæ conscius esset, quærere cœperat, quisnam ipse esset, vt in cōspectum Pharaonis procederet, Hebræosq; ex Aegypto educeret, cum Deus se ei affuturum esse pollicitus est, dixitq; ita intelligi posse illū ab ipso missum, si cum populum suum ex Aegypto eduxisset, ei in illo ipso monte immolaret. Quòd si Hebræi ex eo quærerēt, à quo missus esset, se ab eo qui est, ad eos missū esse diceret, qui idē Deus esset maiorū ipsorū

Abraham, Isaac & Iacob. Quæ si dixisset, fore vt ab illis audiretur & approbaretur. Tū verò ipse atq; maiores natu populi ad Pharaonem adirent, eiq; exponerent, se à Domino Deo Hebræorum accersiri, tantum tridui itinere se in solitudinem concessuros dicerent, vt ibi ei immolent. Se tamen certo scire hoc illos à Pharaone, nisi malo cogatur, nō esse impetraturos. Itaq; se nouis inauditisq; malis Aegyptum oppressurum, quibus tandem aliquando coactus Pharaon, eos liberos dimissurus esset. Cū abirent, mulieres à vicinis & hospitibus vestes, vasa argentea, & aurea vtenda poscerent, eaq; in liberorum humeros imponebant. Manū tum fortè bacillū siue virgam moyses tenebat, quæ cū ab eo afferente non sibi populum esse crediturū, iussu Dei in terram proiecta esset, in serpentem versa est. Cū metu exterritus fugeret, iussu Dei caudam arripuit, rursusq; in virgā mutata est. Manū etiam cū iussit in sinum ponere, quam postea niuis instar elephantia contaminatam protulit. Sed eandem cum rursus iussu Dei in sinum retraxisset, postea protulit ita valentem, vt antea. Tum Deus populū dixit, si minus priori signo,

at cer

at certè posteriori esse crediturum. Quòd si fortè vtrunq; apud Iudæos parum haberet virium ad faciendam fidem, tum aquam fluminis sumeret, quam in terram effunderet: sic fore, vt quicquid ex fluuio hauriret, in sanguinem verteretur. Cumq; indifertum se esse Moses profiteretur, atq; in se maiorem linguæ tarditatem & impediti-
 tionem, ex quo verba cū ipso fecisset, sentire diceret: quærere ex eo Deus cœpit, quisnam præter se os hominis fecisset, aut quis mutum, surdum, eum qui cerneret, & cæcum fabricatus esset? Itaque certus iret: futurum enim esse, vt in eius ore atq; labris quasi insideret, ac doceret qua vsurus esset oratione. Ne tum quidem acquiescens, Deum rogauerat, vt mitteret, quem misurus esset, cū Deus ei infensus, Aaronem eius fratrem, Leuitam, eloquentem esse scire se dixit, eumq; illi obuiam prodit-
 turum, & ex illius aspectu magna affectū iri lætitia. Eum conueniret, eaq; illi exponeret quæ dixisset: se vtriusq; orationi ver-
 bisq; moderaturū, ostensurumq; quid agere deberēt. Aaron frater pro illo ad popu-
 lū verba faceret, ipse ei in ijs adesset, quæ ad Deum pertinerent. Virgam, qua signa-
 H 5 editu-

editurus esset, sibi sumeret. Hæc cum accepisset, hisque instructus esset Moses, se ad Iethronem socerum contulit. Is ostendenti Mosi, velle se in Aegyptum fratres visere, permisit. Ei in eo consilio & proposito Deus significavit mortuo sēse eos, qui illi mortem pararent. Itaque ne eò ire vereretur. Hoc nūtio multò fidetior, sumpta vxore, liberisq; in asinum impositis, viā in Aegyptum ferentem ingressus est. Cum in montem quendam peruenisset, Aaron à deo monitus ei obuiam venit eumque osculatus est. Ibi fratri præcepta Dei & signa, quæ facienda dedisset, exponit: re deliberata, comunicatisq; consilijs veniunt, omnes maiores natu conuocāt. Aaron omnia quæ Deus Mosi dixerat, exponit. Moses signa in conspectu populi edit: quæ duo apud populum tantum valuerunt, vt non solum omnes crederet, sed etiam Deum proni ac supplices veneraretur, quod ipsos respexisset rebus aduersis & afflictis. Perspecta cognitaque populi voluntate, Moses & Aaron primo quoque die ad Pharaonem fiducię pleni adeunt, eiq; exponunt omnia, quæ à Deo acceperant. Rex cum domini dei Hebræorum nomen audiret, qui eos de populi libertate ad ipsum misisset, rogare

rogare cœpit, quis nã Dominus esset, vt eius verba audiret, seq; dominũ ignorare, nec Hebræos dimissurum esse dixit. Quin etiam vtrunq; grauitèr obiurgauit, quod animos populi ad rebellionem studium-que nouarum rerum sollicitarent: eisque præcepit, vt ipsi potius ad opera redirent, & populum in officio continerent, quem si opere defatigatũ, tamen in iramensum penè iam creuisse cerneret, quantò maior spes esset maioris multitudinis, si operibus relictis, se otio torporique dederet? Cum eos his verbis dimisisset, eo ipso die accersitis præfectis operum, præcepit, vt populo instarent, detractisq; straminibus maius onus imponerent. Populus qui se multò grauius acceptum, posteaquàm Moses & Aaron Pharaonem conuenissent, cerneret, eos obiurgare, maledictis afficere, ac conqueri, ab eis Pharaoni præbitum gladium, quo ipsos iugularet. Quæ cum Moses Deo exposuisset, ab eo & ad populum missus est, qui eum suis verbis consolaretur, quòd eũ ex Aegypto quasi ex carcere emissurus esset, & ad Pharaonem, qui cum eo rursus ageret, vt populo suo liberè abeundi potestatem faceret. Populus quidem

quidem Mofi nō est assensus, quòd durissimò opere angeretur. Itaq; Deo legationis munus ad Pharaonem, cū ipsum liberandi populi muneri præfecisset, non habiturum exitum, quòd ne populus quidē crederet, ostendit. Deus eum munus illud diligenter adiuncto Aarone fratre, obire iubet: si parere Pharao nolit, minetur se signa facturum: si signa eos ille ostendere iuberet, moneret fratrem, vt virgam suam ante Pharaonē proijceret. Eunt fratres, ingressi verba faciunt: Pharao se id facturū rursus negat: signa se ostēfuros minantur, ex quibus Deū esse, à quo missi essent, cognosceret: eos iubet ostēdere. Tū Aaron in conspectu Pharaonis & eius comitatus virgā produxit, quæ in serpentem se vertit: Pharao sapiētes atq; diuinos accersuit, eorumq; virgē illorū cātionibus in dracones quidem mutatæ sunt, sed eas Aaron virga deuorauit. Ita cū Pharao obstinato animo esset, illi re infecta redierunt. Deus eos rursus ad eundē manē ad ripam fluminis stantem misit, qui ei exponerēt, nisi populum abire sineret, se virga aquam fluminis percussuros, quo ictu aqua statim non illa solum, sed vniuersæ Aegypti, in cruorem se

verte-

verterent, piscesq; morerentur. Quæ quidem consecuta sunt omnia: sed cùm adhibiti magi eadem fecissent, Pharaó pertinaciter restitit. Aegyptij autẽ cùm aquam fluminis quòd in cruorem versã esset, bibere non possent, circũ fluuium foderũt. Octauo post die rursus missi, minati sunt se esse facturos, vt percussã virga aqua fluminis, ranæ excitarentur, quæ & in regiam, & in cubiculũ Regis, in lectum, in ædes omnium irrumperent, vniuersamq; terrã cõtingerent. Cumq; & ab illis hæc omnia perfectã essent, & à magis eadem, tú rei deformitate maloq; coactus Pharaó vtrunq; rogare cœpit, vt Deũ ipsi suum precarentur, vt ranas omnes necaret, nec vsquam nisi in flumine remãnerent: sic enim fore, vt populũ emitteret. Hoc se facturos illi pollicentur, vt ipse Deum non esse Deo Heræorũ parem sciret: posteroq; die, quem Pharaó constituerat, hoc precibus à Deo impetrant, nec tamen ille promissum exouit, cùm liberatum se videret. Atq; vt paucis doceam, quàm & Mosis animus ad parendum Deo paratus fuerit, & Pharaó obstinatẽ in semel suscepto consilio in perniciem suam populiq; sui permanferit,

Moses

Moses sæpenumero postea ad illum missus est, quotiescunq; ad Regem adiit, eū nouo semper mali genere ad sanam mentem reuocare conatus est, cyniphibus, muscis, morte pecorum, vesicæ vlceribus, grandine, locustis, tenebris quæ tractari poterāt. decima clades fuit mors eorum omnium, quæ prima nata erant tam in hominibus, quàm animantibus, quæ rationis sunt expertia : qua ille coactus, fletuq; miserabili Aegyptiorum omnium, populum Dei abire ille quidem permisit, sed postea eius liberationem acerbè ferens, cū illum cum suis omnibus fugientem insequeretur, in medio mari, quod rubrū dicitur, submersus est. Ex quo intelligi par est, quàm & salutare sit se ad Dei nutum ac voluntatem fingere, eiusq; præceptis pro virili parte parere, & perniciosum, ea contēnere. Gradus enim sunt in peccato quidam, quibus, nisi Deus timeatur, tandem aliquando in tantam scelerū voraginē homines præcipites ruunt, vt vix, aut ne vix quidem, vnquam vlla oratione, vlloq; malo reuocari queāt. Sed ad propositū reuertamur. Ergo ex illa tam periculosa legatione, quanto Moses studio Dei præceptis obtēperauerit, intelligimus.

ligimus. Atq; ex eadem illud etiam perspi-
ci licet, quātam à Deo gratiam inierit, cum
eum potissimum populi sui liberatorem
delegerit, nec liberatorem modò, sed etiā
ducem atq; doctore. Quæ quidē ad obeū-
da munera eam diligentiam, studium, ani-
mū, constantiamq; attulit, vt & Deo offi-
ciū suū probauerit, & suis nulla re, nullo
locon, ulla causā, quā quidē bonus dux, &
vt ita dicā, pastor præstare debeat, defuisse
videatur. Quod vt intelligi possit, reliqua
eius facta & dicta persequamur. Cum Pha-
rao nouē illis primis cladibus adduci non
posset, aut nollet, vt populū emitteret, De-
Mosi cladē vnā etiam reliquam esse dicit,
qua ille coactus populum emissurus esset.
Ire ergo eum ad illum iubet nuntiatum,
nisi populum suum liberum abire sineret,
fore vt media nocte omnia, quæ prima ex
animātibus & ratiōis participibus & exper-
tibus, nata essent, morerētur, cum interea
Hæbræorum omnes primigenij salui ma-
nerent. Cū hæc Pharaoni Moses narra-
set, nec de sententia dei ceretur, ex eius
animi pertinacia commotior discessit. Me-
dia autem nocte cum ea accidissent Pha-
raoni & populo, quæ Deus prædixisset,
tum

tum deniq; & priuato dolore & communi clade omnium, qui in sua quisq; domo mortuum videbant, ac lugebant, coactus, accersitis noctu Mosi & Aaroni dixit, per se iam eis licere pōpulū cum ijs omnibus quæ petierant educere, vt Deo suo immolarent. Ita Iudæi Mose duce ex Aegypto, Idib. Martij, id est quindecimo Martij die, cum pridie vesperi agnum edissent, cuius sanguine ostiorum suorum postibus illitis, conseruati fuerant, exierunt. Hoc autē accidit, quemadmodum Moses ipse scriptum reliquit eo in libro, qui Exodus, id est exitus, siue profectio inscriptus est, anno quadringentesimo & tricesimo, quā Iudæi Aegyptum incoluerant. Itaq; Iosepho, siue Iosippo nō est habenda fides, qui hāc Iudæorum ex Aegypto profectiōē in ducentesimum & quintumdecimum annū, quā Iacob in Aegyptū migraret, incidisse dicit. Quod falsum esse, pręterquā quod ex superiore auctoritate, quę ex libro quē nominaui, sumpta est, intelligitur auctoritate etiam & libri, qui Genesis inscriptus est, & eius qui Acta Apostolorum, & Pauli Apostoli in epistola ad Galatas, doceri potest. In ijs enim omnibus quadringentorū
annorum

annorum fit mentio. Sed hoc præter institutum opus. Tertio eos die in locum qui Phiaroth appellabatur, è regione Bécze-phon ad mare rubrum Dei iussu perduxit. Hoc cum Pharaoni nuntiātū esset, mutata sententia molestè grauiterq; tulit. Itaque cōparato ingēti exercitu eos persequi cœpit, iamq; eò peruenerāt, vnde ab Hebræis conspici possent, cū illi eis animaduersis, Mosi obijcere cœperunt, quasi in Aegypto nulla sepulchra essent, sic se ab eo in solitudinem ad mortē esse deductos: Satiussu fuisse in Aegypto seruitute oppressos perire, quā in solitudine interfici. Moses quæ à Deo acceperat consolationis plena exponit, neminem ex tanta multitudine quam cernerent, remansurū esse. Itaq; bono animo essent, spe victorię, qua incruētā & sine sanguine potirentur, quòd Deus prælium pro eis initurus & conflicturus esset. Præceperat autem Mosi Deus, vt cum ad mare vëtum esset, virga mare percuteret: Sic em̃ fore, vt mare in duas partes diuisum, populo transitum præberet. Quod cū factum eñet, Aegyptij, qui mare diuisum cernentes, eadem via populum se assequi posse fugientem sperarent, cum eandem viam

I ingressi

ingressi essent, aliquandiu quidem incesserunt: sed cū longiūs progressi essent, iussu Dei Mose manū in mare porrigente, aquæ reuersæ sunt, quibus omnes submersi pœnas scelerum dederunt. Ad littus autē eiecta sunt eorum cadauera, quæ cū populus cerneret, Deum timuit, eiq; & Mosi seruo eius credidit. Moses verò tum populū hortatus est, multis verbis, vt Deum vnā secum laudaret, eiq; gratias ageret, quod hostes in mare deiecisset. Eius exemplo ad hortationeq; adducti cum alij omnes, tū Maria illius soror tympano sumpto, cum omnibus mulieribus, quæ eam cū tympanis & choris sequebātur, præcinere cœpit, id quod Moses iam dixerat, Cātemus Domino, gloriose em̃ magnificat⁹ est: equum & ascensorē eius deiecit in mare. Ita victis hostibus, ingressi in solitudinē, tridui itinere aquam nō inuenerunt, tandemq; inuenta quæ amara erat, ex quo locus postea mara ab amarore dictus est, cū degustassēt, respuerunt, murmurantesq; ex Mose querere cœperunt, quid biberent. Ipse qui nihil per se præstare posse intelligeret, boni ducis & pastoris munere functus est. Deū em̃ rogare minime destitit, quoad ei lignū ostendit,

ostendit, quo infuso aquæ amaror omnis effluxit. Quinto decimo autem Aprilis die pro lunæ cursu, cùm in solitudinem Sinventum esset, rursus bonum ducem atque pastorem se præstitit. Cùm enim populus in eum diceret, murmurarentque omnes, quòd se ex Aegypto, in qua pane & carnibus viuerent, in illam solitudinem ad certum mortis periculũ, quod ex fame immineret, transportasset, Deo rem exposuit cù lachrymis, nec antè destitit quàm Deus promississet, fore vt eis & coturnices, & panem è cælo plueret, cuius tãtum quotidie colligerent, quantum cuiq; in diem satis esset, nisi sexto die quo singuli in eum & posterum legerent. Hoc Moses populo exposuit, iussitq; eos paratos venire vesperi ad coturnices, & manè ad panem, quem eis Deus daturus esset. Cum se comparassent, tantus coturnicũ numerus è cælo vesperi in castra cecidit, vt ea operirent: postridie etiam manè circum castra terram minutũ quiddam & albũ pruinę instar contexerat: quod cũ populus quidnam illud esset, Hebraicè manhu, quæreretur, ex quo manna appellatum est, Moses panem esse respondit, quem eis Deus daturum se esse recepisset:

præscripsitq; id quod Deus imperauerat, vt tantum sibi quisq; pararet, quantum in diem satis esset, præter sextum, quo die in eum & posterum legerent. Rem hoc loco admiratione dignissimam, si per se consideretur, exponā. Cum alij plus, alij minus arbitrati suo, vel pro naturæ defydério collegissent, tamē nec qui plus, nec qui minus ex eo cepisset, plus minusue plenos se esse sentiebant. Cibus enim ille verum panem, quem in cœna extrema pridie, quam mortem salutis hominum causa Christus pertulit, Apostolis suis cōsecratum dedit, id est corpus specie panis occultatum, hoc ipso significabat. In solitudine annis quadraginta (tandiu enim in ea fuerunt) non alio cibo vixerunt, cuius ea vis fuisse dicitur, vt quancunq; escam optauissent, eius saporem ori afferret. Illiusque tanti sui in Iudæos beneficij deus, vt iugis perpetuaq; esset recordatio, certā mensurā & copiam tum primum custodiri in tabernaculo: deinde etiā in arca, quam postea fieri voluit, reponi iussit. Quod Dei mādātum Moses curauit diligenter. His ita cōstitutis ex solitudine Sin profectos, in Raphidim deduxit. Ibi populus qui aquam deesse, qua sitim

fitim toleraret cerneret, rursus apud Mo-
sem questus est, se, liberos, & iumenta sua
illius culpa, à quo ex Aegypto emissi es-
sent, siti enecari. Rem Moses cum ad Deū
detulisset, eamq; eò iam spectare expone-
ret, vt si paulum etiam non subueniret, de
lapidatione ageretur: ei præcepit, vt adiun-
ctis nōnullis è maioribus natu, ipse virga
qua mare diuisisset, saxum feriret, tū enim
deniq; magnam aquæ erupturam vim &
copiam. Quæ cum fecisset, æquiorē popu-
lum habuit. Eodem in loco Amalec Rex
maximis contractis copijs cū Iudejs con-
figere statuerat. Quod simulatque Mosi
nuntiatum est, rem fecit & cōmemorabi-
lem, & imitatione dignissimam ijs qui alijs
præfunt, nec ipsi pugnare possūt, docuitq;
re ipsa quantum apud Deum preces vale-
ant. Dato em̃ negotio Iosue, vt delectu ha-
bito, cū Amalecianis pugnaret, ipse Aaron
fratre & Hur adiunctis, collem conscen-
dit. Ibi quandiu manus in cælum teten-
dit, Dei populus vicit: sin paulum eas, quo-
niam iam graues erāt, remisisset, tum Ama-
leciani vincebant. Quid ergo duo illi eius
comites faciunt? saxum ei ad sedendum
parant, ipsi eius manus vtraque ex parte

sustinent. Quo factum est, vt illius manus non defatigatæ sint ad Solis occasum, & Iosue Amalecianos fusos fugatosq; interfecerit. Hoc autem Mosi Deus imperauit, ut & literarum monumentis proderet, & Iosue diceret. Iethro Mosis socer, cuius supra mentionem fecimus, cùm nuntium de liberatione Hebræorum, & victoria quam aduersus Aegyptios obtinuissent, accepisset, vnà cum Sephora illius vxore duobusq; liberis quos remiserat, ei gratulatum venit. Ex itinere autem misit, qui se venire nuntiaret. Itaq; Moses eis obuiam profectus est. Cùm inter se cõsalutassent, eos in tabernaculum intromisit, soceroq; omnia quæ acciderât narrauit. Ille autē nō solum eo magna lætitia affectus est, verum etiam Deo gratias egit, eumq; neorum maximum esse iā intelligere se professus est. Idem postero die cum Mosẽ generum à prima luce ad vesperum ius dicentem inter eos, qui cõtrouersias habebāt, animaduertisset, ex eo quærere cœpit, quid ibi rei gereret. Cum Moses de rebus controuersis dijudicare se, populumque se rogare Dei sententiam diceret, tum nō rectè nec præclarè ab eo fieri dixit, cùm & ipse & populus

pulus stulto labore cōsumeretur: negotiū illud eius viribus impar esse, neq; onus tātum eum vnū posse sustinere. Itaq; si se audiret, illū meliūs & sibi & populo & vtriusque rebus ac rationibus esse cōsulturum. Ipse eas res, quę ad Deū pertinēt, procuraret, vt ea quę dicerētur, ad eū referret, atq; populo ritus & religionem viamq; , quam tenere, & opus quod agere deberet, traderet. Delectu autē habito, viros bonos & doctos præficeret, alios qui inter mille, alios qui inter centum, alios qui inter quinquaginta, alios qui inter decē ius redderent: quod si qua causa maior aut grauior incideret, ad eum referrēt, commissā tantū eis potestate de rebus leuioribus iudicādi. Sic enim fore, vt partito in alios onere cōmunicatoq; labore, faciliūs ferret, ac sustineret. Moses etsi maxima tum sapientia erat præditus, tamē soceri consiliū omni ex parte secutus est, in quo & maiorē prudentiā præstitit, qui suæ sapientiæ fiducia fretus bene monentis cōsiliū minimē repudiavit, & alijs exemplū prodidit, ne sibi quisquam tantū tribuat, vt cæteros tanquā ignaros & consilij inopes velit contemnere. Mense autē tertio pōst quā emissus est po

pulus ex Aegypto, cum eum Moses in solitudinem Sin duxisset, fixis è regione montis tentorijs, ipse in montem ad Deum ascendit. E monte eum Deus accersuit, eiq; præcepit, vt Iudæis nuntiaret, si præceptis suis parerent, fore, vt eos sibi populū suū ac propriū haberet. Cū hæc populo nuntiasset, omnesq; polliciti essent, se omnia quæ Deus dixisset, facturos: ipse rursus ad Deum profectus, ei populi voluntatem exposuit. Deus cum eo se iam collocuturum è nube dixit, vt populus audiret: quæ res faceret vt in perpetuū apud illū plurimū eius valeret ad persuadendum oratio. Iussitq; eum ad populum redire nuntiatum, fore vt tertio die post, qui fuit quinquagesimus post liberatū populū, conspectante & vidente, in montē ipse descenderet. Itaq; ex illo ipso die in tertium quotidie eos expiaret & sanctificaret, eisq; terminos constitueret, extra quos egredi vt ad montem accederent, liceret nemini: qui eo ausus esset propiūs accedere, eum vel lapidibus obruendum, vel iaculis confodiendum daret. Mandatū hoc Dei Moses cum diligēter curasset, omnesq; se obtemperaturos dixissent, tertio die manē & tonitrua

nitrua audiri, & micare fulgura cœperunt, crassissimaq; nubes montem operuit, clangorq; buccinæ vehementius perstrepebat, & mons totus fumabat, quòd deus in eum descendisset: quæ omnia ingentem terrorem populo incusserūt. Accersito Moſe in cacumen, cùm multa alia Deus dixit: tū præcepta & leges exposuit, & quasi recitauit, quibus populum parere vellet. Leges decem ex alijs præceptis selectas, postea in duabus lapideis tabulis scripsit, easq; Moſi in altero eius in montem ascensu populo promulgandas & tradendas dedit. In priore hæ tres scriptæ erant: Dominum Deum tuum adorato, eiq; vni seruito. Domini Dei tui nomen frustra, ac sine causa vt peieres, ne assumito. Diem Sabbathi sanctū habeto, nihil operis in eo agito. In altera septem hæ: Parentes colito, eisq; subuenito. Cædem ne facito. Stuprū ne cui inferto. Furtum ne facito. Falsum testimonium in proximū ne dicito. Domū proximi ne cōcupiscito. Eiusdem vxorē, seruū, ancillam, bouem, asinū, remue vllam ne concupiscito. Atq; hæ quidē leges decē in duabus tabulis eo ordine quē in eis enumerādis seruaui, à deo scriptę sunt. Tabulas aut

mosi tradidit ad populū perferendas, quas cū perferret, è montis descensu vocē tumultuantis populi, & quasi debacchantis exaudiuit. Populus em̄ cū tandiu in monte mosem cōmorari videret (triginta enim dies cōmoratus est) aaronē siue minis, siue precibus, siue vtroq; impulerat, vt ex auro sibi vitulū conflaret, eumq; & adorauèrat, & diuinis honoribus affecerat: q̄ cū Deum minimè lateret, ob eamq; causam iracundia incitatus populum se delere velle, Mosi antè quàm descēderet, dixisset, ita tamen vt eum magnis honoribus auctum in amplissimū dignitatis gradum postea eueheret, Moses tum optimi ducis, & pastoris officio functus est. Rogauit enim eū supplex, vt populo suo ignosceret, quem ex Aegypto eduxisset, ne Aegyptij hoc callidè ab eo factum dicerent, vt eos in montibus & in solitudine interficeret: tātumq; apud Deum eius preces valuerunt, vt nisi venia impetrata non descenderit. Rem tamen tā indignam & scelestam populo inultam ferendā non censuit. Itaq; fractis & discisis tabulis, cū edixisset, vt qui Dei partes honoremq; tuerentur, ad se venirent, omnesq; Leuinæ tribus conuenissent, eis imperauit,

perauit, vt districtis gladijs per castra concurrentes, quoscunq; obuios haberent, interficerent: cæsaq; sunt tum ad tria hominum millia. Quo quidē supplicio, veritus ne Dei animus placatus esset, cū populo, quā graue magnumq; scelus admisisset, indicasset, se velle ad eum ascendere eius placandi causa dixit. Eo cū venisset, Deū rursus orauit, vt vel populo, qui tantū scelus cōmisisset, ignosceret, aut se nomenq; suum è vitæ libro deleret. Tantus quidem hic illius in suos amor, tamque singularis charitas videtur, vt maior esse non possit. Anteposuit enim non solum vtilitati suæ, sed etiam summo bono, ad tempus salutē suorum: aut, vt apertiùs & planiùs dicam, se ad tempus summo bono carere, quā illos deletō peccato cum Deo in gratiā non redire, maluit. Ad hæc Deus respondit, fore, vt populū, de quo sumpturus esset, quod die constituisset, supplicium, in eam regionem quam iam dixisset, deduceret, præcepit, vt sol^o duas alias tabulas lapideas superiorū similes excisas postridie manē in montem ad se deferret. Cū excidisset, noctu in montem euasit. Ibi cū quadraginta dies ac noctes mansisset, nullo interea capto cibo

cibo & potione, iussu Dei in tabulis decem leges scripsit. Leges autem alias permultas tulit Deus, quas quoniam longū esset enumerare, prætereo. Omnes quidem Mosis nomine feruntur, cū earum Deus lator sit, promulgatorq; Moses. Possum commemorare hoc loco ea omnia, quæ iussu Dei ædificāda, & facienda dedit ijs, quos Deus nominauerat, vt tabernaculū eaq; omnia quæ ad illud pertinebant: sed quoniam in eo longa ponenda esset oratio, quæ minus suaui & iucunda multis videretur, hoc satis est intelligi, eum sic illa omnia perficiēda curasse, vt nihil quod Deus præscripsisset, prætermisisset, nihil sibi argenti, nihil gemmarū, cū illorum omnium infinita uis à populo collata esset, retinuisse videatur. In quo maxima eius continentię laus enituit, cū nulla earum rerum specie moueri potuerit, quo aliquid auferret. Sed ad alia veniamus. Hęc autem quæ dixi omnia, in Sin monte Deus Mosi præcepit vt faceret, leges vt populo traderet, & promulgaret, tabernaculum, quæq; in eo contineri voluit, & arcam, vt Beseleo Iudainæ tribus, atq; Oliab Danianę facienda daret. Hi vero adiunctis socijs operis, eam diligentiā

gentiam adhibuerūt, vt anno secundo profectionis, Calendis Martijs excitatum erectumq; sit tabernaculum. Moses porrò, vt primum è monte cū tabulis descendit, nihil prius habuit, quàm vt totam legem populo quē cōuocauerat, promulgaret & explicaret. In Sin montis solitudine cum mēses nouem morati essēt, eos in locum, qui ab euentu quē mox exponam, Sepulchra desyderij dictus est, duxit. Vbicunq; autē fixissent tentoria, non antè soliti erāt discedere, aut alicubi figere tentoria, quàm Dei admonitu ipse dixisset. Quanquam tā claram eis & manendi, & discedendi significationem dedit Deus, ex quo arca facta est, vt ex primo Mosis admonitu omnes in posterum, quando & manendum & migrandum esset, facile intellexerint. Manēdi enim signū erat, interdiu nubes: noctu, species ignis supra tabernaculum, migrandi, amotio. Igitur excitato à terra, eo quē dixi & anno & mēsis die tabernaculo, cū nubes supra tabernaculum nō videretur, quintodecimo die profecti ex Sin montis solitudine, cōfecto tridui itinere, in eū locum venerūt, qui appellatus est Sepulchra desyderij, quòd ibi sepulti sunt ij, quos

mannæ

mannæ cepit satietas tanta, vt ei pepones, allia, cucumeres, aliaq; eiusdem generis anteponerent. Querelas autē suas ad Mosē detulerūt, eiq; mortis suæ causam obiecerunt, quòd ipsos ex Aegypto, in qua cibis illis victitarent, & carnibus, in eum locum duxisset, in quo nihil præter mannam, quā fastidirent, cernerent. Quā in causā non tāta fuit in Deum fide Mosēs, quanta superioribus temporibus fuerat. Tantum enim sibi onus impositum apud Deum queri cœpit, his promiscui vulgi querelis adductus, quantum ipse sustinere non posset. Deoq; carnes se daturum populo dicenti, sexcenta millia populi esse dixit: quasi verò ibi satiare nō posset tantā multitudinem. Itaq; septuaginta viros ex senibus cū Deus conuocare iussit, ad fores tabernaculi, quibus partē adēptam spiritus qui in eo erat, tribueret, & quasi diuideret, vt in oneris societate venirent. In ijs descripti erant quidā Eldad & Meldad, qui cū in castris mansissent, & tamen vaticinarentur, tum singularis modestiæ & charitatis clarissimū exemplū Mosēs prodidit. Nam cū id ei nuntiatum esset, tantum abest vt grauius molesteq; inuidiæ facibus inflāmatuſ tulerit,

vt cum eum Ioſue moneret, vt eis vetaret ne vaticinarentur, & illum grauiter obiurgauerit, & vt omnes vaticinarentur, optauerit. Nec tamen populus diu ſcelus illud inultum tulit. Cum enim Deus coturnicū vim tantam effuſiſſet, vt iter diei imple- rent, illiq; pro ſe quiſq; quantum vellent, legiſſent, tantum in os cibum ingeſſerant, cum de eis acerrimum ſupplicium ſumpſit. Eodem in loco precibus à Deo, ne igne omnes conficerentur, impetrauit. Nā cum de labore, quē in via capiebant, apud Deum quererentur & murmurarent, ob eamq; rem ſupplicij cauſa ignis de cælo extremam iam partem caſtrorum conſumeret: Moſem ſtatim appellarunt, cuius ſtatim precibus ignis reſtinctus eſt. Idē paulò poſt in obtreſcatores inſigni eximiaq; clementia fuit. Cū enim Aaron & Maria vtriuſq; ſoror illum contemnerent, quòd vxorē Aethiopiffam duxiſſet, Deumq; ſecum æquē, ac cū eo collocutum iactarēt, idq; ita acerbè Deus tuliſſet, vt eis tribus à cæteris ſeiunctis, nō ſolum quaſi pro teſtimonio eos reſellens, dixiſſet, ſe cū alijs ſi qui vates eſſent per quietē colloqui ſolitū, eiſque in viſione apparere: Moſem autem

ore ori adiuncto conuenire, palamque ei,
non obscure ostendere: verum etiam le-
pra Mariam supplicij causa infecisset, tan-
tum abest, ut ex sua laude, supplicioque; fo-
roris lætitia affectus sit, ut Aaronis fratris,
quem paulò antè obtrektorè habuerat,
precibus adductus, Deum ut eam curaret
tam obnixè & ex animo rogauerit, ut illa
septimo die planè curata sit. In maximo e-
tiam populi, quem regendum gubernan-
dumque; suscepit, eiusdem generis facinore
precibus Deum infensum placidum, placa-
tumque; reddidit, tum cum præcepto Dei pa-
rens, singulos ex singulis tribubus misit,
qui regionem, in quam eum deus introdu-
cturus erat, cōsyderarent, fructusque; quos
terra illa ex se proferret, secum portarent.
Lustrata enim quadraginta diebus tota re-
gione, cum fruges fructusque; alios permul-
tos, tum vnam tam inusitatę magnitudinis
decerpserunt cum suo palmite, ut à duobus
viris in vecte eam afferri oporteret: sed de-
cem ex ijs qui profecti erant, extiterunt,
qui bonitate fertilitateque; loci, hominū qui
eam regionem incolerent, vastitate & ma-
gnitudine, quam corporum moles præfer-
ret, eleuata, populi animis tātum terroris
inijce-

injcerent, vt ob eam causam eò se iturum negaret, miserumq; se esse diceret, quòd nō in Aegypto mortem oppetiuisset, atq; ducem à quo in Aegyptū reduceretur, deligere constitueret: nec reliqui duo Caleb & Iosue eū ab illo consilio deterrere aut auocare eiusdē regionis prædicatione, nec moyses Dei potestate cōmemoranda potuerunt, quin sublato clamore eos duos lapidibus obruere vellet. Quæ Deus ita graui ter tulit, vt exprobratis suis in populū beneficijs, Mosi pestilentia vniuersos se delaturum, eumq; alij magnæ nationi, quæ illa potentior esset, præfecturum diceret: idq; fecisset, nisi Moses eius iram & beneficiorum, quæ in populum illum ad illud tempus Deus ipse contulisset, commeratione, & lætitiæ quam Aegyptij ex illa re coniunctam cum irrisione caperent, repressisset. Quāquam tantum fuit Dei in eos odium, vt decem illos, qui regionem illam eleua uerant, supplicij causa primos subitò mori voluerit, & cæterorum qui illorum auctoritatē secuti murmurassent, neminem in eam regionē peruenturū dixerit. Eundem se in ea rebellionē, & coniuratione, cuius Core, Dathan, & Abiron principes fue-

K runt,

runt, præstitit. Nam cum tres illi adiunctis coniurationis socijs ducentis quinquaginta, illum & Aaronem fratrem eius principatū sibi arrogasse propter Domini Dei, quem in se inesse iactarent, præsentiam, dicerent, cuius non minus ipsi quam illi participes essent, fratresq; rei nouæ & inaudita indignitate impulsī, eos arrogantia primū crimine accusarent, deinde thuribula postero die afferre iussissent, vt Deus quos eligeret, significaret, eorumq; Core venisset, Nathan & Abiron venturos se pernegarent: tam infensus omnibus eorū scelere Deus fuit, vt omnem populum duobus exceptis fratribus deleturus fuerit, nisi eum rogassent, ne vno peccate, ira ipsius in omnes desæuieret. Quibus eorum precibus adductus, cum eos reliquam multitudinem à coniuratorum tabernaculis iussisset secernere: genusq; mortis nouū Moses, quo interituros eos ei Deus enuntiasset, exposuisset: tum & terra dehiscēs princeps coniurationis cū tabernaculis & omnibus eorum facultatibus absorbuit, & ducentos quinquaginta coniurationis rebellionisq; socios confecit ignis. Postero die non minore in suos siue pietate, siue clementia

mentia fuit. Cum enim populus illi atque Aaroni fratri tantam suorum stragem interitumq; obijceret, seditioq; & tumultus iam ortus. tantas vires sumeret, ut in tabernaculum fœderis populi debacchantis furoris vitandi causa confugere cogerentur, Deusque eos moneret, ut se à populo, quē deleturus esset, secernerent; Moses Aaronem fratrem qui pontifex erat, admonuit, ut in thuribulum igne ab arca cum odoribus imposito, se in mediam multitudinē, in quam iam ira Dei exarsisset, immittens pro eo rogaret. Quod cum sedulo fecisset, stansq; inter viuos & mortuos pro populo precatus esset, ignis restinctus est, nec verò antè eò peruenit, quàm quatuordecim milia hominū & septingenti cōflagrasset. Idē postea à Deo precibus impetravit, ut populi qui murmurasset, à serpentibus quæ ignē euomebant, diuinitus supplicij causa inflicta vulnera, nouo quodam genere curaret. Querebatur popul⁹ in via, quæ ab Hor monte ad mare rubrum fert, cum de via fessus esset, se ex Aegypto à Mose deductum ad certam mortē in solitudinē, in qua decisset panis, aquæ nullæ essent, si, biq; nauseam cibum quem mannam voca-

bant parere dixerat: cum his eorum qua-
relis in fensus Deus, serpentes ignitos emi-
sit, quarum morsibus ac vulneribus pluri-
mi interierunt. Quo malo tanto coacti, sta-
tim ad Mosem venerunt, & à se grauitè pec-
catum esse professi sunt, quod in Deum atq;
in ipsum dixissent. Itaq; orare se illum, vt
serpentes tolleretur. Oblitus iniurias Moses
pro ea mansuetudine qua maxima erat præ-
ditus, Deum pro populo supplex rogare
cœpit. Deus Moysi precibus adductus, ei
præcepit vt serpentem æneum faceret, tolle-
retq; pro signo, quæ qui intueretur, si vul-
neratus esset, curaretur. Sublato quasi sig-
no serpente, omnes qui eum cõspexissent, sta-
tim cõualescebant. Quam autem acer Dei
præceptorum custos, & obseruator esset, vin-
dexq; eorum qui ea violarent, Deoq; verò
repudiato ad alios falsos se conuerterent,
cum sepe alias, tũ Setin in Moabitano re-
gione declarauit. Nã cum Moabitana vi-
rgines populũ, qui illis stuprum obtulerat,
ad sacrificia sua inuitasset, omnesq; ferè de
sacris escis edisset: adoratisq; illius regio-
ni dijs, eorum sacris initiati essent: deus ea
de re in fensus, Moysi imperauit, vt prin-
cipis populi cruci suffigeret, quod ita de-
mum

num populus secum in gratiam rediret. Moſis autem ira vltra progreſſa eſt. Nam vnicuiq; eorum qui integri erant præcepit, vt propinquos ſuos qui dijs ſacrum feciſſent, morte mulctaret: quod cum ab illo factum eſſet, ceſorū numerus fuit quatuor & viginti millium. Idem tamē qui Dei præceptis paruifſet ſemper, nunquam eius voluntatem offendifſet, eundemq; rerū omnium præpotentē eſſe & ſibi & ſuis perſuaſiſſet, in re vna de eius potestate dubitauit. Nam cum ad Cades urbem in ſolitudine Sin populus ob aquæ penuriam in Deum, Moſemq; & Araonem pontificem eius fratrem dicerent, ſeq; ab eis ex Aegypto in tam vaſtas ſolitudines, quæ nec arari, nec fruges vllas & fructus ferre poſſent, nec aquam præberent, ad certam & ſuam & iumentorum mortē eductos eſſe querebantur, querelisq; corū impuſus pronus humi cum fratre Deum ſupplex rogaret, vt clamorem populi audiret, eiq; aquam largiretur, quo eius querelæ deſiſterent: Deusq; ei præcepiſſet, vt virga aut bacillo ſaxum feriret, ex quo aquarum vis magna eruptura eſſet: is conuocato ad ſaxum populo, verbis vſus eſt eiufmodi, quæ animi

illius dubitationē cum semel atq; iterum
faxum percussisset, planē declarauerunt.
Quod ad eō molestē acerbēq; deus tulit, vt
ab eo atq; fratre quod ipsi nō credidisset,
populum in terram, quam ei daturus esset,
introducūm iri supplicij causa negauerit.
Nec verō illius animum, quem ad tempus
hac re offensum putaret, vnquā postea pla-
care potuit. Nam cū Aaronē fratre paulō
post mortuo, victis celsiq; multis Regibus
ac populis, Canaanō, Seoniano, Basano,
Madiano, ad Iordanem fluuiū peruenis-
set, precari deum cōepit, vt sibi cui ad illud
tempus potentiam suam in vincendis tot
tamque potentibus populis, patefecisset,
transire Iordanem & terram optimam cer-
nere liceret: sed tantū abest, vt eum audie-
rit, vt vetuerit, nē postea vnquā de ea re
ageret, eiq; praeceperit, vt in Phasgæ mon-
tis cacumen ascenderet, ex quo in omnes
partes oculis ea loca, quę populus posse-
surus esset, ipse autem aditurus non esset,
lustraret. Ex quo intelligi par est, principi-
bus isq; omnibus, quorū impērio alij sub
sunt, peccatum quod etiam leuissimum
putetur, vt grauissimum propter exemplū
esse fugiendum. Antē autem quā more-
retur

retur quadragesimo anno, quàm populū ex Aegypto eduxisset, Calendis vndecimi mensis, iussu Dei breuiter primū quæ in solitudine gesta essent, commemorauit: deinde omnia legis capita repetiuit, longaque Dei beneficiorum commemoratiōe omnes ad eius leges seruandas hortatus est. Quæ cū & studiosissimè & officiosissimè fecisset, duodecimq; tribubus singillatim bene precatus esset, ac Iosue appointis manibus, Dei spiritum ad ritè fungendum idē munus, largitus esset, tum deniq; conscenso Seb monte, circumspectis ijs locis, monstrante Deo quæ eis concessurus esset, centesimo & vicesimo ætatis anno mortuus est, nec eius sepulchrum nemo homo vnquam aut vidit, aut inuenire potuit. Eum Iudæi triginta diebus continuis luxerunt.

AARONIS MOSIS FRATRIS

Vita.



Aron Mose fratre, tribus annis maior fuit. Eum Deus Mosis qui se impedire linguæ esse dixisset, quòd eloquentia eius confelsione valeret, adiunxit ad obeundū.

K 4 legatio-

legatiōis munus, quo apud Pharaonē Aegypti Regem vtrunq; fungi voluit. Itaque Aaronē verba facere apud populū voluit pro Mose fratre: Mosē Aaroni pręesse ijs in reb^o, quę ad ipsum pertinerēt. Nec verò apud populū solum, sed etiā apud Pharaonē verba facere Deus Aaronē voluit: eumque Mosi quē Pharaonis Deū esse iussit; prophetam vatemq; fore dixit. Missus est autē cum fratre ad Pharaonē Aegypti Regem de Hebræorū, quī graui seruitute premebantur, liberatione: quam legationē ex Dei pręscripto obiit tanta fide & constantia, vt regis irati minas contempserit. Quibus quotq; malis & calamitatibus Pharaonis contumacia Aegyptij omnes oppressi sint, quoniā in mosi vita cōmemorauī, nō necesse habeo hoc loco repetere, ne in eo longior ponatur oratio. Itaque ad ea quę Aaronis propria sunt, veniēdum est. Cum Hebræos Pharaō malis, quibus ipse atque eius populus oppressus est, coactus tādē aliquādo liberos abire sinisset, traiectoq; mari rubro, quod eis aquis in duas partes diuisis facilē transitum dedit, ad Sin montis solitudinem omnes peruenissent: Deū Mosi quem ad se in montem solum accersisset,

cerfisset, primùm leges decem quas in tabulis duabus lapideis scripsit, populo promulgâdas dedit: deinde alias etiam leges, tū exemplar & similitudinē ei ostendit, ad quam tabernaculum quod templi loco futurum erat, & quæ ad illud pertinebant, illum facere vellet: postremò Aaronem fratrem illius se delegisse dixit, qui maximi pontificis munere in re diuina procuranda & facienda in tabernaculo fungeretur: quod quidem ad illius laudem & dignitatem valet plurimū. Nam cū is summus esset honoris gradus, eumq; Deus illi potissimum mandarit; ex eo magnam de illius sanctimonia & virtute opinionem eum habuisse intelligimus, eoq; maiorem, quòd Iesu Christi æterni veri q; pontificis speciem primus gesserit. Semel enim quotannis in adytum tabernaculi, taurorum aliarumq; bestiarum, id est alienum sanguinem inferebat, eumq; pro populi peccatis offerebat, Iesum Christum multò antè significans, qui suo sanguine quo genus hominum redemit, semel in verum tabernaculum, id est in cælum, profectus est. Summum autem eum dignitatis locum vestes, quibus pōtifex in sacris utebatur, populo

angustiore honoratioremq; reddebant.
 Tunica erat hyacinthina, ora textili ea spe
 cie, quam præ se fert cappa quàm vocant:
 ita tamen vt ad imas partes malis punicis
 tintinnabulisq; aureis alternis distingue-
 retur: ad humeros annexa ei erat tunicula
 prætexta ex auro, hyacintho, purpura, coc-
 co bis tincto, siue distincto, byssoque re-
 torta opere vario: ita tamen vt vtriusque
 lateris oræ ad summam partem inter se co-
 hærent. In oris gemmæ duæ onychinæ,
 in quarum vna sex, in altera totidem libe-
 rorum iacob, qui israel appellatus est, eo
 ordine quo quisq; natus est, nomina incisa
 erant opere gemmarum, inclusæ auro vife-
 bantur, vt eorum memoria coleretur. Eo-
 dem opere textili ad pectus insigne quod
 dā adhebat, quadrata figura quæ palmū
 equabat, in quo quatuor ordinibus ac ver-
 sibus duodecim gemmæ auro inclusæ ita
 hærebant, vt in primo ordine sardius, topa-
 zius, & smaragdus, in altero carbunculus,
 sapphirus, & iaspis: in tertio linguri, acha-
 tes, amethystus: in postremo, chrysolitus,
 onychinus & beryllus viferentur, incisis &
 celatis duodecim liberorū iacob nomini-
 bus. Hoc insigne το λογιον dicebatur, q-
 rationis

rationis & iudicij index esset, quasi pōtifex
iudiciū liberorū Iacob gestaret: à collo
autē non pendeat, sed vñcis aureis at-
que ansulis quatuor cum vtraque ora eius
togæ, quam ad humeros hēsisse dixi, co-
hærebat. Tiaram quōq; bysīnam in capi-
te gestabat, ex qua lamina aurea vittæ hya-
cīnthinæ annexa, in qua hæc verba (San-
ctum Dōmino) opere celatoris incisa erāt,
ita pendeat, vt semper fronti eius immi-
neret. Quæ quidem omnia aliaque non-
nulla, quæ prætermittō, non est dubium
quin maximo pontifici maximam dignita-
tem asserrent, ex eisq; summam à populo
venerationem haberet. Atq; hæc apud ho-
mines. Deus autē quantum eius preces
apud se valerent, multis locis confirma-
uit: quippe qui cum pro suo quisq; scele-
re, aut labe & macula, quam ex lege susce-
pisset, eam hostiam offerret, quā lege præ-
scripisset, ita deniq; pollicitus sit veniā se
esse daturum, si sacerdos ipsum, vt ei igno-
sceret, rogaret. Ritus autē solennis quo
sacerdotū iniuit, ceteriq; omnes qui illud
eō mortuo adepti sunt, erat huiusmodi.
Abluebatur primū aqua, cū Deo oblatus
fuisset, deinde tunica linea, alijsq; vestibus
quas

quas paulò antè enumeravi, amiciebatur;
tum oleo quod vnctionis vocabatur, (con-
ficiebatur autem ex myrra primi generis,
cinnamomo, calamo, casia, oleoq; oliuarū)
caput eius perfundebatur: tū vitulus pro
peccato immolabatur, & aries qui crema-
batur, appositis vtriq; manibus pontificis;
alter etiam aries eodem ritu immolabatur
consecrandorum instituendorumq; sacer-
dotum gratia, cuius immolati sanguine ex-
trema pars auris pōtificis dextra, manusq;
dextræ ac pedis pollex tingebatur: tum ex
canistro quod erat in tabernaculo, & pōst
in templo, panis sine fermēto, & collyrida
oleo perfusa, & laganum in adipibus cum
armo dextro adhibebantur: omniaq; hæc
pontifex accepta erigebat, eademq; reddi-
ta in ara odoribus incensis perfundeban-
tur: prætereà sanguine qui in ara erat, vn-
guentoq; ipse vestesq; eius aspergebātur.
Septem diebus hæc siue consecratio, siue
deuotio, siue institutio aut initiatio, in cō-
spectu populi cōplebatur, quibus à taber-
naculo & pōst à templo eum discedere ne-
fas erat: carnibus, & panibus sacris, quantū
satis erat, vescabatur, quicquid reliquum
erat in ignem conijciebat. Postridie initia-
tionis

tionis vitulum expiandi peccati sui causa,
arctemq; in holocaustum vtrunq; sine ma-
cula immolabat; præcipiebatq; populo vt
hircum afferret, quem illius peccati expi-
andi causa immolaret, vitulum, agnumq;
anniculum, in holocaustum & vtrūq; sine
macula, bouem & ouem pacis causa, simi-
lamq; oleo perfusam: cum hæc omnia im-
molabat, Deum vt & sibi & populo igno-
sceret, rogabat. Quibus ritè perfectis, po-
pulo bene precabatur. Verba autem solen-
nia, quibus bene precando utebatur, hæc
erant: Benedicat tibi Dominus, teq; tuea-
tur: Ostendat Dominus tibi faciem suam,
tuiq; misereatur. Os suum Dominus ad te
conuertat, tibiq; det pacem. Quotidie duo
sacra ex lege faciebat: vnum mane, quod
agnum anni vnus, decimam partem simi-
læ quæ oleo tuso perfusa erat, & vinum ha-
bebat: alterū vesperi, quod iisdem rebus,
eodemq; ritu cōstabat. Erant etiā solen-
nia sacra alia quinq;, Phase, id est paschā, à
quartodecimo primi mēsis die vesperi ad
primum & vigesimum, quorū septem die-
rum primus & septimus festi erant: hos se-
ptem ex eo die quo liberati sunt à seruitu-
te Aegyptiorum, quotannis celebrabant.

Secundum

Secundum sacrum solenne Pentecoste dicebatur, id est quinquagesimus dies quam manipuli ex primis frugibus Deo cōsecrati fuissent. Præceperat enim suis Deus, ut cum in eam terrā, quam eis daturus esset, opimam & fertilissimam, quasi in rem præsentē venissent, post messem quotannis ad pontificē manipulos ex primis frugibus portarent, quos postea die ipsi consecrarent, agnusq; anni unius immolaretur in holocaustum, & cū eo duæ decimæ simile oleo perfusæ ac vinū libarent; quo ex die quinquaginta dies numerarent, & quinquagesimum celeberrimū sanctissimūq; haberent, in eoq; panes duos duarum decimarum simile fermentatæ, ex primis frugibus, septem præterea agnos anni unius, vitulū unum, arietes duos in holocaustum cū libamentis suis, hircum pro peccato, duosq; alios agnos anni unius pacis causā per pontificem offerrent & immolarent, quæ omnia ad pontificis vsum referuarentur. Septimo mense reliqua tria sacra faciebāt, primo die diem festum tubarum agebant, holocaustumq; per pontificem immolabant. decimo festum diem expiationum, quintodecimo feriæ tabernaculorum, septem diebus

diebus holocausta offerebātur, dies etiam octāuus erat celeberrimus atq; sanctissimus. Die primo fructus arboris pulcherrimæ decerpebant, spatulas palmarū, ramos ligni densarum frondium, & salices ex torrente: singulis diebus sua cuiusq; sacra solennia faciebant. Atque hæc quidem sacra statuta erant & solennia: alia erant non solennia, sed pro re nata, aut pro cuiusq; religione, peccato vel impuritate, quæ prætermitto, ne sim longior. Quæ autē adhuc cōmemorauī, eò cōmemorauī, vt quid quoq; die Aaron pontifex operis certi ageret, omnes intelligerent: cū intellexissent, ex eo illud etiam intelligerent, quā acceptum & gratum deo officium fuerit, quo fungeretur. Neq; enim de illius animo & religione dubitare debemus, quem cæteris à Deo videmus esse præpositum, vt sibi hostias immolaret. Quanquam ex vno facto de cæteris coniecturam facere possumus. Paulò antè maximi pontificis esse dixi, Deū precari, vt populo peccanti ignoscat. Cum Dathan & Abiron eosq; omnes, qui cum illis in Mosem & Aaronē coniurassent, dehiscēs terra absorbuisset, postriedieq; eius diei, orta seditione & motu, populus vtriq; tot hominum

minum mortis causam daret, Deusq; eis in tabernaculo fœderis, quò quasi in asylum confugerant, præcepisset, vt se à multitudi-
ne quâ deleturus esset, secernerent: Aaron Mo-
sis iussu, qui irâ Dei iam desæuire cer-
neret, thuribulo arrepto in medium popu-
lum se immisit, atq; inter viuos & mortuos
stans, incensis odoribus, Deum vt populo
propitius esset precatus est, statimq; incen-
dij, quod iam multitudinem conficiebat,
finis fuit. Postridie eius diei, aut eo ipso
die, magnâ eius virtutis ac fidei in se Deus
populo significationē dedit, ne deinceps
vlla rebellio aut seditio oriretur. Mosi em̃
præcepit, vt singulas virgas à singulis tri-
buum principibus, id est duodecim, acci-
peret, in eisq; nomen vniuscuiusq; scribe-
ret, & Aaronis nomē in tribu Leuina esset,
easq; omnes in tabernaculo fœderis loca-
ret: eumq; monuit, fore, vt quem ex omni-
bus potissimum deligeret, eius virga in
gēmas erumperet, atq; ita querelas populi
in eum & fratrem murmurantis sedaret.
Cum acceptas virgas Moses in tabernacu-
lo reliquisset, posteroq; die reuersus, illâ
Aaronis non solùm in gemmas, sed etiam
in flores, qui folijs dilatatis in amygdalas
formati

formati erāt, erupisse animaduverteret, omnes ad populum protulit. Cumq; omnes rem vt nouam admirati essent, & suā quisque recepisset, tum iussit Deus Mosē Aaronis virgam in tabernaculum reportare, vt ibi rebellionis populi significandæ ac prodendæ causa seruaretur; motusq; eius ac murmur sedaretur, ne perirent. Ea post in arca iussu Dei recondita est.

Liberos quatuor ex vxore sua suscepit, Eleazar, Nabad, Abiu, & Ithamar, qui omnes iussu Dei cum illo sacerdotes initiati sunt & instituti: sed paulò post Nabad & Abiu cum alienum ignem sponte sua, nullius iussu arreptū atq; in thuribulū cū odoribus infusum obtulissēt, igne perierunt. Si omnia velim commemorare, quæ possum, omnia ferè quæ in Mosē vita dixi, repetenda erunt. Itaq; paucis quæ restant cōtenti esse debebimus. Cum Mosēs in Sina monte quadraginta dies ac noctes cōmoratus est, tum cum duarum tabularū leges decem à Deo latas & scriptas accepit, populus qui illum diutius quàm vellet, in monte commorari videret, ad Aaronē infesto animo venit, cōtenditq; ab eo, vt sibi deos quorum ducibus in via vterentur, faceret,

L quod

quod Mosi qui ipsum ex Aegypto eduxisset, quid accidisset, ignoraret. Aaron in re tam magna, qui furorem populi comprimere se posse desperaret, nisi rerum quæ populo charæ essent, amissione, viris id consiliū dedit, aut imperavit, ut in aures aureas ex vxorum liberorumq; suorum auribus detractas ad se afferrent. Nec verò rerum etiam charissimarum certa amissio eos à semel suscepto conceptoq; facinore retardauit aut deterruit. In aures enim suas quicq; libenter tradidit, quas cum Aaron accepisset, opere fusorio ex eis vitulū fecit. Quē cum populus vidisset, illum Deum esse dixerunt, à quo ex Aegypto educti essent. Quinetiam Aaron aram ei ædificauit, preconisq; voce edixit, postridie Domini festum diem fore. Itaq; omnes manē conuenientes, holocausta & hostias pacis causa immolarunt, sacrisq; escis se contaminauerunt. Hoc statim Moses patefaciente Deo rescituit, cuius iussu cum è monte descendens castris appropinquasset, conspecto vitulo, primum tabulas confregit, deinde arreptū vitulum combussit: tum Aaronem grauiter obiurgauit, quod populū in tam immane scelus præcipitem dedisset. Aaron nihil habuit

buit quod afferret, & excusaret, nisi populi ad peccandum procliuitatem, ijs omnibus expositis, quibus à populo ad illud facinus impulsus esset. Itaque eum rogauit, vt dominum, ne sibi succenseret, placaret. Hinc Moses nihil in fratrem grauius consuluit, tantumq; ira eius in facinoris auctores desequit. Nam cum eos qui à Domino starent, vt ad se venirent, monuisset, omnesq; Leuinæ tribus homines conuenissent, eius iussu quem Dei esse dicebat, tria hominum millia interfecerunt. Pontificis munere ex Dei voluntate ac sua dignitate quadraginta annis, quibus in solitudine Hebræi commorati sunt, functus est. Quadragesimo enim anno quàm ex Aegyptoeducti fuissent, calendis Quintilibus cum tres & octoginta annos compleuisset, in Hor môte è vita excessit. Preceperat enim Mosi Deus, vt eum in montem illum cum Eleazar eius filio duceret, ibiq; ei vestem detraheret, qua filium amiciret: fore enim vt moreretur, quòd sibi ad aquas non credidisset: quod in Mosi vita commemorauimus. Eum triginta diebus multitudine luxit.

IOSVE VITA.



Osue tribus Ioseph qui antea
 Osee dicebatur, Nun siue Na-
 uæ filius, iussu Dei appellatus
 est, idemq; interdū Iesus, quod
 nomen conseruatorem declarat, dicitur. Is
 mosi primū puer & minister fuit, deinde
 successit in eius locū, perduxitq; Hebræos
 in terrā, quā multò antè se eis daturū esse
 Deus promiserat, nec perduxit modò, sed
 inter eos diuisit. Quod ad mun' cur à Deo
 delectus sit, & quemadmodum eo pro dig-
 nitate sua, & Dei voluntate functus sit, di-
 cendum est. Prima eius mentio quæ quidē
 honori illi fuerit, & dignitati, in prælio
 quo dux pro Mose Amalecinos fudit, fu-
 gauit, atq; interfecit, inuenitur. Nam cū
 Amalec sua sponte in Hebræos in Raphi-
 din solitudinē infestū exercitum pugnādi
 causā eduxisset, Mosesq; eius consilio cog-
 nito Iosue, de quo dicimus, vt delectū vi-
 rorū haberet, præliumq; iniret cum Amale-
 cinis, imperauisset, isq; quamprimū stre-
 nuē imperata fecisset, ipse cum Aaron &
 Hur in cacumē montis ascendit. Ibi, cū
 iā atrox & grauis pugna cōmitteretur. Mo-
 se manus quidem erigente, Hebræi in cam-
 po

po duce Iosue vincebant, remittente autē easdē, quas graues senectus reddebat, Amelecini vincebant. Quod cū Aaron & Hur animaduernerent, sessum Mosē ad saxum ducunt, eiusq; manus ex vtraq; parte sustinent: quo factum est, vt cum eius manus ad solis occasum minimē defatigarentur, Iosue Amalec vnā cū suis fugauerit, fugatum interfecerit. Tum Deus parta victoria Mosi negotium dedit, vt eius facti memoriam literarum monumentis proderet, Iosueq; traderet. Quæ quidem victoria etsi Mosi precanti secundū Deum tribuenda est, tamen Iosue in illius laudis societatem venit, quem Moses vnum ex omnibus maximē ducem eius belli profligandi delegit. Tumq; compertum est parum arma foris posse, nisi vel vnus viri optimi, vel multorum preces, Deum qui victoriam dare vnus potest, placauerint. Cū Hebræi in Pharaniam solitudine castra posuissent, Moses iussu dei duodecim principes duodecim tribuum, in his Iosue, in terram chananēorū, quam eis Deus daturus esset, misit, qui eam considerarent, atq; ex eius fructibus afferrent. Regione diligenter inspecta & lustrata, quo-

niam tempus erat, quo vuae præcoces visua-
tur, palmitem cum vua sua tantę magnitu-
dinis præciderunt, vt à duobus viris eam
portari oporteret. Quadragesimo die cum
reuerſi eſſent, alijq; in cœtu populi Moſe
& Aarone præſentibus regionem laudarēt
à fructu quem viderent, ſed ab ea omnes
propter incolas quorū fortitudini reſiſti
non poſſet, & vrbes quæ eſſent munitiſſi-
mæ, retardarent ac reuocarēt: ex eorumq;
illo ſermone motus populi tātus ortus eſ-
ſet, vt Moſi & Aaroni ſatius eſſe in tā vaſta
ſolitudine interire dicerent, quàm in ter-
ram illam introducerentur, ne gladio peri-
rent, vxoresq; ac liberi in hoſtium poteſta-
tem venirent, iamq; de duce deligēdo, qui
ipſos in Aegyptum reduceret, inter ſe col-
loquerētur: atq; ea cum audiſſent Moſes,
& Aaron, in conſpectu populi in terram
proni cecidiſſe: Ioſue extitit vnà cum Ca-
leb Iudaicę tribus, qui eos cōmendata lau-
dataq; regionis bonitate, ne Dei voluntati
vt rebelles obſiſterent, multis verbis hor-
tatus eſt. Sed tamen efficere tantum dicen-
do non potuit, quin clamore ſublato lapi-
dibus vtrunq; obruere vellent, ſeciſſentq;
niſi Deus, cū illi in eo conſilio permane-
rent,

rent, populi perfidiã grauitèr obiurgasset primum, deinde omnes se deleturũ peste dixisset. Moses cui hæc Deus diceret, eum rogare minimè destitit, quoad placidũ aliqua ex parte reddidit. Eius enim precibus adductus Deus, genus mortis mutauit, tantumq; dixit, eorũ qui ex Aegypto educti essent, præter Iosue & Caleb in terrã illam quam contemnerent, peruenturũ esse neminem. In locum autẽ Mosis successit hoc modo Iosue. Cũ Moses saxum bacillo eliciendæ aquę causã populo murmurantibus percussisset, vsusq; esset verbis apud populum, quibus Deo se non planè credere ostendit: ea re adeò offensus est deus, vt ei in terram quam populo suo daturus esset, aditum negauerit. Itaq; ei præcepit, vt Iosue qui eò populũ ducturus esset, terrãq; diuisurus, doceret, ac cõfirmaret, ne timeret. Quòd cũ multis verbis fecisset, in Phasga monte mortuus est, cũ manus suas Iosue apposuisset, ex qua re spiritu sapientię Iosue cõpletus est, ex eoq; tempore ei Hebræi nõ secus ac Mose parere cõperũt. Quinetiam Deus Mose mortuo statim cum eo, vt cum Mose solitus erat, locutus est his verbis, Moses seurus meus excessit

è vita: traijce iordanē hunc cum vniuerso populo: omnē locū, in quo pedū vestrorū vestigia fixeritis, vobis tradā: nemo vnquā vobis poterit resistere. Quemadmodum Mosi affui, sic tibi adero: nec tibi vsquam deero. Itaq; bono fidētiq; esto animo, sorte enim terram populo diuides. His verbis Iosue, alijsq; Dei confirmatus, princeps populi conuocauit, eisq; præcepit, vt populus ad traijciendū flumē triduo post commeatus cibariaq; cōpararet, eoq; die armati omnes Rubenianæ & Daninæ tribus, qui cis Iordanem loca ad incolendū accepissent, præmitterentur. In illa autem quasi expeditione cum se ducem præstitit, vt omnia Dei iussu ac præscripto egerit, nihil contra eius voluntatem fecisse videatur. Nam posteaquā animos omniū suorū ita paratos esse cognouisset, vt ipsi non secus ac Mosi se dicto audientes fore promitterent, qui non pareret eius præceptis, is morte mulctaretur, tantumq; se virum præstaret: antè quā pedē quisquam moueret, speculatores duos clā mittēdos censuit, qui loca urbemq; Hiericho considerarent. Illi urbem ingressi, ex scorto Rab nomine, ad quam diuerterant, & apud quam

quam commorati sunt, compererunt, rumore ac recordatione eorum malorū, quę Deo adiutore in traiectu maris Aegyptijs, & postea plerisq; populis ac regibus accidissent, tanto metu omnes perculsos esse, vt facillē quasi primo impetu eodem Deo vindice regionem illam atq; urbem capere possent. Aduentus eorum statim fama ad regem peruagata est. Itaque misit, qui Rab imperarent, vt speculatores produceret. Illa primum eos venisse cōfessa est, deinde pio quodam officiosoq; mendacio vsa, abijisse dixit. Illi qui verum mulierem dixisse putarent, eos insequi cœperunt, cū interim illos duos, quos in summa parte ædium stipula occultauerat, monet, vt fuga sibi salutem quærant, ac ne in eos fortē inciderent, in montes se recipiant, ibiq; se triduum contineant: oratq; vt iurent, se in vrbis expugnatione sibi parem gratiā esse relaturos. Cum id se facturos esse sanctē promississent, funiculumq; coccineum, quē illa ē fenestra appēderet, fore pro testimonio dixissent: ē fenestra quę muris vrbis adhærebat, elapsi, in proximos montes qui deuij erant, confugerunt. Triduo pōst ad suos reuersi, omnia quę comperissent, or-

dine narrarunt. Iosue speculatorum sermone confirmatus, melioreq; animo præditus, noctu castra mouet: ad Iordanem cū ventum esset, triduo ibi morati sunt. Ipse triduo post per præcones præcepit, vt ordine cuncti incederēt, nec antè quisquam pedem loco moueret, quàm sacerdotes antecedentes cubitorum duūm millium intervallo semper abessent: ipsi se sanctos castosq; præstarēt, quod postero die magna miracq; opera Deus apud illos editurus esset. tū deus ei dixit venisse tēpus, cū faceret, vt apud populum in nomine esset & gloria; intelligeretq; idem se cum illo ita esse, vt cū Mose fuisset. Itaq; sacerdotibus præciperet, vt cū partē Iordanis traiecissent, ibi manerēt: tū enim fore, vt aqua ea quę deorsum laberetur, sic tota in mare in flueret, vt ne gutta quidē extaret, superior autē sic tota insisteret, vt altissimorū montiū speciē præberet. Quæ diligēter omnia Iosue cū suis exposuisset, castra mouerūt. Ad Iordanē autē cū peruenissent sacerdotes, repentē amnis in duas partes licuti Deus fore prædixerat, diuisus est, transitumq; populo vt per terrā præbuit. Cuius tāti beneficij sui in suos Deus, vt posteris
memo-

memoria æterna proderetur Iosue imperauit, vt duodecim viros singulos in singulis tribubus deligeret, qui ad eū locum in quo sacerdotes cum arca starent profecti, ex Iordanis alueo duodecim lapides durissimos tollerent, eosq; in loco in quo castra proxima nocte locarent, ponerent: aliosq; duodecim in medio Iordanis alueo, qua in parte sacerdotes steterunt, figi voluit. Traiecto ita flumine, aquæ nō minore miraculo in suū locum reuersæ sunt, quàm ab eo discesserāt. Horū tā inusitatorum operū fama statim apud finitimos reges ac populos percrebruit, tantumq; omnibus incussit metū, vt cadentibus animis exhaustoq; spiritu, Hebræorū aduentū vehementer timerent ac suspectū haberēt. Ita que eorū metū vrbs Hiericho portæ clausæ erāt, nec cuiquā intrare, aut egredi licebat. Eam autē vrbe septimo obsidionis die cœperunt, hoc quasi stratagemate diuino. Præcepit Deus Iosue, vt sex diebus omnes armati, semel quoq; die circum illam ambularent: septimo autē die sacerdotes septem buccinis septies arcam antecedentes clangerent in vrbs circumitione, sequētib; cæteris: quo toto tēpore nemo clamorem

rem tolleret aut quicquam diceret, nisi cū longior buccinæ clangor exauditus esset, quo exaudito maximum clamorē omnes tollerent: tum enim deniq; funditus vrbis muros casuros esse scirent, quorum casu ruinaq; perspecta & animaduersa, animorum speiq; pleni, suo in vrbem aduentu & introitu omnia caperent, diriperent, & interficerent: tantū Rab de qua diximus, parcerent, nemo se pręda sacra contaminaret. Hęc eo ordine populo Iosue, quo à Deo ei mandata erant, narrauit: quæ cū in expugnatione vrbis obseruata sunt, eum euentum res habuit, quem Deus fore prędixerat. Concessus est ac datus Rab inter Hebræos ad habitandum locus. Hiericho capta, speculatores Iosue qui vrbē Hai cōsiderarent, misit. Ij reuersi mittenda esse tātū duo aut tria virorum millia ad eam dixerant, nec minimē necessario labore fatigandam esse multitudinem, cū Iosue eorum consilijs parens tria millia hominum misit. Illi primo hostium impetu fugiētes, ex eisq; tres & triginta cæli & interfecti tantam reliquis trepidationem attulerūt, vt quid agerent, prorsus ignorarent. Quin etiam Iosue quem ducē suis, vt dixi, Deus dederat,

dederat, tam tristi nuntio exanimatus, discisis laceratisq; vestibus primum lachrymas profudit, deinde cum maioribus natu populi ex eo tempore ad vesperum se primum in terram ante arcam foederis proiecit, egitq; cum Deo his verbis, cum se miserum calamitosumq; dixisset, Cur populum suum Iordanem transire voluisset, ut cum Amorrhæi libidini dederet atq; dele-ret? satius fuisse trans Iordanem, ut cœperat, sedes habitandi causa querere: nihil habere se quod diceret, cum populum fugientem cerneret. Hoc audituros esse Chananæos, omnesq; eorum locorum incolas, qui contracto comparatoq; exercitu facile omnem multitudinem delere possent, nisi prouideret. Deus ut surgeret imperauit. Non ei mirum id videri debere, cum populus cōtra voluntatem præceptumq; ipsius sacra præda se contaminasset. Se pro eis stare non posse, nisi is qui tanto scelere se cōtaminasset, obtereretur. Itaq; hoc populo denuntiaret, posteroq; die sorte ad quem illud facinus pertineret, ageretur, & qui in eo deprehensus esset, is viuis combureretur. Re ex voluntate Dei populo significata, inuentus est Achan tribus Iudainæ: qui
à Iosue

à Iosue rogatus, cōfessus est, se auaritia impulsus cum pallium coccineū, aliaq; nonnulla inter spolia animaduertisset, abstulisse: quæ cum prolata essent, vnà cum cæteris bonis exulta sunt; ipse lapidibus obrutus est. Atq; hoc modo Deus placatus est. Itaque paulò pōst Iosue imperauit, vt armatos mitteret, qui ex insidijs urbem, oppidanos, regemq; caperent, homines interficerent, bona diriperent, atq; inter se spolia diuiderent. Consilium militare huiusmodi fuit. Triginta armatorū millia delegit Iosue, eisq; imperauit, vt post oppidū in insidijs essent, nec longiùs abirēt, sed parati essent, cum ipse atq; cæteri simulata fuga, in oppidanos, qui fugientes persequerentur, impetū facere. Hoc tamen consilium mutauit Deus. Nam cum Iosue cum suis simulata fuga cederet, Haiani que ad vnum omnes cum rege eos insequerētur, Deus Iosue monuit, vt clypeum pro signo tolleret: quo sublato ij qui in insidijs erāt, urbem cæperunt, atq; incenderunt. Haiani autem cum fumum in cælum ascendentem animaduertissent, longiùs progredi non potuerunt. Nam & Iosue cum suis restitit, & ij qui urbē incendebant, à tergo
cos

eos adorti sunt. Ita cum vtrinq; vallati essent, omnes, qui erant duodecim millia, interfecti sunt, rex in crucē actus est. Parata victoria, Iosue Deo aram lapidibus rudibus & impolitis ædificauit, hostiasq; in holocaustū & pacis causa immolauit, quēadmodum à Mose faciendum didicerat. Fama eorum quæ vrbi Hiericho & Hai Hebrēi fecerant, exciti populi regesq; omnes finitimi, comparatis contractisque copijs, cum Iosue vno animo eademq; sententia pugnare decreuerant. Gabaones autē astuto callidoq; consilio vsi, cū finitima loca incolerent, panes qui iam vetustate in frustra comminuebantur, calceos, saccos aliaq; omni quæ facilè antiquitatem indicarent, fumantes quò faciliùs se ex longinquis regionibus venire fidem facerent, de pace ad Hebræos venerunt. Iosue qui neū consulere prætermisisset, cum eos à suis missos esse de pace, propter famam eorū, quæ ab Aegypto ad illa loca ubiq; fortissimè maximaq; cū omniū admiratiōe gessissent, cognouisset, longiorisq; vię ea quę cōmemorauī, argumēto esse dixissent: facillè pacē cū eis fecit, quā etiā principes iurisiurādi religiōe confirmarūt. Triduò post
motis

motis castris ad oppida eorū peruenierunt: quod cū multitudo rescuiſſet, cōqueri cœpit, ac quodam modo inuehi in principes, qui tam iniquum fœdus iniſſent. Illi nec vulgi motū ſedare, nec ſe purgare niſi iuriſiurandi religione potuerūt. Eò enim ſe adaſtos dixerunt, nec ſe illos audere cōtingere, ne ſi facerent, grauiore ſcelere, id eſt periurio tenerētur. Quòq; multitudo æquior eſſet, negarunt eos locum inter illos niſi ſeruorum & operarum eſſe conſecuturos. Quod etiā Iosue auctoritate ſua decreuit, vt ligna cæderent, aquamq; comportarent. Exponā deinceps quod ſiue rei nouitate, ſiue magnitudine maximam Iosue gloriam peperit. Eius enim ſiue imperio, ſiue precibus ſol inſtitit, quandiu voluit, id eſt quoad quinq; Reges, eorumq; exercitus Hebræi victoria parta, fuderūt, fugarunt, atq; interfecerunt: nec longiorē illo diem ante illud tempus, nec poſtea fuiſſe, memoriæ proditum eſt. Adoniſedec Rex Hieroſolymitanus, cū cladem qua Hebræi vrbem Hai affeciſſent, auditione accepiſſet, fœdusq; , quod cū Gabaonibus feciſſent, magno metu percuſus quatuor Reges finitimos ad belli ſocietatem vocauit.

uit, vt cōtractis copijs Gabaonem oppug-
narent, ac vi caperent: propterea quod Ga-
baones se cum Iosue coniunxissēt. Obses-
sa vrbe à quinque Regibus, Gabaones sta-
tim miserunt, qui periculum Iosue nuntia-
rent. Ille confestim comparato ingenti ex-
ercitu eò magnis itineribus contendebat:
cū Deus eum monuit, vt magno fidenti-
q; animo esset, quòd ea victoria potiretur, vt
ne vnus quidem hostiū pugnae superesset.
Ita animi speique plenus nocte insequēti
progredi nō destitit, quoad hostes impetu
facto, turbatis à Deo eorum ordinibus, fu-
dit & fugauit, fugatos diu persecutus est,
multisq; interfectis gladio, multò plures
Deus grandine prostrauit. Cumq; satis lō-
gus is dies ad delendos hostes minimè vi-
deretur, Deum Iosue rogauit, vt Sol ac Lu-
na insisterent, id quod impetrauit. Sol em̃
diei vnus spatio non occidit, maxima om-
nium admiratione. Quinq; Reges fugien-
tes in speluncam se abdiderant. Hoc cum
Iosue nūtiatū esset, suis præcepit vt saxa in-
gentia ad os speluncę voluerent, ac nōnul-
los qui inclusos custodirent, relinquerēt.
Eodem die paulò pòst eductos & extra-
ctos. Primùm pedibus obteri ac suffocari,

M de in-

deinde in furcis suspēdi iussit: vesperiq; ca-
dauera in eandē spelūcā in qua delituerāt,
viui projici. Tum eorum oppida cepit, in-
terfectis oppidanis omnibus. Nec verò mi-
nus clara cruentaue fuit victoria, qua nec
ita multò post potitus est. Iabin Asor rex,
cū ad eum fama harum tantarum cladiū
peruenisset, finitimos Reges permultos
ad societatem belli hortatus est: qui cū
omnes cōtracto ingenti exercitu, infestis
animis atq; armis vnum in locum conue-
nissent, vt cū Iudæis pugnarent, Deus Io-
sue ne timeret, hortatus est, quòd postero
die eos ea ipsa hora superaturus esset. Quæ
res euentum eundem habuit, simulatq; Io-
sue suos in illos eduxit. Omnes enim pri-
mo statim impetu fusi fugatiq; sunt: quos
cū fufos persecutus esset, vniuersum ex-
ercitū deleuit, nemine superstite qui suis
cladē nuntiaret. Hinc eorū captis oppidis,
interfectisq; incolis, prædam inter suos di-
uisit. Pacē ita Iudæis terra mariq; à Deo
Iosue duce data & concessa, cū proue-
ctæ iam ætatis esset, ei Deus præcepit, vt
quas regiones trans Iordanem occupasset,
forte inter tribus nouem & dimidiam par-
tem Manassinæ diuideret. Diuisis locis ac
regio-

regionibus ea moderatione & equitate, vt
& Deus quæ fecisset, probaret, & homines
quibus præfuiſſet, ſibi ab illo ſatisfactum
dicerent: cùm diem mortis appropinqua-
re cerneret, cunctas tribus cõuocauit, vni-
uerſoſq; tam ſingularium Dei in ipſos be-
neficiorum commemoratione ad legem
eius atq; præcepta quibus parerent, horta-
tus eſt, & ab iis quæ ei ingrata eſſent, præſer-
tim à Barbarorum inſtitutis & moribus de-
terruiſſet, eorum malorum enumeratione,
quibus opprimerentur, niſi in Dei fide ac
religione perſtarent. Iis ita in ea ſententia
confirmatis, vt ſe Deum elegiſſe teſtaren-
tur, ac profiterentur, quem vnum cole-
rent, & cuius præceptis obtemperarent, ip-
ſe centefimo & decimo ætatis anno mor-
tuus eſt.

IVDAE IVDICIS VITA.



IVdas, mortuo Iofue, cùm
Hebræi Deum conſuluiffent,
quem potiffimùm ſibi ducem
præfici vellet, diuino oracu-
lo in demortui locum ſuffectus eſt. Is Si-
meone fratre adiuncto cum exercitum

Dei iussu eduxisset in Chananeorū Phære
 satorumq; fines, eos superauit, multaq; op
 pida, & agros cœpit. Obsessa autem Bezec,
 cum Adoni Bezec, id est eius oppidi siue
 Rex, siue dominus fugisset, eū capta vrbe
 cæsisque decem hominum millibus, infe-
 cutus, cepit: capto primores manuum ac
 pedū digitos præcidit, id quod diuinitus
 sibi accidisse professus est, quod septuagin-
 ta Regibus, quos sub mensa sua ciborū re-
 liquias colligere coegerat, easdem partes
 præcidisset. Quo quidem exemplo princi-
 pes à crudelitate in eos quos ceperint, de-
 terreri debent. Captis Hierosolymis nec
 ita multò post, eum in urbem duxit, ibiq;
 mortuus est. De Iuda hoc nihil præterea
 scriptum inueni. Iosephus autem non vnū
 certum hominem vult esse Iudam hunc,
 sed tribum Iudæ: Atqui principium libri
 Iudicū eum coarguit ac refellit. VI

OTHONIEL VITA.



Thoniel, Genezì filius, Caleb
 minor natu frater. Hic primus
 post mortem Iudæ, Hebræos
 qui relicta neglectaq; veri Dei
 religione, unitimorum populorū deos co-
 lerent,

lerent, ob eamq; causam à Syriæ Rege seruitute supplicij causa diuinitus opprimerentur, liberauit. Nam cùm octo iâ annis, eius seruitutē perpessi essent, Deus cuius fidem implorassent, Othonielem hunc excitauit, quo & iudice vterentur, & duce, Rege illo oppresso, liberarētur. Iudex autem quadraginta annis fuit, quo tempore nec Deum mutauerunt Hebræi, nec ab hoste vlllo oppressi sunt.

A O D V I T A.



AO D. Gera patre natus est. Is cū ab Hebræis missus esset ad Eglonem Moabiæ Regem cū donis, à quò decem & octo annos oppressi fuerant, eiq; dixisset rem habere se, quam sine arbitris vellet exponere, egressisq; cæteris Rex solio surrexisset, tempus eius interficiendi commodum ratus, eductam sicam sinistra manu (nam vtraque manu pro dextra utebatur) in aluum adegit tanto conatu, vt capulus ferri in vulnere sequeretur, nec gladium extraxit, sed reliquit in corpore: clausisq; ostijs cubiculi & sera obfirmatis, ipse per posticum egressus est. Stipatores princi-

pis ingreſſi, cū occluſas fores cernerēt,
 cum purgare aluum putabant. Itaque tem-
 pus expectandum cenſent, dum domi-
 nus ipſe exiret: cū tam diu expectaſſent,
 vt eos etiam tā longi tēporis puderet, ſibi
 introeundum cenſent. Aperto claue oſtio
 ſumma cum admiratione & ſtupore eū in
 pauimento iacentem mortuum conſpican-
 tur. Interea Aod effugiens, ſuos, re nuntia-
 ta, vt ſe ſequerentur ad Moabitarum exi-
 tium, hortatus eſt. Cum eū ducē ſecuti eſ-
 ſent, moabitarum circiter decem millia in-
 terfecerūt, eorū captis vrbibus: inde octo-
 ginta annis in pace vixerunt.

BARAC VITA.



Barac Abinoē filius tribus Nephi-
 thalim. Hic Hebræos qui mor-
 tuo Aod iudice, quod neglecta
 rursus Dei religione deos cole-
 rent, à Iabin Chananæorū Rege ſeruitute
 opprimebantur, hoc modo vicesimo ſer-
 uitutis anno liberauit. Debora Lapidoth
 vxor iudicabat populū, eademq; vaticinan-
 di munere prædita erat. Eā Deus, cuius fi-
 de imploraſſent Iudei, admonuit, vt Barac
 accer-

accerferet, ei nomine suo præciperet, ut decem millia armatorum ex tribu Zabulon & Nephtalim in Thabor montem educeret: Sic enim fore, ut Sisaram Iabiniani exercitus ducem cum suis ei vincendum ipsa traderet. Barac cum Debora comparato exercitu statim eò magnis itineribus contendit. Quod cum Sisaræ nuntiatum esset, nongentos falcatos currus ingentesque copias infestis signis eò duxit. Debora cum procul exercitum venientem animaduertisset, Barac ut descenderet monuit, quod tempus venisset, quo Sisaram cum suis vinceret. cum suos Barac ex monte in patentes campos duxisset, repente Deus Sisaræ omni; eius exercitui eum terrorem aspectu hostium iniecit, ut fugam capefferent. Sisaraque ipse ex curru desiliens pedibus fugeret: quos fugientes Barac, non ante insequi destitit, quam exercitum omnem deleret, præter ducem, qui ex fuga se domum Haber Cinei, quod pax ei cum Iabin Rege intercesserat, recepit. Iahel enim Haber vxor ei obuiam prodiens, illum ut ad se veniret rogauerat. Is autem in ædes ingrediens, mulierem monuit, ut si quis præteriret, nunc quis intus esset quæreret, neminem esse diceret. At illa siue diuino

consilio vsa, siue fœderis oblita, clauum in tempora Sisarę dormiētis, quem pallio, ne fortē reperiretur, texerat, malleo ita defixit, vt clauus per mediū cerebrū ingressus ad terram perueniret. Barac cū alijs fufis ac deletis, Sisaram quærens Haber domū præteriret, Iahel stans pro foribus eum rogauit, vt eum quem quæreret, interfectum viferet. Cum vidisset, tum per se Deo gratias egit, deinde cum rem Deborę narrasset, vnà cum ea maximis laudibus eundem ornauit. Hac parta victoria, Iabin Regi animus cecidit, viresque & opes Iudæorum adeò pederentim creuerunt, vt eo deleto, quadraginta annis bellum cum eis nemo gerere ausus sit.

GEDEONIS VITA.



Edeon qui etiam Ierobal dictus est, Ioas patre tribus Manasse natus est. Eum Deus ad delendos Madianos, qui Hebręos nutu diuino quòd deos colerent, septem annis oppresserant, ducē hoc modo delegit. Cū in torculari frumentum purganti angelus Dei salutē dixisset hanc,
Salue,

Salve, Dominus tecū, virorum fortissime respondissetq; si Dominus esset secum ac cū tribulibus, cur tot tantisq; malis opprimerentur? ille ei præcepit, vt ea fortitudine qua erat præditus, abiret populum suū liberatum ex madianorum seruitute. cum quæ rogaret, quī cum liberare posset, cum & ipsius familia in manassina tribu sine honore iaceret, & ipse in paternis ædibus minimum posset, seq; idem cum eo futurum respondisset: ab eo maiorem in modum petijt, vt si quid apud illum gratia valeret, ipse re aliqua, quīsnam esset, doceret. Itaque expectaret, dum rediens sacrificium portaret, quod ei offerret. Cū eū se præstolaturum pollicitus esset, Gedeon domum currens hœdum coxit, panesq; sine fermento ex farinæ modio: carnes quoq; in canistro posuit, & ius carniū in ollam infudit: quæ omnia cum detulisset, angelus imperauit, vt carnes & panes in lapide quodā poneret, iusq; in ea funderet, quòd cum fecisset, angelus extrema virga, quam manu tenebat, carnes & panes cōtigit, tum quæ statim è lapide ignis erumpens consumpsit omnia: nec deinceps angelum vidit. Qua re conturbatus, cū angelum

Dei se vidisse exclamasset, vt fit in reb' nouis & inusitatis, Deus eum ne timeret, monuit, quòd minimè moriturus esset. Hinc aram deo posuit. Qua illius in se religione adductus Deus, nocte sequenti ei præcepit, vt taurum patris sui, alterumq; annorù septem arriperet, dirutaq; ara quã pater ipsius Baal deo posuerat, nemoreq; quod circum aram esset, cesso, aram sibi in eo lapide, in quo antea sacrũ collocasset, ac tum taurum secundum in strue lignorum, quæ ex sylua succidisset, crematũ immolaret. Adiunctis decẽ ex seruis suis, noctu ne à patre & oppidanis vis oriretur, Dei præcepto paruit. Manẽ oppidani cum dirutam aram lucumq; succisum cernerẽt, molestè tulerũt: cumq; auctore facinoris quærentes, tandẽ Gedeonem esse comperissent, Ioas eius patre monuerunt, vt filiũ, qui Dei ipsorũ hostis esset, ad mortem produceret. Ille nihil aliud respondit, nisi si Baal Deus esset, ipse suam iniuriã propulsaret, hostemq; vlcisceretur. Ex quo patris responso Gedeon Ierobaal postea appellatus est. Quo quidem tẽpore Madiani cõiuncti cum Amalecinis populisq; ad orientem spectantibus, traiecto Iordane in campis Ierzahelinis castra posue-

posuerunt. Gedeon de eorum aduentu & incurfioe certior factus, afflatu diuino permotus est, clangēsq; buccina primum Abiezerinorum gentem vt se sequeretur, hortatus est: deinde misit qui Manasfinos, Aserinos, Zabulonianos, & Nephthaliminos: cōuocarent. Cū omnes conuenissent, antequam exercitum educeret, Deum rogauit, vt si suo ductu & auspicijs populū suū, quemadmodū prædixerat, liberaturus esset, faceret, vt in lanę vellere, quam in area poneret, ros maneret, & in terra siccitas: quicū factū esset, noctu surgēs, expresso in conchā rore, qui in vellere inerat, rursus Deum rogauit, vt contrā vellere arido manente in terram ros deflueret: id quod etiam impetrauit. His quasi signis certissimis victoriæ impulsus & animatus, noctu ingentem, quem vt dixi, ex quatuor tribubus comparauerat, exercitū eduxit. Deus autem, qui tantas copias ab eo duci cerne-
ret, eū admonuit, quoniam tantus esset exercitus, non superatum iri Madianos, ne populus sibi victoriam tribueret. Itaque voce præconis moneret, vt qui timidi essēt, discederēt. Cūq; voce præconis audita, duo & viginti millia abiissent, tantumq; decem

tos in tres partes diuifos, cū ſingulis tubas,
lagenas inanes lāpadesq; in medio lagenarum
dediſſet, admonuit, vt quod ſe facere
vidiſſet, facerēt: cū tuba in eius manu ſona
ret, ipſi quoq; clangerēt. Vigilia medię nō
ctis in caſtrorū partē ingreſſi, vigilātibus
cuſtodibus, clangere cœperunt, lagenasq;
inter ſe complodere tribus locis in caſtro
rū ambitū, hydrijsq; fractis, ſiniſtra manu
lampades tenebant, dextra buccinis perſo
nantes vnā clamabāt, Gladius Domini atq;
Gedeonis. Hic clamoribus aded turbata
ſunt caſtra hoſtium, vt vociferantes in fu
gā ſe cōiecerint, diuinoq; nutu alij in alios
ruentes, mutua ſe cede truncarint. Aſerini
autē, aliarumq; trium tribuū, quas dixi, pō
pulus omnis, ſublato clamore, eos confe
ctari cœperunt. Gedeon ipſe miſit qui ad
occupandum Iordanem Ephaiminos con
uocarent; qui cum tranſitū intercluſiſſet,
Madaianorū principes duos, Oreb & Zeb
captos interfecerunt: eorumq; capita ad
Gedeonem portauerūt. Interfectis Oreb
& Zeb principibus, cæſiſq; centum viginti
armatorū millibus, Reges duo oriētales,
Zebec & Salmana cum omni exercitu ſuo,
qui millia quindecim explebat, ex fuga ſe
ſuosq;

suosque reficiebant. Gedeon autem cum trecentis suis (victoria enim illa incruenta eis fuit) eos traiecto Iordane confectabatur: sed cum fessus de via Socothos primum, deinde Phanelos rogasset, ut victum sibi ac suis præberet, nec illi modo denegarent, sed eis etiam Zebæ & Salmanâ qui euaserant, ut probrum obiectarent, iniuriam & contumeliâ illam ita molestè tulit, ut minatus sit Socothorum carnes spinis & tribulis solitudinis se esse laniaturum: Phanel autem arcem diruturum esse, cum victor captis illis regibus rediret. magnis inde itineribus contendens, in castra hostium irrupit, fugientesque reges consecutus, turbato omni exercitu, cepit. Eodem die antè quàm sol occideret, eadem via in Socothos mouens, in eorum agro ex puero, principum septuaginta loci nomina didicit, de eisque ut pollicitus erat, supplicium sumpsit. Phanel quoque arcem diruit, interfectis loci incolis. Tum Zeb atque Salmanam rogauit, quosnam qualesue homines in Thabor monte interfecissent: cum respondissent, illi fuisse similes, vnumque fuisse qui speciem filij regis præ se ferret, tum eos fratres suos esse dixit: quos si seruassent, ipsos non fuisse perituros:

ros: districtoq; gladio, cū Iether maximus natus eius liberorū, extrahere nō auderet, ipse vtrunq; interfecit. Hac tā clara glorioſaq; victoria impulſi excitatiq; Iudæi, omnes Gedeonē rogarūt, vt ſibi & ipſe & liberi eius & nepotes præſſēt. Quod nulla ex parte ſe cōceſſurū eſſe dixit, vir animi moderatione clariffimo cuiq; vel antepōnendus, vel certē equādus. In aures tantū, quas ex præda habebant, vt ſibi darent, petijt, quas cū ſumma voluntate pallio in quo inerant explicato, obtuliſſēt, earū pondus fuit mille ſeptingēti auri ſicli, vt ſiclū quatuor drachmas cōtinere, & drachmam centeſimam minæ ſeu libræ partem eſſe intelligamus. Nec verò aurū illud in vſum ſuū accōmodauit, ſed ex eo veſtem ſacerdotalem confecit, quæ Ephod ab Hebræis dicitur, & ad humeros, vt paulò antè dixi, accōmodabatur. His tam claris rebus geſtis cū quadraginta annos præuiſſet, procreaſſetq; ex multis vxoribus liberos ſeptuaginta, & Hebræos in officio, neiq; veri religione continuiſſet, in ſenectute beata mortuus eſt. Eo mortuo Hebræi Sichimi illius in ſe beneficiorum immemores, ſeptuaginta eius liberos præter Ioatham, qui occul-

tatus

tatus est ab Abimelec, quem ex concubina illius susceptum, sibi præesse voluerūt, passi sunt interfici. Ita beati illius viri ac fœlicis non solum rebus gestis, sed etiam liberrorum multitudine, Abimelec spurius gloriam perpetuam quodam modo obscurauit. Nec vero ille tam immane scelus inultum diu tulit. Nam cum tres annos præfuisset, omnes sichimi qui eum sibi, vt dixi, præposuerant, tam immanis indigniq; sceleris recordatiōe, hoc procurante Deo, impulsu eum detestari cœperunt: nec antè eū persequi destiterunt, quàm ad thebas oppidum cum arcē oppugnaret, mulier quædam fragmento molæ ex arce, ad quam oppidani confugerant, in eius caput deiecto vulnus ei inflixit: ex quo mortuus esset, nisi ab armigero suo interfici, quàm à muliere honestius existimasset.

IEPHTHE VITA.



Ephthe Galad ex scorto filius. Hic cū à veris liberis ex domo paterna eiectus expulsusque esset, quod equum esse negarent eum, qui ex scorto natus esset, in partē hæreditatis venire, conspectum eorum fugiens,

ens, in regione Tobiana habitauit. Quo ad eum statim egentes & latrones, qui de eius fortitudine magnam opinionē haberent (erat enim fortissimus) cōuenientes, principem sequi cœperunt. Galadini autē cum ab Ammonitanis Hebrēi bello appetērentur, necessitate coacti ad eum maiores natu miserunt, qui eum non solum in societatem belli vocarēt, sed etiam ducem belli deligerent. Ille autē primum eos hęc non ex animo dicere arbitratus est, cū se ab eis domo paterna iniuria expulsum esse diceret: deinde cum & id quod res erat, & ex animo se loqui confirmarent, hoc respondit, se ita demum eorum principē futurum, si & illi verē venissent, & Deus Ammonianos sibi tradidisset. Cū iureiurando fidem fecissent, se promissa seruatuos esse, cum eis redijt in patriam. Ibi cum eum populus principem creasset, legatos ad regem Ammonianorū misit, qui ab eo quærerent, cur sibi ac suis bellū inferret, suaq; vastaret. Respondit legatis, quōd Hebrēi cū ex Aegypto discederent, magnā partem ditionis suæ ab Arnone ad Iordanem cepissent, quæ omnia repeteret. Quæ cum legati renuntiaissent, Iephthe eosdem ite-

rum misit, qui multis verbis non ea quę illius ditionis essent, sed quę aliorū, ab Hebræis tum capta esse docerent: eumq; non equū facere, qui aliena, id est ea quę Amoræorum fuissent, repeteret, præsertim cū tam diu non repetiuisset. Ex quibus intelligi posset, non iniuriam illi facere Hebræos, qui ea tam diu sine cōtrouersia tenuissent, sed illum qui bellum indiceret. Qui si in sentētia permaneret, Deū inter vtrumque populū arbitrum fore. re infecta cum Legati reuersi essent, Iephthe afflatu diuino permotus & completus est, cōparatoq; exercitu in Ammonianos mouit. In via votum Deo nuncupauit, si eius benignitate Ammonianos superasset, qui primus victori sibi redeunti obuiam factus esset, eum se illi immolaturum. Ammonianis ita victis, vt viginti eorū oppida caperet, agrosque & fines eorū, redeunti domum, filia eius virgo, quam vnā sine alijs liberis habebat, quę patri tam claram victoriam gratularetur, prima obuiā prodijt. Quam simul atq; animaduertit, voce quā potuit maxima cum lachrymis se miserum esse dixit, quòd illa & se & ipsum decepisset, præsertim cum os suum Domino in voti nuncupatione

cupatione aperuisset, nec aliud facere posset. Virgo filia patri modestè respondit, si Deo votum nuncupasset, se non recusare, quin eo se ipse liberaret, præsertim cū tam insigni victoria clarum patrē videret. Hoc tamen vnum se ab eo petere, vt duos sibi menses ad virginitatem cum equalibus lugendam concederet. Exactis duobus mensibus, reuersam Deo immolauit. Quo quidem exemplo omnes moneri debet, vt in votis nuncupandis, cautionem prudentiamq; adhibeāt. Idem cū sex annos iudex præfuisset, excessit è vita.

SAMSONIS VITA.



Amson Manue filius tribus Dan, dubiū esset, fortissimus ne fuerit, qui à nemine homine, nec à quàm plurimis vinci potuit, an stultissimus qui à muliere editis tā clavis mirabilibusque fortitudinis documentis, tandem victus est, nisi in eo Christum multò antè significauisset. In eo præter hoc extremum singularia sunt omnia, vt quæ prophani scriptores de multorum fortitudine tradunt, ab illo obsecrata videantur. Eo autem natus est tempore;

N a cū

cū Palæstini Hebræos diuino consilio, quod neglecto desertoq; vero Deo, se ad aliorum religionem contulissent, quadraginta annis Abdone Iudice mortuo, seruitute oppresserunt. Conceptus eius miraculo non caruit. Nam cū mater eius sterilis esset, angelus ei se ostēdit, dixitq; tempus futurum, quo conciperet pareretq; filium, qui Deo consecraretur, populumq; in libertatem vindicaret. Vēuitq; ne quid sacrarum esearum ipsa contingeret, aut vinū biberet. Quærenti autē quisnam esset, vnde veniret, aut qui vocaretur, dicere noluit. Ea igitur perterrita ad Manue virum suum statim veniens, ei hæc omnia ordine narrauit. Manue rei miraculo impulsus Deū rogauit, vt iterum eundem mitteret, qui omnia, quæ in puero agi vellet, doceret. Audiuit eū Deus, misitq; angelum ad mulierem, quem vt primum vidit, ad virū cucurrit, ac renuntiauit. Ille vxorem secutus, angelum rogauit, num is esset qui cū vxore sua locutus esset, & quænam puer, quādo natus esset, obseruare deberet. Angelus se eum esse dixit, præcepitq; vt puer ab ijs omnibus, quæ mulieri exposuisset, abstineret. Manue angelum esse ignorabat.

bat. Itaq; eum rogare cœpit, vt hædum sibi parari & coqui pateretur. Se esurum negauit Angelus, monuitq; vt hostiam Domino immolaret. Cùm idē instaret, vt nomen ediceret, idq; se eò facere exponeret, vt eum honoribus afficeret, quæsiuit, cur nomen suum quod mirabile esset, sciscitaretur. Hædum in lapide cùm incenderet atq; Deo immolaret, eo atque muliere spectantibus, angelus simul cum flamma ascendit: quo spectaculo perterriti, in terram proni ceciderunt: tumq; demum angelum esse Manue credidit, mulieriq; dixit se atque illam esse morituros, quòd angelum vidissent. Samson autem puer cum natus esset, appellatus est, simulq; cum ætate in eo virtutes coniunctæ cum Dei munere creuerunt. Cùm adoleuisset, Palæstinam virginem accepit vxorem, repugnantibus primùm parentibus, quòd Palæstini præputium non præciderent, & multæ essent generis sui, quas accipere ex lege diuina eum oporteret: deinde assentientibus, cùm eā sibi probari & placere dixisset. Hoc autem Samson fecit, non quòd contra legē facere vellet, sed quòd id agente diuina prouidentia, occasionem opprimēdorum

Paleſtinatorum quæreretur. Thamnatensis virgo illa erat. In oppidū cum parētibus cū iret, catulus leonis ſæuus ei occurrit: quē manibus ſic diſcerpſit, vt ſi hœdum in fruſtra cōcidiffet: neque id parētibus voluīt exponere. Sermonē cū illa virgine habito, redierunt domum. Cū paulò poſt eōdem vt eā acciperet, reuerteretur, cadaueris leonis videndī gratia de via dēflexit. In ore leonis examē apum cōfederat, ſumptū fauū mellis, in via edit ipſe, atq; eodē parētibus totius rei ignaris dedit. Loci illius incolæ ei triginta ſodales dederant. Eis in ſolenni nuptiarum epulo ænigma explicādū propoſuit ea cōditione, vt ſi intra ſeptimū diē illud diſſoluerent, ipſe eis lineas veſtes triginta, totidemq; tunicas daret: ſi non poſſent, ipſi eundem & veſtīū & tunicarum eiufdē generis numerū ſoluerent. Aenigma autē, hūc obſcura quæſtio fuit huiufmodi: Ex cōmedente cibus, & ex forti dulcedo manauit. Tribus primis diebus cū nulla ratione obſcuritatē quæſtionis explicare poſſent, nec alijs, ad-eſſetq; ſeptimus, vxorē eius conueniūt: ei ſuadent, vt viro blandiatur tantumq; efficiat, vt quæ illius quæſtionis ſententia ſit,

expo

exponat: minantur præterea, se & illius & patris eius domum esse incensuros, nisi id perficiat. Mulier non solū blanditur viro, verum etiā queritur apud eum cū lachrymis, se ab illo diligi, ob eamq; causam eum sibi nolle eius quæstionis explicare sententiā: idq; sex primis diebus fecit, in quibus ei hoc vnum ille afferebat, se illi quæstionem explicare nō posse, quam parentibus explicare noluiisset. Ad extremū septimo die cum ei molesta esse pergeret, exposuit: statimq; illa ciuibus suis indicauit. Illi eodem die ante solis occasum. Samsonē adeūtes, his verbis explicarunt. Quid dulcius melle, leoneq; fortius? Quod ipse intelligens, Nisi, inquit, iuuenca mea arauissetis, nunquā quæstionis nodū inuenire potuissetis. Spiritu autē diuino afflatus, Ascalonem Palestinorum urbē petens, triginta viros interfecit, eorumque vestes illis triginta ex pacto tradidit. Hanc ille vxoris in se iniuriam adeò molestè acerbèq; tulit, vt quamprimū leniendi doloris causa, relicto & loco, & ea quæ illi dolorē augere potuissent, se domum paternam receperit. Pater eius vxoris, eā ab illo odio & dolore victo repudiatā esse ratus, alteri qui Sāsonis

amicus erat, nec ita multò pòst in matrimonio collocauit. Ipse cùm aliquâtò pòst, tum cū triticæ mēsis tempus appetebat, vxorem viferet, atq; in cubiculum vt solitus erat, ad eam vellet accedere, prohibuit pater, cùm ea quæ paulò antè dixi, attulisset. Se tamen habere dixit virginem filiam minorem natu, quæ forma elegatiorē quàm illius soror esset, qua pro illa si vellet, vteretur. Quam ille iniuriam sibi factam grauius ferens, in se culpam ex illo die non posse conferri dixit, si illam vlceretur. Tempus mēsis, vt dixi, flauescētib; iam frugibus, appetebat. Ille statim trecentas vulpes cepit, easq; caudis inter se nexis & colligatis, in omnes partes, adhibito igne, dimisit. Illæ autem in medias Palæstinorū segetes occultandi, vt fit, causa, cum discurrensent, tam eas quæ iam in manipulos demessæ colligatæ erant, quàm eas quæ tum etiam stabant, combusserunt, tantæque vis flammæ fuit, vt etiam vineta & oliueta cōflagrarint. Palæstini re comperta ex ijs, qui hæc à Samsonē geri vidissent, cum Thamnath eius focerum ei causam dedisse intellexissent, quòd filiam quam ei nuptui dedisset, alteri collocasset, tum irato animo & pa-

& patrem, & filiam viuos exusserūt. Quod cum Samson rescuisset, ne sic quidem se conquieturum, nisi eos etiam nouo genere vltus esset, professus est. Itaq; eis misera bili modo, siue vulneratis, siue cæsis discessit, habitauitq; in quadam spelunca. Palæstini autem in eorum, qui tribus Iudæ erant regionem arma inferentes, cum illorum exercitū fudissent, eorumq; irruptionis causam illi quærerēt, responderūt, nunquā se antē finē belli esse facturos, quā iniurias quas à Samsonē accepissēt, vlti essent. Quæ causa fuit, vt Iudainæ tribus hominēs ad Samsonem venientes, cū ab illo quæsiuissēt, cur in Palæstinōs, quibus ipsi parerent, talem se præbuisset, illeq; se par illis retulisse respondisset, exposuerint, se eō venisse, vt vinctū eū Palæstinis dederēt: quod ille, tātum abest vt acerbè tulerit, vt libenter se id passurū esse denunciauerit, dū modo iurarent se ipsum in via nō esse interempturos. Cū iurassent, vinctū eū nouis duobus funibus ad Palæstinos ducebant: cumq; illi eminus cōspecto illo quasi ad certam prædam cum clamore properantes iā imminerent, spiritu diuino afflatus & permotus Sāson, solutis ruptisq; vin-

culis arreptaq; asini maxilla, mille viros interfecit. Cōfectus siti, cū ibi nullæ aquæ suppeterent, Deum rogauit, vt sibi quem victorem effecisset, auxiliū ferret, ne enectus siti in potestatem inimicorum veniret. Vix finem orandi fecerat: cū aquam ex molari dente manare vidit, ex qua cū quantum satis visum esset, haufisset, vires & animum recepit. Rem nō minus admiratione dignā, nec ita multò post gessit. Gazam Palæstinorum urbem cum introisset, cum muliere quę omnibus proposita erat, concubuit. Aduentu eius cognito, Palæstini clam eum circūdederunt, atq; in portā noctu excubias egerunt, vt manē abeuntē interficerent. Ipse cū intēpesta nocte expergefactus, surrexisset, portas vrbs cū portibus in humeros suos impositas, in proximi mōtis cacumē deportauit. Eundē verò, quem tātis corporis viribus præstitisse excelluisseq; docui, ad extremum mulier Dalila nomine, blanditijs illecebrisq; superauit. Cū enim Palæstini eam ab illo valdē amari cognouissent, cum ea egerunt, vt eū falleret, ex eoq; cognosceret, qua in re tam magnæ vires eius consisterent: quod si faceret, ei se singuli millenos & centenos

nos argenteos daturōs esse sponponderūt. Ille primū quidem non planē qua in re fita essent vires corporis, exposuit. Nam cū illa, vt solent mulieres paulo ad rem attentiores, id tentasset, isq; ita fore se ijsdē viribus, quibus ceteri hominēs essent, dixisset, si septē funibus qui ex nervis humescētibus cōfecti essent, vinctus esset, at quē illa, cū hoc ipsum Palæstinis materiā suppeditantibus, fecisset, latentibus qui & exitum rei expectarent, & ex insidijs eum opprimerēt, ei insidias à Palæstinis paratas quas vitaret, exposuisset: ipse tanta facilitate vincula rupit & dissipauit, quanta ignis filū ex stupā cū adhibetur, solet. Iterū ac tertio eā simili ratione decepit, cū illa semper ab eo capi fallac; dixisset. Secūdo loco funibus nouis, qui nūquam in opere fuisset, vinctus est, quos tā facile rursus dirupit, quā telarū fila potuisset. Tertio dixit, si septē capitis sui capilli intexti, & cō torti iugo textorio fuissent, & humi clauo defixi, fore vt pari ceterorū hominum fortitudine videretur. At cū illa omnia diligēter perfecta essent, ijs qui in insidijs collocati erāt etiam imminentibus, tamē experrēt⁹ omnia facilmē extraxit. Quarto

autem

autem, id est ad extremū mulieris siue precibus, siue querelis, siue blanditijs, siue his omnibus victus, ei rē ipsam vt erat, aperuit. Cū enim indicio illius caput ei rasum esset, Palæstini omnes, qui mulieris accitu cum pecunia conuenerant, cum comprehenderūt exitus rei ignarū, statimq; effossis oculis, Gazam ductū in carcere vincitū catenis duabus molere iusserunt. Renasci iam eius capilli cœperant, cum Palæstini festum diem more institutoque maiorum agentes, Samsonem ludibrij causa producendum communi consensu vt hostē censuerunt. Eo in cubiculo duæ colūnæ erāt, in quibus tota domus nitebatur, tā paruo interuallo disiunctę, vt eas passis manibus homo posset cōtingere. Ibi cū illū diu pro delectamento habuissent, ducē suum monuit, vt se ad colūnas illas perduceret. Spectabant autem ludētem Samsonē fere tria virorū mulierumq; millia. Is ergo cū Deū rogasset, vt sibi in rebus aduersis contra hostes auxilium ferret, cōplexus vtramq; columnam, eas ita totis viribus cōmouit, vt domus ruina sua eum omnesq; qui aderant, opprimeret: pluresq; moriens, quā viuis interemit. Eum verò sui elatum in sepul-

sepulchro patris sui sepelierūt, cū vigin-
ti annis populum iudicasset.

BOOZ VITA.



Booz Bethleemitanus Salmone
patre natus est. Is Ruth Moabi
tidem vxorem diuino consilio
& prouidentia accepit: quod qui-
dem quemadmodū gestū sit, quia ad eius
laudem pertinet, exponere cōstitui, remq;
altius repetā, quod facilius intelligatur. Eli-
melech erat Booz propinquus: qui cū fa-
mes in patria esset, id est, in ea Iudææ par-
te, quæ Iudæ familiæ obuenerat, eius vitæ
causa vnā cum Noēmi vxore, duobusq;
liberis Mahalon & Chelion in agrum moa-
bitanū se recepit. Ibi, Elimelech mortuo,
liberi duo, quos dixi, vxores duxerūt, Or-
pham & Ruth nomine, vter autē utrā acce-
perit, incertum est. Excesserunt autem illi
etiā è vita. Noēmi quæ se & viduā & orbam
videret, sibi in patriā, accepto nuntio vber-
tatis, cū in ea regione decennium fermè vi-
xisset, redeundū censuit. Itaq; re cū nu-
ribus cōmunicata, primū tres simul iter
ingressæ sūt: deinde cum aliquantum iti-
neris

neris confecissent, Noëmi nurus & monuit, vt in patriam suam ad matres reuerterentur, & rogato Domino, vt prosperè eis omnia euenire vellet in domibus virorù, quibus nupturæ essent, osculata est. Illæ cū obortis lachrymis dolorē suum magna voce significarent, dicerentq; se vnà cum ea ad ipsius patriam esse profecturas: ipsa eas rursus hortata est, vt redirent, quòd nullā iam spem sibi quæ prouecta ætate esset, reliquam videret procreandorum liberorù: quæ si reliqua esset, atq; ea ipsa nocte conciperet, tamen ipsæ antè consenescerent, quàm liberi possent habere: quin etiā earum aspectu & præsentia augeri dolorem suum dicebat. Hac illius oratione adducta fuit vtraq; vt iterum fieret: sed tamen Onpha sola cum socrum osculata esset, discessit. Ruth autem soerum sequuta est: cui cū illa in itinere quasi auctor esset, vt propinquā quæ ad deos suos reuersa esset, sequeretur, eā rogauit, ne sibi deinceps aduersaretur. Hoc em̃ sibi induxisse in animū, hoc constituisse, quocunq; ipsa pergeret, eam sequi: vbicunq; habitaret, habitare: quem Deū haberet, ac populū, eundem habere: quacūq; in terra moreretur ac sepeliretur,

mori

mori atq; sepeliri: neq; re vlla, nisi morte,
ab ea disiungi. Noëmi quæ tum obstinatū
obfirmatumq; nuntius animū cerneret; de-
inceps ei suadere, vt ad suos rediret, desti-
tit. cōfecto igitur vnà itinere, bethleem in-
troierunt tū cum primū ordeā metebātur.
Ruth nec ita multo post focui exposuit, si
ibi in animo esse, dū modo per illi^o benigni-
tatē liceret, se in agrum alicuius comis &
liberalis domini ad colligēdas spicas, quæ
messorum manus fugissent, cōferre: quo
impetrato, cum abiisset, accidit diuina pro-
uidentia, vt ager is in quē primū ingres-
sa est, Booz huius esset, qui iam tum mag-
nis opibus abundabat. Ea iam spicas mes-
sorū concessu colligebat: cum Booz
Bethleem veniens, ab eo quē messoribus
præfecerat, quænam puella esset, cœpit quæ-
rere. Cum respondisset, eam esse Moabitā-
dem, quæ cum Noëmi ex illa regione ve-
nisset, rogassetq; vt sibi colligere spicas re-
manentes liceret: ipse illam monuit, ne ad
aliū agrum trāsiret sed messorēs semper
sequeretur: se enim suis imperauisse, ne
illi negotium facerent quinctiam si si-
tiret, aquam cum suis biberet. Cū illa
tanta eius benignitate ducta, statim se
ad illius

ad illius pedes abiecisset, rogassetq; quodnam ob meritum suum sibi tantum beneficij daret, quā Moabitidem, id est peregrinam esse sciret: respondit sibi nuntiatum esse, quę officia nurui suę post mortē viri sui pręstitisset: eamq; relictis parentibus & patria, ad eos venisse, quos antea ignoraret. Itaq; petere se à Deo ad quę confugisset, vt ei pro officiorum dignitate gratiam referat. Concessit etiam, vt ad horam cibi veniens, cum suis cibum caperet. Cumque illa ex more ad colligēdas spicas rediisset, suis Booz pręcepit, vt si cū eis ipsa metere vellet, ne prohiberent: quin etiam de industria manipulos relinquerent, vt liberē colligeret. Collegit autem illa duos ferē modios, quos cū ad focrum vnā cum reliquis cibi deportasset, quærere ex ea cępit, quisnam se in eam tam liberalem facilemq; prębuisset. Cum Booz nominasset, tum & propinquum suum eum esse dixit: & vt magnis eūdem Deus bonis afficeret, rogauit, quōd quam amicitiam cum mortuis coluisset, eam etiā ad viuos voluisset pertinere. Multō etiam maiorem ei gratiā habuit, cū à nuru accepisset, hoc ei ab illo imperatum esse, vt quādiu messis esset, ne
ad alium

ad alium agrum diuerteret. Itaq; illa de so-
crus sentētia eò tātis per profecta est, quo-
ad messis triticea & ordeacea perfecta fuit,
cum quotidie ad focrū reuerteretur. Perfe-
cta messe ita accidit, vt Booz ordeum excu-
tiendum & ventilandum locaret: quod cū
Ruth rescuiisset, nurui dixit se daturam o-
peram, vt benè nuberet. Itaq; abluta facie,
sumptaq; veste elegantiore se ad aram or-
dei, quam Booz ea nocte ventilaret, con-
ferret, videretq; diligenter, ne à quoquam
nisi sumpto cibo animaduerneretur: tum
deniq; ipsa notato loco, ad quem ille dor-
mitū iuisset, ad eum clām veniret, pallioq;
quo opertus esset, à pedibus disiecto, ibi
cubaret. Cū se quē iuberet, facturā pro-
misisset, eò venit, notatoq; acervo manipu-
lorum, ad quē Booz potus solito hilarior,
dormitum ierat, ad pedes iam dormientis
detraeto pallio cubuit. Booz nocte intem-
pesta, cū experrectus ad pedes iacentem
sensisset, perterritus, quis esset, rogauit. Il-
la cum Ruth eius ancillam se esse respon-
disset, rogaretq; vt pallium siue stragulam
ipsius sibi daret, propterea quòd ad eum
propinquitatē attineret: tum Booz collau-
dato illo eius facto, ita vt & benedictā eam

à Domino diceret, & eius virtutis populū
testem prædicaret, & superiorē pietatē atq;
humanitatē eam posteriore vicisse fatere-
tur, se illius quidem propinquū esse dixit:
sed quia alter propius se ad eam attineret,
manē se ex illo intellecturū promisit, nū
eā propinquitatis iure vellet ducere: si nol-
let, fore, vt ipse cū ea coniugiū iniret. Illa
prima luce antè quàm à quoquā, quæ esset,
cognosci posset, (sic enim Booz iusserat)
cū sex ordeī modijs abijt: ipse paulò pōst
sicuti pollicitus erat, in oppidū profectus
est, vt cōmodè, ne id cupidè facere videre-
tur, eum, cui de primæ propinquitatis iure
concederet, conueniret. Hoc quò facilius
perficeret, ad portam oppidi sibi sedendū
putauit. Ibi cū esset, propinquus illū su-
perioiorem prætereuntē animaduertens, eū
rogat, vt illic aliquantisper sedeat. Quod
cū non grauatè fecisset, Booz decē oppida-
nos ex ijs, qui cæteros ætate antecede-
bāt, conuocat. Ijs confidentibus, ita cū propin-
quo illo (neq; enim nomē eius literis man-
datum est) egit: Noēmi dixit velle vendere
partē agri, qui Elimelec vtriusq; fratris fu-
isset. Hoc se illi à quo vno propinquitatē
vinceretur, exponere voluisse, illis præsē-
tibus

tibus, vt si vellet, iure propinquitatis emeret: sin minus, ipse quid sibi faciendū esset, videret. Cum ille se emere velle dixisset, tum Booz addidit, ei cū agrum emisset, ex lege, Ruth, quę demortui mulier esset, vxorem esse ducendam, vt pro fratre liberos procrearet. Ille facta cōiugij mētionē, cōfestim decedere se de illo iure suo dixit, atq; ei cōcedere, q̃ familię suę posteritatē delere minimē deberet. Hoc quod magis firmū ratumq; esset, ab eo petiuit, vt id quod in tali re tum feruari solitū erat, ipse calceos detraheret. Detractis calceis Booz & venditionis agri, & coniugij, quod cum Ruth iniret, quod ille de suo iure decederet, testes decem quos dixi, esse dixit. Hoc cū professi essent, & præterea cōprecati essent, vt bonū, felix, faustumq; matrimonium illud esset, susciperetq; Booz ex Ruth, quā Rachel & Lię similē esse cuperēt, liberos quæ eius domū tā celebrē clarāq; redderēt, quā Phares Iudæ atque Thamar parētum suorū familiā illustrem reddidisset: ipse Ruth duxit vxorē, quę ei puerum, cui Obed nomen imposuerunt, peperit. Nihil præterea de eo scriptum inuenimus.

VITA DAVIDIS REGIS ET PROPHETAE.



Auid Bethleemitanus Isai, siue Iessæ patre natus, viuo Saule, qui prim^o regia potestate Iudæ is præfuit, adolescens rex institutus est hoc modo. Cum Deus Saulē pro suis sceleribus detestatus esset, eiusq; vicē Samuel diu & per se, & illius precibus adductus, doluisset, conareturq; ei Deum placare: illud eius factum reprehendit, quòd frustra eius causā laboraret, quē ipse auersatus esset. Itaq; ei præcepit, vt cornu olei pleno sumpto ad Isai Bethleemitanum, vnus eius liberorū quem delegisset, vngendi consecrandiq; causa, proficisceretur. Cū id se sine vitæ periculo facere posse negaret, viuo Saule, deus vitulum eum iussit sumere, quem se immolatū venissē Bethleemitanis diceret. Samuel cū Dei iussu Bethleem veniens, quærentibus cur venisset, id quod dixi, respondisset, oppidanos ad sacrum conuocat, atque in ijs Isai eiusq; liberos omnes præter Dauidem, qui oues patris pascebat, expiauit. Quoniam quem vngi consecrariq; Deus vellet, ignorabat, singillatim vt quenque eorum expiabat,

ita

ita Deum consulebat: qui semper in singulis qui aderant, non esse respondit. Cum igitur ad septimum peruenisset, idemque accepisset responsum: tum Isai rogauit, nū alium præterea haberet: cum respondisset octauum esse paruulum, qui oues pasceret, ille negauit se antè mensæ accubiturū, quàm adductus fuisset. Perductum, cum eum esse quem delegisset, respondisset neus, consecrauit, statimq; spiritus Domini ad eum venit, atq; ex eo die deinceps in eo insedit. Didicerat puer fidibus canere. Itaque cum Saul eodē tempore à Spiritu Domini desertus, ab improbo impuroq; agitaretur, neque ei malo remedium vllum principio, nec ipse nec sui inuenire possent, deinde nōnulli ex eius comitatu Dauidem nominarunt, hominem & fortem, & bellica arte præstantem, qui optimè fidibus caneret, quarum sonis ac modis malum illud sedaretur. Eorum de consilio & sentētia, Dauidem accersendum curat: accersitum armigerum suum constituit, magnoq; eum amore prosequutus in honore habuit, & pretio: nec iniuria. Nam quotiescunque in eum spiritus nequam inuadebat, admotis fidibus digitis, sono dolo-

rem eius leuiorē faciebat, expulso dēmo-
ne. Cū autē illa eius opera Saul penitus
à malo liberatus videretur, David relictis
tribus fratrib⁹, qui eo maiores natu, in bel-
lo Sauli operā dabant, ad patrem, vt gregē
pasceret, reuersus est: ibiq; eaten⁹ fuit, quo
ad pater eum misit, qui vt fratres valerent,
videret. Palēstini iam tum in agrū Iudęorū
impetu factō, castra locauerant, ibiq; qua-
draginta dies cōmorati erant, cū interea
Goliath Palēstinus Gethęus, cuius statura
erat cubitorum sex & palmi, armatus Deū
& Iudęos contumelijs conuicijsq; vexans,
ad singulare certamen qui vellet descen-
dere, prouocabat. Inusitata autem homi-
nis proceritas armorumq; genus Saulem
atq; Iudęos in stuporem summamq; de-
spirationem adduxerat, nec quisquam au-
debat cū illo in certamen descendere, quo
vter victus esset, exercitus etiam cuius es-
set, ac populus in alterius potestatem veni-
ret. In hac tanta omniū trepidatione, Saul
ei, qui congregaretur & vinceret, præmi-
um posuit, immunitatem paternæ fami-
liæ, ingentes opes & filiam coniugem.
David qui audiisset, cū eiusmodi con-
uicia Goliath in Deum iaceret, spiritu di-
uino

uino permotus, propulsandam illam iniuriam ratus, adductus etiam præmio, se descensurum in certamen nonnullis dicit: quod cum Eliad frater eius accepisset, non tam eum ab hoc consilio deterrere cœpit, quàm accusare & obiurgare, quòd patris oues reliquisset. Cum verò ad plures, ut fit, fama peruasisset, tandem eius rei Saul factus certior, eum accersit, primumque eum dehortatur, proposito eo quòd cum ei res esset, propositaq; ætate quæ pene puerilis esset. Tantum autem abest, ut ab illo consilio suo & proposito metu, quem Saul proponeret, abductus fuerit, ut diuina spe & ope fretus, eorum quæ puer gessisset, recordatione & commemoratione, se in spem maximam victoriæ venire dixerit. Commemorabat enim Sauli ipsum, ut dixi, deterrenti, se, cum patris sui oues pasceret, veniensque leo vel ursus, arrepto ariete fugeret, insequentem ex faucibus eripuisse primum, deinde apprehensomento suffocasse. Itaque se sperare, idem Palæstino esse facturum Dei concessu & munere, qui ut ipsum ex faucibus leonis eripuerat, sic etiam ex Palæstini illius erepturus esset. Tam bona spe fretum cum de sen-

tentia sibi deiiciendum vltrà Saul non putaret, siue quòd fieri nō posse videret, siue quòd nemo alius se pro rep. deuouere vellet in tanto rerū omnium discrimine, tandē conquieuit, armatumq; his votis & officijs prosequutus est, Tibi Deum auxilium ferre, tuosq; conatus fortunare velim. Ipse armatus, cū arma ferre se posse, quòd nunquam assueuerat, diffideret, eis detractis, bacillum quo vti solitus erat, pro gladio sumpsit, & quinque lapides delegit in torrente, quibus in peram pastorem congessit, sumptaq; funda manu, spei bonæ plenus, in hostem contendit. Eum simul atq; Goliath nouo & inusitato illo armorū genere instructū animaduertit, ei in probri loco obiectare cœpit, quòd ita in ipsum veniret cum bacillo, quasi canis esset: conuicijsq; & maledictis Deorum suorum nomine vexatum ad se venire iussit, vt eius cadauer auibz deuorandum traderet. Dauid conuicijs conuicia non diluit, sed hoc vnum respondit, illum in ipsum cum gladio, hasta & clypeo venire, se autem in eum venire in Domini exercituum Deiq; agminum Israelis nomine, in quem eo die maledicta iecisset, cuius nutu in manus ipsius

ipſius ita venturus eſſet, vt & ei caput am-
putaret, & cadauera Palæſtinorum auibus
feriſq; obijceret, & vniuerſus orbis Deum
apud Iudæos eſſe ſcīret, omniſq; cœtus
qui vtraq; ex parte ſtabat, cognoſceret, at-
que intelligeret, Deum, cuius ſit bellum,
non haſta, aut clypeo ſeruare aut vincere.
His vtrinq; iactatiſ, Palæſtinus infeſtus in
Dauid veniebat: cū ipſe, prolatū ex pera
lapidem, funda ſic in eius frontē iaculatus
eſt, vt hærente lapide pronus in terrā ceci-
derit. Gladium, vt dixi, dauid nullū ſump-
ſerat. Itaq; corruentis diſtrictō gladio, eū
primò interemit, deinde ei caput præcidit.
Palæſtini cū fortiffimū fuorū victum in-
terfectumq; viderent, fugerunt. Iudæi au-
tē cum clamore eos inſequuti, multos in-
teremerūt, rēuerſiq; eorū caſtra ceperunt.
At Dauid poſitiſ fixiſq; Goliath armis in
tabernaculo ſuo, caput eius Hieroſolyma
portauit: q̄ cū mulieres oppidorū reſciuiſ-
ſent, Sauli obuiam prodeūtes in choriſ cū
tympaniſ & ſiſtriſ, hæc canebant: Interfecit
Saul mille, & Dauid decem millia. Hoc ita
Saul acerbè tulit, vt cū dixiſſet, nihil reſta-
re, niſi vt ei regnū traderetur, ex eo die ac
deinceps quandiu vixit, inuiſum ac ſuſpe-

Etum Dauidē habuerit, eumq; sepe, quantum in eo fuit, interfecerit: de quo nobis deinceps dicendū est, vt quem se erga hostem prestitit, exēpli causa intelligam⁹. In eo enim mansuetudinis ac clemētiae exemplum continetur, & maximū & clarissimum. Proposuerat, vt dixi, premiū ei qui Goliath interfecisset, coniugiū filiæ. Ei autem filiæ duę nobiles erant, Merob, & Michol. Cū Saul postridie eius diei, quo die mulieres maioribus fortitudinis laudib⁹ Dauidem, quā illū ornaauerant, à demone agitatus, prophetaret, atq; vaticinaretur, Dauid autē fidibus, mali eius leniendi causa, caneret: arreptam subito lanceā bis in parietem iecit, vt Dauidē trāsfigeret, fecissetq; nisi ictum ille declinasset. Qua re animaduersa, Saul qui ex eo Domini spiritum, qui ipsum deseruisset, in Dauide inesse iudicaret, eum metuere cœpit. Itaq; eum à se amandans, mille viris populi præfecit, quo in munere ita se prudentem prestitit, vt Iudæis omnibus charus esset. Cū autem illi eius gloriæ ac superiori inuideret, eumq; metueret ea de causa quam dixi, specie simulationeq; amicitie, re autem vera, eius interficiendi causa, Merob maiorem

iorem natu filiam ei se daturum in matrimonium pollicitus est, si modo bellū procuraret ac gereret, vt eum non ipse interficeret, sed Palæstini. Nectamen eam illi dedit, cum venisset tempus, sed Hadrieli Molathite. Alteram, cui Michol, vt dixi, nomē erat, Dauid amabat. Quod cū Saul rescivisset, ei eam se nuptui daturum promisit, dum modo centum præputia Palæstinorū afferret, quod specię quidem hostiū Dei internecionis dicebat, re autem vera certum vitę eius periculum illud putabat. Dauid tamen tam nefarię illius in se voluntatis scelestiq; cōsilij ignarus, paulò pōst Accaronē profectus cū ijs mille quibus præerat, ducentis Palæstinis cæsis, eorū præputia ad Saulē attulit, eiq; numeravit. Sic Michol duxit vxorem, cui ipse erat charissimus, quemadmodū ex eo quod expono, intelligi poterit. nam cū paulò pōst Saul Ionathę suiq; omnibus præcepisset, vt Dauidē interficerent: Ionathas autē Dauidē, quem valdē amaret, eo amicitię gradu, qui in paucis, vt mox docebo, repertus est, monuisset, vt alicubi in posterum diem delitesceret, quoad dedisset operam, vt ei patrem placaret, si posset: tum quidem Saulis
in cum

in eum odium deferbuit, Ionathæ studio & diligentia. Sed paulò post, cùm eius placatum planè animum putans, pro more fidibus caneret, lanceaq; eius interficiendi causa à Salue coniecta, ictu declinato domum suam se recepisset, actum erat de eo, nisi Michol charus fuisset. Saul em̃ statim satellites misit, qui eum domi suæ custodirent, & mane interficerent: cuius rei facta Michol certior, antè quàm venissent, virū monuit, vt noctu fugeret. Eius igitur consilio parens David, ea adiutrice per fenestram demissus euasit. In hoc quidem magnam charitatis suæ in virum significationē dedit: sed maiore eodē penè puncto temporis, atq; adeo tantā, vt sine hac posteriore, superior haud multum virium ad salutē habuisset. Prudens mulier, viriq; amantissima, cū intelligeret, id quod res erat, si satellites venissent, fugaq; viri sui nuntiū Sauli patri renuntiassent, missis qui eum quærent, facile eum antè comprehendi posse, quàm se in certum tutumq; locum recepisset: quid facit? Sumit statuā, camq; in lecto locat, & capiti pellem caprinam cū villis apponit, atq; eam operit vestibus, vt cum satellites venissent, virum suum egrū esse

esse diceret. Itaq; cū venissent, atq; hoc ab ea responsum accepissent, renuntiaverunt Sauli, qui co cōtentus fuisset, nisi hostis generis hominū instinctu, de nauidis morte cogitasset. Quocirca eos iterum misit, qui eum in lecto deportarent, vt eū interficeret. In quo mirari quiuis iure potest iræ odijq; magnitudinē tantam in homine, vt etiam in ægrorū vitam, quæ sæpe nulla est, sæuiat. Satellites intromissi, cum hominem se comprehensuros sperarent, statuat solam inuenerūt: quòd cum Sauli nuntiafset, Michol accersitam grauius ob iurgauit, quòd sic ipsum derisisset, inimicumq; suum abire siuisset. Illa cum respondisset, Dauidem sibi minatum esse mortē, nisi ipsum euadere pateretur, æquiore quidem in eam animo, non in Dauidem fuit. Nam cū is fuga illa elapsus, se ad Samuelem in Ramatha contulisset, eisq; omnibus quæ ipsi accidissent nuntiatis, in Naioth habitandi causa vnà profecti esset: Saul cū primū eius rei nuntius ad ipsum venisset, lictores misit, qui eum cōprenderent. Hi autem cū eò peruenientes, in medio cœtu prophetarum cum eis vaticinarentur, non redierunt ad Saulem. Itaq;

alios

alios misit, qui etiam vaticinati sunt: quæ causa fuit, ut tertios mitteret, qui cum etiã vaticinarentur, nec redirent: Saul ipse eò profectus est. Tã altè radices agunt in animo cum peccata omnia, tũ vel maximè invidia & odium, nisi statim euellantur. Eò cum venisset, ipse etiã prophetauit, quod tantam omnibus excitauit admirationem, ut prouerbiũ hoc inde natũ sit, Num Saul inter prophetas? Interim Dauid elapsus est, neq; ex eo tempore se Sauli commisit, aut eius fidei quicquam tribuit. Dedit tamen operam, quantum in eo fuit, nec multò pòst, ut cũ eo in gratiã rediret, eoq; Ionatham eius filium, quem vnum fidelissimum habebat, adhibuit, ut sciret, num illius animus placari posset. Is cũ ex patris minis & obiurgatione eius animum implacabilẽ exorabilemq; esse intellexisset, ei quem signo & quasi tessera, quam cõstituerant, accersisset, fugiẽdum censuit. Dauid cõsiliũ quod Ionathas dederat, sequutus, in Nobe primũ ad Abimelech cũ paucis profectus est. Abimelech quærenti, cur ipse qui regis esset gener, cum tam paucis venisset, respondit, à Saule se missum esse cũ paucis, ne quis cur mitteretur intelligeret. Cũ

ret. Cum ipse eiusq; comites fessi esurirēt, rogauit Abimelech, vt si quid haberet, depromeret. Ille qui nihil præter cōsecratos panes haberet, quos nefas esset cuiquam, nisi sacerdotibus, comedere, cū eū atq; comites à mulieribus se astinuisse ex Dauidē audiuisset, panes protulit. Quod vtriusq; factum necessitate, quemadmodū Seruator ipse interpretatus est, habuit excusationē. In quo illustre nobis exemplū proditur. Si enim Abimelech nō antē Dauidi eiusq; comitibus panes cōsecratos proferre dareq; voluit, etiā imposita necessitate, quā castro corpore ac pudico eos esse cognouisset: qua nos castimonia & pudicitia esse debemus, cū ad sacrosanctū panē, id est, ad verū Christi corpus sumendū accedimus? Ibi autē Dauid non est multos dies commoratus, quòd, quoniam Doeg Idumæus, qui Saulis mulas pascebat ibi esset, vereretur, ne eius indicio ab illo cōprehenderetur. Itaq; sumpto Goliath gladio, cū alius nullus esset, ad Achis regē Geth fugit. Achis simul atq; eum venisse à suis accepisset, cū eū esse dicerēt, qui, vt omnes profitebantur, decem millia interemisset, ob eā causam eius videndi summa cupi-

cupiditate tenebatur. Itaq; eum intromitti ad se iussit. At David qui magnoperè vereretur, ne ob eas voccs quæ de ipso iactatæ esset, interficeretur, insani desipientisq; personam cum intromissus esset, induit, maluitq; prudentiam virtutemq; suâ simulatione amentia seruare, quàm prodi tam ac patefactâ alieno & tempore & loco, incertum adducere periculum. Amentis autem & desipientis signa adumbrata hæc in eo animaduersa sunt: Os suum coram Achis immutauit, collabebatur inter manus eorum qui introduxerant: nutabat & impingebat in portæ ostia: ei saliuâ in barbam defluebat: quæ cum omnia Achis animaduertisset, ex suis quærere cœpit, Sene dignū putarē t, ad quē furiosum & insanū adducerent? Itaq; eū è cōspectu suo statim remouendum curauit. Hac arte David elapsus, in speluncam Odallam venit. Quod cum fratres rescuiissent, ad eum profecti sunt. Et eius statim fama adducti omnes, qui ære alieno diruti erant, aut calamitate aliqua oppressi, numero fere quadringēti, ad illum confluxerunt, quibus volentibus & rogantibus præfuit. Erat tum Gad propheta, qui ad eum adiēs, illum monuit, vt
inde

inde in Iudæam, quòd non sine ingenti periculo illic esset, proficisceretur. Venit ergo David in saltum Hareth. Saul qui eum, ut dixi, omni ratione quæreret, cum illum visum esse intellexisset, apud suos conquestus est, se & à Ionatha filio, qui fœdus cum Dauide fecisset, desertum esse, & à suis omnibus cum hostem ipsius tandiu viuere paterentur, nec ubi esset, indicarent. Cæteris tacentibus, Doeg Idumæus, qui cum Nobe cum Abimelech, ut dixi, vidisset, illum se ibi vidisse dixit, & Abimelech pro eo Deum consuluisse cibariaq; ministrasse, atq; Goliath gladium tradidisse. Accersitum Abimelech Saul hac de causa, omnesq; sacerdotes quinque & octoginta numero, cum illum ut coniuratorem condemnasset capitis, interfici unà cum sacerdotibus iussit. Quod cum cæteri facturos se esse pernegassent, quod nefas sibi in sacerdotes manus injicere dicerent, iussu Regis Doeg omnes interemit. Neque hoc eis fuit, sed Nobe sacerdotum urbem deleuit, cæsis mulieribus, pueris, bestiisque omnibus. Abimelech tantum filius Abiathar nomine euasit, qui cum hæc omnia, in primisque sacerdotum cædem Dauidi nuntiaret, is qua erat animi

religiōe pręditus, sua culpa cū illa omnia,
tum patris illius atq; domesticorū cādē,
magno cū gemitu dixit accidisse. Cū etiā
tum esset in saltu Hareth, nūntiatum est ei
à Ceilanis Palæstinos Ceilam oppugnare.
Consultum ergo sibi Dōminū censuit,
num eò proficisceretur, Palæstinosq; inter
ficeret. Cū etiā Deus respondisset, atq; ille
eò suis eundum esse significasset: illi à con
filio eiusmodi cum abducere conabātur;
q; cū ibi in Iudæa non satis in tuto essent,
dicerent quid futurū esset, si Ceilam in Pa
læstinos mouerent. In hac suorū trepidati
one & metu, rursus Deū consuluit, qui cū
idem quod prius respondisset, fiduciæ ple
nus vt ad certam victoriā eò contendit cū
suis. Parta victoria, cū Saul eum Ceilam ve
nisse accepisset, summam atq;, vt dicebat,
certam occasionem eius comprehendendi
naatum se esse ratus, omnē populū conuo
cauit, imperauitq; vt Ceilā obsiderent. Da
uid Saulis consilij & insidiarum statim cer
tior factus, cōsuluit Dominū, primū, nū
Saul, sicuti acceperat, vēturus esset: deinde
si veniret, an ceilani ipsum Sauli essent tra
dituri. Cū etiam ad vtrunq; Deus respon
disset, clām cū sexcentis abiit, tandemq; va
gantes

gantes & palantes ad montem solitudinis Ziphniæ peruenerunt. Aliquandiu illic morati erant, & Saul Dauidē semper quærebat, cū Ziphæi nuntiatum venerunt, vbi Dauid, quē tanto studio quæreret, latitaret. Eis collaudatis præcepit, vt diligēter scrutarētur loca, in quibus delitesceret cū suis, quæ cū reperissent, renuntiatū venirēt, vt ipse eos omnes comprehēderet. Illi cum loca explorassent, Saulē certiolem fecerunt. Saul autem cū suis magna celeritate subsequutus, in solitudinē maon venit. Ibi Dauid cū ipse cum suis in altera latitudinis montis parte esset, & Saul cū suis in altera, qui montem cingebāt, in tantam salutis desperationem venerat, vt de se actum putaret: cū venerunt ad Saulē, qui eū monerent, vt properaret & veniret infesto exercitu in Palæstinos, qui iam fines regni occupauissent. Quo nuntio ita perterritus fuit, vt persequēdi Dauidis finem fecerit. Ita Dauid cū euasisset, se in loca tutissima Engaddi recepit. Saul cū suis fugatisq; Palæstinis, reuersus ibi Dauidē esse comperrisset, delectu habito tria millia sumens, in eū infesto exercitu cōtendit tanto ardore, vt illi inuestigādi causa, per saxa, quæ solis

ibibus peruiæ erant, incedert. David tum cum suis in spelunca latebat, in quam cum Saul alui purgandę causa intrasset, Davidę sui monuerunt, venisse diem, quo Dominus ipsius inimicum eius manibus traditurum esse promiserat. Quo quidem tempore David pulcherrimum ex omni memoria clemętię moderationisq; animi posteris exemplum prodidit. Cum enim Saulę acerrimum hostem facilę interficere posset tantũ abest, vt aut fecerit, aut voluerit, vt etiam cũ oram eius tunicę tantũ præcidisset iniecta susceptaq; religione illis dixerit: Deus prohibeat, ne in eius christũ aliquid audeam: precatusq; Deũ sit vt sibi illam culpam remitteret. Hoc tamen Sauli indicare non dubitauit, vt vel tanta animi sui aduersus hostem moderatione ad misericordiam clementiamq; flecteret. Nam cũ ex spelunca egressus, cœptum iter perficeret, ei à tergo eminus partę chlamydis monstrauit, multisq; verbis exposuit, & innocentiam suam tum in omni vita, tum in tanta vlciscendi opportunitate, & illius iniurias. Saul qui hæc negare non posset, primum fleuit: deinde illum se æquiores melioręq; esse professus est, quod de malę merito,

merito, & merente bene meritus esset: postremò cùm certò se scire dixisset, eū regno esse potiturum, eū siue rogauit, siue monuit, vt se nec posteritatem, nec nomen ipsius deleturum esse iuraret. Hoc cum Dauid fecisset, Saul cum suis domum redijt, ipse etiam cum suis se ad tutiora loca, Saulis fidei nihil in posterum tribuendum ratus, recepit. Quis nō Saulē tanto ab hoste accepto beneficio sua etiam confessione, credat deinceps, falsis inimicitiarum superiorū causis & seminibus depositis, in summo amicitiae honorisq̃ gradu collocasse Dauidem & quandiu vixit, habuisse? Non ita est, sed statim ad se suosq̃ mores homo omnium, qui vnquam fuerunt, immanissimus & ingratisissimus, redijt. Primū enim nichol eius vxorē filiam suam, Phalti Laïs filio Gallimino contra iura omnia tradidit. Deinde cùm eum in colle Hachila è regione solitudinis esse cognouisset, delectu iterum habito, cum tribus milibus in eum mouit. Qua quidem in expeditione & Dauidis similem superiori animi moderatio nem, & parem Saulis amentiam licet animaduertere. Nam cùm Dauidē persequēs Saul appetente nocte in tabernaculis ipse

cum suis quieti se dedisset, noctuq; ad eū
veniens Dauid, eandem aut etiam maiorē
eius interficiēdi occasionē nactus esset, ta-
men ijsdem verbis vsus, minimē fecit: sed
hasta quæ ad caput posita erat, sumpta cū
scypho, cū in cacumen mōtis ascendisset,
clamōreq; magno Abner nomine appel-
lās, eū partim rideret, partim obiurgaret,
quòd regem diligenter nō custodisset, cū
eius hasta cū scypho ablata esset, eo dormi-
ente: rursus apud Saulē, qui eius vocē ex-
audisset, primū de iniurijs questus est: de-
inde eū monuit, vt puerū mitteret, cui ha-
stam & scyphum esset redditurus. Saul ne
hoc quidem altero hōstis quem habebat,
beneficio, inimicitias ex animo deposuit,
sed tantū simulato dolore ad perniciem,
& se peccasse dixit, & dauidi bene precatus
est. Itaq; Dauid cum tam sæpe, non insidijs
quidē, sed aperto odio & impetu ab eo se
inuadi videret, veritus, ne tādē aliquan-
do in illius manus incideret, in regionem
Palesfinorum sibi fugiendum censuit. Ibi
cū quatuor menses habitasset cū Achis
rege, de quo paulò antè dictū est, quo tem-
pore ab eo urbem Siceleg habitandi causa
impetrauit: Palæstini comparare cœperūt
omnia,

omnia, quæ bello erant opus, quod cū Iudæis gerendum susceperant. Quo quidem in bello cum Saul fugiens se interfecisset, Dauid, non vt homines solent, ex hostis morte lætitia affectus est, cū eius nūtijs ad ipsum allatus esset, sed magnum animo cepit dolorem, eumq; & ipse mortuū magnis laudibus ornauit, & viris Iabes Galaad qui sepelissent, bene precatur est. Mortuo Saule, ipse de domini cōsilio & sententia in Hebron venit. Ibi tribus Iudæ eum Regem cōsecrauit, vt sibi regali potestate præesset. Cæteris em̃ tribubus duobus annis imperauit Isboseth Saulis fili⁹, & secundum eum eius filij. Annos triginta natus erat, cū regnum adept⁹ est, Saule mortuo. Nūc sequitur, vt quomodo se in regia potestate gesserit, dicamus. Eandē animi moderationem, quam ante regnum, in hostes eorumq; posteros, seruauit. Quod cū multis exemplis docere possim, tamē duobus ero cōtentus. Isboseth Saulis fili⁹ Abner, qui Ner filius erat, opera rex creatus, cæteris tribubus, Dauid autē Iudæ tantū imperabat: quo nomine tantū abest, vt eis infestus fuerit, aut incōmodi aliquid dederit, aut ijs malis & calamitatib⁹, quæ eis accide-

runt, lætatus sit, vt & Abner mortuum læxerit ac laudauerit, & Isboseth interfectores Rechab & Baana, cùm ad eũ illius mortis, vt eius hostis, nuntium afferrent, quasi ex eo lætitia afficeretur, grauissimè obiurgatos interimendos continuò curauerit. Cõpletis septem annis Isboseth, posterisque eius mortuis, reliquæ tribus cùm eis in mentem venirent, quæ Dauidi Deus viuo Saule de regno pollicitus esset, cum sibi regẽ delegerunt. Primo quoq; die Hierosolyma cum suis venit, Iebusæoq; fugato & victo, regię ædificandæ montem Sion delegit: quod cùm Hiran Tyri rex audiuiisset, ei misit muneri, eius ædificandæ causa, ligna cedrina, artificesq; lignorũ & lapidũ, id est, architectos. Pauca ille bella gessit, semper victoria potitus est. Primum fuit Palæstinũ. Palæstini enim simul atq; cum ab omnibus delectum esse regẽ accepissent, in eum infesto exercitu venerunt. Dauid autem cùm Deũ consulisset, num in eos moturus esset, de illius consilio exercitum in eos educens, nullo negotio tanto iniecto metu eos fugauit, vt simulachra sua reliquerint. Palæstinum etiam secundum fuit. Sed non eodem modo eos

do eos vicit. Nam de Domini consilio nō recta fronte in eos contendit, sed à tergo eos aggressus est, cū sonum in pyrorū cacumine exaudisset, quem ei quasi tesseram & signum praelij Deus dedisset. Pace ita facta, vt eius hostes, siue metu coacti, siue viribus defecti quiescerent, animum ad religionem diuinumq; cultum contulit. Arcam Dei, quæ in Gabaa apud Abinadab locata fuerat, delectis triginta hominum milibus, vehendam plauastro domum Obed Edom Gethæi primū curauit: deinde cū illi omnia prosperè euenire intellexisset, id fieri propter arcam ratus, domum suam tertio mense quàm illuc translata fuisset. Neq; verò hoc suo in Deum officio contētus est, sed cum nefas esse duceret, se in domo cedrina habitare, & arcam Dei in medijs pellibus relinqui, domū ei magnifico opere ædificare constituit. Itaq; cum Nathan, qui tū propheta erat, cōmunicato cōfilio suo, quod ille probauit: quod animo opus concepisset & instituisset, perficere volebat, cū noctu Nathan Deus per quietem præcepit, vt Dauidē moneret, ne hoc faceret, quod reservatum esset eius filio, cuius regni solium in omne tempus con-

stitueret: ei etiā diceret, cū illū primo ab
ab ouibus in regnū extulisset, deinde ad-
huc ab insidijs hostiū suorū liberasset, se ta-
men eundē in posterū ab omnibus hosti-
bus esse liberaturū, sic, vt soliū eius à nem i-
ne labefactari euertiq; posset. Non elatior
solitò, his tā magnis Dei promissis impul-
sus, Dauid fuit, sed eadē animi submissio-
ne retenta, statim apud Deū & sui abiectio-
nem, & illius magnitudinē exposuit: eiq;
pro tantis & superioribus in se beneficijs,
& ijs deinceps, non sibi tantū sed etiam
posteris promitteret, amplissimis verbis
gratias egit: & supplex eum rogauit, vt quę
ipsi pro sua humanitate polliceretur effi-
ceret, vt eius nemini laus, honorq; tribue-
retur. Quod Deus Dauidi de hostib⁹ ipsius
promisit, in otio & pace futurum eū, sic vt
ab illis turbari impediriq; non posset, id
paulò pòst effecit. Primos em̃ Palæstinos
subegit: secūdū eos moabitanos, nō solūm
vicit, verum etiā fecit stipendiarios. Tum
Adarzer Soba Regem, cum Euphratis ac-
colas eorumq; regionē sub ditionem suā
subiungere vellet, educto eius rei causa in
genti equitum peditumque exercitu, cap-
tis mille septingentis equitibus, & viginti
mili-

milibus peditū, afflixit: neq; eū modo, sed etiam Syros, qui ei auxilio venerant, cæsis ex eis viginti duob⁹ milib⁹, ita vicit & subegit, vt eos stipendium pendere coegerit. Ex ære autem quod multum in duabus vr bibus Adarezer, Bere & Beroth diripuit, Salomon in tēplo q̄ ædificauit, vasa ænea & columnas ac mare æneum fecit eius pre scripto & iussu. Ad illa enim opera illud reseruauit. Quinetiā ingentem auri & argenti vim, quam partim ex manubijs Adarezel regis, ijsq; populis quos subegit, partim à Thou rege Emath accepit, cum ad eū Ioram filium suum cum donis misit, qui ei victoriam qua in Adarezel, vt dixi, potitus est, gratularetur, omnē in templi ædificium contulit. Bellum deinceps Ammoniticum ortum est graue & cruentum, cui causam Dauidis officium dedit. Nam cū rege mortuo, qui fugienti Dauidi Saulis conspectū, humanū se præbuerat, memor beneficij accepti, misisset ex suis, qui Hanonē eius filium ex patris morte tristē consolaretur: Principes Ammonitanorū officiū insidias interpretantes, Hanoni persuaserūt, legatos à nauide missos esse, nō qui ipsum cōsolarentur, sed specularētur vrbe &

omnia,

omnia, vt euerterent. Itaq; Hanon credulus, eis siue ignominie, siue supplicij causa, vt dimidia barbæ pars raderetur, vestesq; ad nates præciderentur, imperauit, atq; ita remisit. Quod cùm Dauidi nuntiātū esset, quia tū barbā non alere ignominie erat, Hiericho eos quoad barbā creuisset, manere iussit. Ipse Ioab ducem cum ingenti exercitu misit, qui bellū gereret cum Ammonitanis & quatuor regibus, quos illi mercede cōduxerant, quod Dauidē illam iniuriā non inultā passurum esse intellexerent. In prælio Ioab cum Ammonitanis Abaisai fratri dedisset, ipse omnes ad fortiter pro Republica & ciuitate Dei pugnandum cohortatus, in Syros mouit. Syri cū primum impetum sustinere non possent, fugerunt, eorumq; exēplo Ammonitani. Ammonitani autem, qui Syros trepidasse animaduenterent, se ex fuga receperunt, vt pugnam redintegrarent. Simili exemplo Adarezet Soba rex suos, qui flumen traiecerant, collegit, eisq; Sobath præfecit ducem. Ioab qui de belli renouatione nihil suspicaretur, dimisso exercitu Hierosolyma ad Dauidem, reuersus est. Itaq; cum eius rei nuntiū accepisset Dauid, cō-

tractis

tractis cōparatisq; copijs , non Ioab misit, sed ipse exercitum in eos eduxit trans Iordanem. Instruēta acie, cū manus conferendæ essent, Syri in fugam se dederūt, quos persecutus Dauid cum suis, septingētos currus & quadraginta millia equitum interfecit, atq; in his Sobath belli ducem. Quod cū vniuersi reges, qui erāt in præsidio Adarezel cernerent, metu & trepidatione coacti, fugerūt quinquaginta octo millia. Pacē paulò pòst cū Iudæis fecerūt, ita vt se eorum seruos faterentur. Anno insequenti, quoniam Ammonitani se nolent dedere, misit Dauid Ioab, qui eorum fines cum exercitu popularetur. Ioab Rabba urbem illorum munitissimam obsidente, Dauid tantus & vir & imperator, leui ex causa adulterium commisit. Quod eò libentius commemorabo, vt omnes intelligāt, nullam esse virtutem pudicitiam quæ tantam, quæ, nisi omnem etiam leuissimam causam & occasionē sceleris, vt acerrimū immanissimūq; hostem vitemus, nō dico ad extremum, sed facilè & citò expugnari vinciq; possit: neq; hoc tantum, sed etiam ex peccato ac scelere, quod ita admittitur, aliud multò grauius nasci solere.

lere. Obsidebat, vt dixi, Ioab Rabba Ammonitanorū oppidū, cum Dauid certo die ex lecto surgens à meridie, ambulansq; in Regiæ solario, vidit Bethsabee Vrię Hethæi mulierē, se è regione in solario suo lauantē. Eius elegāti forma captus, cū à suis quænā esset, quęsiuisset, eis dat negotiū, vt illā ad se accersitā introducerēt. Cū introducta esset, cū ea cōcubuit, ex quo illa primo cōcubitu concepit: quod q̄ primū Dauidi nuntiauit. Ipse ne ex se illa cōcepisse videretur, primo quoq; die Vriā ab obsidione euocat, multaq; cū eo de obsidiōe collocutus, eū domū ipsius vt curaret corpus, abire iusserat. Ille autē mansit Hierosolymis in regia: quod cū mane Dauid resciscens, eū ea de causā obiurgaret, idē nefas esse respondit, cū ipsius, qui domin⁹ esset, ministri, omnisq; exercit⁹ in tabernaculis humi cubarēt, se cum vxore domi cubare. Alia igitur via eò illū Dauid perducere conatur: plus solito vinū ei propinari iubet, quo ebriū dimittit, nec profecit hilū. in regia enim etiam cū Domini seruis ea nocte dormiuit. Cū iā ei se illud persuadere posse diffideret, nuptijs adulteriū sibi tegendū cēsuit. Dedit Vrię ad Ioab literas, in quibus

bus illi præcipiebat, vt in eo loco Vriá collocaret, in quo certa ei mors ab hostib' immineret. Quod cùm ille fecisset, mortisq; illius nuntium ad Dauidẽ misisset, Bethsabee post tẽpus luctui constitutum accersitam duxit vxorem. Deus hæc duo Dauidis scelera grauiter & acerbè tulit. Itaque Nathan prophetam ad eum misit, qui ei rem vt alienam obscurè narraret, vt cū eam in alia persona cõdemnasset, se etiam ipse capitis reum esse iudicaret. Dicebat diuitẽ quẽdam hominẽ, cui esset magnus & bouũ & ouium numerus, cùm peregrinus quidã ad eum venisset, non sumplisse de grege suo ouem quam peregrino apponeret, sed furto abstulisse pauperi cuiidã ouem, quã vnã, ob eamq; rem charissimã haberet. Dauid qui rem nefariã esse animaduertetet, Nathan nihil præterea narrare passus, virũ illũ reum capitis esse dixit, & quadruplum redditurũ. Cùm Nathan illum virũ eiusmodi esse dixisset, dei verbis ipsius in eũ beneficia, quę suprà cõmemorauimus, exprobrãdo exposuit, ac supplicij causa ei suorum in ipsum cõiurationẽ, incœstusq; eorum inter ipsos prædixit. Cũq; se Dauid Domino peccasse professus esset, tũ ei pecca-

tum à Domino translatū esse dixit, ita duntaxat, ut filius qui ex adulterio natus esset, paulò post excederet è vita. Ex quib⁹ intelligi potest, peccati culpam à Deo hic remitti, eius retēto ac reseruato supplicio: quòd si hic, etiam in futuro seculo. Nec dubium est, quin eodem modo peccata sceleraque nostra, quæ hic admittimus, sæpe Deus inflictis immisisq; supplicij causā calamitatibus, aduersisq; rebus, puniat, eo animo quo pater liberos ut nos in viam reducat, ne, ut ait Paulus, cum hoc mundo damnemur. Sed quoniam eas calamitates & miseriae non scelerum nostrorū causa, neq; ut vel hoc modo docti ad pœnitentiam & ad Deum redeamus, immitti consideramus, sed eas vel fortunæ, vel fati nostris, vel alijs causis tribuimus: in peccatis nostris ferè perseveramus, nec ex eis, Davidis exemplo, fructū qui proponitur, capim⁹. Sed ad propositum reuertamur. Tria hæc quæ supplicij causa, Davidi Dei iussu Nathan propheta prædixit, consequuta sunt, nec ita multò post. Primū quidem puer septimo die mortuus est, nec David, ne ille moreretur, precibus suis, ieiunijs atq; gemitu impetrare potuit. Inde paulò post
sequu-

sequutus est incæstus. Nam cùm Thamar
Absalom Dauidis filij sororẽ Amnon eius
dem frater, sed ex alia Dauidis vxore, ada-
maret, neq; fieri posse animaduerneret, vt
desyderiũ illud suum tam nefarium exple-
ret, propterea quòd illam castam & pudri-
cam sciret esse, ex amore, vt fit, quotidie ta-
bescens ægrotare cœperat. Morbi autẽ sui
causam Ionadab Semmaa qui Dauidis frã-
ter erat, filio, quo multũ utebatur, diu que-
rẽti tandẽ exposuit: cuius quasi lenocinio
cùm Thamar ad illum adducta esset, eã vi
cõstuprauit. Absalom eius frater sororem
ex amissa pudicitia tristẽ, consolatus, cùm
Amnon nullam inimicitiarũ speciẽ huius
rei causa ostendisset, biennio post, ebrium
ex insidijs cùm eum vnà cum ceteris fratri-
bus animi laxandi causa tondẽs oues inui-
tasset, per suos interfecit. Atq; in hoc qui-
dem secundo nõ solum incæstus fuit, sed
etiam fratricidiũ. In eo autẽ, quod tertio
loco incidit, filij in parentẽ pro regno di-
micatio. Absalom enim cæso Amnon fra-
tre, cùm patris conspectũ fugiẽs in Gesur
bienniũ cõmoratus esset, atq; biennio cõ-
pleto Ioab astutia pro illius in eũ amore,
in Dauidis patris gratiã reductus, rediisset,

Q ita

ita duntaxat, vt se domi suæ cōtineret, ne-
que patrem videret, tandemq; aliquando
eiusdem opera patri productus & oblatus
esset: tamen non contentus tanta patris in
se pietate & clementia, regnum affectauit,
& quantū in eo fuit, vsurpauit. Ac primū
quidē, currus & equites, ac quinquaginta
virōs, qui se antecederēt, adiūxit, omnes-
que eos, quos ad regē iudiciā venire coge-
bāt, audiebat, eisq; iūra dicebat, atq; eodē
modo cæteros ad defectionē sollicitabat.
Deinde septimo & tricesimo imperij daui-
dis annō, adiens ad patrem, ei exposuit, se
cū in Gessur illius conspectum fugiens
maneret, nuncupasse votū, cuius exoluen-
di causa, in Hebron, si modò permetteret,
vellet proficisci. Quod dauid eius nefarij
consilij ignarus, facile concessit. Absalom
autem in Hebron regni occupandi causa
& animo proficiscens, adiunctis ducentis
eius consilij ignaris, misit speculatores in
omnes tribuum regiones, qui audito buc-
cinæ sono hoc prædicarēt, Absalom in He-
bron regnat. Quod præconium subsequu-
tus est ingens hominū numerus Absalom
sequentiū. Huius rei nuntius ad Dauidem
Hierosolyma allatus, tantam ei perturba-
tionem

tionem trepidationemq; iniecit, vt subito
suis dixerit esse fugiendū, propterea quod
si Absalō veniret, omnes opprimeret, atq;
interficereret, neq; euadēdi loc⁹ relinque
retur. Preparatis suorum animis, ipse egre
ditur, cumq; pedibus ingredientē sexcēti
pedites antecesserunt. In tanta regis mise
ria & calamitate omnib⁹ in lachrymas pro
rumpentibus, ipse tamē in Dei benignita
te spes suas omnes litas habebat, seque ita
cōparauerat, ferre omniū cōiucia, eisq; qui
illorū cōtumelias & maledicta capitis sup
plicio se vlcisci velle dicebāt, vetabat, ne
facerēt, quòd & Deus iussisset, & si Absalō
filius interficere patrem conaretur, quātò
magis alij? Achitophel Gilonita, cuius cōsi
lijs Dauid maximē nitebatur, ad Absalom
ab eo accersitus, transfugerat: quod postea
quàm rescuisset rex, Deū vt Acitophel cō
silium impediret, supplex rogauit. Statim
quasi auditū se intelligeret, Chusai Arachi
tæ, qui ei discissa veste opertoq; terra capi
te obuiam prodijisset, negotiū dat, vt se ad
Absalom deficere simulet, quòd ita facilē
Achitophel consiliū posset retardare. con
silium autē illius Absalom quærenti datū,
fuit eiusmodi. Primò cōsilium ei dedit, vt

Hierosolyma ingressus, decē patris concubinīs, quas regiæ custodes reliquisset, stuprum offerret. Deinde cū tā nefariū scelus cōmisisset, pollicitus est se delecturum duodecim milia hominū, quibus ea nocte Dauidē fessum cū suis facilē oppressū trucidaret: quo interfecto, fore ut omnis populus eū regē crearet. Chusai secūdum eū in consilium adhibitus est, qui improbatō Achitophel consilio, suū exposuit, quod Absalom sequutus est. Quod cū Dauidi significasset, quamprimū fuga euasit. Achitophel autem cū spretum consilium suū cerneret, inserto in laqueū collo se suspendit. Absalom nihilō minus patrem persequebatur. Dauid dispositis suis populi auctoritatē sequutus, remansit in castris cū Ioab & Abisai atque Ethai, quos tribunos tribus exercitus partibus pręfecerat, impelleret audiēte populo, ut Absalom filiū seruarent. Sed minimē prauit. Nam cū Dauidis exercitui Absalom in mulo sedens occurrisset, fugiensq; ilicem excelsam & dēsam pręteriret, eius capilli sic inter frondes hęserunt, ut mulo currente, ipse ex arbore penderet: quod cū Ioab nūtiatum fuisset, tribus eum lanceis confodit. Hoc, præcla-

præclarum est ad præcauendū exemplū cō
iuratoribus: illud ijs, qui malum dant con
siliū. Dauid autem accepto mortis Absa
lom nuntio, tātū abest, vt ex eo quasi tu
tus & vltus lætatus sit, vt maximum animo
dolorem ceperit, eumq; magno desiderio
sæpe appellans, magnam vim lachrymarū
profuderit. Itaq; Ioab dux belli cū hoc
accepisset, omnesq; in Regia cū rege in lu
ctu essent, ad eū consolandi causa veniens,
siue vt eum ad lætitiā traduceret, siue q
ita sentiret, illi inimicos charos esse dixit,
amicos odio. Nec verò in mortuos talis
fuit, in viuos nō item: sed quā moderatio
nem cōstanter, antè quàm rex esset, eū ha
buisse tā in viuos inimicos, quàm in mor
tuos docui, eandem non solū aduersus
mortuos, vt modò demonstraui, retinuit,
verū etiā in viuos. Semei enim gera filio
ex Saulis genere, qui in eum Absalom filij
conspectū præ trepidatione, vt paulò antè
dixi, fugientem, maledicta ita iecerat, vt fu
gam illā calamitosam & miseram pro meri
tis ei accidisse diceret, cū Absalom mor
tuo, in primis ei gratulatū victoriā venis
set, ac suppliciter, vt sibi veniā daret preca
retur, libenter ignouit, idq; iureiurādo cō

firmavit: & si eum Abisai, Ioab frater superiorum illorum conuiciorum commemoratione ad sumendū de illo capitis supplicium incitaret. Hoc etiam in eo laudandū est, quod nihil sibi rei deinceps esse voluit cū decem cōcubinis, quas Absalom filius, vt paulò antè exposui, violauisset. Quoniā qualē se hostibus præbuerit, dixi, non erit alienū, quomodo in amicos animatus fuerit, exponere. Amicitias sanctissimè coluit, nec amicos amauit tantū in vita, & in aduersis rebus, verū etiam in secūdis, & post mortem. Ionatham Saulis filium ex omnibus dilexit plurimū: atq; verè vt dicam, nullum fuit vnquam par amicorū præstātius. Ionathas quidem eo animo in Dauidem fuit, vt Saulis patris inimicitijs & odio nunquā deterreri potuerit ab amici officio, tūc cū ad necē quæreretur. Dauid autem & si tempus nunquam incidit, in quo suum in Ionatham animū, quādiu ille vixit, re declararet: tamen non minus eximio & singulari in eū fuit, quā ipse in illum fuisset. Quod quidem in Miphiboseth Ionathæ filio animaduersum est, cui agros Saulis omnes patris sui causa dedit, eumq; semper secū voluit esse. Quoniā au-

tem

tem insigni maximaq; erat, vt docui, in hostes charitate & m̃a fuetudine p̃dītus, eos qui iniurias aut ipsi⁹ aut suas, aut aliorū vl ciscebantur, erantq; ad irā propensiores, nec sibi imperabant, oderat. Huius rei testes sunt Baana & Rechab, qui cū Isboseth Saulis filiū quasi gratū ei facturi essent, interemissent, statim ab eo, vt paulò antè dictū est, iussī sunt interfici. Hoc quanquam in Ioab qui Abner subdolè interfecerat, acerbè & inuitus tulit in vita, quod eius, vt arbitror, sibi necessariam operam videbat: moriens tamē Salomoni filio, qui ei in regnum successit, ne inultum ferret, quodam modo p̃cepit. Quo verò animo in populum quē ei deus gubernādum tradiderat, fuerit, ex hoc perspici potest. Cēseri populum suum à Ioab voluerat: in quo cū se peccasse intelligeret, culpā deo confessus est, ab eoq; vt sibi ignosceret, postulauit. Deus Gad prophetam misit, qui ei trium optionē daret, pestis, famis, & belli: famis quidē annis septē, pestis tribus mensibus, belli tribus mensibus, quibus aduersarios persequentes fugeret. Ipse in tanta deliberandi difficultate: qui famē, facilē vitare posset, malleq; se in manus Dei, quod

misericordiam eius maximam esse sciret, quam hominū incidere, diceret, pestilentiam maluit. Cumq; intra cōstitutum tempus septuaginta millia hominum peste interijssent, videns angelum qui populū interficiebat, vt bonus pastor, his cum Deo agebat, Ego sum qui peccaui, & scelestē feci: hi autem qui oues sunt, quid fecerunt? Hoc pastoribus Ecclesiæ ijsq; omnib⁹, qui alijs præsunt, præclarum exemplum proditū est, vt se à peccatis abstineant, ne peccato suo supplicij causam suis afferant. Restat, vt quot vxores habuerit David, quotque ex eis liberos, & quos suscepit, quēque se eis præbuerit, dicamus. Octo quidē eum vxores habuisse scriptum est, & concubinas decem: quod non explendæ libidinis causa fecit, sed propagandi generis, quemadmodum etiam patribus licuit plures habere. Prima omniū fuit Michol Saulis filia, quam quod Saul Phalti ipso ignaro & inuito nuptui tradidisset, illo mortuo, cū iam in Hebron regali potestate imperaret, à Misboseth Saulis filio, qui cæteris tribus regia potestate præerat, repetitam, recepit, eam cū lachrymis vel deducēte, vel sequente ipsius viro. Ea quoniam

niam Dauidem lætitia gestientem atq; sal-
tantem cùm arca Dei Hierosolyma porta-
retur, irriserat, sterilis fuit. Alteram acce-
pit Iesraëlitidem Achinoam nomine: ter-
tiam, Abigail Carmelitidem, Nabal viro e-
ius mortuo: quartam Maacha Tholmai
Gessur regis filiam: quintam Aggith: sex-
tam Abital: septimam Eglam: octauā Beth-
sabæe. Ex his septem vxoribus quindecim
filios suscepit, vnamq; filiam, cui Thamar
nomen fuit. Ex Achinoam Amnon primo
genium: ex Abigail, Danielé: tertium Ab-
salom ex Maacha: ex Aggith, Adoniam: Sa-
phariam ex Abital, ex Egla Iethrahá: Hie-
rosolymis ex Bethsabæe præter eum qui
septimo ortus die, vt dixi, mortuus est,
Simmaa, Sobab, Nathan & Salomonem: Ie-
baar etiā, Elisua, Eliphalet, Noge, Nepheg,
Iaphia, Elisama, Eliada atq; Eliphelet. No-
uem hi postremi ex qua, quibusue vxori-
bus nati sint, non constat. Literis etiā di-
uinis mandatum est, eum ex concubinis
suscepisse liberos, sed quot, quique fuerint,
non perinde cōstat. Quin ne hoc quidem
proditum est memoriæ, quibus negotijs
ac rebus Dauid liberos suos præposuerit.
Salomonem autē qui maximus natu erat

eorum, quos ex Bethsabée suscepit, vnum ex omnibus charissimum habuit, eumque paulò antè quàm excederet è vita, regni successorem, quòd ita Deus ei patefecisset, instituit: nec instituit solùm, verùm etià consecrari voluit, & regē salutare. Eū moriens accersitum monuit: primùm, vt præceptis Dei pareret, ceremonias, iudicia & testimonia seruaret, vt ea ei euenirent, quæ euentura Deus prædixisset, id est, vt ipse & posterì regnū in perpetuū obtinerēt: deinde vt ex auro, argento, ære, alijsq; rebus necessarijs, quas præparasset, templū Deo ædificaret, quod ipse nō potuisset ædificare, cū valde cuperet, propterea quòd multorū in bello sanguinē effudisset; quemadmodū ipsi deus dixerat: postremò eos illi cōmendauit, quorū in se fidem sine vllò scelere expertus esset: alios quorum viuens scelera tulisset, eo supplicio afficiendos tradidit, quod ei videretur. Aetatis quidē anno septuagesimo, regni autem quadragesimo, quarto cal. Ianuarij excessit è vita. Scripsit diuersis temporibus, multis varijsq; de rebus psalmos centum & quinquaginta duntaxat qui extant, quorū pleriq; ortus Christi, mortis, resurrectionis & ascensus in celum

lum mysteria cōplectuntur: alij bene beateq; viuendi præcepta continent: nōnulli eos qui in fide atque virtute stant, confirmant & corroborant: alij rudes & ignaros ad viam dei ingrediendam incitant: aliqui eos, qui eam ingressi sunt, ad progrediendum: sunt etiam qui eos, qui culpa sua de ea deflexerunt, ad eam reducāt: vt verè de eis hoc possim dicere, nullum esse librum eorum qui diuinitus scripti sunt, ex quo plus vtilitatis ad vitam præclarè atque ex virtute degēdam, omne hominum genus percipere possit.

IOSAPHAT REGIS IYDA

Vita.



Iosaphat Afa regis Iuda & Azubæ Salai filiæ filius, mortuo patre primo & quadragesimo regni sui anno, cum quinque & triginta annos natus esset, regnare cœpit. Is quinque & viginti annis, quibus imperauit, gratus acceptusq; fuit Deo, q̃ Davidē imitaretur: ob eamq; causam magnis cū opib⁹ auxit, & gloria tanta, vt reges omnes ac populi finitimi eū metuerent, nec bellum ei inferre auderent. Quinetiam Palæstini veteres regni hostes, munera & vestigal
argenti

argenti ei miserunt, quò facilius eius amicitiam retinerent: Arabes quoq; ingentē arietum hircorumq; numerum, id est, septem milia & septingentos. Sed operæpretium est, quibus rebus ita Deū sibi benignum humanumq; reddiderit, exponere. Cum nihil tam inuisum Deo intelligeret, quàm simulachrorum religionem, quam Hieroboam primus in Israël, deinde Roboam, & Ioram eius filius, in Iudæ regnū inuexissent: nihilq; eidem gratius, quàm illius præceptorum obseruationē: & illam funditus sustulit, cū primum imperium sibi cōstitutum esse vidit, & tertio imperij anno de seruādis à populo eius præceptis hanc rationem excogitauit. Sacerdotes duos Elisama & Ioram, Leuitasq; nouem misit, qui in omnibus regni oppidis & vicis legem Domini tenentes, populū docerent. Quòq; maior eorū orationi fides auctoritasq; tribueretur, eiusdem rei causa quinque ex principibus suis, Benhail, Obdiam, Zachariam, Nathanael, Michæam cū eis misit, qui omnes mandatum regis curauerunt diligenter. Quod sequitur, quam Deo char' fuerit, declarat. Achab rex Israël, à Syris Ramoth Galaad ditiōis suæ oppidum

pidum vi captum acerbè ferebat . Cùm eū
Iosaphat eo ipso tempore inuississet, ei rem
exposuit primū, deinde eum, vt sibi au-
xilium ferret, rogauit : quod ille libenter
pro & cognationis & affinitatis iure con-
cessit. Sed tamen veritus , ne id bellum ex
Dei voluntate auctoritateq; gereretur, au-
ctor illi fuit, vt eum cōsuleret . Parens ille
eius consilijs , collegit adhibuitque falsos
prophetas & vates circiter quadringētos,
qui cōmuni consensu eundū ei esse, quod
oppidū illud recepturus esset, censuerunt.
Quod cū Iosaphat intelligeret, id est, fal-
sos esse vates , rogare Achab cœpit , num
quis Domini propheta esset, quem consu-
lere possent. Responderat ille, esse Michæ-
am, ex quo Dei voluntatē possent cogno-
scere : sed eum sibi inuisum & suspēctum
esse, propterea quod semper ipsi mala va-
ticiparetur, cū Iosaphat eundē monuit,
ne ita loqueretur. Itaq; misit qui illum ac-
cerferet. Interea sedentibus in solijs regijs
ornatu regio regibus , vniuersi prophetae
prosperum belli, vt antea, euentum prēdi-
cebant. Nuntius cum michæam inuenisset,
ei rem omnem ordine, vt gesta erat, expo-
suit, omnesq; prophetas dixit bona & pro
spera

spera polliceri: itaque eorum sententiam verbis suis confirmaret, quod ob eam causam ab Achab accerferetur. Negat Michæas quicquā se, nisi quod dominus ipsi suggessisset, esse loquuturū. Cū venisset ad reges, rogatusq; simpliciter ab Achab sententiam, vtrum suscipere necne bellum deberet, primū ei suscipiendū esse respondit, credo, quod eum falsa potius prædicentibus, quā sibi vera prædicenti, crediturū esse sciret: deinde iurisiurandi religiōe ac sacramento Dei nomine adactus, se quod verum esset pronuntiaturū: tum deniq; verum dixit, Se vidisse cunctū Israëlī populū dispersum in mōtib; ouium instar, quæ pastore careant, ac tum Dominum dixisse, non habere illos dominum: itaque vnusquisq; domum suam tranquillo animo reuerteretur. Hæc Achab ita moleste ac durè accepit, vt Iosaphat dixerit, an nō verè dixisset: Michæam nihil boni vnquā, sed semper aliquid mali solitum esse prædicere? Michæas tamē nihilo magis cōturbatus, hæc addidit, Missum esse à Deo spiritum mendacē, qui Achab deciperet verbis prophetarum, quos adhibuisset in consiliū. Sedechias prophetarum illorū vnus, qui

qui hæc audiens sibi ac collegis iniuriam factam esse putaret, Michæꝑ colaphum infregit, obiurgans eum, quòd illa dixisset, quasi verò ipso deserto spiritus Domini eius ore loqueretur. Michæas ad hæc non respondit, nisi eum illa quæ diceret, visurum esse tum, cum per cubicula multa vicissim feruadi sui causa discurreret. Hanc iniuriã alia etiam grauior consequuta est. Achab enim Michæã cõprehensum ad Ioas Amellec filium eo cõsilio misit, vt eum in carcerem conijceret, panemque ei & aquam tantummodo præberet, dum pace facta à bello reuerteretur. Michæas autem hæc omnia æquo placidoq; animo accipiens, hoc tantum respondit: Si ille cum pace rediret, dominum ore suo loquutum non esse. Ita spreto contemptoq; Michæꝑ consilio, Achab vnà cum Iosaphat eduxit exercitum. In prælio cum hostes Achab vnū regis edicto peterent, cuius ornatu (sic enim eū Achab rogauerat) incederet Iosaphat: in eum, quod Achab esse suspicaretur, impetu facto, acriter pugnabāt, cum ille exclamat. Cum vox fidem fecisset, non esse Achab, destiterunt. Achab autem consilij Domini contemptor, cum quidam sagittā temerè emisisset, atq;

atq; inter pulmonem & stomachú fixa hæ-
fisset, ex eo vulnere vesperi mortuus est.
Hoc tã penè certo malo doctus Iosaphat,
quàm periculosum sit, cum ijs qui Deum
negant, eiusq; consilia spernunt, versari,
cùm Ochozias Achab filius qui in eius lo-
cum successerat, penè eum rogaret, vt na-
ues suæ cū illius nauibus, quæ fractæ essent
in mari, cõiungerentur, noluit. Quãquam
illú eò maximè Iehu prophetæ adduxisse
videtur obiurgatio. Cum enim Hierosoly-
ma Achab mortuo rediret, Iehu Hanani fi-
lius, qui propheta erat, ei obuiam factus,
eum obiurgauit, quòd impio auxiliú fer-
ret, amicitiamq; contraheret cum eis qui
Dominum odissent: ex quo suppliciú me-
ritus esset: sed tamen præclara opera & faci-
nora in illo inuenta esse, quòd lucos ex Iu-
dæ regno abstulisset, præparassetq; cor su-
um, vt Dominum patrum suorum Deum
quereret. Hæc partim obiurgatio, partim
illius officij virtutisq; cõmemoratio fecit,
vt boni principis diligentius melioreque
animo munus sit, officiumq; exequutus.
Officium ergo principis cum in ijs, quæ &
ad Deum & ad homines pertinent, consi-
stere intelligeret, neq; principem tantum
ponere

ponere debere fidei in negotijs conficiendis in eorū diligentia, quos eis præponere solet, quantū in præsentia & adhortatione sua: non suos, qui omnes in officio cōtinerent, aut à malis vitijsq; reuocarent misit, sed ipse prosecutionem eius rei causa suscepit. Ac primū à Bethsabæe vsq; ad montē Ephraim ad populū sese contulit, reuocauitq; eos ad Dominū patrū suorū deū. Deinde in cunctis Iudæ vrbibus quæ munitæ erant, iudices constituit, eosq; monuit, vt viderent etiam atque etiam & considerarent, quid facerent: propterea quòd non hominis in iudicando officio fungeretur, sed Dei, qui ipsis pro meritis tributurus esset, qualencunque sententiam pronuntiaffent. Itaque timorem eius sibi ob oculos in iudicando ponerent, præsertim cū nec iniquus esset, nec personæ vllius rationem haberet, nec munerum cupiditate duceretur. Cū ita foris rebus diuinis atq; humanis prouidisset: domi quoque, id est, Hierosolymis, quò ex alijs vrbibus causæ omnes si qua maior aut grauior cōtrouersia incidisset, reuocandæ erant, maiorem etiam adhibuit diligentiam. Delegit enim sacerdotes, & Leuitas principesq; familia-

Rum,

rum, qui ex Domini lege ac voluntate iudicarent, præcepitq; eis, vt timore Domini sibi proposito ex fide sua, & animo perfecto sic agerēt, vt in causis omnibus & questionibus, quæ de lege, de præceptis, de cæremonijs, de iustificationibus ad eos venirent, populū docerent, ne Deo peccarent, neq; Deus de ipsis suppliciū sumeret. Eos enim si se præstarent, fore dicebat, vt culpæ nulli affines essent. Magna quidem hæc laus est Iosaphat, magna gloria, cuius exemplo vtinam principes munus suū exequantur. Sed quæ sequitur, non minor videri debet. Moabitani & Ammonitani, alijq; pene innumerabiles, in fines eius ditionis infesto exercitu inuaserāt: quod cū Iosaphat nūtiatum esset, ipse perterritus, nihil prius habuit, quàm deum, vt populo suo opē ferret, rogare. Quod quò melius eueniret, faciliusq; Deus audiret, omni populo primū ieiuniū indixit: deinde vniuersum populum cōprecationis causā conuocauit. Cū vniuersi conuenissent, ipse in medio cœtu in templo ante atrium nouum stans, ita precatus est, Domine Deus patrum nostrorū, tu es Deus in cælo, & dominaris cunctis regnis Gentium: In manu
tua

tua est fortitudo & potētia, nec quisquam tibi potest resistere. Tu locum hunc eius incolis interfectis, populo tuo Israēlitico Abrahæq; amici tui posteris dedisti. In co templum nomini tuo ædificauerūt, quòd sperarent, si gladius, si mala, si pestilentia, si fames ipsos opprimerent, & stantes in hoc ipso loco, in quo nomen tuū appellatum & inuocatū est, clamorē magno te rogarent, vt sibi in malis & miserijs subuenires, fore vt tu eos audires atque liberares. Nūc ergo cū Moabitani & Ammonitani ac mōtis Seir incolæ, quibus pepercisti, tū cū filios Israēlis ex Aegypto eduxisti, pro beneficio maleficio tribuant, conenturque nos ex possessione, quam nobis tradidisti, eijcere & exterminare: misereat te populi tui. In nobis quidē non est potentia tanta, vt multitudini isti obsistere possimus. Quoniā autē quid agere debeamus, ignoramus, hęc nobis spes vna reliqua est, ad te in his tātis malis confugere. Aderāt, vt dixi, omnes viri & mulieres cum liberis suis. In Ipso puncto temporis, quo Iosaphat finem dicendi fecerat, Iahaziel Leuita, Zachariæ Bananiæ filij filius, spiritu Domini permotus, Deum præcipere dixit, ne

timerent, neq; illam tantam hominũ multitudinem metuerent, quòd pugna nõ eorum, sed Dei esset. Postero die in eos exercitum educerent, quòd inuenturi eos essent, in torrētis Seir cacumine: neq; enim eos dimicaturos esse, sed tantummodo fiducia pleni starent. Sic enim fore, vt Dominus ad eos, auxilium mitteret. Quæ cū audissent, prõnis capitibus inflexisq; corporibus deum omnes adorauerunt. Manẽ pleni bonæ spei ad certam victoriam profecti sunt. Omnes autem Iosaphat adhortatus est, monuitq; poti⁹, vt Domino Deo crederent, eiusq; prophetis: ac tum deniq; in tuto eos dixit fore, eisq; prosperè euentura esse omnia. Dato etiam populo consilio, symphonicos Domini statuit, qui eũ exercitum antecedentes, laudaret his verbis, Confitemini Domino, quoniam bonus, quoniam in seculum eius misericordia. Rem admiratione dignissimam cõemorabo, sed veram. Vt primũ illi canere cœperũt, hostes furorem, quem in Iudeos attulerant, in se ipsi cõuerterunt, ita vt primum Moabitani & Ammonitani montis Seir incolas: deinde mutuis se gladijs ac vulneribus ad vnum omnes interfecerint.

Itaq;

Itaq; Iudei cū eminus campos cadauerū plenos vidissent, omnium ad detrahenda mortuorum spolia concursus factus est. Fuit autem & spoliorum & suppellectilis omnis generis copia tāta, vt omnia triduo detrahere non potuerint. Itaq; quarto demum die in vallem, quam benedictionis, quòd ibi Deū laudassent, appellarunt, conuenerūt: atq; inde Hierosolyma, & in templum cum psalterijs, citharis, & tubis sunt reuersi. Idem, quod mihi mirum videri solet, qui à Iehu propheta, vt paulò antè dixi, grauitèr obiurgatus est, quòd cū Achab amicitiam cōtraxisset, nec ob eam causam ab Ochozia Rege eius filio vltro naues auxiliares in naufragio deferēte accipere voluisset, tamen cum eodem amicitias postea iniit, classemq; instruxit cum eo, quam in Tharsis mitterent. Quod cū Deus acerbè ferret, misit ad eum Eliezer Dodau filium, qui nuntiaret, quòd fœdus cū Ochozia fecisset, eius naues à Domino dissolutas esse, nec in Tharsis appellere potuisse. Tertiū eiusdem generis, quod postea sequutum est, addam, quod multò etiam mirabilius videretur, nisi eius cui auxilium etiam præsens tulit, vita melior extitisset.

Ioram enim, mortuo Ochozia patre, decimo octauo Iosaphat anno, cū in illius locū successisset, ac Mesa rex Moab, qui quottannis ex fœdere centum milia agnorum, totidemq; arietum cum velleribus Regi Israëlis penderet, viuo Achab, eodem mortuo fœdus ad illud tēpus rupisset: eam iniuriam sibi propulsandam ratus, comparatis contractisq; copijs misit legatos ad Iosaphat, petens vt sibi aduersus regē Moab, qui fœdus rupisset, opem & auxilium ferret. Iosaphat statim cū viam qua eūdum erat, didicisset, eduxit suos. cōiunctis exercitibus cū septē diebus aquæ penuria tāta esset, vt penē omnes de exercitus, equorūque ac iumentorū salute diffiderēt: Ioram queri cœpit ad Iosaphat de tanta calamitate, quasi Deus tres Reges (Rex em̃ Edom cū illis copias coniunxerat) cōuocasset eo consilio, vt ipsos Moabitans deuorandos mactādosq; traderet. Iosaphat nū illic propheta esset, quo apud Deum precatore vterentur, rogauit. Cū Ioram Elisæum Saphat filium esse respondit, atque in eo verbum Domini insidere dixisset Iosaphat, tres reges ad eum adierunt. Is cū rem, cuius causa venissent, intellexisset, ad Ioram

vnum

vnū auersa oratiōe, quid sibi rei cū illo esset, quæsiuit primū : deinde eū ad patris matrisq; ipsius prophetas remisit. cūq; ille quæreret cur tres reges Deus, qui prædæ moabitānorum futuri essent, conuocasset: respondit id quod ad Iosaphat laudē pertinet, se nisi Iosaphat cōspectum personamq; vereretur, nec illius rationem vllam habiturum, nec in eum oculos coniecturū fuisse. Quoniam autē adesset, psalterem, quo sonante Deum consuleret, adducerent. Psalte canente, Elizeus spiritu Domini afflatus est, præcepitq; ex nomini voluntate, vt in torrentis alueo, qui exaruisset, foderent: sic enim fore, vt fossis aqua completis & ipsi biberent, & eorum familiæ ac iumenta. Nec verò Dei in illos benignitatē in hoc vno consistere, sed eos etiam Moabitānos esse superaturos. Quod vtrunque postridie manē experti sunt. Nam & fossæ aquis oppletæ sunt, Moabitani orto sole cum aquam præter spem vidissent, quæ vi diuina cruoris speciem præ se ferret, ex eo inter reges cruentum prælium commissum esse sibi persuaferunt. Itaque cū ad certam prædam se ire existimarent, in trium regum exercitus inciderunt, atque

ita penè omnes interfecti deletique sunt. His gestis omnibus, Iosaphat sexagesimo anno excessit è vita. Ex Azuba vxore hos suscepit liberos, Ioram maximū natu, qui ei in regnum successit, Azariam, Iahiel, Zachariam, Michaëlem, & Saphariam. His viuens pater magnā vim auri & argenti, pensionesq; cum vrbibus munitissimis attribuit. Sed eos constituto confirmatoq; imperio, Ioram omnes interemit.

EZECHIAE REGIS IVDÆ

Vita.



Itam scribo Regis Iudæ omnium secundū Dauidem optimi, id est Ezechiae Achaz regis, & Abisæ Zacharię filię filij. Vicesimo quinto ætatis anno, mortuo patre rex creatus est. Eius virtutē & in deum pietatē atq; religionē singularem cū multa alia, de quibus mox dicemus declarant, tum q̃ excelsa deleuit, deiecit, obtriuitq; statuas, lucos excidit: serpentemq; æneum, quē moyses statuerat, & cui ad illud tēpus populus sacrum fecerat, sustulit. Sed nihil cum deo gratiore acceptioremq; fecit, quā quod omnibus Domini præceptis paruit. Itaq;

&

& Deus semper cum eo fuit, & ipse in omnibus tum locis, ad quæ se cōferebat, tum reb⁹ quas suscipiebat aut gerebat, eius excelluit prudentia. Primū quidē ad res diuinas animū adiecit. Annum quintū & vicesimum agebat, cū imperium accepit, eodemq; non solum anno, sed etiam mense quo præesse cœpit, templum resq; templi, quas Achaz eius pater, atq; superiores reges inquinauerant, expiauit. Eius rei causa cum sacerdotes & Leuitas conuocasset, eis primū exposuit maiorū scelera, qui quòd Deum deseruissent, neq; ea sacra in tēplo fecissēt, quæ instituisset ac sanciuisset, sed alia quæ detestaretur, in illius odiū incurrerant tantum, vt maiores interfecisset, & liberos coniugesq; omniū captiuas abduci, vt ipsi cernebant, permisisset. Itaq; cum Deo fœdus ineundum esse censebat, quo vno remedio eius furorem & iram mitigare possent. Filiosq; eos appellans, ne hāc rem negligerent hortabatur, quos Dominus elegisset, vt ei præsto essent, ac ministrarent, eumq; colerēt ijs sacris quæ instituisset. Eius verbis sacerdotes ac Leuitæ incitati, eam diligentia adhibuerunt, cū se ipsi primū expiasent, vt octauo die mēsis

primi templum omne eaq; omnia quæ ad illud pertinent expiauerint. Quod cū regi exposuissent, ipse prima luce conuocatis primis ciuitatis, Deo hostias ex mosis lege in templo, tauros septem, totidemq; arietes, agnos & hircos pro peccato, pro regno, pro tēplo, pro Iuda immolari iussit, cū interea symphoniaci, tubicines, alijq; eiusdem generis, quos Dauid rex Domini iussu constituisset, eius edicto officiū ac munus suum exequebatur. His sacris nō contentus, multitudinē monuit, vt pro facultatibus vnusquisq; victimas Deo offerret. Ingens hostiarū numerus fuit, tauri sexaginta, arietes centū, agni ducēti, boues sexcenti, ouīū tria milia. His ita gestis, vniuersum Israelis Iudæq; populum sibi ad diem festum Paschæ in mensem secundum celebrandum, conuocandum de Hierosolymitanorum consilio censuit. Literarum autē hæc fuit sententia. Hortabatur omnes, vt ad Dominū, Abrahæ, Isaac & Iacob Deum redirēt, quòd ita demū ipse ad eos, qui Salmanaris Assyriorū regis manus effugissēt, reuersurus esset: ne patrū, fratrumq; suorum, quos Deus propterea q̄ ab ipso defecissent, captiuos abduci passus esset, vt cer-

nerent,

nerent, pertinaciam animiq; obstinationē imitarentur, sed Deo se vltro permitterēt ac traderent, venirentq; ad eius templum, quod perpetua sanctitate cōsecrasset. Domino Deo patrum suorum seruirent. Sic enim eos iram eius furoris esse mitigaturos, non solum ne ipsi in Assyriorū manus venirēt, sed vt etiam patres, & matres, atq; liberi, cum coniugibus ac viris, & propinquis in patriā reducerentur. Apud multos quidem hæ literæ tantum abest, vt aliquid ponderis habuerint, vt etiam irrisi sint ij, qui eas pertulerunt. Quidam autem Aser, Manasse, & Zabulon tribuū, probato regis consilio, Hierosolyma venerunt. Nam Iudæi vniuersi eius præcepto paruerunt. Die autem quartodecimo mensis secundi, qui diei festo constitutus erat, tanta omniū & lætitia, & religione, cum Ezechias populo tauros mille, & ouiuū septē milia, principes vero tauros mille, decemq; milia ouium præbuisent, dies festus actus est, quanta à Salomonis temporibus ad eum diem, celebratus non fuisset. Quantum autem utilitatis ex hoc tam sancto claroque Ezechiae facto consequutum sit, hinc intelligi potest, quod omnes tribuum Iudæ, Benjamin,

min, Manasse, & Ephraim excelsa arasque
deorum cum simulachris & lucis funditus
sustulerunt. Atque in ijs quidem, quæ ad dei
religionem pertinent, in pace eiusmodi se
Ezechias præstitit. In bello autem eius vir
tus maxima excelluit. Anno enim quarto-
decimo eius imperij cum Sennacherib rex
Assyriorum Salmanasar filius, in ipsius im-
perij fines infesto exercitu veniens, omnes
urbes quæ munitæ erant, cepisset, ipse ad
illum legatos de pace misit, qui primū ab
eo peccatum esse: deinde quicquid tributi
indiceret, id æquo animo laturū ipsum di-
ceret. Itaque ei Sennacherib argenti trecen-
ta, auriq; totidem talenta indixit. Quibus
persolutis, cum Sennacherib exercitum
obsidendæ urbis causa transportare velle
intelligeret, primū de principum viro-
rumq; fortissimorum cōsilio & sententia,
capita fontium, quæ extra urbem erāt, ob-
struenda: deinde muros dirutos reficien-
dos, & novos extrinsecus faciendos, tur-
resq; edificandas, omneq; armorū genus fa-
ciendū curavit. Postremò ne ingenti mul-
titudine, quam infestā adduceret, (cētum
enim & octoginta quinq; milia habuit) ter-
reretur, & quòd ad Deū in rebus aduersis
confugi-

confugiendum esse intelligeret, conuocauit populū, eumq; his verbis, vt bona spe bonoq; animo esset, hortatus est. Multò plures in vrbe esse dicebat, quàm cū Sennacherib essent: cū illo enim vim esse corpoream: secum autē & cum ipsis Dominū Deum, qui auxiliū ferret, pugnaretq; pro omnibus. Qua illius oratione cōfirmatus populus, omnē metum deposuit. Hæc cū Sennacherib, qui tum urbem Lachis cum vniuerso exercitū obsidebat, rescuiisset, misit magnū numerum, in ijs Tharthau, ac Rabsaris & Rabsacē, quorū Rabsaces Elia cim regiē præfecto, Sobna scribæ, & Ioahē qui erat à cōmentarijs, qui tres iussu Ezechia ex vrbe ad illos egressi erant, hæc ex Sennacherib exposuit. Neminē esse, cuius virtute vel auxilio freti Hierosolymitani, maximo potentissimoq; regi Sennacherib possent obsistere. Si enim Pharaonis regis Aegypti auxilio confiderent, hoc ipsi sibi persuaderent, Pharaonē esse ijs, qui in eo omnia ponant, bacilli fracti instar, cui innixus homo statim cadit. Si Ezechielis oratione captati à Deo suo auxiliū expectarēt, scirent Ezechiam esse, qui illius excelsa & aras diruerit, præceperitq; Iudæis & Hierosolymita-

vetuerat, non respondit. Tres autem illi quos dixi, ad Ezechiā scissis vestibus hæc renuntiatum venerunt. Rex his nuntijs conturbatus, vestes discidit, cilicioq; amictus in templum precandi causa venit, cum Eliacim præfectum prætorio, & Sobnam scribam, senes aliquot ex sacerdotibus cilicijs amictos ad Esaiam prophetam Amos prophetæ filium misisset, qui ei dicerent, Diem venisse calamitatis plenum, probrorum, & ignominia: appropinquasse diem partus, & tamen vires non habere eam quæ parturiret: hac parabola indignitatem rei significans. Esaias diuino numine permotus cum hæc audisset, legatos hæc Ezechia ex Deo renuntiare iussit, Ne verbis contumeliarum plenis, quæ Sennacherib legati in Deum protulissent, terreteretur. Deum enim spiritum Sennacherib missurum esse, nuntioque audito illum in patriam suam reuersurum, ubi gladio interimeretur. Hæc consolationis plena oratio, quāquam Ezechiam confirmauit, tamen Sennacherib plena maledictorum Dei & minarū epistola, quam ad eum cum legati re infecta rediissent, misit, illum vehementer non tam priuato publicoue dolore,

dolore,quàm Dei causa,perculit.Itaq; per
lectis literis, cùm in templum ingressus ef
set,easq; coram Domino explicasset,his
verbis eũ precatus est:Domine deus Israël
tu es Deus solus,regum terræ omnium,tu
cælum terramq; fecisti. Vide,quæso,& au
di quæ in te deum viuum maledicta iaciat.
Vere Assyriorũ reges nationes deleuerũt,
earumq; & agros & diripuerunt, & deos
coniecercunt in ignem. Neq; em̃ crant dij,
sed opera hominũ ex lapide & ligno.Nunc
igitur,nos tu Domine Deus noster, à ma
nibus eorum eripe, vt regna terræ omnia
te Dominum deum solum esse intelligãt.
Enuntiauit tũ Deus Esaia prophetæ, quæ
paulò antè dixi, cùm Ezechia preces se au
diuisse primũ significasset,liberationem
populi sibi curæ esse.Vlturum enim se esse
Sennacherib in se iniurias atq; maledicta:
vrbemq; Hierosolyma seruaturũ atq; pro
tecturũ & sua & Dauidis causa. Quibus
ex verbis facilè perspicì licet,quantũ apud
Deum rebus aduersis mortalium beati illi
homines,qui aspectu Dei perfruuntur, va
leant & amicitia & gratia,cùm deus partim
propter Dauidem vrbem hierosolyma de
fensurũ liberaturũq; se esse promittat,
quod

quod etiam re ipsa præstitit. Nam, vt ad
propositum reuertamur, ea nocte, quæ diē
illum, quo hæc ad Ezechiam perlata sunt,
sequuta est, angelus Domini in Assyrio-
rum castra veniens, centum octoginta
quinque millia hominum interemit. Sen-
nacherib autem cum cadauera mane vi-
disset, perterritus in regnum reuersus est.
Eumq; nec ita multò post in vrbe Niniue
Nesroch Deum suum in templo veneran-
tem duo ipsius liberi Adramelech & Sara-
far gladio interfecerūt. Sic Deus & in eos,
qui de sua potentia gloriaq; detrahunt, a-
nimaduertit, & eos qui ipsius honori lau-
diq; seruiunt, tuetur & liberat. Aegrotauit
illis fere tēporibus Ezechias grauissimè,
adiensq; ad eū Esaias propheta, iussu Dei
illum monuit, vt familiæ suæ consuleret,
quod moriturus esset. Ipse ad parietem
ore conuerso, cum lachrymis Deum roga-
uit, vt venirent ei in mentem, & vita quam
toto animo conuenienter præceptis ipsius
egisset, & ea facta sua, quæ probasset. Quæ
eius preces eiusmodi tam gratæ Deo fue-
runt, vt Esaiam cū etiam tum mediam
atrij partem nondum præterijisset, ad eum
remiserit, nuntiatum, se eius preces au-
diuisse,

etiam fore, vt filij, quos ex vxore suscepturus esset, cōprehenderentur, essentq; Spadones in Regis Babylonis regia. Ad hęc tantum respondit, verbum Dei bonum honestumq; esse: tantum vitæ suæ tempore pax esset ac veritas. Annō autem imperij sui nono & vigesimo, ætatisq; quarto & quinquagesimo, cū Manassem regni hæredē reliquisset, excessit è vita.

MANASSAE REGIS IVDÆ

Vita:



Anassæ Regis Iudæ vita, quæ eiusmodi fuit, vt cū ille ad extremum pene tempus in omnibus flagitijs sceleribusq; versatus esset, tandem aliquando, id est, non nimis sero: in viam Dei pœnitētia redierit, magno erit adiumento hominibus quauis sceleratis, ad vitæ mutationem, ne superioris vitæ recordatione in desperationem veniant adipiscendæ veniæ & gratiæ. Is quidem amisso Ezechia patre, viua matre Haphsida, cū duodecimum annum ageret, rerum potitus est. Cū autem iure naturæ tam bonum clarumq; patrem sibi ad imitandum proponere debuisset; tamen tantum abest, vt id fecerit, vt inimicitias

cum illo in vita instituenda, & degēda suscepisse gessisseq; videatur. Vt enim ille simulachra omnia, sicut in vita eius dixim⁹; deiecit ac fregit, lucos dijs cōsecratōe succidit, aras sustulit, omnibusq; ijs, quę deus detestatur, & quibus templum Hierosolymis Achaz rex eius auus violauerat, funditus euersis & abiectis, ipsum expiauit: Deique vnus religionem & cultum, nō in suo tantum imperio, sed etiam in magna parte regni Israēlitici, quasi postliminio restituit. Sic Manasses illa reuocauit his sublati repudiatisq; omnibus. Nam & excelsa, quæ Ezechias eius pater dissipauerat, ædificauit, & aram Baal, dijsq; simulachra ac statuas statuit: & lucos eis consecrauit, omnemq; cæli militiā coluit ac veneratus est. Neq; hæc solū extra tēplum illud, quod Deus sibi vni sanctum esse voluisset, fecit, sed in eius etiā atrijs duobus aras vniuersę militiæ cæli posuit. Quin etiam Amon filium suum per ignem traduxit, obseruauit auguria & somnia, aruspices auxit, diuinos & ariolos consuluit, habuitq; secum. Neq; hanc tam & Deo inuisam, & hominibus perniciosam exitiosamq; religionem ad vnū se aut ad paucos pertinere voluit, sed

sed Hierosolymitanos, atq; adeò Iudæos, qui erant in ipsius imperio, siue exemplo suo (quo grauius peccant, quàm scelere principes, propterea quòd mores nostri ad ea ferè natura delabi solent, quæ illis probari videmus) siue ui & minis decepit. Neus porò etsi tam à se remotum & alienatum, tamen omni ratione eum abstrahere, reuocareq; conatus est: primùm verbis ac minis, deinde re atq; supplicio & calamitate. Misit enim ad eum & ad populum prophetas, qui eos ab illa impia & nefaria religione, ad piam sanctamq; reuocarèt. Cum autem eorum monita contemnerent, fecit, vt exercitus regis Assyriorum principes captum vinctumq; catenis ac pedicis Manassen Babylonem ducerent. Ibi tandem aliquando, qui amicis Dei cōsilijs parere noluisse, malo calamitateq; coactus, malè se vixisse impieq; multa in eum fecisse recognouit. Tam altè interdum radices peccatum & vitiū in hominibus, siue mala educatione, siue praua cōsuetudine, & ipsa peccandi libidine agit, vt multi nunquā, nonnulli vix tandem aliquando, nisi malo docti in rectam viuendi viam redeant. Nec quicquam est, quod utrosque, aut in tam

prauo exitiosoq; vitę instituto permanere cogat, quàm perpetuus quidam rerum ad voluntatem voluptatemque pertinētium concursus: aut ab eo tam facilē eosdem abducere possit, quàm interuentus curarū, aduersarum rerum, calamitatis. Itaq; & illud nunquam, & hunc sæpe optare debemus. Captiuitatis ergo incōmoda & mala sentiens Manasses, ex animo eiecta illa religione, redijt ad Deū, aut Deus potius eum ita respexit, vt totus mutatus non videretur, sed etiā esset. Eū enim tū, etsi fera illa quidē, ob mala quæ sentiret, nō tamen infructuosa & inutilis subiit pœnitentia. Extat autē eius precatio in diuinis libris, extremo libro eo, qui Paralipomena, id est, prætermissa, inscribitur: cui⁹ breuiter sententiā omnem nō alienū erit perstringere. Deum, nominū præpotentem rerū omniū, patrum suorum Abrahæ, Isaac & Iacob, eorumq; seminis iusti Deū appellat, qui cœlum ac terram cum omni ornatu eorū fecerit, qui mare præcepti sui verbo cōstrinxerit, qui abyssum concluderit, terribiliq; ac laudabili nomine suo consignauerit, quem omnia timeant, ac tremant in eius conspectu, quòd eius gloriæ magnitudo
ferri

ferri non possit, nec ira eius qua minatur peccatoribus, & tamen immensa sit, nec in uestigari possit eius promissionis misericordia: cum enim esse Dominum, altissimum, benignum, patientem, magnaq; misericordia vti in hominum malis. Eū pro magna benignitate sua promississe ijs, qui ipsi peccauerint, & pœnitētiam & veniam, ac pro magnitudine misericordiæ suæ peccatoribus pœnitentiam salutarem decreuisse. Se igitur ab eo precari, qui cū sit Dominus deus bonorū, non decreuerit Abraham, Isaac & Iacob viris bonis ac iustis, qui ei non peccauerint, pœnitentiā, sed eā peccatorum causa statuerit, sibi cuius peccata arenæ maris numerū superarēt, cui⁹ scelera adeò creuissēt, vt propter eorū multitudinē indign⁹ esset, qui cœli fastigiū intueretur & aspiceret: qui ferreorū vinculorū pondere tā oppressus sit, vt caput non possit attollere, neque respirare, propterea quòd eius iracundiā cōcitauerit, & scelera in eius conspectu admiserit: qui nō volūta ti ipsius morē gesserit, nec paruerit pręceptis, sed ea quæ detestaret statuerit, ob eāq; causam tum genu animi cordisq; sui flecteret: sibi inquā, q peccasset, sceleraq; agnosceret,

sceret, veniam daret, non simul peccatis suis se perderet, neq; in perpetuum iratus sibi mala reseruaret, nec se ad intima terrę loca damnaret, quoniam Deus esset, Deus scilicet eorum, quorum actę vitę pœniteret. Quòd si in ipsum benignitatem suam declararet, ac pro magna misericordia sua eundem eriperet ex illis vinculis & liberaret, se eum per omne vitę tempus ornatum esse laudibus, cum eum omnes cælestes naturę laudent, eiq; gloria sempiterna tribuatur. Eum ita precantem audiuit Deus, reduxitq; Hierosolyma regno recepto ac reddito. Quò simul atq; peruenit, nihil prius habuit, quàm ea omnia, quibus templum dei inquinauerat, Dei q; voluntatem eius religione spreta, offenderat, euertere atq; proijcere: populumq; suum edictis reuocare ad veram Dei religionem. Ita mutata Dei benignitate vita, reliquum vitę tempus, sicuti pollicitus erat, in Dei laudibus consumpsit. Quinquaginta quinque annis cum tenuisset imperium, septimo & sexagesimo ætatis anno relicto Amon filio regni hærede, excessit è vita.

IOSIAE

IOSIAE IUDAE REGIS

Vita.



Oſias Amon patre, Idida matre natus, omniũ Iudæ regum optimus & religioſiſſimus fuit. Octo tantum annos natus erat, cum amiſit patrem. Cũ primũ adoleuiſſet, id eſt ſextumdecimum agens annũ, Deum cœpit quærere: quadriennio poſt omnem animũ adiecit ad ea tollenda omnia, quæ Manafſes auus morte impeditus non ſuſtulifſet, aut Amon pater reſtituiſſet, quæ religioni Dei contraria videbat. Nec intra fines imperij ſui tantũ hoc fecit, ſed etiam in cuncta Samaria. Deditq; operam, vt animum populi ſui cũ in omni officij genere, tum in Dei religione contineret. Octauodecimo imperij anno, id eſt, ætatis ſexto & vicesimo, his iam perfectis omnibus, templi partes quæ infirmæ erāt, periculũq; erat, ne collaberentur, reſcindingas curauit. Quòd cum procuraretur, Helchias pontifex librum qui deuteronomiũ inſcriptus eſt, inuenit. Eum cũ Ioſias recitari iuſſiſſet, eaq; verba legis audiret, quæ Dei religiõis cõtẽptoribus mala, calamitatesq; promittũt: ipſe lacerata, diſciſſa

præ dolore ac gemitu veste, q̃ patres ac maiores præceptis Dei non paruissent, ob eāque causam tum ira diuina ex eorum liberis pœnas expeteret, misit qui Holdā prophetidem de voluntate Dei consulerent. Holda diuino numine permota, respōdit, Deū quòd ab ipso populus defecisset, eoque deserto deos alios cosuluisset, ea mala omnia, quæ in libro illo continerentur, in locum illum eiusq; incolas redundatura. Quod autem ad Iosiam regem attineret, qui verba libri audiuiisset, atq; discissa veste fleuisset, ipsumq; veritus esset, non visurum esse mala illa. Quæ cū regi renuntiata essent, ipse qui factum illud suū Deo probari intelligeret, cōuocatis in Dei templum vniuersis, totius libri legē recitauit, stansq; in tribunali, fœdus fecit sancteq; promisit, se Dei præceptis omnibus esse obtemperaturum, neq; discessurum ab ijs omnibus, quæ in libro scripta essent. Nec ille vnus hoc fecit, sed eos etiam qui aderant, omnes iureiurando adegit, eadem se esse facturos. Eodem anno diem festū Paschæ tanta hominū & frequētia & religione celebrandum curauit, quartodecimo mēsis primi die, cū sacerdotes ac leuitas
longa

longa oratiōe ad ea, quæ ex Moſis atq; Salomonis inſtituto præſtare deberēt, hortatus eſſet, ac de ſuo triginta agnorum & hædorū reliquiq; pecoris millia, atq; boum tria millia præbuiſſet, quāta ad eum diem nullius memoria fuiſſet. Triginta vnū annos cum tenuiſſet imperium, hoc modo interfectus eſt. Pharao Nechao rex Aegypti inſeſtum exercitum, quem magnum comparauerat, in regem Aſſyriorum eduxerat ex Dei voluntate. Ioſias qui hoc ignoraret, ei obuiam cum exercitu ſuo prodiit, ſiue vt regi Aſſyriorū auxiliū ferret, ſiue quòd vteretur, ne in ſe imperiumq; ſuū inſeſtus veniret. Cū Pharao eum veniſſe comperiſſet, miſit qui eum monerent, vt abiret, q̃ non cū illo, ſed cum Aſſyrio Dei iuſſu pugnaturus eſſet. Ioſias qui eius verbis non haberet fidem, cū perſeueraret in propoſito, ſagitta vulneratus eſt, ex quo vulnere paulò pòſt interiit.

TOBIAE PATRIS ET FILII

Vita.



Rdinem conſeruans eorū, qui à Dauide orti, Iudæ regia potestate præſuerunt, ne quid perturbatè dicerem, nonnullorum

rum vitam intermisi, qui ordine temporis priores sunt: qualis est Tobias, qui vnus omnibus exemplo ad vitam priuatam cū vxore & liberis ex virtute degendam esse & potest & debet. Is ex tribu & ciuitate Nephthalim, quæ in superiore Galilæa sita est, cum cæteris Israëlitis captus, captiuitate ea, quæ Salmanasar rege Assyriorum, sexto Ezechiae regis Iudæ anno, Osee autē regis Israël nono accidit, in Syriam ductus est. Puer cū etiam tum esset, nihil tamen puerile gessit. Ieroboam iam tū, & in omni vita scelus detestatus est. Cū enim ille Dei prouidentia decem tribuum, Roboam Salomonis regis filio rege, creatus rex esset, veritusq; ne si populus Hierosolyma in templū Dei colēdi causa, eiusdem instituto, conueniret, ab se ad Roboā deficeret; vitulos duos aureos cōflandos curauerat, quorū alterū in Bethel, alterum in Dan collocauit. Eō cum omnes statis diebus siue metu coacti, siue procliuitate peccandi, conuenirent: Tobias quē tum ætate antecedeabant, consuetudine illorū declinata, Hierosolyma in templum veniebat, omniaq; quæ lege sancita erant, Deo offerebat. Corroborata ætate, Annam vxorem
tribus

tribus suæ accepit, ex qua filiū cū suscepisset ei nomen suū imposuit. Dicam quomodo primum in Deum, deinde in filium atq; familiam, tum in propinquos, postremo in tribules se gesserit. Quo in Samaria & Galilæa ante captiuitatem metu, studio & amore in Deum fuerat, eundem etiā retinuit in captiuitate. Cū enim in vrbe Ninive habitaret, omnesq; sacris se escis contaminarent, ipse qui veram Dei religionē approbasset, ab eis se abstjnuuit. Filium ab ineunte ætate Deum timere ac vereri docuit, & ab omni vitio abhorrere. Quæ fuerit illa eius institutio, ex eis bene viuendi præceptis, quæ filio tradidit, tum cū auditas preces suas de mortis aduentu existimans, eum ad se accersiuuit, intelligere possumus. Monuit enim eum, vt per omnē vitę tēpus Deum memoria coleret sempiterna, daretq; operam, ne vnquā culpæ illius consensu affinis esset, Deiq; præcepta prætermitteret. Matri in omni vita honorem haberet, præsertim cū meminisse eū oporteret, quæ & quanta ipsius causa in aluo cū esset, pertulisset. De suo daret egētibus, ne que os suum à paupere auerteret: quod ita fieret, vt nec Deus ab ipso auerteretur. Da

ret autem egentibus pro facultatibus: si-
multas opes haberet, multa: si parua & exi-
gua res esset domi, exigua ex animo largi-
retur ac libenter. Sic enim eum præmiū bo-
num ac præclarū sibi in diem necessitatis
reseruaturū esse: quod eleemosyna ab om-
ni peccato & à morte liberet, neq; passura
sit animā ad tenebras peruenire: homines
que qui ipsum colant, fiduciæ magnæ ple-
nos Deo oblatura sit. Sibi ab omni stupro
caueret, neq; præter uxorem suam cum alie-
na concumberet. Arrogantiam neq; in ani-
mo, neq; in verbo ac sermone dominari si-
neret, quippe cum ab ea initiū sumpsisset
omnis interitus. Mercedem eius qui ipsi
operas suas locasset, non retineret omni-
no. Quod sibi ab alio fieri nollit, id alij nū-
quam faceret. Ederet panem & alia ad vi-
ctū necessaria, cum esurientibus & egenti-
bus: vestibusq; suis nudos tegeret: consiliū
semper à sapiente peteret. Deū semper lau-
daret, rogaretq; eundem, vt vias suas diri-
geret, atq; in eo ipsius consilia manerent.
Eadem penè eidem in morte, in præceptis
reliquit. Atq; in filium fuit eiusmodi. In
propinquos autē quē se præstiterit, ex vno
facto licebit existimare. In vrbe Medorū,
cui no-

tui nomen Rages fuit, Gabelo propinquo in duris rebus decem talenta argenti chirographo accepto, dederat, cum tamē vix mediocres opes nactus esset. Hoc cum moriens sua opinione, filio indicasset, tradito chirographo filius id se libēter factum esse dixit, si quis esset, quo duce in via vteretur. Pater pręceperat vt certum si delemq; virum quæreretur itineris ducē aut comitē, cui merces dissolueretur: cū egressus Tobias fili⁹, eius rei causa, Raphaelem angelum, adolescentis iter conficere instituentis habitu & figura inuenit, qui ei viā, quæ eò ferret, scire se dixit. Redit hoc patri nuntiatum: pater adolescentē intro-mitti iubet: introductis genus suū exponit, se illi saluum & incolumen ducturum & reducturū pollicetur. Paratis omnibus ad viā necessarijs proficiscuntur, cū Tobias pater ei omnia in itinere Dei benignitate prosperē euenire, eiusq; angelum itineris comitē dari optasset, Simul atq; profecti sunt, Anna mater Tobie, siue filij iam desyderio teneretur, siue quòd vereretur, ne quid ei mali in via accideret, cū lachrymis apud virum conqueri cœpit: quòd bacillum senectutis vtriusque abstulisset:

vtinam

vtinam pecunia illa nunquam fuisset, quā
facilius caruissent, quā filio, cuius aspe-
ctū tanti facerent, vt interim tenuis victus
communis in diuitijs numeraretur. Eam
vir Tobias consolari cœpit, certā spe redi-
tus quem polliceretur. Illi cū in viam se
dedissent, de Raphaëlis cōsilio ad Rague-
lem Tobia propinquum diuerterunt. To-
bia relicto, ipse accepto chirographo cum
quatuor raguelis seruis camelisq; duobus
in vrbem Rages profectus est. Accepta pe-
cunia, quæ illum eò attulerat, gabelum ad
Tobiam in Raguelis domum, in qua eum
esse dixerat, summa voluntate duxit. Eum
cū vidit, cū lachrymis osculatus est, mul-
tisq; verbis patris eius virtutem eleemosi-
nasq; laudauit. Solenne matrimonij, quod
ibi Tobias cū Sarra Raguelis filia cōtra-
xit, de quo paulò pòst dicam, reditum eos
differre coegit. Itaq; parentum quos filij
vnici atq; eiussmodi desiderij teneret, do-
lor non solum renouari, sed augeri etiam
cœpit. Anna mater, miserat se ac virum di-
cere, quod eum qui senectutis ipsorum ba-
cillum esset, solatium vitæ, spes posterita-
tis, misissent, neq; debuissent, cum in eo
ipsi omnia ponerent. Eam vir tacere iube-
bat,

bat, quodd saluus & incolumis rediturus esset: quam in spem se adduci dicebat fide eius viri, qui se ei comitē itineris praeuisset. At illa cum nulla ex parte filij desiderium ferre posset, quotidie circumspiciebat & circuncursabit ijs vijs omnibus, quibus redeundi spes videbatur, vt procul, si fieri posset, venientem videret. In eo officio cum esset, tandem aliquando ex montis cacumine illo viso atq; cognito, reditum eius viro nuntiauit: quod etiam canis quem ille duxerat, praecurrens confirmauit. Pater etsi tum vt mox dicam, caecus erat, tamen sibi imperare non potuit, quin puero manu data, obuiam filio curreret. Eum cum amplexatus esset, obortis vtriq; praegaudio lachrymis, osculatus est: actisque Deo gratijs, confederunt. Restat vt de eius in tribules humanitate ac misericordia disseram. Cum in Deum ita animatus esset, vt dixi, illius benignitate a Salmanasar rege tantam gratiam inijt, vt per eum ipsi quocunq; vellet proficisci, & quicquid vellet, facere liceret. Hac potestate non ad quaestum, aut flagitia abusus est, sed eam ad tribulium salutem conferebat. Itaq; eis monita & consilia salutis dabat. Mortuo

T Salman-

Salmanasar, cū Sennacherib eius filius imperio accepto, filios Israël inuisos haberet: ipse ad cognatos & tribules omnes adiens eos consolabatur, eisq; pro facultatibus suis subueniebat, esuriētes alebat, nudis vestes dabat, mortuos atq; eos qui interfecti erant, sepeliebat. Deniq; cū Sennacherib accepta clade ob sua in deū male dicta, de qua in vita Ezechiae diximus, fuga in regnū salute quæsita, iracundia aut furore potius incitatus multos filios Israël interficeret, hic eorum corpora mandabat sepulturæ. Quod eius tā sanctū factū adeo ille acerbè tulit, vt ob eā causam eū interficere vellet. Tobias autem quoniā virtutis suæ causa & nomine multis charus erat, facile illius furorem delitescendo declinauit. Quanta hæc illius uirtus fuisse existimari debet, quam odio etiā regis proposito, coluit? Sennacherib qui uiuus tantæ virtutis officium morte sola retardare potuisset, mortu⁹ interfectusq; quadragesimo quinto die post à pueris, pristinū ei restituit. Itaque cū prandium die festo Domini dare volens tribulibus ac propinquis suis, misisset filium, qui illos inuitaret, atq; ille reuersus mortuū in via iacere nūtiasset: ipse

furgens à mensa, ieiunus, clam domū suam
cadauer portauit, cum sol occidisset sepe-
lirēt. Cum illud domi occultasset, tum de-
niq; cū lachrymis comedit. Vicini ac pro-
pinqui eum accusabant, & obiurgabant,
quòd id etiam perficeret, cuius causa iam
interfici iussus esset, vixq; mortē effugis-
set: at ipse metum Dei & officium corū ob-
iurgatiōibus anteponebat. Quam verò &
studiose & cerebrò, & diu officiū illud se-
queretur, hinc perspicui licet, quòd aliquā-
do ita defessus fuit hoc munere sepeliēdi,
vt domum rediens, ad parietem se iactans
obdormisceret. Quo quidem tempore e-
ius singularis eximiāq; patientiā posteris
documentū Deus dare voluit. Nā cū pōst
tam egregia sanctaq; facinora in dormien-
tis oculos calidis stercorebus ex nido hirū
dinis decidentibus, cecus effectus esset, nō
tamē aut in deū murmurauit, aut vicinorū
atq; propinquorū, vbi spes eius esset elee-
mosynarū atq; sepulturarū quærentium,
contumelijs & irrisiōibus à metu Dei ab-
duci potuit: sed & hunc retinuit, grātiās
ei agens, & illos monuit, ne ita loqueren-
tur, propterea quòd sanctorum filij es-
sent omnes, vitamque hanc esse solam
sui

non putarent, sed eam expectarent, quam Deus ijs daturus esset, qui nunquam à sua in ipsum fide alienari abduciq; potuissēt. Qua sua oratione declarauit, bonos non huius vitæ, sed futuræ præsidiorum commodorumq; spe adductos, virtuté colere oportere. Nec verò externos solos habuit officiorum suorum superiorum ob cæcitate incommodum irrisores, sed etiam domesticos. Anna enim ei' vxor cū textrino opere quotidie ea, quæ ad victum communem pertinebant, pararet, & aliquādo hæc dum præter mercedem acceptum domum intulisset, atq; ipse eius balantis voce exaudita, veritus, ne furtiuus esset, reddi si ita esset domino iussisset, quòd ipsis ex furto quicquam edere non liceret, aut contingere: illa irata ei respōdit, perspicuè cōstare, inanes spes ipsius esse, eleemosynasq; eiusdem iā perspicī ac videri, alijsq; verbis virtutis officia, vt probra ei obijciebat. Ipse qui grauius & acerbius hæc mulieris, quàm exterorum probra contumeliasq; ferret, cæcitatemq; sibi meritò pro suis & maiorū peccatis à Deo datam recordaretur: his auditis ingemuit, cœpitq; Deum cum lachrymis precari. Deū iustū esse dicebat, eiusq;

NON IUSTA

iusta iudicia omnia, & vias eius misericordiam ac veritatem: rogabatq; eum, vt sui meminisset, neq; ultionem suppliciumq; de peccatis suis sumeret, neque scelera sua aut parentum recordaretur. Hoc præterea addebat, quòd ipse & maiores populi Israelitici præceptis eius non paruissent, idcirco omnes direptione bonorum, captiuitate corporum, probriisq; omnium nationũ & morte mulctari. Sed tamen petere se ab eo, cuius magna iudicia essent, quòd præceptis ipsius non obediuissent, vt in se prò voluntate ipsius se gereret, iuberetq; spiritum suum in pace recipi, quòd mori mallet, quàm ita viuere. Auditas suas preces à deo putabat. Itaq; tum filio ea bene viuendi præcepta, quæ paulò antè cõmemorauit, tradidit. Sed deus aliter atque sperabat, preces eius audiuit. Nam & aspectũ ei pristinum restituit, & filio vxorem optimam & lectissimam dedit: quibus duobus non solum dolor aspectus, quẽ amiserat depulsus est, sed gaudiũ etiam maximum pro dolore ac mœrore successit. Hæc duo cõiunctè, quoniam cohærent, exponam. Ac primum de cæcitatis curatione dicã. Raphael dei angelo, vt paulo antè dixi, cõmite,

ac duce itineris ob argentum à Gabelo accipiendum, Tobias filius vsus est. In via cum ad Tigrim fluuium primum diuersorium acceperant, Tobiasq; in eo pedes ablueret, piscis ingens ad eum accessit, quē cum primum animaduertisset, timore perterritus clamare coeperat, Raphaēlq; dicere se ab eo inuadi: cum Raphael illum, vt eum manu per branchiam arreptum ad terram extraheret, monuit: extractum exossaret, atq; eius cor, fel & iecur sibi ad medicinam reseruaret. Cum Tobias eū rogaret, vt quibus morbis illa mederetur, indicaret: tum quidē respondit vniuersē, si fel oculis ex albugine laborantibus adhiberet, fore, vt curaretur. Cum autē accepto argento cuius causa profecti erant, reuenterentur, de patris cæcitatem nominatim & apertē loquutus est, eumq; monuit, vt cum illū veneratus & osculat⁹ esset, felle illo eius oculos liniret: Sic enim fore, vt & statim aperirentur oculi, & pater illius aspectu gauderet. Quod quidē res ipsa declarauit. Perfusis enim vnctisq; felle patris oculis, cum dimidiatæ ferè horæ interuallo adhæsisset, ex eius oculis albugo membranae oui instar egredi coepit, quam arreptā filius extraxit,

atq;

aq; ita demū patri aspectus pristinus resti-
tutus est. Hinc pater ipse, vxor, Tobias fi-
lius, omnesq; quibus notus erat, Deo glo-
riam laudemq; tribuerunt: pater autē prae-
terea ei, quod ipsum & castigasset, & curas-
set, maximas egit gratias. Atq; hęc de cæ-
citatis curatione. Roganti ergo Tobie Ra-
phaelem, id quod iam cœperā dicere, vt in-
dicaret vim earum piscis particularū, quas
medicinæ causa eius admonitu reseruaret,
ipse dixerat, si cordis particulam in prunis
poneret, fumū eius eam vim habere, vt om-
ne genus dæmoniorū siue ex viro, siue ex
muliere ita expelleret, vt nūquā eis postea
adit³ pateret. Cū autē in via ex eodē, vbi
ea nocte diuersaretur, quæreretur, idē respō-
dit esse ibi Raguelē eius propinquum &
tribulem, cui filia esset Sarra nomin., nul-
liq; alij liberis: hanc ipsum coniugem acci-
pere oportere, quā si peteret, facilē à patre
eius impetraret. Afferebat Tobias, se audi-
tione accepisse eā nuptui traditā esse septē
viris, qui essent mortui, eosq; vt ipse audi-
uisset, à dēmonio interfectos fuisse: qua re
tam tristi & acerba ab illius coniugio deter-
reretur. Cū Raphael id cur id euenisset,
quæq; sancta, & infauista cōiugia essent, ita

ret, & comprecarētur Deum tribus primis noctibus, quibus exactis in suo coniugio viuerēt, quod cū filij sanctorum ēssent, non possēt coniungi more ritūq; Gentiū; quæ Deum ignorarent. Illa consiliū quod vir dabat, sequuta surgit: surgit Tobias, vterq; Deum comprecatur: Tobias quidem hoc modo, Domine Deus patrum nostrorum, laudent te cœli & terræ, mareq; ac fontes, & flumina, eaq; omnia quæ effecisti, & illis cōtinētur. Tu Adam ex humo terræ finxisti, eiq; Eūam auxiliij causa dedisti. Scis, Domine, non libidinis causa me propinquam meam coniugē accipere, sed sola spe ductum causaq; posteritatis procreandæ, qua nomen tuum in perpetuum laudetur. Sarra autem hæc verba orans pronuntiabat, Miserere nostri, Domine, miserere nostri, vt pariter valentes consenesamus. Raguel qui idē Tobia accidisse putaret, quod superiorib⁹ generis suis septem accidisset, ea noctis hora qua galli manē canere solent, accersitos seruos suos secū fodiendi sepulchri causa duxerat. Itaq; cū rediisset, Annam vxorem monuit, vt ancillarum vnam mitteret, quæ sciret nū esset mortuus, vt si esset, ante lucē sepeliretur.

Cum ancilla rediens eos saluos & incolumēs in lecto dormire nuntiaſſet: tū vterq; deum laudare cœpit, gratiaſq; agere, quod non ita vt putaſſent, contigiffet, boniſq; ſe affeciſſet; excluſo inimico & aduerſario eumq; rogārūt vt duobus, quos ſolos ſeruafſet, eam mentem daret, vt illi eum laudarent in omni vita ſua, quod facilius Gentes omnes eum Deum ſolum in terra eſſe cognoſcerent. Hinc ſoſa compleri iuſa eſt: conuiuium lautum, vt illis temporibus & locis, apparatus. Raguel autē Tobiam ſemiſſis poſſeſſorem quādiu viueret, eſſe voluit: cum mortuus eſſet, aſſis heredem inſtituit. Coëgit idē Tobia manere apud ſe quindecim dies, cū impetrare ab eo minimè potuiſſet, vt domiciliū rerum ſuarum illic collocaret, etiam ſi id ſe Tobie patri quamprimū ſignificaturum eſſe ſpōndiſſet. Iis tranſiſtis, cū Raguel dimidiam partem opum atq; facultatum cuiuſuiſ generis tradidiſſet, filiamq; oſculatus, eis bene precatus eſſet, ipſe cum Raphael angelo, qui ſe Azaria nominauerat, & familia in patriam ſe recepit. Sarra autē & familia omnis ſextimo tātū die, quā ipſe veniſſet, quoniam ei parentum cauſa

Raphael

Raphael properadum censuisset, domum peruenit. Filius quidem aduentu suo maximum & parentibus & amicis & propinquis gaudium attulit: sed vxor, & reliqua familia cum opibus tantū addidit ad superius, vt septem dies consumpti sint in epulis ac cōuiuijs, lætitiæ indicibus. His ita gestis omnibus, Tobias pater filium ad se accersit: ex eo quærit, quam satis dignam mercedem Azariæ (sic enim se appellari Raphael dixerat) dare possent. Filius cōmemoratis illius in se ac patrem officijs & beneficijs, comitatu itineris, qui salutis fuisset, sui à pisce & demonio liberatione, vxoris eiusmodi adeptione, patris aspectus restitutione, tot tantorumq; bonorum procuratione: nulla quidem re se atq; ipsum gratiam referre posse respondit, sed tamē petere se maiorem in modum, vt illū rogaret, vel dimidiam partem eorum omnium quæ attulisset, acciperet. Quod cū placuisset patri, accersitur, ei dimidia pars cōstituta defertur: tum deniq; Raphael quis esset, & cur missus esset, quidq; eos facere oporteret, exposuit. Primum eos monuit, vt Deum cœli laudarent, eiq; in conspectu omnium mortalium gloriam tribuerent,

rent, gratiasq; agerent, qui eos bonis affec-
cisset. Deinde orationē & ieiunium magna
preclaraq; bona esse dixit: satiusq; esse ele-
mosynam, id est, ea quę egentibus dantur,
quàm thesauros recondere: propterea q̃
eleemosyna à morte liberet, purgetq; pec-
cata, & misericordiam vitamq; æternam pa-
riat, qui autem peccent, eos esse animæ sue
hostes. Tum se Raphaelē angelum vnū
esse dixit septem eorum, qui domino præ-
stō sint. Se cū Tobias pater oraret cū lac-
chrymis, sepeliret mortuos, relicto prædio
mortuos occultaret, noctu sepeliret, deo
eius preces obtulisse. Quodq; deo gratus
acceptusq; esset, eum necesse fuisse aduer-
sis rebus probari. Se missū esse à domino
illius curandi causa, & Sarræ filij eius vxor-
is à dæmonio liberandæ. Cū perterriti
proni in terram cecidissent, pace data, eos
bono animo, depulso metu, esse iussit, di-
xitq; se quādiu cum ipsis fuisset, iussu dei,
cui gratias agerent, fuisse visum esse come-
dere ac bibere, sed cibo & potu qui videri
non potest, vti. Tempus esse, vt iam ipse re-
uerteretur ad eum quo missus esset: ipsi au-
tem Deum laudibus afficerēt, mirabiliaq;
eius opera & facta nuntiarent. Cū pero-
rasset,

rafset, ipse aspectui eorū ademptus est: illi in terram proni cadentes, prostratiq; tres horas, deum laudarunt, eiq; egerunt gratias: surgentes eius mirabilia opera narra-
runt. Priuatim etiam Tobias pater deum multis verbis laudauit ipse & ad eum lau-
dandum filios Israelis hortatus est, quod sit rerum omnium prepotens, quod eos & propter scelera sua disperfit, & pro miseri-
cordia sua esset liberaturus. Aspectum au-
tem, quem annum agens sextum & quin-
quagesimū amiserat, sexagesimo recepit:
vixit postea in gaudio quadraginta duos
annos, progressum faciens in dei metu,
qui comes est virtutum omnium: viditq;
nepotum suorum filios. Anno centesimo
secundo, qui postremus eius vitæ fuit, mor-
tem appropinquantem sentiens, filium ac
nepotes accersuit, eisq; & vrbis Niniue in-
teritum, & Hierosolymorum refectionē,
ac restitutionem aduentare prædixit pri-
mum, Gentiumq; ad dei religionē conuer-
sionem: deinde præcepta bene viuendi ea-
dem penè quæ paulò antè exposui, dedit.
Postremò eos monuit, vt cum primū ma-
trem suam in eodē sepulchro, quo ipsum,
sepelissent, illinc abirēt, id est, ex vrbe Ni-
niue,

niue, quòd paulò pòst futura esset ei⁹ euer
sio. Itaq; cum matri iusta persoluisset, cū
vxore, filijs ac nepotib⁹ se ad soceros suos
recepit: completisq; nonaginta nouem an
nis, excessit è vita.

ZOROBABEL DVCIS IVDÆ

Vita.



Orobabel Salathiel filius. Hic
mutata in captiuitate Babylo
nica regni Iudæorū forma, dux
Iudæ, vt ait Aggæus propheta,
fuit post Salathiel patrē secundus, Christi
que speciem gessit. Cum Cyrus Persarum
rex diuino spiritu permotus primo regni
sui anno, qui extremus fuit septuaginta
captiuitatis Babylonice, (tot enim annos
captiuos fore Iudæos Hieremias prophe
ta prædixerat) captiuis excitandi reficien
diq; templi Hierosolymitani fecisset po
testatem, cum multi alij eò se cōtulerunt,
tum Zorobabel, cuius vitam scribimus,
summa voluntate profectus est. Ac primū
quidem septimo mēse, cum omnes Iu
dæi ex locis suis, in quæ remigrauerant, cō
uenissent, aram Deo, in qua ei ex lege Mo
sis sacra facerent, posuerunt. Secundo au
tem an-

tem anno reditus siue liberationis mense secundo, Zorobabel adhibitis sacerdotibus & Levitis, templū reficere cœpit. Fundamenta iam aliqua ex parte iacta erant, cū Iudæorū hostes re cognita, ad eos venerunt rogatū, vt sibi qui Deo immolarent, liceret in partem venire impensarum, quæ ad reficiendum templum essent necessaria. Cū Zorobabel de omniū sententia ostendisset edictū Cyri Iudæos solos comprehendere: tum se illi repulso esse acerbè ferentes, eorū opera, qui apud Cyrū regem multū gratia valebant, facile vt opus quādiu vixit impediretur, impetrarunt. Ita opus intermissum est vsq; ad Darij Histaspis filij tempora: cuius anno secundo Zorobabel, cū trium eius stipatorum custodumq; corporis vnus esset, ab eo vt perficeretur, impetrauit, hoc modo quemadmodum in tertio Esdræ libro scriptū est: Darius cū epulum magistratibus omnibus Mediæ ac Persidis, alijsq; quos ditioris suę provincijs præfecerat, dedisset, illis ab cūtib; se quieti, vt sit, tradiderat. Tres autem adolescentes, in his Zorobabel, quibus corpus suum custodiendum commiserat, dormiente domino, inter se egerunt,

20161g
vt suum

vt suum quisq; verbum argutum, & sapiēs
proponeret, ac cuius dictum sapientia præ
stare constaret, is magna munera à dario
acciperet, magnisq; honorib⁹ afficeretur.
Re inter eos acta, dicta sua scribunt & ob
signant, post puluinū dormientis ponunt,
vt cum rex surrexisset, ei traderet. Primus
hoc scripsit, Forte est vinum: Alter, Rex
est fortior: Zorobabel, Fortiores sunt mu
lieres: sed omnia vincit veritas. Surgenti
suum quisq; dictum & sententiam offert:
cum legisset, conuocat magistratus omnes
atq; præfectos prouinciarum. Ijs presenti
bus recitantur: adolescentes accersiri pla
cet, qui causam suam agant, sententiamq;
explicent. Cum venissent, primus vini for
titudinem in eo præstare dicit, quod men
tē captet ac decipiat: facit & vt regis ac pu
illi, serui & liberi, diuitis atque pauperis
vnus sensus sit, vna mens & voluntas: men
tes omniū à cura liberet, atq; hilaritatem
traducat, sic vt nemo tristitiæ, nemo æris
alieni meminerit: diuitijsq; ita animum ex
pleat, vt nec regis, nec magistratus rationē
ducat vllam: talentaq; sint omnia quę quis
que dicit: omnesq; cum poti sunt, nec ami
citæ, nec fraternitatis meminerint, sed
gladios

gladios fumant: cum vinum edormierūt, non veniat eis in mentem, quid egerint. Ex quibus cōcludebat, Vinum rebus omnibus esse anteponendum. Alter ita exorsus est. Cum hominum tantam potentiam videamus, vt terram & mare obtineāt, per spicuum est, regem antecellere, qui in eos ita imperiū habeat, dominatūq; suo illos cohibeat, vt quicquid præcipiat, dicto sint audientes, siue bellum inferēdum sit, siue montes, muri, arces deiiciendæ, siue homines iugulandi. Nec ij solū qui militant sed etiam agricolæ. Tercio loco Zorobabel mulieres, & vino & regi præstare hinc perspicui dixit, quod mulieres regem pepererint, omnemq; populū, qui terra mariq; imperet: eos educauerint, qui vites seuerint, vnde vinū nascatur: hominibus gloriam pariant, nec ab eis abesse disiungi q; possint: homo relinquat parētes, patriam, omnia quæ charissima ducit, & cum muliere coniungatur: cum muliere animum voluntatemq; committat, sic vt nec parentes ei in mentem veniant, nec patria. Atq; his quidem atq; alijs multis quæ lōgum esset enumerare, mulierum præstantiam docebat. Veritatem autē his omnibus præstare,

hinc intelligi dicebat, q̄ eam vniuersus orbis inuocet, ipsum etiā cœlū prædicet, omnia quæ facta sunt, extimescant: quòd cū vinū vitiosum sit, vitiosa mulier, improbus rex, improbi omnes homines, sola vitiosa nō sit veritas: quòd cū illa omnia interitura sint, veritas sola maneat stabilis, cōfirmeturq; semper, viuat, & vigeat: quòd nullius personæ rationē habeat, aut excellentiæ, sed pro sua cuiq; tribuat dignitate: quod deniq; iudiciū eius non sit iniquū, sed fortitudo, regnū, potestas & maiestas omniū seculorū. Cū perorasset, omnes magnam veritatem magno clamore esse dixerunt, eamq; vincere. Itaq; rex potestatem ei fecit petendi, si quid amplius vellet, quàm quæ scripta essent, quod ei daturus esset, pro sapientia quā cæteris præstitisset. Ipse regem tantū rogauit, vt meminisset voti, quod eo die, quo regnum accepisset, nūcupasset, se templū Hierosolymitanum ædificaturum esse. Surgens rex, eum osculatus est, epistolamq; ei dedit ad præfectos omnes, vt eum deducerent, omnesq; qui cum illo Hierosolyma proficiscerentur. Scripsit præterea epistolas præfectis, qui erāt in Syria & Phœnice, & Libano, vt ligna cedri-

cedrina à Libano Hierosolyma ad templi
 ædificium comportanda curarēt, eosq; in
 opere iuuarent quoad perfectum esset.
 De Iudæorum etiam immunitate scripsit,
 & vt ad templi ædificationem viginti ta-
 lenta quotannis dum absolutum esset, da-
 rentur. Acceptis epistolis cū Babylonem
 hæc nuntiatum suis, id est, Iudæis, veniens,
 Hierosolyma versus oculos conuertisset,
 regi cœli egit gratias, acceptamq; victoriā
 tulit, se seruum illius profitens, cui sapien-
 tiam dedisset. Iudæi accepto nuntio libe-
 ræ ædificationis, cum tātis beneficijs mag-
 na lætitia affecti, gratias Deo septē diebus
 egerunt. Quibus transactis, Zorobabel
 vnā cū ingēti suorum multitudine Hie-
 rosolyma profectus, intermissū opus tan-
 ta diligentia curauit, vt quarto anno sit ab-
 solutum.

ANANIAE, AZARIAE, ET

Misaëlis Vita.



Abuchodonosor Rex Babylo-
 nis, quem historici Cambysem
 nominant, captis Hierolymis
 cum captiuos Babylonem Iu-
 dæos duci iussisset, Asphenez præfecto

Spadonum mandatum dederat, vt pueros
 forma præstanti, præditos sapiētia, bonis-
 que artibus eruditos regij generis, ad se di-
 sciplinæ linguæq; Chaldaicæ discēdæ cau-
 sa introduceret. Asphenez delectos in his
 Ananiam, Azariam, Misaëlemq; produxit,
 quibus rex quotidie annonā ex cibis suis
 ac vino constituit, vt tribus annis ita edu-
 cati, ipsi præstò essent. Hi Daniëlis consi-
 lio, qui quartus erat, vsq; à cibis regis se ab-
 stinere decreuerant. Itaq; Daniel de illorū
 sententia cum Asphenez egit vt legumina
 & aquam ipsis tantum præberet: quod cū
 primū se rectè, ac sine periculo facere pos-
 se negaret: deinde concessit, roganti Da-
 nieli, vt decem diebus, num macilentiores
 cæteris regijs pueris fierent, periculum fa-
 ceret. Decimo die cum eos pleniores alijs
 inuenisset deinceps eos instituto suo equi-
 ore animo permisit viuere. Ex quo intelli-
 gi potest, & Dei in illos cum miraculo con-
 iuncta benignitas, & eorum in tali vitæ
 ac victus genere perseueratiā. Nec verò eis
 parsimoniæ munus eiusmodi tantum con-
 cessit Deus, sed prætereà omnium discipli-
 narū scientiā & sapientiā. Itaq; biennio post
 eum in regis conspectū, quemadmodū cō-
 stituerat,

stituerat, producti fuissent, eorum cū summa admiratione sapientiam tantam, quanta in alijs non esset, esse expertus est, omnibusq; sapientibus & ariolis eorum diuinā di artem anteposuit. Quā autē Deo chari essent, eiusq; religionis magnæ vindices & cultores, hinc perspicui licet. nabuchodonosor enim statuam aureā cubitorū sexaginta altitudine, latitudine sex in campo Duza prouinciæ Babylonis à se factam stituerat. Eius ad dedicationem omnes imperij sui magistratus & præfectos, omnemq; populum in certum diem cū conuocasset, præconis voce edixit omnibus, vt audito tubæ aliorumq; instrumentorum musicorum sonitu, cadentes in terram statuam venerarentur: quod si quis veneratus non esset, eodem puncto temporis in fornacem ardentem conijceretur. Atque edictum illud omnium qui aderant, cōsequuta est veneratio. Eo ipse tempore tres hi nec adfuerunt, nec statuę tribuerunt diuinos honores. Itaq; Chaldæi quidam illos apud Regem, vt contemptores edicti regij, Deorumq; eius accusauerunt. Rex quamprimū accersiri iubet: cum venissent, rogare primū eos cœpit, statuamne

301 ANAN. AZA. ET MIS. VITA.
adorassent. Si nō adorassēt, quamprimū
eam audito sonitu venerarentur. Sin mi-
nūs, scirent se cōtinuò cōijciendos in for-
nacē. Deinde ecquis deus eos ex sua manu
eripere posset. Ipsi hoc regi responderūt,
nullum se verbū de ea re facere oportere,
cū ipsos Deus suus, quem colerent pos-
set à fornace ardenti eiusq; potestate libe-
rare. Quòd si nollet, tamen hoc ipse sibi
persuaderet, ipsos deos illius nō esse vene-
rutaros, neq; adoratuos statuam quā ipse
statuisset. Rex responso eorum penē ad in-
faniā adactus, in fornace ignem decuplo
maiores solito excitari, & in eam Ananiā,
Misaelem, Azariamq; vinctis pedib⁹, cum
braccis, tiaris & vestibus conijci iussit. Mi-
rum est quod dicam. Cū flamma ignis for-
nacem quadraginta nouem cubitis supera-
ret, eosq; qui hos sanctos viros in ignem
coniecissent, quā primū vis ignis con-
fecisset, tamen ipsi salui & incolumes atq;
integri in fornace ambulabant: Azariaq;
in medijs flammis stans, Deum vt sibi ac so-
cijs auxilium ferret, vt cū liberati essent,
eum Dominū Deum solū ij qui ipsis mala
darent, esse intelligerent. Vix finem precā
di fecerat, cū angelus Dei descendēs à for-
nace

nace flammâ excussit atq; fugauit, mediâ-
 que fornacē tam lenem & amœnam quàm
 est ventus roris, reddidit, cū flāma erum-
 pens eos omnes qui circūstabant, cōsume-
 ret. Tum hi tres vno ore ijsdemq; verbis
 Deo gratias egerunt, omniaq;, quæ à Deo
 cōdita sunt, singillatim ac generatim, vt ei
 laudem tribuerent, hortati sunt. Nabucho-
 donosor cum hæc eminus consideraret,
 obstupuit: surgensq; propterea, optimates
 suos interrogauit, an non tres tantum in
 fornacem vincti coniecti essent: cum tres
 respondiſſēt, tū se quatuor viros solutos,
 & ambulātes in medio igne dixit cernere,
 quorū quartus filio Dei similis esset, acce-
 densq; ad fornacis ignis ardentis ostium,
 tres illos euocauit, egressiq; sunt salui & in-
 columes, cum maxima omniū admiratiōe,
 quòd vim nullam ignis in eorū corpora,
 capillos, vestesq; habuisset, neque odor ig-
 nis in eis resediſſet. Tantā omniū admira-
 tionem hæc regis vox Deū laudantis cōse-
 cuta est: Benedictus Deus eorum, qui mi-
 ſit angelum suū, & seruos suos, qui ipsi cre-
 dunt, liberauit: tradideruntq; corpora sua
 ne colerent adorarentq; Deum alium, nisi
 Deum suum. Hinc edictum fecit, si quis

populus, tribus, lingua in Deum illorum maledicta iecisset, disperiret cuiusque domus euerteretur, quod nullum esse Deum diceret, qui ita posset suos liberare. Postremo eos ad honores in regno Babylonis euexit.

MATHATHIAE SACERDOTIS Vita.



Athathias Ioannis filius, sacerdos quinque filios habuit, Ioannem Gaddis, Simonem Thasi, Iudam Machabæum, Eleazarum A baron, & Ionatham Apphum. Is, cum Antiochus Antiochi, qui Romæ obses fuit, filius, Hierosolymis templum Dei violasset, statuto in ara simulachro, arisque in Iudæa positus, in quibus Gentium ritu Iudæi metu coacti, sacra faciebant & immolabant, ex vrbe cum filiis in oppidum Modin nomine, vitandæ tam nefariæ rei causâ migravit. Eò simulatque venisset, tam flagitio si sceleris recordatione, cum miserum se esse diceret, cuius temporibus hæc mala incidissent, cilicijs atque faccis una cum filiis amictus casum & vicem religionis dolebat. Antiochus negotium multis dederat, ut omnes sacra facere dijs, & à sua lege discedere

re cogerent. Cum in urbem Modin nonnulli eorum venientes, edictū regis exposuissent, cui morte proposita parendum esset, multi quidem Israelis filiorum, ea quæ edictum loquebatur, approbabant atque faciebant: Mathathias autem cum liberis constanter in ijs, quæ Dei religio ferebat, permanebat. In quo magnum posteris ad imitandum documentum dedit. Nā cum ad eum venientes Antiochi legati, exposuissent edictum, cui si obtemperaret ipse, qui princeps esset eius ciuitatis, quæ admodum Gentes ei parerent, magnis honoribus cū filiis à rege augeretur, habereturq; in illius amicis: respondit magna voce, si vniuersæ Gentes Antiocho regi obedi-rēt, repudiatis suis ac maiorū legibus & institutis, se tamē ac filios & fratres suos legi maiorum suorum esse obtemperaturos. Neq; enim sibi atq; illis expedire, violatis legis Dei præceptis, alia via incedere. Quo etiam tempore magnum suū in Deū eiusq; legem studium, daclarauit. Cū em̄ finem dicendi fecisset, ac Iudæus quidam in conspectu omnium in ara simulachris sacrum faceret, magnū ex eo animo cepit dolorem, summoq; legis studio ductus, di-

stricto gladio & eum qui sacrum faciebat,
& eum qui ab Antiocho missus fuerat, Phi-
nees imitatione interemit, aramque funditus
euerit: voceque dixit maxima, Quos studiū
legis tangeret, ij se sequerentur. Ita reli-
ctis omnibus, quæ in oppido habebat, fu-
git in montes eiusque filij. Quod cum resc-
uissent ij, qui Hierosolymis Antiochi mā-
datum curabant, eductoque eò exercitu in
alios, qui etiam fugerant, incidissent, neque
illi diei sabbati sacrum facere, defendereque
se in prælio, quod nefas esse ducerent, vel-
lent, mallentque mori, atque ita vniuersi de-
leti essent: Mathathias primum eorum in-
teritum acerbè tulit: deinde communicata
re cum amicis, statuit de omnium senten-
tia, si hostes die sabbati præliū inire coge-
rent, esse pugnandum. In hoc suscepto cō-
silio cum essent, Iudæi multi legis studiosi,
qui mala vitabant, cum eo coniuncti sunt,
exercituque ex se comparato omnes, qua-
cunque iter faciebant, scelestos homines par-
tim interfecerunt, partim aliò migrare coe-
gerunt. Tum verò Mathathias cum ami-
cis aras deorum diruit, pueris qui circun-
cisi non erant, ex lege præputium amputa-
uit. Atque hæc in vita, quandiu potuit, per-
fecit

fecit omnia. Appropinquante autē morte, cū intelligeret sibi hinc breui esse discedendum, cōuocauit liberos, eosq; ad legis studium, & patientiam, vt gloriam sempiternam consequerentur, omnium, qui superioribus temporibus earum virtutum laude excelluerunt, exemplo hortatus est. Simonem pro se reliquit, cuius consilijs niterentur: Iudam, quo in bello duce vterentur. Centesimo autem & quadragesimo sexto ætatis anno mortuus est.

IUDAE MACHABAEI, MATHATHIAE FILII,

Vita.



Iudæ Machabæi Mathathiæ sacerdotis filij res scribo, quas pro patrijs legibus, quæ Dei sunt, in bello gessit & plurimas, & clarissimas, & plenissimas admirationis. Bellum primum, quod quidem admiratione dignum sit, gessit cum Serone exercitus Syriæ imperatore. Is cū ingentibus contractis copijs, cō in Iudam infestum exercitū eduxisset, vt illo victo cū suis magnā sibi gloriā pareret, pauciq; milites multitudine conspecta perterriti, ex Iuda quærerēt, quī fieri posset, vt cū tāta multitu-

multitudine pugnarent: ipse in Deo spem omnem victoriæ ponendam esse respondit, cui non difficilius sit paucis, quàm multis liberare, propterea quòd non in multitudine militum, sed in fortitudine, quæ ab eo è cælo mittitur, posita sit victoria. Hostes quidem infestos in se atq; ipsos venire, cum multitudine & arrogancia, quòd se omnes cum vxoribus ac liberis deleturos esse confidant: sed Deum qui ab ipsis, qui pro suis legibus dimicarèt, staret, illos omnes deleturum esse. Itaq; bono animo essent, neq; timerent. Cùm finem dicendi fecisset, in hostes impetum fecit, fuditq; & fugauit Seonem cū exercitu, fugatos persequutus est: quos cū assecutus esset, octingentos interfecit, cæteri fuga sibi salutem quæsierunt. Hęc tam clara admirationisq; plena victoria Iudæ apud omnes nationes maximā gloriam peperit, apud Antiochū inuidiam & odium, cū acerbè ferret, indignumq; censeret, se tam potentem regē à tam paucis vinci, atq; superari. Itaq; comparato ex omni imperio suo exercitu, cui annuū stipendium, quòd alacriores paratio resq; omnes essent, numerauit: Lysia regij generis homini dimidiam partem dedit, cuius

cuius quantum necesse esse videret, cum alias in regiones, tum in Iudæam eius descendæ causa mitteret: Gorgias Ptolemæum Dorymenis filium, & Nicanorem, ac Gorgiam viros, qui in regis amicis erant potentissimi, delectos cum quadraginta peditum, equitum septem millibus eò misit. Eorū aduētus simul atq; Iudas factus est certior, suos non tam ijs armis instruxit, verbisq; hortat⁹ est, quibus suos homines solent, q̄ diuinis, quæ certā victoriā pollicetur. Nam cum eos cōuocasset, ostendit illis primum hostium eò furorem spectare, vt Gentem Iudæorum sanctāq; omnia delerent. Deinde quòd ipsi per se tot armatorum millibus obsistere non possent, à Deo cuius in potestate sit bellum & victoriā, petendum esse auxilium, precibus, ieiunio, animi abiectione. Quod cum eis persuasisset, ieiunium eo die seruauerunt, cilicijsq; amicti & capitibus cinerem aspergentes, adhibitis Nazaræis Deū cōprecati sunt, vt sibi auxilium ferret, qui tantæ multitudini non possēt resistere. His ita gestis, Iudas quasi melioris spei ac fiduciæ plenus, duces, tribunos, cēturiones, aliosq; delegit, omnesq; vt parati essent pugnare fortiter cum hosti-

hostibus, qui patriam, patriaq; instituta & sacra delere statuissent, hortatus est. Quæ mala ne ipsi viderent, præstare mortem optetere dicebat. Ne timerent illorum multitudinem, aut impetum reformidarent, sed recordarétur in animis suis, quæadmodum maiores sui in mari rubro, eos Pharaone cū maximo exercitu persequente, esset liberati. Itaq; è cælo auxilium à Deo cum clamore peteret, qui eorum misereretur, fœderisq; quod cum maioribus fecisset, recordatione, exercitum quem viderent eo die deleturus esset, ut intelligerét Gentes esse, qui Israël liberet. Cum Iuda erant tantum tria millia hominum, qui relictis castris in patentes campos descenderant. Gorgias autem cū in castra eorum noctu suos id est, quinque millia peditum & mille equites delectos duxisset, eos fugisse in montes ratus eò contendit. Manè, cū in campo apparuissent, signo pugnae dato congressi sunt, fusiq; illi se in campum receperunt. At Iudas fugientes persequutus, cū novissimos assecutus esset, tria millia deleuit. Cū suos aliquandiu continuisset, postea ad spolia in castra eos duxit, quibus potiti multis & amplis, misericor-

fericordiam benignitatemq; Dei magnis
 laudibus extulerūt. Anno vertente Lyſias
 peditum ſexaginta millia, equitū quinq;
 cōparauit, quibus Iudas decem tantū mil-
 lia oppoſuit. Numerus hoſtium quoniam
 multo maior erat, rursus à Deo opem im-
 plorauit, pro ipſius in maiores in ſimili re
 benignitate. Neq; fruſtrà ſe imploraſſe ſen-
 ſit. Nam cū tot eſſent hoſtes, cōſertis ma-
 nibus, quinq; millia ceciderunt, cæteri fu-
 gati. Lyſias qui ſuorū fugam cōſyderaret,
 Iudeorumq; audaciam eiufmodi, vt mori
 fortiter vel vincere in eodē ponerent: An-
 tiochiā ſibi eūdem nouorum militum de-
 ligendorū cauſa cenſuit. Quod cū Iudas
 reſciuiſſet, ſuos monuit, vt quoniam fuſi
 victiq; erant hoſtes, Hieroſolyma expiatū
 res ſacras, quæ à Gentibus violatæ cōtamī-
 natæque eſſent, proficiſcerentur. Eò cū
 veniſſent, omniaq; violata contemplaren-
 tur, dolorem quem ex eo magnum ani-
 miſ caperent, extrà lachrymis, clamore,
 cineris aſperſione, corporum in terram
 abiectiōne teſtati ſunt. Iudas autem qui
 vereretur, ne in expiationis officio occu-
 patos armati, qui in arce Sion erant, op-
 primerent, præſidium diſponit. Cū om-
 nia in

omnia in templo ad pristinam religiōem sanctitatemq; reuocata essent, dedicatio-
nis aræ dies festus sacris ex lege perficien-
dis summo cum omnium gaudio actus &
celebratus est: diemq; festum anniuersa-
riū eius rei memoriæ causa quotannis eo-
dem die, id est, septimo Calendas Decem-
bris, per octo dies agendū celebrandum-
que Iudas de fratrum suorū sententia sta-
tuit. Hæc cū Barbaris, id est Gentibus
essent nūtiata, Galaditanos & Galilæos de-
lere statuebant, cū ab illis duobus popu-
lis, eodem penè pūcto temporis ad Iudam
legati petitem auxilium venerūt. Iudas re-
cum fratribus cōmunicata, ferendum eis
auxilium ita de illorum sententiā censuit,
vt Simon cum tribus millibus in Galilæā,
ipse & Ionathas frater cū octo millibus Ga-
laad proficisceretur. Iudas & Ionathas cū
Iordane traiecto multos ex fratribus cap-
tos, ductosq; in certa oppida Galatidis mū-
nitissima accepissent, eò contenderūt, pri-
mumq; Bosor ceperunt: deinde cætera, in-
terfecerūt mares omnes: spolijsq; opimis
referti redibant, cū Timotheum ducem
hostium, qui paulò antè cæsis octo ex suis
millibus euaserat, comparato nouo exer-
citu,

citu, castra locasse trans torrentem ad Raphon audiunt. Infestum ergo exercitum in eos ducentes, alios interemerunt, alios fuderunt ac fugarunt: fugatos cum in sanum Carnaimanum confugissent, vrbe capta, & sanum subdito igne exusserunt, & eos qui in illud confugerant. Antiocho rege mortuo, interfectoq; eius filio Antiocho Eupatore cum Lysia à Demetrii exercitu, cùm ad ipsum Demetrium impij quidam homines Iudæi, & Alcimus dux eorum, questum iniurias, quas sibi à Iuda inferri dicerent, venissent, eorumq; rogatu rex Bacchidem, cuius in fide & amicitia multum ponebat, & Alcimum ipsum cui quasi sceleris præmium sacerdotium mandauerat, cum ingenti exercitu in Iudæam, vt iniurias vlcisceretur, misisset: Alcimus, qui se ac suos Iudæ impares animaduertetet, tandem aliquando ad Demetrium redire coactus est, Iudæq; ac illius socijs apud eum multa crimina obiecit. Rex credulus Nicanorem quendam quo multum utebatur, & qui cum Iudæis inimicitias gerebat, cum magno exercitu delendi populi causa misit. Is Hierosolyma ingressus ad Iudam & fratres eius misit, qui diceret,

X ipsum

ipsum ad eos cum paucis verbo quidē de pace esse venturum, sed reuerā de illis cōprehendēdis cogitabat. Iudas qui eius nefarij consilij ignarus esset, illi significauit, licere venire quādo vellet. Venit nicanor: inter inter se consalutarunt, paratis qui Iudā caperent. Iudas cognitis insidijs, illum iam videre noluit, ex quo facilē intellexit Nicanor, Iudæ patefactum esse consilium suū. Cū ex insidijs ac dolo se eū vincere posse diffideret, palām & apertē, id est, belli artibus inuadendū esse decreuit. Eduxit ergo in eū infestū exercitū, sed cū man⁹ conseruissent, quinque millia suorum amiserit, ipse cū cæteris Hierosolyma in arcem Sion ex fuga se recepit. Ad eum sacerdotes quidā venerant, vt illi ea monstrarent quæ pro rege offerebātur: sed eos irrisit & cōtempnit, multaq; arrogantiæ plena loquutus est, ac iurauit, nisi Iudā eiusq; exercitū sibi traderet, cū redisset, se incensurū esse templū. Erant tantū Iudæ tria millia. Itaque cū Nicanoris exercitum videret, ad notum sibi præsidium, id est, ad Deum confugit. Rogabat eum, vt qui Sennacherib regis cōiucia & maledicta grauia in ipsum iacentis centū & octoginta quinque millia dele-

delcuiſſet, ipſe illo die nicanoris copias de
 leret, vt cæteri eum impiè loquutum eſſe
 intelligerent. Cum hac oratiõe plenus ala
 critatis & fiducia ſe dat in præliũ: atrox &
 cruenta pugna cõmittitur, ac primus om
 nium Nicanor Dei contẽptor interficitur:
 quod cùm exercitus cognouiſſet, fugit. Iu
 das autẽ eũ perſequutus cũ ſuis tãtam ſtra
 gem fecit, vt ne vnus quidẽ pugnae ſuper
 fuerit, qui ſuis cladẽ nuntiaret. In ſecũdo
 Machabæorũ libro, quo etiam hæc pugna
 paulò ſecus ac pluribus narratur, ſcriptum
 eſt, Iudã cum ſomniũ fide dignũ, quod no
 cte viderat, ſuis expoſuiſſet, multò alacrio
 res paratioresq; ad pugnandũ reddidiſſe.
 Dicebat ſibi per quietẽ viſum eſſe primò
 Oniã, qui paulò antè pontifex fuiſſet, virũ
 bonum & benignũ, qui tendens in cœlum
 manus pro cuncto Iudæorũ populo roga
 ret: deinde alterum ætate & gloria mirabi
 li, propter eum ſtantem, de quo hæc ipſe,
 id eſt Onias, dixiſſet: Hic eſt fratrum ama
 tor & populi Iſraël: hic eſt qui multũ orat
 pro populo & vniuerſa ſancta ciuitate, Hie
 remias Dei propheta. Quibus ex verbis
 hæc duo intelligere debem⁹, & ſpirit⁹ poſt
 mortẽ redire, & ſanctos qui nũc cum Deo

viuāt in cœlo, orare pro viuis, cū Onias & Hieremias, qui mortui cœli gloriam nō dum adepti erant, pro Iudæis Deum roga-uerint. Eodem etiam in libro eiusmodi à Iuda exemplum proditum scriptum est, ex quo sacrificia, quæ à viuis pro mortuis Deo offerātur, eis prodesse intelligi licet. Scriptum est enim, cū nonnulli Iudæi cōtra leges ex donarijs simulacrorum aliquid cepissent, & in pugna, quæ cum Gorgia aut Timotheo commissa est, interfecti, sacram prædam habere inuenti essent, Iudā, qui illos scelus admisisse ac supplicij causa omnium consensu interēptos esse iudicaret, drachmarum argenti duodecim millia, quæ omnes cōtulissent, misisse Hierosolyma, vt ex ijs pro peccatis mortuorū Deo offerretur sacrificium, cū Iudæi qui aderant omnes Deum in commune vt eis ignosceret, rogauissent. Sed vt ad propositum reuertamur, Iudas dux clarissimus, qui tam grauius bella gesserat, toties de Dei patriæq; hostibus triumphum egerat, tam multos cum paucis fuderat & fugauerat, fusos fugatosq; interfecerat & vicerat, desertus à suis in bello, fortiter pugnans occisus est. Nam cū Demetrius rex

acce-

accepto Nicanoris atque exercitus mortis
 nuntio, Bacchidem & Alcimum cum dex-
 tro cornu in supplemētum misisset, Iudas
 qui ad Laifam castra locauerat, cū ex tri-
 bus millibus, quæ sola habebat, duo mil-
 lia & ducenti hostium multitudine perter-
 riti, (erant autem viginti millia) dicefsif-
 sent, tum cū bellum perurgeret, acerbè
 ille quidem & molestè se in eas difficulta-
 tes deductum esse tulit; sed tamē ipse qui
 nunquam fugisset, sibiq; ob oculos tā cla-
 ras victorias poneret, reliquis fugiendum
 esse comparandi exercitus causā suadenti-
 bus, ac tum demum pugnandum sine peri-
 culo, non credidit, potiusq; eis persuasit
 moriendum esse fortiter in bello pro fra-
 tribus, quàm turpiter fugiendo, gloriam,
 quam maximam peperissent, obscurandā.
 Itaq; signo pugnae dato, cum vtraq; ex par-
 te magnus clamor sublatus esset, manus
 cōferendas, quoniam necesse erat, cēsuit.
 Atrox diuturnaq; pugna à prima luce ad
 vesperum fuit. Iudas autem cū dextrum
 cornu, cui Bacchides præerat, firmius for-
 tiusq; esse animaduerneret, eò cum ijs om-
 nibus qui firmo stabiliq; animo erāt con-
 tendit, tanto impetu, vt illos omnes cū

eum sustinere non potuissent, fuderit ac fugarit. Fugatos verò cùm persequeretur, ij qui sinistrum latus tenebāt, eos sequuti sunt: tumq; redintegrato prælio, vtraq; ex patre multi ceciderunt, in his Iudas, vir fortissimo cuiq; duci aut anteponeendus, aut certè æquandus. Eum Iudæi vt liberatorem diu multumq; luxerunt.

ONIAE PONTIFICIS

Vita.



Nias Hierosolymorū pontifex, quo patre aut matre natus sit, non inuenio. Fuit autem magnis virtutibus præditus, nō solum suorum, sed etiam hostium religionis Iudæorum testimonio. Eo pontifice, Seleuco Asiæ rege leges illius diligentia seruabantur, sic vt reges donaria Hierosolyma in templum mitterent. Omnium autem malorum, quæ postea urbem oppresferunt & plurima & grauissima tum priuatim, tum publicè, Simon quidam tribus Benjamin, causa & quasi seminarium fuit. Nam cùm templi esset ædituus, neque posset Onia pontifice ad illud, quod nefariè cogitabat, peruenire, quò faciliùs quod volebat

lebat cōsequeretur, ad Appolonium, quē Seleucus Cœlesyriæ Phœniciq; præfece-
rat, veniens, ei exposuit, ingentē vim pecu-
niæ esse in templo: quæ quoniam ad sacri-
ficia non pertineret, à Rege rectè sumi ac-
cipiq; posset. Rex cū tam opimæ prædæ
factus esset ab Apollonio certior, Heliodo-
rum quendā misit, qui eam pecuniā accipe-
ret. Heliodor⁹ cū venisset constituto die,
eius pecuniæ rapiendæ causa in templū ven-
turus erat, cū sacerdotes omnes habitu
sacerdotali ante aram in terram se proiece-
runt, rogātes Deū, vt tam indignū facinus
impediret: in primisq; Onias pontifex vul-
tu animi dolorē omnibus indicabat. Nec
soli sacerdotes in gemitu & mœrore erāt,
sed omnium ætatum atq; ordinum viri &
mulieres lamentatiōibus, querelis, lachry-
mis, precibus declarabāt animi dolorem,
quem ex sacræ pecuniæ direptione immi-
nente perciperent. In tanto gemitu ciuita-
tis, cū Heliodorus satellitibus stipatus, in
templū ingressus ad ærarium se cōferret,
subitò equus ei visus est, in quo quidam
horribili specie sedebat: equus primū
Heliodorū, quē duo adolescentes antece-
debant, prioribus calcibus petiuit: deinde

adolescentes eum circumstantes, flagris ita
cædere cœperunt, vt repentè in terram ce-
ciderit, ex qua eum magna caligine obdu-
ctum rapientes in sella gestatoria positum
eiecerunt. Iacebat autem extra templum
mutus, neq; ei vlla spes reliqua erat salu-
tis, cum quidam eius amicorū Oniam pon-
tificem rogarūt, vt pro illius salute Deum
suum rogaret, Onias cum pro eius salute
illorum precibus adductus sacrificium ob-
tulisset, statim duo illi adolescētes Helio-
dorum monuerunt, vt & Oniæ, cuius cau-
sa Dominus ei vitam daret, gratias ageret,
& omnibus magna Dei opera numenque
nūtiaret. Heliodorus Deo atq; Oniæ actis
gratijs magnis itineribus ad regem se rece-
pit, eiq; ac cæteris rem, vt gesta erat, ordine
narravit. Quærenti verò regi, quemnam
eius loco rectè Hierosolyma misurus es-
set, respōdit, si quem haberet hostem, aut
qui regnum affectaret, eum illi esse mittē-
dum, quòd eum flagris cæsum esset recep-
turus, si modò cuaderet, proptereà quòd
illic verè Dei numen esset. Simon patrię &
pecuniæ proditor, is quē paulo antè dixi,
illius mali auctorem Oniam proferebat.
Cùm autem eò res partiū studio deducta
esset,

esset, vt quidam Simonis necessarij cades
faceret, Onias qui ne disceptationis & ini-
micitarum malum latius serperet, verere-
tur, neq; videret pacis in vrbe spem vllam
ostendi, regis auctoritate non interposita,
ad eum sibi abeundum censuerat: sed Se-
leuci morte, quæ paulò post interuenit, e-
ius consilium impeditum est. Ei cum in
locum Antiochus is qui, Epiphanes dictus
est, successisset, Iason Oniæ frater pôtifica-
tus honorẽ pecunia adeptus, omnia Gen-
tium instituta & sacra cum summo omniũ
gemitu Hierosolyma inuexit. Quem ma-
gistratum cum triennium gessisset, Mene-
laus Simonis frater, cui pecunias ad regem
perferendas dederat, additis ad eam sum-
mam, quam Iason pēdebat, trecentis argẽ-
ti talentis, eum adeptus est, ac paulò post
Iason, qui Oniam fratrem fraudauerat, ab-
dicato magistratu, exilio sceleris pœnas
luit. Menelaus autem cùm ex templo vasa
quædam aurea rapta Andronico Antiochi
legato donasset, aliaq; multis in ciuitati-
bus vendidisset, ea re comperta Onias illũ
obiurgauerat, quod ille tam grauitè acce-
pit, vt Andronicum ipsum, vt illum inter-
ficeret, rogauerit. Oniam Andronicus ex

insidijs & dolo, cū ad eū amicē venire se
 simularet, interemit. Antiochus autē cum
 redijisset, lachrimas, audita Oniē, sancti cla-
 riq; viri tā indigna morte profudit: ac pri-
 mo quoq; die Andronicum, purpura posi-
 ta, per urbem ignominia causa ductū, eo-
 dem loco, quo Oniam occiderat, interfici
 iussit. Mortuus Onias Iudæ Machabæo,
 quēadmodū in eius vita diximus, per quie-
 tem visus est, cum hieremiā propheta, pro
 populo Deum rogare: quod argumentum
 est, eius ad sedes sanctorum patris migra-
 tionis.

ELEAZARI SCRIBAE

Vita.



Leazarus ab ineunte ætate re-
 ctam viuendi viam sequutus, le-
 gi Dei patrijsq; institutis sem-
 per vsque ad summam senectu-
 tem paruit, nec vnquam vlla in re etiam
 minima ab eis voluit discedere. Id quod
 ex re vna, quæ exempli causa literarum
 monumentis prodita est, facile intelligi
 potest. Antiochus is, qui Epiphanes, id est
 illustris tantū nomine, non etiam rebus
 dictus est, cum Hierosolymis vi & armis
 captis

captis, oppidanisq; intra triduum sine delectu octoginta interfectis, vinctis quadraginta, totidem venditis millibus, duceque Menelao Hierosolymitano, qui pontifex fuerat in templo, quo nullum vnquã fuerat sanctius & augustius, mille & octingentis talentis direptis, Antiochiam rediisset, misit inde in urbem Antiochenum senem quendam, qui omni suppliciorum genere, Iudæos à patriis institutis legibusque maiorũ discedere cogeret, violatoq; Dei templo, & inquinato, ei nomen Iouis Olympij imponeret. In hoc tã misero indignoq; statu ciuitatis, cum nonnulli alij, tum Eleazarus fortiter ac constanter mori maluit mille modis, quàm brevis vsuræ vitæ cupiditate, etiam clàm Dei leges & maiorum instituta violare. Nam cum palam primum & publicè porcinæ carnes ei propositæ essent, quibus vesci, quia per leges nõ licebat, etiam aperto ore nollet, iam ea de causa ad supplicium rapiebatur, cum ij qui aderant eũ remotis arbitris solum rogare cœperunt pro iure amicitiae, quæ illis cum eo vetus erat, vt vel clàm ederet, vt à morte liberaretur. Quæ illorũ eiusmodi preces tãtum abest, vt eum à suscepto proposito

positoque consilio abduxerint, ut ipse eis dixerit, indignā esse etate sua simulationē qua & multi adolescētes, qui Eleazarū nō nagenarium ad Gentiū instituta & mores deflexisse putarent, præsertim cū pauci dies vitę etiam reliqui essent, captarentur, & ipse optimę senectuti suę maculam inureret. Si enim præsens hominum supplicium vescendo vitaret, at certē præpotentis rerum omnium Dei numen, nec viuū se, nec mortuum effugere posse. Itaq; si forter moriens ab hac vita migraret, se dignam superiore vita senectutem egisse visum iri: adolescentibus autem exemplum fortitudinis præclarum esse relicturum, si pro sanctissimis augustissimisque legibus honesta morte defungeretur. Hac eius tantę fortitudinis indice oratione cōcitati ij, qui illi pro iure amicitię hoc consilium, ut vitę consuleret, dabant, quod arrogatię plenam esse ducerent, iniquiores multò quàm antea ei se præbuerunt. Ipse qui se ad certā mortē innocentē rapi videret, cū p'gis interficeretur, ingemuit, Deumq; testem suę innocentię appellauit, ad eū cōuersa oratiōe, qui sciret ipsum cū à morte liberari posset, tamē corpore dura
grauia-

SEPT. FRAT. MACH. VITA. 324
grauiaq; supplicia perferre, quæ propter
metum ipsius æquo animo libenterq; to-
leraret.

SEPTEM FRATRVM MA-
chabæorum, & matris eorum,
vita & mors.



Septem fratrum Machabæorum
morte tam clarum virtutis atq;
fortitudinis exemplum poste-
ris Ecclesia proditum esse iudi-
cavit, vt iam inde à primis religionis no-
stræ temporibus, eorum diem festum quo
tannis Calendis Sextilibus agendum cele-
bradumq; decreuerit, quod nulli eorum,
qui veteri Testamento, quanuis sanctè vi-
xerint, concessum esse cernimus. Ii in lege
Dei à puero educati matris diligentia, quã
altè in animis suis virtus Dei; timor radi-
ces egissent, re ipsa in morte declararunt,
quam cum omni suppliciorum etiam gra-
uissimorum genere coniunctam perpeti,
quàm cum leuissimo peccato violata lege
vivere maluerunt. Antiochus rex, qui Epi-
phanes appellatus est, primùm per suos a-
lios, deinde ipse per se, hos septem fratres
porci-

porcinas carnes cōtra leges comedere cogebat: quod cū se facturos esse constantissimè pernegarent, tū supplicijs eò illos adducere se posse sperabat. Quod quò facilius perficeret, singillatim eis tormenta & quæstiones adhiberi cēsuit oportere, vt si primus constanter mortem perferret, ceteri, qui adessent, suppliciorū grauitate deterriti, edicto obtemperarēt. Sed longè eū fefellit opinio. Nā quod ad reliquorū terrorem valere putauit, id Dei benignitate, eorum virtute matrisq; adhortatione, ad cōstantiam & robur eis profuit. Nam cū primus comprehensus, quæsiuisset à Rege, quid à se, à matre, à fratribus vellet exquirere aut discere, qui mori equo fortiq; animo mallent, quàm violare patrias Dei leges, iratusq; ille quamprimum subditis ignibus sartagine & lebetes feruescere iussisset, in quos ille amputata lingua, & cute capitis detracta, summisq; manibus ac pedibus præcisus ac resectis, cæteris fratribus cum matre spectantibus, iussu eius coniectus est: tantum abest, vt tam atroci indignoq; spectaculo deterriti abductiq; sint à proposito, vt interim se alij alios cohortarentur ad fortiter moriendum his verbis:

Domi-

Dominus Deus veritatis rationē habebit, nosq; consolabitur, quemadmodum Moyses in Cantico suo exposuit, Et in seruis suis consolabitur. Mortuo primo, secundū produxerūt lictores, ex quo cute capitis cū capillis detracta cū quærent, nū vefci vellet, antè quàm toto corpore discerperetur, seq; ille facturum negasset, iisdem supplicijs quibus prior affectus est. In extremo autem spiritu his Regem conuenit, Tu quidem scelestissime, nobis hāc vitā eripis, sed Rex mundi nos, qui pro ipsius legibus interficiamur, in æternæ vitæ resurrectione excitabit. Tertius arreptus cū irrideretur, lingua quā pctebant exerta, manibusq; porrectis, hāc magno animo fiduciæque plenus dixit: Hāc quæ à cœlo habeo, propter Dei leges contemno ac pro nihilo puto, quòd eadem à Deo me recepturū esse sperem. qua fiduciæ tantæ plena oratione magnā Regi, iisdq; qui cum eo erāt, animi sui ac fortitudinis excitauit admirationem, quòd pro nihilo cruciatus putaret. Quartus raptus ad mortem cū pœnis prope exanimatus esset: Præstat, inquit, humana spe relictā, expectare à Deo secundam vitā atq; resurrectionē. Tibi enim

enim spes nulla reliqua est vitę in resurrectione. Quintus inter supplicia, hac usus est ad regē oratione, Pro potestate tu quidem, cū mortalīs sis, facis quod libet: nō lim tamen genus nostrum desertum esse à Deo putes, sed mane paulisper, tumq; magnā Dei vim senties, qua & te & genus tuum excruciat. Sextus appropinquāte iā morte Regē monebat, ne temerē erraret. Nam se quidem ac fratres iure illa tam grauiā supplicia perferre, quōd Dei voluntatem offendissent: se tamen ne putaret impunē laturum esse, quōd cum Deo bellū gerere conatus esset. Septimus erat reliquus, qui idē minimus natus erat omnium. Eum Antiochus qui se contemni arbitraretur, metueretq; ne nihil tormētis supplicijfque proficeret, vitio sibi daretur, nō solum verbis hortabatur, sed etiā iureiurando affirmabat, se, si patria instituta violaret, & opibus aucturum esse & beatum esse cturum, & habiturum in amicis. Quibus promissis cū illū nullo modo eō delabi ac deduci posse intelligeret, matrem accersit, atq; vt filij salutē cōsulat, hortatur. Promittit mater se filio esse suasuram. At illa cum propiūs ad filium accessisset, tyrannū irri-

irridens patrio sermone, sic cum illo est lo-
 quuta: Misere mei, fili, quæ te in aluo no-
 uem menses continui, quæ te lactaui trien-
 nio, & educaui paruulum, quæ te denique
 vsq; ad istam ætatem perduxì. Peto à te, fi-
 li, vt cœlum & terram contempleris, eaq;
 omnia quæ complexu suo continent, tibi-
 quæ veniat in mētem, à Deo ex nihilo hæc
 facta esse omnia, genusq; hominum, cum
 non esset. Tum enim denique carnificem
 istum contemnes, teq; & dignū fratribus
 tuis præstabis morte contempta, & in æter-
 na gloria cum illis recipiam. Nondum ma-
 ter finem dicendi fecerat, cum ille, Quid,
 inquit, expectatis? Regis præcepto non pa-
 reo, sed legi, quæ nobis à mose data est. Tu
 verò omnis in Hebræos mali inuētor, Dei
 numen nō effugies. Nam nos quidem etsi
 hæc pro sceleribus nostris ferētes, Dei ira
 castigamur, tamen iterum cū illo in gratiā
 reducemur. Tu verò ô hominum scelera-
 tissime, noli inani spe efferri, quòd seruis
 Dei scelestas manus afferas: nondum præ-
 potentis rerum omnium Deum & omnia
 cernentis iudicium effugisti. Nam fratres
 mei, qui modo breuē sensum doloris ha-
 buerunt, nunc in æternæ vitæ fœdere com-
 prehen-

prehenduntur. Tu verò Dei iudicio, arrogantiæ tuæ penas propediem lues. Ego igitur quemadmodum etiam fratres mei, pro patrijs legibus me vitamq; meam tormentis mortiq; offero. Rex hac illius oratione ita concitatus est, ut ei se quam fratribus, quod se irrisum spretumq; acerbè ferret, iniquiorem acerbioresq; præbuerit. Postrema beata illorum mater liberorū supplicij ad mortem paratior & quasi exercitior facta, morte mulctata est. Iosephus quidem librum de tam clara matris atque liberorum morte scripsit, & Gregorius

Nanzanzenus orationem, quibus
illi pluribus vniuscuique
in respondendo constantiam explicarunt.

FINIS.

A. 002, 60





